



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES



3 3433 07578584 4


LEDON LIBRARY




Myekink Collection.
Presented in 1878.


100-2-100







Béze
NKI



THEODORI

BEZÆ VEZELII

POEMATA.



**THE NEW YORK
PUBLIC LIBRARY**

**ASTOR, LENOX AND
TILDEN FOUNDATIONS**

R

L



BEZÆ EFFIGIES.

Ficquet sculp

THEODORI

Theodorus

BEZÆ VEZELII

Beza

Verzilius

POEMAT.

Bēze (Théodore de)



LUGDUNI BATAVORUM.

M DCC LVII.

1657



NEW YORK
LIBRARY

Bonbons



LECTORI

BENEVOLO.

THEODORUS Beza Vezelius quis et qualis fuerit, quantumque in promovenda nova Calvinī reformatione fidelis ejusdem assecla ardensque assertor insudarit, nemo ignorat.

Scripsit ille, vir eruditus simul et humanioribus litteris expolitus, Pœmata varia Latīna lingua expressa, non sane invenusta, satisque probata, utpote quæ Poëtarum veterum optimorum lepores non inscite redoleant, Catulli præsertim atque Ovidii, quos sibi præcipue proposuerat imitandos: quæ quidem carmina, cum mores pudicos quandoque minus sapiant,

ij L E C T O R I

Juvenilia quidam inscribere ; tanquam à Beza scilicet juvene nondumque maturo per lasciviam factitata ; cum tamen , in editionibus præsertim recentioribus , plura extent , quæ constat , ipso Beza teste , eundem jam senem factum composuisse.

Poëmatum porro istorum variaz circumferuntur editiones , tresque præ cæteris summo omnium plausu ab orbe litterato comprobataz , hodieque in primam librorum rarissimorum classem referendæ : quarum quidem est antiquissima prima , quæ Parisiis prodiit anno 1548. eodem videlicet , quo annum agens ætatis vigesimum nonum , Beza desertor avitz religionis in castra adversariorum transfuga nunquam rediturus excessit ; emendatissima , ut aiunt , altera , quanquam et ipsa mendis non paucis aspersa , quæ nec anno , nec Typographi nomine apposito , calva humana in fronte insignitur ; istis vero multo auctior tertia , quæ anno 1599. est excusa , et ab ipso

BENEVOLO. iii.

Beza tunc admodum sene forsitan recognita, utpote quæ, cum vario carminum genese locupletata sit, quæ desunt in editionibus anterioribus, pluribus interim careat minus castis, quæ in illis reperiuntur; unde conjectari licet, ab ipso auctore jamtum capulari sene posteriorem hanc forsaa fuisse castigatam.


Ut ut sit, priores illæ editiones cum jam rariores evaserint, omnesque sint minus eleganter expressæ, recentiorem hanc nostram exhibemus tibi, Lector benevole, charta purissima typisque nitidioribus excusam, et ad anteriorem illam præcipue, quæ calvam humanam in fronte præ se fert, summa fide atque diligentia recensitam: quam tamen operæ pretium duximus expurgare mendis, et novis etiam poëmatibus aliquot ex editione tertia desumptis adaugere; ne quid eorum in hac nostra desideraretur, quæ aut elegantiam spectent, aut requirant emendationem.

iv L E C T O R I, &c.

Tu porro , Lector benevole , nostrum
in hoc studium , qualecunque sit , æqui
bonique consulas velim , nostroque in rem
fitterariam amorì pergas bonus indulgere.
Vale.



THEODORI



THEODORI BEZÆ

POEMAT A.

EX SYLVARUM LIBRO.

*DEVOTIO P. Decii Patris, qui se Cos. devovit
pro legionum salute, bello cum Latinis ad Vesperim
gesto. De quo Livius lib. 8. ab Urbe condita.*

SYLVA PRIMA.

JAM Romana acies verti, jam cedere lævo
Cœperat in cornu virtus Romana, nec ullū
Subsidium est, retroque omnis spes lapsa referri:
Cum geminas Decius tendens ad sidera palmas,
Quo ruitis? dixit, quò virtus prisca recessit?
Unde fuga hæc? unde iste timor? vos cedere notis
Höstibus, & toties victis dare terga Latinis?
At moveat jurata fides, sanctique Senatus
Imperium; moveantque foci, moveantque penates.

A

Dixerat; interea premit undique fervidus hostis;
Deserta fugiunt trepidi statione Quirites:

Ille autem intrepidus, Quos Consul sistere voce
Non potui, dixit, revocabo morte: sacraſi

Me dudum hoc Vates monuere, jecurque recisum,
Ergo age sacrorum ô custos, concepta profare

Carmina: Romanis Consul sit victima, nostro
Sanguine quaeratur victoria, sanguine nostro

Placentur sævi Manes, placetur Erynnis.

Mox igitur prætextam armis imponere jussus,
Velatusque caput, mentoque innixus, et imis

Subjecto pedibus telo, imperterritus heros
His se devovit verbis, præſante ministro:

Jane, et tu custos Capitoli Juppiter, audi,
Et gemini Romæ authores, Mavorsque, Quirineque,
Et reliqua in nostris notissima numina fastis;

Vos etiam, ô Manes, Decium hæc audite precantem:
Si qua premit patriam invidia, et nunc vincere Romam

Crimina si qua vetant, tandem deponite, quaeso,
Invidiam, ô Divi; Decius luat omnia solus.

Servetur patria incolumis, pulsoque Latino,

Sublimes ducant Romani ex hoste triumphos.

Interea, Collega, aciem patriamque tuere:

Indubiam ipse fero mortemque fugamque Latinis.

Desierat; faciem lux protinus occupat ingens,

Qualis post noctis tenebras cum Thetide Phœbus

Deserta, illustrat splendenti lumine terras;

S Y L V Æ.

3

Talis hic insiliens in equum sublimis , habenas
Laxat , et in medios volat imperterritus hostes.
Illum fulgentemque armis , cinctuque Gabino ,
Ipse admiratur Vesperis ; miratur et ipse
Juppiter , et lævum tonat : audito omine læti
Prospiciunt Romani omnes , oculisque sequuntur ,
Atque hominē esse negant Deciū. Jam terga Latinus
Vertit , et adventu unius mutata repente
Sors omnis : redeunt acies , animisque receptis ,
Instant victori victi , tandemque feroces
Romanus pellit , Decio moriente , Latinos.



M O R S C I C E R O N I S ,
ex Lib. historiarum Livii C X X. et Viris
Plutarchi , et Valer. Max.

S Y L V A I I.

ERGO ut ventorum rabiem , pelagique furorem
Indomitum aspexit , fatis heu poscitur , inquit ,
Poscitur infœlix Cicero : convertite vela ,
Et me vicinæ moriturum reddite ripæ.
Scilicet has grates gladiis erepta tuorum ,
Patria , persolves ? moriar ; sic numina divūm ,
Sic voluēre dei , servata ut Consul in urbe
Tullius intereat. Nec plura effatus , ab imo
Corde trabēs gemitus memoratæ ad nomina Romæ,

A ij

Imbre oculos, lachrymisque genas implevit obortis;
At licet assiduis exercita turba periclis,
Inviti lachrymas nautæ tenuère, diuque
Obnixi sævos pelagi transcendere fluctus,
Omnia laxârunt iratis carbasa ventis,
Et tandem incolumem statuerunt littore proram.
Descendit mœstus Cicero, multoque labore
Membra trahit confecta senex; simul undique magna
Circunstabat herum servorum turba, periclis
Nec nimium stupefacta suis, nec tempore duro
Pollicitam fractura fidem : pars apparat enses,
Pars domino assistit, cæcæque ambage viarum
Lecticæ impositum ducunt, si fallere sævos
Antonî possint gladios, turbæque sequentis
Evitare minas. Sic ibat Tullius ille,
Tullius ille togæ princeps, magnique Senatus;
Cum procul adventare viros, inimicaque signa
Conspicit, et stricto mortem procul ense minantē
Poppilium, cujus quondam servaverat ipse
Fortunas vitamque rei, cum libera Roma
Olim illum audiret, mirareturque tonantem.
Jam quoque sævus adest, et poscit Herennius hostē.
Quid faciat ? num forte manus protendat inermes,
Aut mercede petat veniam ? num flectere verbis
Defensi quondam conetur militis iras ?
Hæc ætas virtusque vetant, et pectore in alto
Fixus amor patriæ, Romæque cadentis imago,

S Y L V Æ.

5

Vertite , ait , currus ; plenis curratur habenis
 Immeritam in mortem : me pridem nuncia Phœbi
 Poscit avis , cœloque novum conjungere civem
 Juppiter exoptat. Bruti Cassique beatæ
 Vivite vos animæ : quod si non omnia nobis
 Fata nocent , forsân nec nos moriemur inulti.
 Jam vixi mihi , Roma , satis ; me vita vereri
 Acta vetat nigræ damnosa oblivia mortis.
 Occidite : at noscent venturi cuncta nepotes ,
 Æternamque dabunt morienti hæc funera vitam.
 Immo (aut fallor ego , et frustra tibi , Roma , creatus
 Augur eram quondam ,) non semper amica favebit ,
 Antonî , Fortuna tibi , civesque premissos
 Tempus erit victrix à te quo Roma reposeat.
 Me juvet interea speratum invisere cælum.

Desierat , jugulumque parans , immota tenebat
 Ora senex : illum properantem in fata nec ipsi
 Aspiciunt equites læti ; positoque furore ,
 Ut nudum videre caput , canamque senectam ,
 Vix tandem inviti lachrymas tenuère cadentes ,
 Et pene è manibus gladii cecidère cruentis.
 Unus torva gerens truculentus Herennius ora ,
 Degeneres quid statis ? ait ; simul ense superbo
 Colla secatur , nec adhuc satiatur cæde : scelestum
 Adjunxisse scelus sceleri juvat ; ergo disertis
 Ausas Antonî vitam signare tabellis
 Cædit et ipse manus. Morientem vidit ab alto

Invitus cælo Phœbus , piceaque refertur
 Nube caput texisse diu ; flevêre cadentem ,
 Et flebunt Latix æternum Graixque Camœnæ.
 Flexanimis vero Pitho (mirabile dictu)
 Sueta illi quondam , tum res , tum verba loquenti
 Suggestere , et suavi conspergere nectare linguam ,
 Ut patuit jugulus , fugiente aufugit amico ,
 Et terras , cheu nunquam reditura , reliquit.
 Poppilius volat interea , truncoque relicto ,
 Antoni portat sævis spectacula mensis.



NATALIA DOMINI.

S Y L V A III.

NOCTEM alius laudet, misero quæ munus amari
 Optatum attulerit, facilemque ad vota puellam
 Præbuerit, veteris fœcunda incendia flammæ,
 Cæteraque obscœnis olim cantata poëtis.
 At vos pars equidem cæli non infima vates,
 Nec divinum animum ad turpes convertite curas;
 Nec calamos adeo infami exercete labore.
 Intactas Heliconæ ferunt habitare puellas,
 Inque alias ardens, Musis est castus Apollo;
 Innupta est Pallas : vestris quæ numina sacris
 Sola placet, Procul ergo Venus, procul este scelesti

S Y L V Æ.

7^r

Deliciæ pueri; castis tu casta Camœnis
 Materies, ô Nox, esto, quæ Virginis olim
 Vidisti in sacros aperiri viscera partus,
 Viscera quæ cæli tempestatumque potentem
 Gestavere Deum, tandemque illæsa dedere
 Humanis cernendum oculis: tu conscia partus
 Prima novi, tu nascentis primordia lucis
 Luce prior, Nox, vidisti. Te cæca vetustas
 Ah nimis immerito cæcamque atramque vocabat,
 Illius primos solis quæ senseris ortus,
 Ipse accepta refert clarus cui lumina Titan,
 Et quæcunque micant splendenti sidera cælo.
 Tu teneri primos vagitus prima puelli,
 Tu primos cæli plausus, tu gaudia mundi
 Audisti, Nox ô felix, cum læta volantum
 Ad domini cunas resonarent agmina fratrum,
 Et Domino totus nascenti applauderet orbis.
 Tu vili impositum fœno, stabuloque jacentem
 Es mirata simul, simul es miserata puellum.
 Tu quoque pastorum pietatem, et nescia fraudis
 Pectora mirata es, cum Tityrus inde relictis
 Accurrens gregibus, CHRISTI natalia lætus
 Viseret, hinc caderet Damocles, surgeret Egon;
 Dum cæli monitis et clara voce Deorum
 Attoniti, properant nascentem invisere regem.
 Quid castæ matris curas, immixtaque curis
 Gaudia commemorem? dum tanto pignore, cæli
A iv


Consortem agnoscit sese, natumque tuetur
Ante pedes, nasci quem vixdum senserat ipsa.
Parturiens pariensque simul, virgoque parensque.
At vos interea spatiosa per atria reges,
Aut medios inter lusus, turpique luparum
Immixti turbæ, infœlix traducitis ævum,
Aut saturo efflatis pigros è pectore somnos,
Progenies indigna polo, quibus ipse recusat
Committi Dominus nascens, et natus abhortet.
Fœlices tenebræ, quantumvis clara diei
Lux collata quibus, non lux, sed opaca videtur
Nox potius: nam certa diem sua tempora claudunt,
Et vicibus certis Phœbus surgitque caditque.
Est quoque cum ingrata vicinus ab orbe sororis
Sic premitur, nigra ut tectus ferrugine vultum;
Quod reliquis præbet, lumenque jubarque requirat.
At vobis, tenebræ, qui præbet lumina Titan,
Phosphorus ipse sibi est, et non finitur horizon.

Sed cur postremo Patres te mense locârunt,
O nox, cui primæ acceptam referre salutem
Et decet et fas est? cur non hæc inchoat annum
Nox, quæ fœlicis spem nobis reddidit ævi?
Scilicet exactos quæ nox finire labores
Spondet, et æternæ promittit munera pacis,
Jure etiam exactum finire hæc debuit annum.
Adde quod hoc primum redituri tempore Phœbi
Spem capimus, ductore Capro; jure ergo revector

S Y L V Æ.

9

Uno mense duos olim memorare Vetustas
 Instituit soles : jure , ô Nox fausta , piorum
 Relligione Patrum toto vigilaris in orbe ,
 Applausuque sonas ; sed non tamen orgia qualem
 Edere consuêrant , ebrio cum sacra Lyæo
 Insanæ facerent matres , atque æra sonarent
 Semiviri quondam ad Cybelas altaria Galli :
 Sed qualem decet esse virûm , queis pectore in alto
 Mens habitat , cæli patrium quæ spirat amorem.
 Ipse equidẽ tibi sacra feram , Nox sacra , quotannis ,
 Solennesque preces addam , ô nox optima , nostris
 Materies nimium fœlix inventa Camœnis.



P R Æ F A T I O P O E T I C A

in Davidicos Psalmos, quos pœnitentiales vocant.

FORT E pererratis cælo , terraque , marique ,
 Ales amor sacras Judææ callidus urbes
 Visibat , pharetraque minax , flammataque gestans
 Tela manu ; jamque hospitium , sedemque petebat
 Venturæ nocti : dumque acres undique versat
 Sæpe oculos , dubitatque etiam qua sede moretur ,
 Tandem ad Bersabes convertit lumina formam ;
 Et mox tam raras mortali in corpore dotes
 Miratus , viridesque oculos , frontemque patentem ,
 Purpureasque genas , pulchri et discrimina nasi ,

Culpa placet : favet incœptis Fortuna nefandis,
Nec mora longa fuit : tumido mox addita ventri
Sarcina ; sed nondum David sua gaudia credit
Plena satis : res ipsa placet , crimenque probatur ;
At metuit famam , dicique recusat adulter.
Adde onus ignaro conceptum conjuge ; quippe
Forte aberat longe Urias , et tempore in illo
Pro patriæ afflictæ rebus , publicaque salute
Tractabat gladios miles : revocatur in urbem
Přincipis imperio ; paret , castrisque relictis ,
Jussus adest. Illum nec formosissima conjux ,
Nec nati traxere domum ; sed principis aulam
Ingreditur properans : simulato plurima vultu
Inquiret David , quam tandem exercitus urbem
Obsideat , quibus inclusus sit mœnibus hostis ,
Eventu quonam pugnatum : singula pandit
Ille , nec infœlix novit quàm dira parentur.
Quippe , licet mensa exceptum , vinoque madẽtem,
Conjugis ut sprevisse thoros , aulaque manere
Assiduum vidit David , jam censet apertum
Omne scelus , jam facta palam sua crimina credit.
Vis igitur , sed tecta placet , capitique parantur
Conjugis insidiæ. Tam magnum est numen Amoris !
Scilicet ignorat leges cum matre Cupido.
Jam nil jura valent , nil magni jussa Tonantis ,
Expertusque favor Divũm : jam victus amore
Ipse odit sese. O semper nocitura voluptas ,

Ut transversa rapis mortalia pectora tecum !
Nox erat , et late carcebant omnia somnos ;
At vigil insano fraudes in pectore David
Mille parat ; calamum tandem poscitque tabellas ,
Et se de patriæ rebus dum scribere multa
Versutus simulat , versa in contraria mente ,
Imperat ut pugnae statuatur in ordine primus
Urias , primusque ruat moriturus in hostes.

Ergo ut prima dedit venientis signa diei
Lucifer , Uriam mox in sua castra reverti
Rex jubet , inscriptasque duci perferre tabellas ,
Lætus at ille volat , nec se sua fata tenere
Clausa manu novit : tandemque in fronte locatus ,
Immeritam infelix petiit per vulnera mortem ,
Hæc pater omnipotens ex alto singula cælo
Cernebat , jam tum iratus , cum cedere fædi
Imperio insanum regem spectaret amoris.
Ut vero insontem cecidisse agnovit amicum ,
Et fuso hostiles gladios tinxisse cruore ;
Tum demum infremuit totus , vultumque serenum
Iratus posuit ; tremuerunt omnia late ,
Terribilique procul sonuerunt astra fragore.
Protinus exorto compleri murmure cælum
Turbato cæpit Domino , veniuntque frequentes
Aligeri fratres ; quæ tanti causa tumultus
Inter se rogitant trepidi , quæ litis origo ,
Quos hæc ira poset : cum totas fulmine terras

Perdere forte pareat, num cæli extrudere cives;
 Aut priscum revocare chaos. Quippe affore tempus
 Audierant, ipsos olim quod verteret orbes
 Cælorum, et totum flammis misceret olympum.
 Cælorum in medio, qua se super omnia tollit
 Sublimis moles mundum complexa rotundum,
 Stat thronus, et gemmis totus conflatus et auro.
 Hic Divam residet princeps, hinc singula cernens;
 Temperat æterno componitque omnia nutu.
 Hunc geminæ circum dicuntur stare sorores,
 Justitia, et placido lenis Clementia vultu.
 Altera districto cunctis velut ense minatur,
 Turbatisque oculis testatur pectoris iras.
 Altera blanditurque oculis, similisque precanti
 Verrere commoti memoratur numinis iras.
 Huc igitur postquam convenere undique Divi,
 Tum pater iratus: Quænam hæc dementia, quænam
 Improbitas, inquit? nostrum contemnere numen
 Mortales audere viros, et pectore ferri
 Indomito auctorem contra? quid plurima fando
 Commemorem? terræque datas totius habenas 1?
 Et maris imperium, liquidoque volantia cælo?
 Mentem ego divinam tribui, quæ libera mortem
 Despiceret, quæ me, quæ cæli edisceret orbes 2,
 Hoc cunctis commune bonum: quid propria natis
 Commoda nunc referam toties concessa Jacobi?

1, Gen. 1,

2. Psal. 8,

Vos meministis enim regis contusa superbi
 Pectora 1, vos medio incedentes æquore turmas;
 Deletasque acies scitis, partosque triumphos.
 Scitis ut in terras spreto descendere cælo
 Ausus ego 2; ut leges illis et jura tuendæ
 Tradiderim vitæ. Nostri quoque testis amoris
 Phœbus erit, sueto vetitus descendere cursu 3;
 Et scissæ Jordanis aquæ, sonituque tubarum
 Captæ urbes, pulsique sua ditione Tyranni 4.
 Hæc illis igitur tribui: quid maxima vero
 Tot bona commemorem Jessæ præstita vati 5;
 Illi ego pastori memini tribuisse coronam,
 Ereptoque pedo sceptrum donasse ferendum 6;
 Mox etiam manibus vasti eripuisse gigantis 7;
 Cumque graves urgere minas, odiumque Saülis
 Sensissem, tutum ipse dedi (miseratus egentis)
 Exilium 8, et placida florentia regna quiete.
 Nunc tamen antiquos mores imitatus avorum,
 Oblitusque mei, nec cæli spernere leges,
 Nec crudele scelus sceleri junxisse veretur.
 Hinc leges, hinc jura tacent violata sacrati
 Conjugii; hinc noster non digna morte peremptus
 Vindictam petit Urias: nunc ergo superbum
 Ulciscar regis pectus, populumque ferocem

1. *Exod.* 14.2. *Ex* 19. *et deinceps.*3. *Jos.* 10.4. *Jos.* 3. *et* 6.5. 1. *Reg.* 16.6. 1. *Reg.* 16.7. 1. *Reg.* 17.8. 1. *Reg.* 27.

Delebo iratus, nostri monumenta doloris.

Desierat, toto exoritur cum murmur olympo:
Sunt qui dicta probent, scelerumq; exposcere pœnas
Fas æquumque putant; pars quamvis ultima regem
Commeruisse sciant, blandis tamen omnia dictis
Emollire parant, justumque arcere furorem.

Præcipue blando lenis Clementia vultu
Conqueritur lacrymans: nec enim si plectere dignis
Suppliciis homines placeat, jam fulmina posse
Sufficere, aut animas deinceps captura nocentes
Tartara, desertum fore mox sine civibus orbem.
Frustra igitur toties miseris mortalibus olim
Est promissa salus, et nec crescere virga sinetur
Expectata piis? Sua sunt stata tempora pœnæ,
Integra cum mundi peritura est machina flammis.
Ne, Genitor, ne te crudelem nomine dici,
Quæso, sinas; tua nota satis sunt numina mundo.
At si pœna placet, si res tam sæva probatur,
Hoc unum rogitò supplex, hoc pectore toto
Flagito, fas ut sit sceleris monuisse peracti
Davidem 2: feret ille preces, tandemque furore
Deposito, scelus hoc illi noxamque remittes.

Vix bene desierat mitis Clementia blandas
Ferre preces, cum deposita Pater optimus ira,
Conceptum penitus dilabi corde calorem
Sensit, et hæc tandem sedato pectore fatur:

1. 2 Reg. 2.

1. 2. 2 Eccl. 2.

Ergone

Ergone nata meis conatibus obvia semper
 Non sinet irati res tandem ut verba sequatur ?
 Sed miseros servare juvat. Sic fatus, abire
 Imperat aligero divorum ex ordine lectum
 Cæsarie insigni juvenem, cui candida circum
 Ludebat stola longa pedes, variæque micabant
 Distinctæ veluti gemmis rutilantibus, alæ :
 Qualis ab Eoo vehitur qui Psittacus orbe,
 Aut nubes inter qualis nitet Iris aquosas.
 Hunc igitur propere Solymorum invisere terras
 Imperat Omnipotens, culpæque monere peractæ
 Davidem, simul et pœnas mortemque minari.
 Ille abit, et liquidum variis secat æthera pennis.

Forte et tempus erat, tacito cum victa sopore
 Cuncta silent, claque micant nitidissima cælo
 Sidera : conspecta tunc nuncius arce quievit,
 Et mox humanam (dictu mirabile) formam
 Induitur, vatisque latet sub imagine Nathan,
 Iratis ardens oculis, vultuque minaci,
 Sic medios inter somnos reprehendere crimen
 Visus, et ingrata scelus exprobrare senectæ :

Tene, ait, ô regum rex pessime, tene quietem,
 Ducere, quæ ad pœnâ poscunt pro immanibus ausis
 Tartara ? sic igitur turpem traducere vitam
 Amplexus medios inter ? geminone nocentem
 Crimine, cælorum fas est convexa tueri ?
 Qui Divos, qui te, patriamque, tuosque scelestus

Prodideris : nec tu somnum , lectique superbi
Delicias linques Divûm venturus ad aras ?
Atqui tempus erit , moneo , cum cæde tuorum
Ipse oculos pasces , bellique domestica surgent
Semina : et incestus , et fratrum vulnera cernes.
Tu modo flecte Deos lachrymis. Sic ille locutus ,
Protinus in tenues fugiens evanuit auras.
At David monitis , et clara voce Deorum
Attonitus , nunc invisos accusat amores ,
Nunc jussæ meminit mortis , crimenque fatetur
Conscius. Ergo thoro vigil exilit , et sua pugnâ
Pectora cõtūdēs , sceptrumq; , aulamq; , coronamq;
Abjicit , et partes animum convertit in omnes :
Ut Libyæ si quis sitientia rura viator
Dum petit , in mediis sævam conspexit arenis
Tygrida , vel maculis distinctum terga draconem ,
Horret ad aspectum trepidus , cœptumq; relinquit
Cautus iter , latebrasque petit tremebundus opacas.
Talis erat David , pulchra quem uxore positum ,
Nilque minus cælo metuentem clara Deorum
Numina terruerant , et cognita vatis imago.
Multa est ante oculos Bersabe ; at nulla calores
Intus flamma parit : victus cum Matro Cupido ,
Et pavor in vacuo solus jam pectore regnat.
Quid faciat ? num vel miserum se ex arce suprema
Præcipitet , vel visceribus crudum induat ensem ?
Num veniam exposcat , justasque avertere Divûm

Cœnetur lachrymis iras ? Palatia pœne
Antrum erat horrendum, fracti qua culmina montis
Exesas vasta claudebant mole cavernas :
Horrebant rubis late omnia , et undique sentes ,
Dumique , tribulique , et Soli ignota vorago.

Hæc igitur pavidus sublimi David ab arce
Singula spectabat , dubius vitæ necne
Eligeret : nunc cælum oculis atque astra petebat
Ætonitus , largo nunc turgida lamina fletu
Fixa tenebat humi ; tandem circumspicit antrum ,
Et mox : Tu nostri domus , inquit , conscia luctus ,
Tu mihi testis-eris iustorum sola dolorum ;
Sic faveas nostro rubicunda ex crimine Luna :
(Forte erat, aut visa est Phœbe rubicundior.) At vos
Sidera , quæ invisos toties vidistis amores ,
Mutatum spectatè virum. Sic fatus , eburnam
Suspendit zona citharam , qua suetus ad omnes
Mentis erat curas uti , qua sæpe sonante
Depulerat sævos inimico à rege furores.
Ergo abit , atque sago velatus membra cucullo ,
Præcipitis tandem evadit super ardua montis
Culmina : mox antrū ingreditur , largoq; madentes
Imbre oculos cælo attollit ; tandemque recepta
Mente , miser tales tremebundo pectore fletus
Oditur , moestas cithara resonante querelas.



THEODORI BEZÆ

ELEGIÆ.

AD LECTOREM, ELEGIA. I.

TU quem naturæ nobis consensus amicum
 Fecit, et è simili sidere natus amor:
 Quisquis eris, nisi vel locuples te curia totum
 Possidet, et ranci sollicitudo fori:
 Aut nisi te Hippocratis retinent, pla cura, medela,
 Aut totum asservit pagina sacra tibi:
 Vel nisi te Pallas studiis melioribus aptam,
 Et Venerem, et Veneris tangere scripta vetat:
 Aspice quam misere insano consumar amore,
 Quam lateat nostro pectore sæva Venus.
 Si bene te novi, cum legeris omnia, dices,
 Non erat hic tali dignus ab igne coqui.
 Attamen hoc frustra: nam talia fata sorores
 Nondum etiam nato constituere mihi,
 Ut quamvis nil ipse habeam quod possit amari,
 Experiar Veneris tempus in omne faces.
 Quodque magis mirum, cum nos potiamur amica,

ELEGIÆ.

21

Qua non est flammis dignior ulla meis,
 Perpetuæ tamen exagitant mea pectora curæ,
 Et premit insomnem sollicitudo comes.
 Sive graves obscura mihi nox clausit ocellos,
 Tunc quoque cum jaceam semisopitus, amo.
 Seu vigilo, præter nostras nil cogito flammæ.
 Candida luminibus proxima sola meis.
 Hei mihi, quæ nuper nobis insomnia misit
 Ille puer, quantis lusit imaginibus!
 Nec piguit nostrum populo narrare furorem,
 Et Phœbum in somnos sollicitare meos.
 Quippe etiam hæc nobis nevēre incommoda Parcæ;
 Nequitia fam testis ut ipse meæ.
 Id tamen exemplo liceat fecisse Tibulli:
 Sic Nemesis flammæ, culce Tibulle, canis.
 Cynhîa sæpe tibi sic est cantata, Properti;
 Sic est Nasoni dicta Corynna suo.
 Hi tamen æternam meruerunt carmine nomen:
 Di faciant, possim post mea fata legi.
 Scilicet hoc unum nostros solatur amores;
 Hoc facit ut placeat, quæ mihi flamma nocet.
 Sive autem id nobis veniens concesserit ætas,
 Seu me quæ vulgum fata severa manent:
 Sic saltem vixisse mihi, te teste, placebit,
 Exemplo ut fieres cautior ipse meo.
 Quippe, aut fallor ego, aut nostros cū legeris ignes;
 Et mea cum fueris æora, bene nota tibi,

Sedulus hoc deinceps, et tota mente cavebis,
 Ne simili mecum sis ratione miser.
 Nostra utinā tibi flāma ferat tot commoda, lector,
 Quot dedit authori maxima damna suo.

IN MEDIOCRITATIS LAUDEM.

ELEGIA II.

NON frustra solita est mediū laudare vetustas;
 Nam nil laudari dignius orbis habet.
 In medio posita est virtus: hinc indeque fallax
 Tota sinistra via est, totaque dextra via est.
 Icare, si patrem esses inter utrumque secutus,
 Icarias nullus nomine nosset aquas.
 Si medio Phaëton mansisset calle superbus,
 Non esset æva terra perusta Eoæ.
 Nec lenis nimium, nec durat æva potestas:
 Quæ medium servat, sola perennis erit.
 Te nimia, ô Juli, clementia perdidit olim:
 Occidit feritas te, truculente Nero.
 Augustus felix cur multos mansit in annos?
 Nec facilis nimium, nec truculentus erat.
 Nec nimis ipse coli, nec sperni Juppiter optat.
 Sed magis una juvat mens moderata deos.
 Largus opum nullus, nullus laudatur avarus:
 Magnus, in his potuit qui tenuisse modum.

ELEGIÆ.

23

Antonî mensas sic vicit cœna Catonis,
Et tenuem melior fama secuta larem.
Nec gracilis structura nimis, nec crassa probatur;
Hæc spectatori displicet, illa ruit.
Ut moderata juvant, sic ægris pharmaca multis,
Heu nimium multis, sæpe petita nocent.
Dicere plura nefas credo: nam laude nequaquam
Efferri immodica sustinet ipse modus.



ELEGIA III.

CORNUA bis posuit, bis cepit cornua Phœbe;
Nec tamen es tanto tempore visa mihi.
Vivo tamen, si vita potest tibi, Publia, dici,
Mœrorem et lachrymas quæ fovet una meas.
Certe dura mihi mors sæpe in vota vocatur,
Mors finem lachrymis impositura meis.
Non aliter queritur ventrem durare Prometheus;
Et posito mallet numine posse mori:
Fallor enim, aut quisquis signæta hæc repperit olim,
Vulturis est illi nomine dictus amor.
Quæ non visa mihi placea est? quid in urbe relictum?
Urbe tamen tota Publia nulla fuit.
Ergo vel miseram cohibent te conjugis iræ,
O non tam sævo femina digna viro!
Vel populosa tibi sordere Lætia cœpit,

Et placidi ruris dulcior aura placet.
Forsitan in sylvis nostros meditaris amores;
Et tuto velles omnia ferre loco.
Ibo igitur; nec me quicquam retinebit euntem;
Donec sis aliquo sola reperta loco.
Interea manuum serves, collique colorem,
Et fieri nigras ne patiare genas.
Tecta incede caput: nam te si cernat Apollo;
Ardeat in vultus ustus et ipse tuos.
In sylvis lauri vestita est cortice Daphne:
Hei mihi, si de te fabula talis erit?
Calisto in sylvis summo est compressa Tonanti:
Ne rogo, ne placeat Juppiter iste tibi.
Heu! quid non timeo? latronū hīc regna teguntur:
Quisquis es, hinc aufer, prædo cruenta, manus.
Actæon doceat violati numinis iras:
Dictynna certe non minor ista Dea est.
Quid loquor? ô nostræ pars maxima, Publia, mētis;
Non poterunt aures ista ferire tuas.
O utinam præsens verba observare legentis;
Et frontis possem signa notare, tua!
Optima tunc nostro spes addi posset amori,
Et possem tecum dicere, lenis erit.
Perveniam certe quacunque morêris in urbe,
Sive aliquo potius, Publia, rure lates.
Perveniam; et si non mea per se forma loquatur;
Fortunæ fiam nuncius ipse meæ.

Quod

ELEGIÆ.

25

Quod si surda preces ausis contemnere nostras,
Nempe meæ subito conscia cædis eris.
Attamen hoc media nobis in morte placebit,
Quod tu causa meæ, Publia, cædis eris.



ELEGIA IV.

SI tibi sinceri nomen bene quadrat amici,
Cur mihi quæ tota est candida, nigra tibi est?
Cur quoties caleo dixi, tibi frigus in ore?
Cur mihi quod gelidus Caucasus, Aetna tibi est?
At saltem si visa prius tibi nostra fuisset,
Si conspecta foret, quam violata, prius;
Vel me fallit amor, vel si tibi visa fuisset,
Essemus forma captus uterque pari.
Quod si tam pulchris non esses captus ocellis,
At levius poteras tunc tamen esse malus.
Perfide, quis nostros unquam accusavit amores?
Candida quo tandem iudice facta rea est?
Actor es et iudex idem: succurrite jura;
Lædit Romanum perfidus iste forum.
Parce tamen, verbis uti si cogor acerbis:
Hei mihi, quod sic est imperiosus amor!
Nunc faveo, Lodoïce, tibi; nunc urit amica;
Et fidei memorem me jubet esse meæ.
Utrique est juratus amor, dominæque, tibi que:

Nunc, Cytheræa Venus, dic mihi, cujus ero?
Cur transversus agor? duplici cur uror ab igne?

Ah, fuerat nobis unica flamma satis!

Rectus amor, Lodoïce, tibi me fecit amicum:

Nescio cur placeat causa pudica minus.

Scilicet insani merito creduntur amantes:

Quisquis amat, juris non potes esse tui.

Quod tamen est mirum, justa est insania nobis:

Et videor demens cum ratione mihi.

Nam mea, si nescis, (sed nescis, arbitror,) una est;

Quam velit ipsa sibi præposuisse Venus.

Sic caput erectum, sic frons exurgit aperta:

Sic virides oculos umbra decora tegit;

Sic oculi geminis radiant hinc inde Smaragdis:

Quæ fero, sunt hujus vulnera prima loci.

Utræque sic pulcher conjungit lumina nasus,

Purpureis sic est conspicienda genis.

Sic geminis roseus color emicat undique labris:

O labris toties labra petita meis!

Hic habitat quæ me tandem servabit, opinor,

Nunc in perniciem lingua diserta meam.

Quid caput auratum memorem? quid eburnea colla?

Binaque quæ niveo pectore mala latent?

Cætera quid referam? quæ si non omnia novi,

Quis tamen esse suo corpore digna neget?

Et tamen hanc audes maculare & dicere nigram.

Desine: habet certe numen et ista suum.

Quæ nisi sit precibus nostris lenita , veremur

Ne discas læsæ quam gravis ira Deæ.

Nunc revoces quæ scripta tibi : sit fœdere juncto ,

Candida quæ nobis , candida & illa tibi.

Certe digna meis una es , mea Candida , flammis :

Dî faciant possim dicere , tota mea es.

Tunc licet insanus tota designer in urbe ,

Dum mea sis , nihili nomina vana moror.

At tua qui nigra violârit nomina fama ,

Hic hostis nobis , hic inimicus erit.

Illius efficiam , faveat modo notus Apollo ,

Crimina deridens vulgus in orbe legat.

Taque iterum nostrum si lædas forte furorem ,

Haud equidem vanas experiere minas.



ELEGIA V.

QUISQUIS amat (aiūt cūcti) fuge corpus amatū,
Vivere si cæco liber ab igne cupis.

Hei mihi , te quoties fugi , mea Candida ! fugi :

Semper at in nostro pectore regnat amor.

Ecce iterum , fateor , fugi te , Candida : verum

Et potui , et possum dicere semper , amo.

Sive abeo in sylvas , nobis succurrit Adonis ,

Et fit tristitiæ conscia sylva meæ :

Sive placent horti , quot florum hîc millia cerno ,

C ij

Tot stimulis captum me premit asper amor,
Narcissū hinc croceū video, hinc flētes Hiacynthos;
Hinc miser ante oculos pulcher Adonis adest.
Magna quidem nostræ fateor medicamina flammæ:
Sed me qui vincit, vincit et ille Deos.
At si prava juvant, ô quantas sentio flammæ!
Ardeo tunc flammis torus amoris ego.
Hic videor Cereris fugientem cernere natam;
Hic videor furvi cernere Ditis equos.
Littora si specto, vitreas tunc cogito Nymphas,
Feryidaque in medio numina sæpe mari.
Quo magis evado montes sublimis in altos,
Hoc propior Veneris sit puer ille mihi,
Si placeant urbes, vis ut semel omnia dicam!
Illic cum videam plurima, nulla placent.
Illius nunc carpo oculos, nunc illius ora:
Hæc capite, hæc pedibus displicet, illa genis,
Denique materies si desit, crimina fingo;
Et quæcunque aliis candida, nigra mihi est.
Quid prodest fugisse igitur, cum Candida præsens,
Atque adeo lateri sit comes usque meo?
Umbra igitur merito quadrat tibi, Candida, nomen:
Tale tamen nomen non decet iste color.
Humanum potius debes deponere nomen,
Una simul gemino quæ potes esse loco.
Parce, rogo, quæcunque Dea es: subjecit et ipsa
Anchisi sese, res bene nota, Venus,

ELEGIÆ.

19

Ecce fugam fateor ; veniam ne , Diva , negato :

Sæpe mihi veniam Juppiter ipse dedit.

Ipse quidem prima mox ad te luce revertar ;

Quasque voles pœnas , si patiare , feram.

ELEGIA VI.

SI te, diva Venus, genuerunt æquora quondam,
Si Veneris surdo numina nota mari :

Ne me, ne pelago jactatum desere, Diva :

En madidus raucis undique vincor aquis.

Queris ubi fluctus, ubi sint sævæ æquora ? nusquam :

Sed mare, quo vexor, terra dat ipsa mihi.

Me miserum ! quamvis liquidis sejunctus ab undis,

Auferor a ficto naufragus ipse freto !

Hei mihi, quid ficto dixi ? verissima nobis

Unda nocet ; fictum res habet ista nihil.

Nusquam undas video ; circumstant attamen undæ :

Scilicet in sicco curro, natoque mari.

Ecce iterum, ficco cur dixi ? nempe sepulta

Ingenii vis est quantulacunque mei.

H'nc toties cogor mentem mutare priorem ;

Musaque dissidiis ingeniosa mea est.

Vos, oculi flentes, præbetis flumina puppi :

Hoc volat infelix flumine vecta ratis.

Nec venti desunt ; ventos suspiria præbent :


C ii}

Hæc laceram ducunt in sua damna ratem.
Quid tacitos dicam stimulos, cæcumque furorem?
Dant stimuli remos, dat mihi vela furor.
Spes miseræ est cymbæ clavus: spes optima Divû;
Spes medicina malis una reperta meis.
Anchora sunt humili deprompta e pectore verba,
Vix tamen iratas hæc remorantur aquas.
Firmus amor ratis est malus; sunt dona rudentes:
Fune carina regi, munere sueta Venus.
Navis es, ô anima insano correpta furore:
Te miseram cæcus navita ducit Amor.
Tempestas scopuli: nempe ira odiumque timentur.
Di faciant ut sint ira odiumque procul!
Fulmina quæ vereor, sunt verba minantia nobis:
Ah, procul a nostro sitis amore minæ!
Si frons læta minus, si non, velut ante, serena,
Tunc madidis cedit fessa carina Notis.
Sæpe igitur ventis currunt mea vela secundis:
Sæpe mihi forti carbasa pulsa Noto.
Ut tamen est visum littus, portumque subire,
Jam paro, conspecti captus amore soli.
Auferor infœlix, quamvis multumque diuque
Coner in adverso figere vela solo.
Tunc faciem littus mutat, positoque nitore,
Sidéra pallescunt ignibus orba suis.
Clamo tamen, liceat saltem mihi cernere ripas;
Redde diem misero, Candida, redde diem.

ELEGIÆ.

31

Hæc ego dum gemino, referunt mea carbasa venti;
 Et ruit in nostrum multa procella caput.
 Spirant cuncta minas, crebrū micat æthere fulmen,
 Mox oculis abeunt littora visa meis.
 Quod tamen est mirum, stat recto pondere malus,
 Et nequeunt sævo cedere vela freto.
 Quem tot turbæ agitant, hunc, ô Cytheræa, negabis
 Sentire insani cuncta pericla maris?
 Aut igitur totum moveas, Neptune, furorem,
 Ut bibat insanas obruta puppis aquas:
 Aut facias tensis intrem mea littora venis:
 Ah, volui velis dicere! parce, Venus.
 Parce, Venus: mea culpa levis, si culpa vocari
 Mutatæ debet littera syllabulæ.
 Si sit culpa tamen, fateor, Venus, hæc mihi culpa:
 Hæc, inquam, nobis optima culpa placet.



ELEGIA VII.

HEI mihi, quæ terrēt pavidū mala sōnia pectus!
 Eheu, quæ trepido somnia visa mihi!
 At tu quisquis amas, nec speres luce quietem,
 Nec tacitas noctes polliceâre tibi.
 Vespere colla domum referunt leviora juvenci,
 Et tacitæ requiem commeditantur aves.
 Vespere nunc stertit fusca cum conjuge Pastor,
 Civ

Nunc venerem exercet , lætus et ipse , suam.
Sol quoque postremas postquam pervenit ad undas ,
Fertur in ardentis Thetidos ire sinus.
At nos perpetuis exercita turba periclis ,
Quos insana trahit post sua terga Venus :
Sive dies præbet magno sua lumina mundo ,
Nostra latent tenebris pectora cæca suis ;
Seu nox nigra sua terras amplectitur umbra ,
Semper adest noctis sollicitudo comes ;
Ingressusque toros , menti se callidus infert
Pulicis exiguo corpore reclusus Amor.
Quisquis es exemplum a nobis qui queris , habeto ;
Alterius damno cautus ut esse queas.
Nox erat , et variis vexatus pectora curis ,
Credideram molli languida membra toro.
Necdum prima quies oculos bene clauserat , ecce
Jam parat insidias sanguinolentus Amor.
Agmina cernebam , armatasque instare catervas ;
Et , nisi fallor ego , vix puto , somnus erat.
Agnovi procul ipse acies , fulgentiaque arma ;
Denique vera oculis agmina visa meis.
Expecto trepidus , nec enim fugisse licebat :
Audio clamores , verbera sæva , minas.
Aspicio ; en mediis mihi Candida cernitur armis ,
Et laniata genas , et laniata comas.
Talis erat Paridi quondam cum rapta Lacæna est :
Thisbe , te extincto , Pyrame , talis erat.

Ille comam, ille togam flentis frustra que rogantis
Diripit; ille, mea est, clamat, et ille, mea est.
Dirigui, ut solus viso prædone viator,
Ut stupet aspectis agna relicta lupis.
Quid facerem? jubet ira loqui, pietasque, fidesque:
At monet aspecta morte tacere metus.
Ira metum vincit: medios moriturus in hostes
Tendo, nec cesso dicere et ipse, mea est.
Illa, ut me aspexit, miser, ah miser, inquit, abitor:
Non tua tam misero tempore digna fides.
Ah, fuge; sic levius moriar Nec plura locuta,
Voce mihi visa est deficiente mori.
Protinus exclamans, incuso hominesque Deosque,
Nec cesso vacuas ingeminare minas.
Illi adsunt, strictoque mihi mucrone minantur;
Nec miserum cessant figere tela caput.
Tandem igitur cunctis unus congressus inermis,
Ipse meæ visus proximus esse neci.
Jamque cadens, charæ tangebam corpus amicæ,
Esset ut extremo tempore notus amor.
Ecce abit ex oculis tenues hinc somnus in auras.
Territus, et vitæ vix bene certus eram.
Non aliter sævi si quando dentibus hostis
Eripuit pavidam pastor amicus ovem:
Illa, licet servata, tamen stupefacta periclo,
Vix tandem posito discit abire metu.
Talis eram, sudorque omnes manabat in artus.

Sensimus et rigidas undique stare comas.
Talem, quisquis amas, tibi polliceare quietem :
Talia spectabit somnia, quisquis amat.



ELEGIA VIII.

LUDOVICO VALIDO.

UT stupet emisso si quis Jovis igne petitus :
Ut stupet insens navita raptus aquis :
Sic stupui, postquam dira te febre retentum
In mæsto didici corpus habere toro.
Quid facerem ? nec erat nobis ars nota medendi ;
Nec, si tota foret cognita, tuta satis.
Sæpe ego, cum vitæ medicus spem redderet ægro,
Vidi inter medicas membra labare manus.
Ergo, quod licuit, cælum superosque precatus,
Has cœpi pavida fundere mente preces :
Humanæ si quem tangit misratio sortis ;
Si qua potest hominum tangere cura Deos :
Quisquis ades Superûm, justæ miserere querelæ :
Crede mihi, venia res bene digna tua est.
Non ego divitias posco, Cæsive talenta,
Non peto formosæ conjugis esse virum :
Hoc peto, si qua pii vos cura attingit amoris,
Reddatur Valido pristina vita meo.

Ille est, qui Superùm coluit studiosus honores:

Nunc jacet in tristi pallidus ille toro.

Quid dixi ? magnis immo vult sæpe querelis,

Quod meruit nullo crimine, posse mori.

Juppiter, et tu olim, non est hoc crimen, amasti :

Si scelus hoc, scelestis sidera plena tui.

Causa tamen nobis melior, quo castior hæc est :

Causa pudicitie pondere nixa suæ.

Quid potuit sceleris Validus patrasse ? quis illum

Audiit ullius criminis esse reum ?

Decipit ebrietas humanam sordida mentem :

Hinc scelerum nata est prodigiosa cohors.

Ergo ut vitaret Validus tua crimina, Bacche,

Non puduit lymphas præposuisse tibi.

Captivos hominum ducit Venus improba sensus :

Hinc scelerum nata est prodigiosa cohors.

Fallor ego, aut si qui Validum retigistis amores,

Una laboranti Pallas amata fuit.

Ergo insontem animam ne sævus tollito, neve

Tela geras tanti sanguine tincta viri.

Ecquid enim prodest rarum tribuisse colorem,

Tam color iste brevi si periturus erat ?

Ingenium infudisse sagax quid profuit illi,

Si vetet ingenio mors inopina frui ?

Quod si certa manet mortis sententia fatis,

Si petit hoc etiam Parca scelesti caput :

Hoc facite, ô Divi, quæ nunc mihi vita superstes,

Ut Validò prosit , prosit et illa mihi.
 Non insueta precor : Ledæos fama gemellos
 Dividua inter se vivere morte refert.
 Sic nos attoniti Superos , Lodoïce , precamur :
 Dî votis faciant pondus inesse meis !
 Dî faciant mox ut nobis reddamur uterque ,
 Et posito cantes musa dolore jocos !



ELEGIA IX.

AT pereat quæcunque meas extinguere flammæ,
 Quæ te cunque mihi tollere tentat anus !
 Improba, læna, procax, mœcha, invida, dic age, curnâ
 Lædi visa mea est digna puellâ tibi ?
 Vel quod tam castam non possis ferre puellam ,
 Et tibi tam constans non bene quadrat amor.
 Vel cum nulla meum turbarent jurgia lectum ,
 Displicuit placido pax in amore tibi.
 Fallor ego , aut virtus potuit tibi neutra probari ,
 Dissimilemque tibi ferre scelesta nequis.
 Sic premitur forti mitis clementia bello ,
 Sic lopus in placidas it violentus oves.
 At vos , qui nostris vicinas jungitis ædes ,
 Sicne decet justa credulitate rapi ?
 Scilicet audaces plectit Respublica fures :
 Criminibus merito pœna reperta sua est.

Non tamen indicta plectuntur crimina causa;

Hoc Latii prohibent optima jura fori.

Nos vero insontes jam dicimur exules esse,

Quis tamen audiyit criminis esse reos?

Cujus nocturno turbavi somnia cantu?

Cujus ego inveniar vi petiisse fores?

Anne ego cujusquam mæchus connubia læsi?

Candida sola mea est, Candida tota mea est.

Nimirum una anus est, quæ nos incusat amoris.

O Venus! an scelus est, numen amare tuum?

Si scelus hoc, cælum fas sit vocitare scelestum,

Atque iterum in sanctos bella movere Deos.

Hoc, Divi, prohibete nefas; mæchæque scelestæ

Ignæa in invisum vertite tela caput.

Tene ego perpetiar misero mihi, Candida, tolli,

Aut Veneris dici numen inane feram?

Nec contra obsistam iratus, magnoque furore

Præcipites istos pulverulentus agam?

Tunc igitur gladios acuam, tunc bella movebo,

Tunc invicta dabit vimque, animumque Venus.

Interea peragent vindicæ carmina partem:

Sic ulta est Vates sæpe Camœna suos.

Ecquis enim Archilochi rapidos non novit Iâbos?

Tu quoque, anus, nostras experiare minas.

Tisiphone quamvis tecum collata, videri

Jure oculos possit pascere digna Jovis:

Macra licet tibi sit facies, licet undique turpes;

Undique deformet pellis arata genas :
Emineat quamvis dens unus et alter ab ore,
Sordeat et canis tempus utrumque comis:
Te precor insani rabies exedat amoris ,
Et turpi inclusum pectore vulnus alas.
Digna tibi tamen interea videaris amari ;
Te tamen immenso nullus in orbe probet.
Sint nigro frustra demissa monilia collo ;
Frustra oneret macras instita longa nates.
Displiceas merito cupactis, sis fabula vulgo ,
Nil nisi perversam fama loquatur anum.
Te mater teneræ demonstrat sæpe puellæ ,
Et jubeat mores sæpe cavere tuos.
Atque ita bis centum cum tandē impleveris annos ;
Tunc cupias frustra , pessima mœcha , mori.
Sæviat in macram nodosa podagra cadaver ,
Atque diu infirmis ludat in articulis.
Dira lues passim putres distorqueat artus ,
Fœdus ut absentem prodere possit odor.
Teque notet , velut invisum sis omen , Aruspex :
Horreat ad vultus fœmina , virque tuos.
Nec tamen hæc quisquam medicari vulnera curet ;
Nec manus auxilium porrigat ulla tibi.
Te potius ridens hinc indeque turba jacentem
Oderit , invisum devoveatque caput.
Atque ita ter centum cum tandē impleveris annos ,
Cedar ab infami corpore vita procul.

ELEGIÆ.

32

Silva rogum invidet, nec det tibi terra sepulcrum
 Funeribus desint ultima vota tuis.
 Inferias peragant vulpesque, canesque, lupique,
 Et si qua effuso sanguine gaudet avis.
 Interea invisos jubeat discedere Manes
 Portitor, et Stygias tangere nolit aquas.
 At tu deserto studeas in litore mœsta
 Infernum precibus sollicitare Jovem.
 Atque ita millenos cum tandem impleveris annos,
 Sis tandem Furiis addita quarta tribus.
 Hoc facite, ô Divi, si castæ vota puellæ,
 Si possunt casti vota valere viri:
 Hujus ut exemplo venerari discat Amorem,
 Quæ juvenum flammis invida turba nocet.



ELEGIA X.

DIC age, cur vanæ juvat indulgere querelæ?
 Cur juvat immites dicere, stulta, Deos?
 Nempe doles periisse comam, flavosque capillos
 Tam subito glabrum destituisse caput.
 Desine, stulta, queri: nam quod periisse videtur,
 Tempora reddiderint non ita longa tibi.
 Sic tibi sæpe thymum, sic et tondetur anethum:
 Mox tamen in frondes surgit utrumque suas.
 Sic cum sæpe rosas toto collegeris horto,

Ecce Venus pullo vestita incedit amictu ,
Dilaceransque genas , dilaceransque comas.
Et pharetræ oblitus , luctuque immensus acerbo ,
Nasonis cantat carmina mæstus Amor.
Ipse suas Janus damnatque , oditque Calendas;
Et sua de fastis tollere festa parat.
Flet quoque Neptunus , flet raucisona Amphitrite ;
Et patrio plorat gurgite mersa Thetis.
Pelignæ lachrymis implent rura omnia Nymphæ ,
Et querulus Patavi permeat arva Padus.
Tunc igitur lachrymas retinebis , Roma , cadentes ,
Nec poteris cæli questibus esse comes ?
Hei mihi , quid te olim , demens Auguste , coëgit
Nasonis sacrum sic violare caput ?
Julius hoc olim non fecit avunculus , ille
Qui dedit Italiæ sceptrâ secunda tibi.
Et te jam merito clementem dicere quisquam ,
Ingeniumve potest dicere mite tibi ?
Quæ nunquam Augusti potuit lenire furorem ,
Scivit inhumanos flectere musa Getas.
Namque Tomitanis exul lugetur in oris ,
Nasonique parat barbara turba rogos.
Lugete , ô miseri vates , totumque jubete
Parnassum alternos ingeminare sonos.
Flentibus en aderit Phœbus , Pallasque favebit,
Et peraget partes numen utrumque suas.
Vos quoque , quos cæli dignissima cura fatigat ,
D

Ne , rogo , ne quinta quærite luce Iyram.
Illa etenim lumen cælo , terrisque negabit ,
Lætæque cum charo tartara vate colet.
At vos , ô Manes , quorum nec longa vetustas ,
Nobile nec delet nomen avara dies :
Vos , inquam , solos Jani gaudere Calendis ,
Vos , dare lætitiæ mutua signa , decet.
Quippe Titum vobis lux addidit ista peremptum ;
Hæc quoque Nasonis lux dedit arte frui.
Ergo , occurristis , Manes , venientibus illis ,
Totaque in amplexus mortua turba ruit.
Ennius inde pater medium complexus utrumque ;
Hic , ait , est Latii gloria tota soli.
Mox Varro et Cicero properant , tersusq; Catullus ;
Mox quoque cum Nemese , culte Tibulle , venis.
Et tu qui dubium fecisti nomen Homeri ,
Cui vitam debent rus , pecus , arma suam.
Quid reges memorem priscos , fortesque Quirites ,
Quoscunque exoriens Roma , vetusque dedit ?
Scilicet ista Titum venerata est undique turba ;
Hannibal aspecto surgit et ipse Tito.
Vos , ô vos Manes , æternos ducite lusus :
At nos perpetuo cura dolorque prement.
Has ego quottannis luctu celebrabo Calendas ,
Et ficto injiciam thura , merumque rogo.
Deinde isti versus tumulo ponentur inani ;
Dî faciant , illos postera turba legas :

Quisquis ades, vacuū Nasonis cerne sepulchrum :

Quisquis ades, magni cerne sepulchra Titi.

Orphei quod precibus Plutonia regna dedere,

Hoc Titus, et magnus Naso dedere sibi.



ELEGIA XII.

HELIS quod speculo multumq; diuque recta
Sacratum Veneri sic remoratur opus,

Fallor ego, aut justa certe ratione movetur;

Nec levis est tantæ causæ reperta moræ:

Namque nec ornatos componit rite capillos,

Cui non jussa suo stat coma flava loco:

Nec Tyrio fucare genas credenda colore,

Cui medias intra purpura nata genas.

Aut igitur creta collum mentitur eburnum;

Aut labris spargit rubra venena suis:

At collum natura illi concessit eburnum,

Et minio jussit labra rubere suo.

Cur vero tenues oculorum depilet arcus?

Cur jubeat patula cedere fronte comas?

Cui geminos talis testudo exornat ocellos,

Qualis Apellæa linea ducta manu?

Et cui lunatæ tam larga est area frontis,

Ut sit tam patula fronte nec ipsa Venus.


Scilices hæc emptis implevit dentibus ora,

Dij

Nativum esse probat cui gelasius ebur:
At vero inflatum pectus, mammasque cadentes,
Et mollem magna colligit arte sinum.
O Dî, quam tuta est a tali crimine virgo,
Cui tumet æqualis semper utrinque sinus!
Quid gestus, cultumq; loquar, moresque decoros?
Talis erat, malum cum Cythærea tulit.
Ergo Helis speculum non sic remorata tuctur;
Helis enim speculi non eget arte regi:
Ipsa sed in facie dominæ crystalla morantur,
Et raras gaudent cernere delicias.
Helida cur ergo absentem sic, turba, requiris;
Nec pergis potius, dum procul Helis abest?
Quippe absens Helis nullum retinebit euntem:
Si veniat, cunctos quod remoretur, erit.

ELEGIARUM FINIS.





EPITAPHIA.

D. P. STELLÆ, LL. DOCTORIS
CELEBERRIMI.

MUNDUS ut assidua gauderet luce , suoque
Vivere Sol posset liber ab officio :
Lucifer in terras cælo migrare relicto ,
Atque hominis faciem sumere jussus erat.
At mox ut Stellæ discessu clara Deorum
Perpetua cæpit regia nocte premi :
Pœnituit mandasse Jovem , Stellamque vocavit ;
Et Solem antiquas jussit obire vices.

D. IO. VALENTIS ,
REGI A CONSILIIS.

Extincto nuper Respublica mœsta Valente ;
Visa mihi secum sic gemebunda queri :
Sæpe alios flevi , dum sic raperentur , alumnos ;
Causa tamen nunquam justior ulla fuit.

ADVOCATI CUJUSDAM.

O rerum varias vices, et ingens
 Fortunæ paradigma sævientis!
 Clamosissimus omnium virorum;
 Qui verborum operam omnibus locabat;
 Nunc raptus Rhadamantium ad tribunal,
 Conducit miser, ante quæ locabat.

GULIELMI BUDÆI, VIRI NOSTRÆ
ætatis doctissimi, qui Lutetiæ obiit anno
M. D. XL. XIII. Cal Septemb.

Ὅς κ' Βυδᾷον γλώσσης ὀνομάσαστο Φοῖβον
 Ἀμφοτέρως, ὅρθως Φοῖβον ἰεῖπε μάλα.
 Οὐκ εἶπεν δ' ἱκανῶς, μέλιζον γὰρ χ' ἡλιοῖς,
 Οἷς θνητοῖσι φάσθ' ἔκ κατάσθους περὶ χεῖρ.

E J U S D E M.

Unus Budæus terramque, polosque, hominesque,
 Devinxit magna providus arte sibi.
 Cælo animum, terræ corpus donavit habendum;
 At cerebri nobis dona superba dedit.
 Sic decessit inops; nam nil sibi liquerat ipse:
 Verum hæc paupertas unica vincit opes.

Budæum flere homines, ploravit et ær;
Budæus gelidis est quoque fletus aquis.
Sic flere homines, ut plena volumina mœsus
Carminibus quivis Bibliopola terat.
Sic ær luxit, consumptis undique nimbis,
Ut jam quas plueret non reperiret aquas.
Flumina sic fluerunt, ut qua modo navis abibat,
Currat inoffensis sicca quadriga rotis.
Restabant cælum et tellus, communis ut omni,
Quamlibet immenso, mœror in orbe foret:
Sed cum cælum animam Budæi, terra cadaver
Possideat, quæso, qua ratione fleant?

NICOLAI BEZÆ PATRUI,
QUI REGIA CONSILIIS FUIT.

Marmore de Pario nullas hîc stare columnas,
Æra nec artificis vivere jussa manu,
Nec tumuli cernes operosam surgere molem,
Qualia Mausoli fama sepulchra canit.
Scilicet hos titulos, hos querere debet honores,
Qui nil, quo melius nobilitetur, habet.
Hic autem magni quondam pars magna Senatus.
Aut nullo, aut solo Beza Catone minor:
Quem sic eripuit virtus ter maxima morti,
Vivat ut extincto posthumus ipse sibi:

Mortuus e tumulo famam cur captet inanem ;

Illi quam vivo vita peracta dedit ?

Immo (si verum fas nobis dicere : sed fas ,)

Dignus , qui tumulo non regeretur , erat.

CATHARINÆ TEXEÆ

AURELIENSIS.

Isto quis jaceat loco sepultus

Forsan scire cupis , benigne lector :

Atqui id dicere perlibenter optem.

Sed quo nomine debeat vocari

Quicquid hoc tumulo latet sepultum ,

Scire judico quemlibet sagacem

Nullum , et quemlibet omnium peritum.

Nam si ex corpore judicare sexum

Decet , Virgo latet sepulchro in isto.

At quam ratione nuncupari

Debet femina , quam timore nemo

Turbatam nimis , aut dolore vidit ?

Nemo prosperiore sorte abuti ?

Loqui nemo , ubi feminae tacendum ?

Nemo , cum decuit loqui , tacere ?

Choros nemo sequi parum pudicos ?

Nemo ornare comam parum pudenter ?

Nemo accersere pharmacis colores ?

Hinc vibrare oculos et inde nemo ?

Nemo

EPITAPHIA.

49

Nemo verba loqui petulca vidit.
Ergo vir fuit. At virum vocare
Qua decet ratione, cui virilis
Illa corporis est negata forma?
Ergò utrumque fuit. Fuisse vero
Cur utrumque putem, quod esse neutrum
Probatum satis est, superque nobis?
Diva ergo fuit, altera aut Minerva,
Quæ, cum fœmina sit, tamen virili
Intus est animo, ut ferunt poëtæ.
Sed est nota satis cruenta Pallas,
Et insana Deûm libido nota.
Ergo quid superest, nisi ut patemus
Quiddam hoc in tumultu laterè, quod sit
Fœminisque, virisque, Disque majus?

ANTONII PRATENSIS CANCELLARII
GALLIÆ, OMNIUM OBESORUM OBESISSIMI.

Amplissimus vir hic jacet.

EOBANI HESSI POETÆ EGRÆGII.

Venerat exutus mortali corpore nuper
Hessus, ut infernis exciperetur aquis:
Quem torve intuitus squalentis portitor Orci,
Hic ait, hic gratus Manibus hospes erit.
Tunc Syracusæi calamos impuæ poëtæ,

E

Mæonidæque tubam , pessime , surpueris ?
 Dixerat ; et media vates jam puppe sedebat ,
 Cum vetuit nautam pergere Mercurius.
 Ne sævito , Senex , inquit : nam vendicat istum
 Juppiter , et Superûm cætera turba , sibi.
 Extinctis aliis potuit qui reddere vitam ,
 Ditis in hunc possunt jura severa nihil.

MACUTI POMPONII , CUM FALSO
 NUNCIARETUR IN ALPIBUS OCCUBUISSE,

Vos nunc advoco , flebiles Phæleuci ,
 Vos voco , ô numeri severiores :
 Adeste , obsecro , dum meum Macutum ,
 Meas delicias , meamque vitam ,
 Morte lugeo pessima peremptum.
 Unde , Pierides , loqui auspicabor ?
 Dicamne ut patria bene instituta
 Natus ille meus Macutus , omnes
 Vita vicerit integra et pudica ?
 Dicamne ut patria bene erudita
 Natus ille meus Macutus , omnes
 In hac vicerit eruditiores ?
 Traxit carminibus suis opacas
 Sylvas , et juga montium comata ;
 Undarum et domuit rapacitatem
 Orpheus : sed superavit hunc Macutus ,

EPITAPHIA.

51

Mutis non modo doctus imperare ,
Sed pacare hominum potens furorem ,
Et lenes itidem incitare mentes ;
Nec solum digitos movere doctus ,
Sed lingua pariter loqui diserta.

Pericles potuit tonare quondam ;
Sed Græcus tonuit suis Athenis.
Lingua Tullius eloquens Latina ,
Romanis tonuit suis Latinus.
Natus sanguine Gallico Macutus ,
Et Græce tonuisset , et Latine ,
Hoc si Roma foret Latina seclo ,
Et nunc Græcia Græca personaret.

Apelli Cytheræa picta quondam ,
Nec tota attamen , immo inabsoluta
Mille autem Veneresque Gratiæque
Expressit lepidus meus Macutus ,
Aut vicit potius : nec id colore ;
Sed docta lepidaque scriptione.
Apelles manui , at meus Macutus
Debet ingenio perennitatem.

Ægyptum penetravit usque in imam
Magnus Pythagoras , Platoque magnus ;
Et venit , Scythico gelu relicto ,
Athenas Anacharsis eloquentes.
Vidit Italiam meus Macutus ,
Visurus pariter mare atque terras ,

E ij

Doctrinam ut faceret suam auctiorem ,
Cœpti si bona sors boni fuisset ,
Aut si quid reperisset , absoluta
Vjr quod disceret eruditione.

Vos interrogo , quæ caput tenetis
Nascentis Rhodani superba saxa ,
Cur sævos homines foveatis illos ,
Macutum mihi qui meum abstulere ?

Vos , Nymphæ , rogo , quotquot hinc vel inde
Lemani vitreas tenetis undas ,
Cur pati potuistis hunc cruenta
Scelestaque manu virum interire ,
Cui Nymphæ usque adeo fuere cordi ?

Dic mihi , Cytheræa , dic , Apollo ,
Dic , Hermes , mihi dicite , ô Camænæ ,
Cur nostrum , rogo , cur meum Macutum
Passi estis perimi ? An minus remoto
Ut posseris eo frui , in Deorum
Adjuncto numerum et beatitatem ?
Tali dignus eras : Olympe , cive ,
Tali dignus eras domo , Macute.

Haberis , Superi , mei Macuti
Nunc divinam animam ; at relictæ terris
Moles corporea , illa quam Macuti
Divinum ingenium incolebat olim.
Vos curate animam , Dii , Deæque :
Nobis corporis est habenda cura.

EPIGRAMMA.

55

Hoc dicamus ei sepulchrum inane :

Hei , cur non licet apparare verum !

Audi nunc , ubicunque sis , Macute ;

Sive cum Jove nunc jocularis una ,

Ut cæli novus incola , et colonus ;

Sive te potius novem Sorores ,

Parnassusque tenet bicornis , audis

Te vivum mihi sustulere fata ,

Extinctum quoque sustulere fata.

Quod unum licet , his tuo quotannis

Pares inferias dabo sepulchro ,

Ut meo Pyladi , meoque Achatæ.

Sic qui finis erit mihi loquendi ,

Desse mihi finis est futurus

Te , meum Pyladem , meumque Achatem.

SIMONIS GRINÆI VIRI LONGE ERUDITISSIMI , BONARUM ARTIUM IN ACADEMIA BASILEENSI PROFESSORIS.

Ecquid ad extincti Grinæi funera , Nymphae ,
Ungitis imbre genas largo , Rhenumque per omnes
Turbata , magno repletis littora planctu ?

Ecquid ad extincti Grinæi funera , Phœbe ,
Sublatum esse genus , quem par tibi cura sodalem
Fecerat , et simile adjunctum cognomen utrique ?
Ecquid nunc jaculatur aquas nimbosus Orion ,
Et madidam fundit lachrymosus Aquarius urnam ;

E iij

Cæteraque obscuro radiantia sidera cælo ,
Illustres tingunt nigra ferrugine vultus ?
Ecquid ad extincti Grinæi funera , Vates ,
Dejecti mœrore oculos , lachrymantia verba ,
Et mœsto alternos trahitis de pectore versus ?
O rerum sortes variæ , properataque doctis
Semper fati viris ! I nunc , et cura latentes
Sit tibi , quisquis eris , naturæ inquirere causas.
Scilicet hæc stultos mortales fallit inanis
Spes vitæ : doctis eadem indoctisque minatur
Mors tamen , et magno finem impositura labori ,
Desidiæ et magnæ. Nunc , si sapis , ergo , viator ,
Vive tibi : namque ipse tibi moriere , nec unum
Progrediere diem , lethi cum advenerit hora.
Non tamen usque adeo pietatis nescia corda
Sunt , Grinæe , mihi , quin doctos carmine Manes
Prosequar , et cura memet consoler inani.
Ergo agite , ô Manes , ô mens super æthera pridem
Vecta , pium , quæso , a nobis hoc accipe carmen :
At tu , summe Deûm , vasti qui pondera cæli
Dirigis , et vastus cui sese accommodat orbis ,
Grinæum insontem dilectis orbibus infer.



EPITAPHIA. 99
IN CERATINUM,
PSEUDOMONACHUM.

Flete agendum, flete, ô fratres: extinctus abivite
Ille unus vestræ religionis honos.
Ridete, ô reliqui; risu dignissima res est:
Hæc sunt perpetuis funera digna jocis.
Quippe hujus quondam mendacibus omnia fucis
Perdere, sola diu curaque mensque fuit.
At dum cuncta tegit, dum fraudibus omnia velat,
Mors simulatorem non simulata rapit.

IO. QUELINI, SODALIS
CHARISSIMI.

Ille, Calliope, Quelinus ille;
Et tuus simul, et meus Quelinus,
Ille, inquam, in media senex juventa
Aquis interiit miser sub illis,
Non quas fonte tuo hauserat, nec illis
Quas secum fluvii trahunt sonantes:
Sed quas, dum vigiles terit lucernas,
Collectas aluit scelestus hydrops.
Sic tuus periit tibi Quelinus,
Sic meus periit mihi Quelinus.
Ergo hunc, Calliope, fleamus ambo,
Ut illum propriis aquis peremptum

Eiv

Servemus lachrymis, aquisque nostris,
 Ut vincantur aquis aquæ, et putetur
 Ille, qui periit mihi, tibi que,
 Servatus studio tuo, meoque.

JACOBI BELNENSIS, SUMMI
 TRIUM GALLIÆ REGUM THESAURARII.
 1527. AUGUSTI XII.

Hunc sibi Belnensis tumulū, quem cernis inanem;
 Struxerat; invidit cui laqueus tumulum.
 Debuerat certe, sors si foret omnibus æqua,
 Tardius hic fieri, vel prius ille mori.

RENATI GENTILIS, ITALI
 TORTONENSIS, IN SUPREMA GALLIARUM
 CURIA PRÆSIDIIS ILLAUDATISSIMI.
 1538.

Fracto gutture stare quem revinctum,
 Impellique vides et huc et illuc,
 Quondam purpureo sedens Serratu,
 Primas Parhisio in foro tenebat.
 Verum (proh facinus, scelusque grande!)
 Dum lucri studio impotente captus,
 Bonos non minus ac malos coercet,
 Justo numine sic jubente Divam,
 Vivus qui male sederat tot annos,
 Stare nunc male mortuus jubetur.

EPITAPHIA.

57

GULIELMI LANGÆI INSUBRIÆ PROREGIS, BELLI ET PACIS ARTIBUS CLARISSIMI.

Langæus ille magnus hic jacet, Lector,
Unus Minervam colere doctus, et Martem;
Quo nemo melior pace vixit aut bello.
Vitæ genus habes: mortis en genus disce.
Ætate consumpta laboribus multis,
Suis suorumque omnium fere exhaustis
Bonis in usus Galliæ suæ, tandem,
Cum plus Milone et Curione deberet,
Interiit. Ergo pauper occidit, dices:
Immo locuples, cui patria debuit tantum.

STEPHANI DOLETI AURELII. 1546.

Ardentem medio rogo Doletum
Cernens Aonidum chorus sororum,
Charus ille diu chorus Doletæ,
Totus ingemuit; nec ulla prorsus
E sororibus est reperta cunctis,
Naias nulla, Driasve, Nereisve,
Quæ non vel lachrymis suis, vel hausta
Fontis Pegasei studeret unda,
Crudeles adeo domare flammæ.
Et jam totus erat sepultus ignis;

Jam largo madidus Doletus imbre
 Exemptus poterat neci videri :
 Cum cælo intonuit severus alto
 Divorum pater ; et velut perægre
 Hoc tantum studium ferens sororum ,
 At cessate , ait , et novum colonum
 Ne diutius invidete cælo :
 Cælum sic meus Hercules petivit.

IO. DAMPETRI, MONIALIUM APUD
 MAGDALENAM AURELIÆ RECTORIS, POE-
 TARUM IN SCRIBENDIS HENDECASYLLA-
 BIS FACILE PRINCIPIS.

Clausus cœnobio latebat olim
 Ille Dampetrus , optimus virorum ,
 Princepsque Hendecasyllabôn poëta.
 Et clausus pariter latebat idem
 Mole corporea , haud quidem , fatemur ,
 Obesa nimis aut tenebricosa ,
 Verum corporea , et proinde tali ,
 Ut divinum animum velut quibusdam
 Nexum compedibus tenere posset.

At nunc cœnobiique , corporisque
 Vinculis Dampetrus exolutus exit ,
 Doctorumque volat per ora liber :
 Qui tamen moriens , suis amicis
 Heu quot millia lachrymationum ,

EPITAPHIA.

59

Heu quot attulit anxios dolores !

Ergo haud occidit ipse , quod putaram ,

Occidit potius suos amicos.

**NOBILISS. PRINCIPIS , FRANCISCI
BORBONII, DUCIS ANGUIENNENSIS, POST
INSIGNEM ADVERSUS MARCHIONEM VAS-
THI IN PEDEMONTE VICTORIAM , IN LUDIS
AULICIS INFELICISSIME CÆSI.**

Cum nuper gladios , et fortem evaseris hostem ,

Hic , Francisce jaces ; nec tamen ense jaces.

Sed nec in hostili potuisti occumbere campo ;

Nec fortis forti victus ab hoste cadis.

Sedibus at patriis , belli simulachra cientem

Missa infelici sustulit arca manu :

Arca olim , ut credo , Stygia compacta cupressu ,

Arca , cheu , quanta nobilitata nece !

Arca , in qua Parcam Mavors absconderat ipse ,

Audiit ut factis æmula facta suis.

Sic igitur , miserande , cadis ; nec cernere longum

Illa tua licuit parta trophæa manu.

At si nobiscum vis , ô fortuna ,olari ,

Cur istis mors est seria mixta jocis.



FRANCISCI VALESII, I. CHRISTIANISSIMI
FRANCORUM REGIS, P. P. ET BONARUM
LITTERARUM ASSERTORIS, VINDICISQUE.

Nobile, quisquis ades, Regis venerere sepulchrū,
Regis sepulchrum nobilis.

Nec pigeat mecum Francorum incommoda flere,
Dum multa paucis explico.

Corporis ac animi florentem dotibus, atque
Re facile primum, ut nomine,
Franciscum hunc Regem vidit Fortuna, simulque
Invidit, ut bonis solet.

Illum igitur ficto interdum demulsit amore,
Et inclitis victoriis:

Reppulit irata interdum, vultuque minaci
Tradidit in hostium manus.

Sed nec sors illum melior sic extulit unquam,
Ut esset immemor sui;

Nec Fortuna animos illi sic fregit acerba,
Quin victus illam vinceret.

Ergo suos cernens vanos Fortuna labores,
Et irritos omnes dolos,

Auxilium poscit supplex a Morte: roganti
Mors paret illi protinus,

Et regis primum e natis truculenta peremit,
Cui tertium mox addidit,

Heu! juvenes ambos, ambos nil tale timentes,
Et non mori dignissimos.

EPITAPHIA. 61

Tandem etiam, ô facinus ! parta jam pace fruentem
Aggressa patrem sustulit.

Sublatum ingemuere oēs, sed præ omnibus, illæ,
Illæ Camœnæ nobiles,
Hebrææ, Græcæ, et Latine, quas ille fovebat,
Ut filias solet pater.

Quæ nunc, ut referant illi quæ præmia possunt,
Fovent vicissim mortuum,
Et quantum in sese est, a cæca mortis opacæ
Oblivione vindicant.

FRANCISCI VALESII, FRANCISCI REGIS FILII, ET GALLIARUM DELPHINI, PROPINATO APUD AVENIONEM VENENO PRODITORIE SUBLATI.

Hunc etiam juvenē extinctū, rogo, cerne, viator,
Hei mihi, cur vivum dicere facta vetant ?
Hic est, quo niti regnum debebat avitum,
Spes patriæ nuper, spes quoque prima patris:
Pro quibus intrepidus fortē dum fertur in hostem,
Ipse illum Mavors vidit, et obstupuit;
Aggressusque dolo, et crudelis fraude yemeni,
Sustulit. Heu magnis fraus bene nota viris !
Macte tamen, Princeps : nam te mors ipsa facetur
Non aliter vinci quam potuisse dolo,
Nempe erat hoc reliquum, Pellæi ut principis actæ
Æquæ, simili te quoque fraude mori,

**CAROLI VALESII, FRANCISCI
REGIS FILII, ET AURELIORUM DUCIS.**

Gallia fœlici fœlix mîhi patria nuper,
Idem etiam nuper rexque paterque fuit.
Ingenium (nisi me assentatrix turba fefellit)
Cœlestè, et summis æmula forma deis.
Jamque mihi externos Fortuna parabat honores;
Jam poteram magni Cæsaris esse gener:
Quando ferox blanda pro conjuge Parca reperta est,
Quæ mihi pro thalamo sterneret hunc tumultum.
Nec tam erœpta movent, tamè hæc me cōmoda vitæ,
Quam doleo abruptum nobile pacis opus.
Sed quanquam haud potui pacem componere vivus,
Quis scit ab interitu surget an ipsa meo?

**IN MORTEM FRANCISCI VALESII,
I. FRANCORUM REGIS, ET DUORUM EJUS
LIBERORUM, FRANCISCI CAROLIQUE,
ALTERIUS GALLIARUM DELPHINI, AL-
TERIUS AURELIORUM DUCIS.**

Aspicis infœlix tres Regum Gallia mortes,
Heu vicina nimis funera funeribus!
Aspicis efferri, quantaque potes pietate
Prosequeris facibus, prosequeris lachrymis.
Nec mirum: digni siquidem natique paterque,
Quorum elementa necem muta vel ipsa gemant.

ICONES.

63

Crudeles Superi, ut sit mors matura parentis,
 (Debuerat princeps si tamen iste mori)
 At cur tam subito ternis ex fratribus unum
 Servastis, rapuit Mors violenta duos?
 Nam potius, digna ut virtutis præmia ferrent,
 Condendus triplex fratribus orbis erat.



ICONES.

Hercules OEteus.

Certavit mecum virtus, superataque cessit;
 Hac volui victa, victor et esse mei.

Dido rogum consensura.

Punere Didonis sapientes este puellæ:
 Sunt nulla hospitii pondera, nulla thori,
 Hector.

Hectoris incolumis mansisti, patria, dextra;
 Hectore quid mirum si pereunte, peris?
 Pithagoras.

Laudent vitam alii suam loquendo:
 Virtutem ipse meam probo tacendo.

Xenophon.

Pallada dilexi; pariter me Pallas amavit;
 Et literas Pallas, et dedit arma mihi.

Alexander Magnus.

Post Persas fusos, quæsitæque orbis habenas,
 Armis non potui cedere; cedo dolis.

Democritus.

Omnia Democritus ridebat: tu quoque, lector;
Democriti ride, si sapias, tumultum.

Demosthenes.

Magnū opus est, hominū regere et cōponere mētes:
Sed tamen hic magnum præstitit illud opus.

Spartana filium interfectura.

Ergo ubi sunt comites? tun' es Lacedæmone natus?
At peperit matrem terra Lacæna tibi.

Sappho.

Auxit Musarum numerum Sappho addita Musis:
Fœlix, si sævus sic voluisset amor,

Lucretia.

Pollutum est corpus, mansit mens integra nobis:
Et non ex isto corpore casta fugis?

M. Brutus, Cæsaris interfector,
seipsum interfecturus.

Divitiis uti licuit cum Cæsare partis:

Ferre necem possum, non potui dominum.

Cato Uticensis.

Vicisti Magnum; Cæsar: sed quidlibet aude,
Unus dicitur se superasse Cato.

Camillus.

Romanam, fateor, construxit Romulus urbem;
Capta ego restitui mœnia: major uter?

P. Virgilius Maro.

Et tu, docte Maro, es sublatus orbi,

Mori

Mori numina posse quis putasset?

Juppiter Phidiacus.

Ut tali sese cognovit imagine pictum,

Tandem etiam geminus Juppiter, inquit, ero.

In eundem.

Quantum hic a vero distet Jove Juppiter audi:

Nempe hic est castus, priscus adulter erat.

Venus.

Me Paris, et natus nuper, Pallasque salutant,

Hæc Venerem, matrem natus, at ille deam.

In eandem.

Nunc demum cœpi Venus esse venustior: olim

Quæ fuerant sociæ, contineo Charites.

In eandem.

Falluntur, qui me cohiberi posse negarunt:

En basis hæc Venerem sistere parva potest.


T. Livii.

Tumulum Tito nuper parabam Livio;

Cum sic Apollo jussit ut desisterem:

Hæc mortuos, inquit, decent; vivit Titus.





THEODORI BEZÆ

VEZELII

EPIGRAMMATA.

AD LECTOREM.

SUNT qui Lectori longo fastidia libro
Longa ferant : fas sit scribere pauca mihi.
Iste tamen poterat , Lector , liber esse , libellus ;
Pendere sed versus , non numerare decet.

AD EUNDEM.

Non convitia , nec latrationes ,
Nec ronchos timeo , calumniasve ,
Nec ullos obelos severiores .
Non quod iudicio meo Poëta
Sim tantus , nihil ut queat reprimi :
Sed quod iudicio meo Poëta
Sim tam ridiculus , parumque doctus ,
Ut nullum fore iudicem eruditum ,

EPIGRAMMATA.

67.

Meos carpere qui velit labores :
Nam quis Æthiopem velit lavare ?

DE GEMINIS SOLIBUS VISIS
LUTETIÆ PARISIORUM, ANNO 1539.
EXEUNTE, CAROLO CÆSARE KAL. JAN.
ANNI 1540. URBEM INGRESSURO.

Aspiceres nuper geminos cum, Gallia, Soles,
Mirata es Soles, Gallia tota, duos.
At nunc mirari potius tua comoda disce,
Quæ spondere tibi sidera bina vides.
Sol est Franciscus, sol est quoque Carolus : istos
Nimirum Soles astra benigna notant.
Quod si concordēs fœdus conjunxerit ietum,
Eclipsis fuerit nulla timenda tibi.

IN CLAUDIUM.

Non cessas veteres, Claudī, incusare Poëtas.
Claudo ausos Venerem jungere Mulcibero.
At Divos ego non cesso vocitare furentes,
Uxor quod claudio sit data bella tibi.
Attamen hoc nostrum cœpit lenire dolorem,
Quod tua nunc Martem cœpit habere Venus.

DE COMMENTARIIS D. MELCHIORIS
VOLMARI, PRÆCEPTORIS CHARISSIMI,
IN HOMERI POESIM.

Mæonidem ingrati privarant lumine Divi,
Nec vati quicquam proderat esse sacro.
Hoc scelus advertens noster Volmarius, illi
Restituit, divi quos tulerant, oculos.
Parcite mi, Superi, vobis est major habendus;
Irrita qui Superum reddere jussa potest.

IN QUENDAM ASINORUM
ENCOMIASTEN.

Dum laudas asinos, toties cur, Pontice, peccas?
Nempe tibi ignotum γῶδι σταυρὸς erat.

IN AMOREM.

Esse hominum curam Superis si credere fas est;
Et quæ sentimus commoda ferre Deos,
Cur, rogo, felici Divum numeratur in albo
Fraudibus ille suis nobilitatus Amor?
Sane illum quisquis supremo adscripsit Olympo,
Hunc nimius, credo, cepit Amoris amor.



DE VENERE MARMOREA REGI
DONATA A RENZO EQUITE.

Quæ tibi missa fuit nuper, Rex maxime regum,
Non est ficta Venus, vera sed ipsa Venus.
Scilicet illa polum, Martemque, Jovemq; reliquit,
Quod te his majorem crederet esse tribus.

AD CAROLUM QUINTUM,
CUM LUTETIAM INGRESSUS ESSET.

Te præsentæ suæ est facies quod reddita cælo,
Et sensit numen Juppiter ipse tuum,
Miratur vulgus: sed cui est tua cognita virtus,
Virtus, perspectum, quid tua possit, habet.
Scilicet hoc æquum est, ut qui moderamine tanto
Jura dat in terris, jura det ipse polo.

AD LODOICUM VALIDUM.

An est credibile, hunc meum libellum,
Hunc, inquam, illepidum meum libellum
Perlectum esse tibi, et molestiarum
A te tædia tanta devorata?
Esto, legeris, et molestiarum
Semel tædia tanta devoraris:
Dic mihi, Lodoïce, amabo, tunc
Ullum unquam insipidum magis poetam

70 EPIGRAMMATA.

Legisti ? An retices ? nec id fateri
 Vis ? personam igitur tuam ipse sumam,
 Et satisfaciam mihi roganti ,
 Et quanta potero intonabo voce :
 Non vidi insipidum magis poëtam.

DE AMICITIA CUM TRUCHIO

INITA.

Heu , vos advoco , vos acres Sophistas ,
 Fallaces , querulosque homunciones ,
 Qui noctes teritis , diesque totos ,
 Querendo insidias locutionum.
 Vos , inquam , advoco , vos acres Sophistas ,
 Qui posse hoc fieri simul negatis ,
 Ut quis victitet in locis duobus.
 Tandem vera loqui , ô tenebriones ,
 Discite , et fieri videte posse ,
 Posse quod fieri simul negatis.
 Cum sim unus , tamen in locis duobus
 Vitam vivo simul , velutque nostra
 In partes geminas secata mens est :
 Apud me altera vivit , altera autem
 Vivit in Truchio meo. Ergo nobis
 Palmam ceditis , ô tenebriones ?

EPIGRAMMATA.

71

IN SAPIDUM.

Dum sese egregium Sapidus putat esse poëtam ,
Desipit , et Sapido nil magis insipidum.

DE THEOCRENI, REGIORUM SUB FRANCISCO I. LIBERORUM PRÆCEP- TORIS , EPIGRAMMATUM LIBELLO.

Arva Maro laudare docet spatiosa colonos ,
Idem parva docet rura colenda Maro.
Qui vult , hic terram centenis vertat aratris :
Plus juvat hic parvus , sed bene cultus ager.

IN PHILÆNUM.

Nil non egregie facit Philænus ,
Tersus , integer , elegans Philænus.
Testem si petis , en tibi , Phileno
Teste , hæc omnia perficit Philænus.

AD BIBLIOTHECAM.

Salvete , incolumes mei libelli ,
Mææ deliciæ , mææ salutes.
Salve , mi Cicero ; Catulle , salve.
Salve , mi Maro , Pliniûmque uterque ,
Mi Cato , Columella , Varro , Livii.

72 EPIGRAMMATÆ

Salve, mi quoque Plaute, tu Terenti,
 Et tu salve, Ovidi, Fabi, Properti.
 Vos salvete etiam, disertiores
 Græci, ponere quos loco priore
 Decebat, Sophocles, Isocratesque.
 Et tu, cui popularis aura nomen
 Dedit, tu quoque, magne Homere, salve.
 Salve, Aristoteles, Plato, Timæ;
 Et vos ô reliqui, quibus negatum est
 Includi numeris Phæuciorum.
 Cuncti denique vos mei libelli,
 Salverote, iterumque, tertiumque,
 Atque audite meam precationem.
 Hoc ergo precor, ô mei libelli,
 Ut ne longa mihi mora illa (senis
 Nam a vobis procul abfui diebus)
 Obsit, quominus undiquaque tali
 Sitis in me animo et favore deinceps,
 Quali, dum proficiscerer, fuistis,
 Nimirum faciliq; candidoque.
 Quod si istam mihi supplicationem
 Vos concesseritis, mei libelli,
 Id vobis quoque pollicebor ipse,
 Non me unam hebdomadam procul, quid? immo
 Non diem procul unicum absfuturum.
 Quid diem? immo nec horulam, immo nullum
 Punctum temporis, ut libet pusillum,

AD

AD SODALES, DE MELCHIORIS
VOLMARI, PRÆCEPTORIS CHARISSIMI,
ADVENTU IN GALLIAM.

Audite, ô lepidi mei Sodales,
Ter suavem atque hilarem locutionem.
Ille Volmarius, mei ô Sodales,
Integerrimus omnium virorum,
Ille Volmarius modo est reversus.
Hunc ergo, ô lepidi mei Sodales,
Diem cantibus, oro, transigamus.
Procul mœstitiæ, molestiæque,
Procul tristitia, atque solitudo,
Procul sint gemitus, procul dolores.
At tu, lætitia, adveni; tuumque
Adducas comitem, optimum Deorum
Lyæum, et Ceterem optimam Dearum,
Io, mi bone Bacche, mi Lyæe,
O Ceres mea; ne mihi negetis,
Quæso, istam exigua petitionem:
Advolate, rogo, Deis relictis.
Hic nulli tetrici deambulones,
Hic rixosus erit, Sophista nullus;
Sed convivæ aliquot boni poëtæ,
Nempe Rillerius, Jobertiusque:
Tertius quoque Claudius futurus,
Locum post alios tenebo quartum.

74. EPIGRAMMATA.

At tu, Melchior, in loco supremo

Sedens, Mercurique Apollinisque,

Et vices Charitum suplebis unus.

Quod si forte tua eruditione

Audita, (quis enim tuam negarit

In cælum quoque transiisse famam?)

Facundus veniat nepos Atlantis,

Aut Phœbus, Charitesve : tunc manebis

Suprema nihilominus cathedra;

Et tacentibus omnibus loqueris.

Nam quis (ni penitus caret cerebro)

Phœbo, Mercurioque, Gratiisque,

Negat Volmarium eruditorem?

IN L. JUNII COLUMELLÆ

LIBROS DE RE RUSTICA.

Orphea mirata est Rhodope sua fata canentem,

Si modo Virgilii carmina pondus habent.

Tu vero, Juni, sylvestria rura canendo,

Post te urbes ipsas in tua rura trahis.

O Dî, quos olim nutrit Roma Quirites,

Quæ tam facundum viderit agricolam?



EPIGRAMMATA. 75

DE ALDO MANUTIO, ROM.

OMNIUM QUIDEM AUTHOREM, PRÆCIPUE
VERO POETARUM, EXCELLENTISSIMO TY-
POGRAPHO.

Didonis cecinit rogum disertus
Maro : Pompeii rogum Lucanus :
Et diserte adeo hoc uterque fecit,
Ut nunc vivere iudicetur illa,
Nec jam mortuus hic putetur esse :
Immo sint redivivi, et hic, et illa.
Ergo credere fas erit poëtas
Divos, ut pote qui loquendo possint
Vitam reddere mortuis : quod ipsis
Est divi proprium et peculiare.
Quod si credere fas Deos poëtas,
Vitam reddere quod queant sublatam :
Quanto est justius æquiusque, quæso,
Aldum Manutium Deum vocare,
Ipsis qui potuit suo labore
Vitam reddere mortuis poëtis ?

DE CANDIDA.

Defessus medio thoro jacebam,
Et somno grave jam caput cadebat,
Sui Candida cum miserta Beze,
Præsens est mihi visa dormienti

76 EPIGRAMMATA;

Jocos deliciasque facitare ;
 Et tractare manu , et notare ocellis ,
 Et bl̄esa velut increpare voce,
 Contra sic ego somnians loquebar.
 Ni sis me mihi charior , puella ,
 Dissolvi capio , et perire totus.
 Vix hæc edideram , repente nostrum
 Cum lux invida somnium diremit ,
 Et meam mihi sustulit puellam.

At tu , quisquis es , ô tenebricosæ
 Præses optime cogitationis ,
 Seu te Morphea , seu vocare Somnum
 Fas est , fac vigil ut queam videre ,
 Quod somno potui videre captus,
 Aut , si non aliter potes mederi
 Huic desiderio meo , perennem
 Inducas mihi somnationem !

IN SEXTUM.

Cæcus es , et cunctos reprendis , Sexte , poëtas ;
 Sanum reprehensor debet habere caput.

IN THAÏDA CÆCAM
 ET PONTICUM CLAUDUM.

Thaïda cras duces cæcam , pede claudus utroque ;
 Convenis uxori , convenit illa tibi.

EPIGRAMMATA. 77

Integrum e duplici surget sic corpore corpus,
Si præstes oculos, præstet at illa pedes.
Ergo rem faciunt te dignam, Pontice, divi,
Semiviro qui dent *hypocrisis* tibi.

IN LUPUM.

Jejunus sobrium mihi Platonem
Laudabas, Sophiamque prædicabas:
Mox vero ut tibi cœna sumpta mecum,
Mutasti faciem atque opinionem.
Qui factum hoc, Lupe, tam cito ut juberet
A cœna Sophiam valere? nempe
Cœnatus, Lupe, non eras apud te.

DE FRANCISCO RABELÆSO.

Qui sic nugatur, tractantem ut seria vincat,
Seria cum faciet, dic, rogo, quantus erit?

DE HELIONORA FRANCORUM REGINA.

Nil Helena vidit Phœbus formosius una:
Te, Regina, nihil pulchrius orbis habet.
Utraque formosa est; sed re tamen altera major:
Illa serit lites, Helionora fugat.

78 EPIGRAMMATA.
IN ASINIUM.

Seu domi mihi, seu foris repertus,
Promissi et fidei datæ admoneris:
Tu contra velut admodum occupatus,
Has facis nihili petitiones;
Sed horam tamen inquis adfuturam,
Qua me ex paupere divitem et beatum
Reddas. En igitur tibi ipse dono
Horas quod tibi nunciabit omnes.
Tandem nunc, Asini, potes jubere,
Hæc ut hora sonet diu expetita.

DE FRANCISCI ET CAROLI
INDUCIIS.

Roma olim cessit soceri generique furori;
Et cecidit gladiis inclyta Roma suis.
Quod si illi placidas junxissent fœdere dextras,
Robore staret adhuc Martia Roma suo.
Sic fratrum immitis nuper discordia pene
Funditus Europæ verterat imperium:
At quoniam jungunt concordia pectora fratres,
Servatum Europæ dicitur imperium.



DE MORBO FRANCISCI GALLORUM
REGIS, SALUTEQUE MOX ILLI REDDITA.

Ægroto Pallas Francisco ægrota jacebat,
Optabat Mavors æger et ipse mori.
Illa, quod hoc tutam solo se credat alumno:
Hic, quod sit studio natus uterque pari.
Quod si Franciscum mors eripuisset, eodem
Funere Mars functus, functa Minerva foret.
Hoc Atropos mirata nefas, feritate reposita,
Tres una vetuit morte perire Deos.

AD CL. MAROTUM.

Tam docte Venerem divinus pinxit Apelles,
Illi ut credatur visa fuisse Venus.
At tantam sapiunt Venerem tua scripta, Marote,
Ut tibi credatur cognita tota Venus.

AD CANDIDAM, DE IPSIUS FACIE
IN TABELLA EXPRESSA.

Quanto pulchrius elegantiusque
Picta hæc est tabula omnibus tabellis:
Tanto pulchrior elegantiorque
Hac ipsa mihi crederis tabella.

XENIUM TRUCHIO ET DAMPETRO.

Sinceris mos est nunquam neglectus amicis,
 Anni sub primos mittere dona dies.
 Nempe quod ut veteris renovatur circulus anni,
 Fas sit ut antiquus sic renovetur amor.
 Ergo cum Bezam Truchius fateatur amicum,
 Nec me Dampetrus deneget esse suum:
 Non temere, priscos homines imitatus, utrique
 Parva quidem mitto dona, sed apta tamen.
 Ambo estis Vates; ambobus carmina dono,
 Carmina quæ nostri pignus amoris erunt.
 Vos pridem sincerus amor conjunxit in unum:
 Unum igitur decuit munus habere duos.

DESCRIPTIO VIRTUTIS.

Quænam tam lacero vestita incedis amictu?
 Virtus antiquis nobilitata Sophis.
 Cur vestis tam vilis? Opes contemno caducas.
 Cur gemina est facies? Tempus utrumque noto.
 Quid docet hoc frenum? Mentis cohibere furores.
 Rastros cur gestas? Res mihi grata labor.
 Cur volucris? Doceo tandem super astra volare.
 Cur tibi mors premitur? Nescio sola mori.



EPIGRAMMATA. 81

IN FORI MANCIPIA.

Cum sit hoc proprium fere poëtis ,
Rebus omnibus ut peculiarem
Divum constituent , suumque numen :
Cur lucrum , forum ; et elocutionem ,
Uni Mercurio tamen sacrarunt ?
Prisci scilicet hoc modo indicarunt
Futurum , ut rabiosa quisquis arma
Tractaret fori , haberet ille curam
Lucri , non minus ac locutionis.

AD MARIANUM.

Augustas , Mariane , deum venturus ad aras ,
Nulla cremas magno thura Sabæa Jovi.
Nec capis externos cultum qui spargat odores ,
Nec diti tractas aspera signa manu.
Gemmæ nunquam sudas sub pondere vestis ,
Nec digitos onerat res peregrina tuos.
Sed placidam et nullo pollutam crimine mentem ,
Atque sua notas a pietate manus ;
Cæteraque integros domini testantia mores ,
Hæc , inquam , magnis des , Mariane , deis.
Quod si rara solent merito pretiosa videri ,
Nemo dedit , nemo plus , Mariane , dabit.

82 EPIGRAMMATA.
IN ERASMI IMAGINEM.

Illum, quo totus nunc personat orbis, Erasmum
Hæc tibi dimidium picta tabella refert.
At cur non totum ? mirari desine, lector :
Integra nam totum terra nec ipsa capit.

AD MUSAS, TINEÆ SACRIFICIUM
LUDICRUM.

Si rogat Cereremque, Liberumque,
Vitæ sollicitus suæ colonus :
Si Mavortis opem petit cruentus
Miles, sollicitus suæ salutis :
Quidni, Calliope, tibi, tuisque
Jure sacra feram, quibus placere
Est unum studium mihi, omnibusque
Qui vatum e numero volunt haberi ?
Vobis ergo ferenda sacra, Musæ.
Sed quæ victima grata ? quæ Camœnis
Dicata hostia ? Parcite, ô Camœnæ :
Nova hæc victima, sed tamen suavis
Futura arbitror, admodumque grata.
Accede, ô tineæ, illa quæ pusillo
Ventrem corpore tam geris voracem.
Tene Pieridum aggredi ministros ?
Tene arrodere tam sacros labores ?
Nec factum mihi denega : ecce furti

Tui exempla , tuæ et voracitatis.
Tu fere mihi passerem Catulli ,
Tu fere mihi Lesbiam abstulisti.
Nunc certe meus ille Martialis
Ima ad viscera rosus usque languet ,
Et quærit medicum suum Triphonem.
Immo et ipse Maro , cui pepercit
Olim flamma , tuum tamen terebrum
Nuper , ô fera ter scelesta , sensit.
Quid dicam innumeros bene eruditos ,
Quorum tu monimenta , tu labores
Isto pessima ventre devorasti ?
Prodi , jam tunicam relinque ; prodi.
Vah , ut callida stringit ipsa sese !
Ut mortem simulat scelesta ! prodi ,
Pro tot criminibus datura pœnas.
Age , istum jugulo tuo mucronem
Cruenta excipe , et istum , et istum , et istum.
Vide ut palpitet , ut cruore largo
Aras polluerit prophana sacras.

At vos , Pierides , bonæque Musæ ,
Nunc gaudete : jacet fœra interempta ;
Jacet sacrilega illa , quæ solebat
Sacros Pieridum vorare servos.
Hanc vobis tunicam , has dico , Camœnæ ,
Vobis exuvias , ut hinc trophæum
Parnasso in medio locetis , et sit

84 EPIGRAMMATA.

Hæc inscriptio : De fera interempta
Bezæus spolia hæc opima Musis.

IN PHILÆNUM.

Aurelias vocare vespas sœvimus ,
Ut dicere olim mos erat nasum Articum :
At te , Philæne , Aurelium vocabimus
Fucum , quod omnes adeo pungas frigide ,
Aculeum ut interim relinquo nemini.

AD TRIPUTIUM , AURELIUM
JURISC.

Doctum illum et lepidum tuum libellum ,
Quo mysteria juris explicasti ,
Fertur Mercurius tulisse nuper
Ima ad Tartara ; protinusque doctis
Illis Manibus , ut Papiniano ,
Paulo , Scevolæ , et Ulpiano , et illi
Juris quem merito vocant lucernam ,
Legendum exhibuisse : deinde lecto
Sic cœpisse loqui tuo libello :
Ecquid ceditis ? At Papinianus ,
Cuncti cedimus , inquit , haud gravare.



EPIGRAMMATA. 85

IN PHILOPATRUM,

Damnabis (fateor) nostros , Philopatre , libellos ;
Et tibi non lectum despicietur opus.
Quid tum ? si nostros carpas , Philopatre , libellos ,
Debebunt tanto nostra placere magis.

IN EUMDEM,

Sive Palatina Philopatrus inambulet hora ,
Et fatuo incessu marmor utrumque terat :
Sive famēs illum locupletum querere mensas ,
Et præcul e vacua jussitat ire domo :
Seu jejunos eat , seu pleno ventre vacillet ,
Seu lateat solus , seu comitatus eat ;
Semper habet quiddam , turpi quod garriat ore ;
Quod merito possit carpere , semper habet.
Semper hiat , semper colloque humerisque laborat ;
Et simulat magnum voce manuque sophos.
Sed cum te audierint multi bene multa loquentem ,
Nemo bene audivit te , Philopatre , loqui.

XENIUM CANDIDÆ.

Vestes divitiis graves et arte ,
Aptandumve tuo monile collo ,
Aut quos India mittit uniones ,
Jani nec queo , nec volo Calcedis

86 EPIGRAMMATA.

Ad te mittere, Candida, una Bezæ
 Dilectissima Candida. At quid ergo?
 Ipsam nempe animam tibi dicatam,
 Amorisque tui ignibus perustam:
 Quæ, pridem tua sit licet, suamque
 Te pridem dominam vocetque ametque,
 Se rursus tibi datque dedicatque,
 Inclusa his numeris Phaleuciorum.
 Quod si munera raritate censes,
 O Di! quam tibi grande mirro munus!

DE TRUCHIO ET VALIDO.

Vos ego, divini Manes appello Platonis,
 Integer est cujus munere notus Amor.
 Dicite, non curnam in sese moriantur amantes;
 Curve anima vivant alter in alterius:
 Aut quales merito nobis dicamus amicos,
 Aut solidi verum quod sit amoris opus.
 Hæc ego non quero, nec quæ retulisse Platonis
 Sobrius ad sobrii prandia fertur amor.
 Sit satis hæc dixisse semel: nunc dicite, Manes,
 Quædam animo nondum sat bene nota meo.
 Mens simplex atque una mihi est: hanc attamē unā
 Pridem amor in partes jussit abire duas;
 Atque ait, hanc animam divisam trado duobus,
 Dimidiam Truchio, dimidiam Valido.

EPIGRAMMATA. 87

Salva tamen mens est: vivo, scriboque, loquorq;
Et tamen hæc Validi est, et tamē hæc Truchii est,
Quodque magis mirum, cum sit divisa duobus,
Utique integrā diligo amoque animam.

IN HUBERTUM SUSSANNÆUM, PERDITISSIMUM NEBULONEM.

Norunt Hubertum ganeones prodigi;
Norunt magistri cocta quos crambe necat;
In urbe tota nullus histrio later,
Nec mœchus ullus, læno scurræve impudens,
Nec Chiromantis ullus, aut cadaverum
Molestus excitator, aut yates malus,
Cui non Hubertus iste sit notus bene.
Sed scire vis ignotus hic cui sit? sibi.

IN OLLUM.

Quamvis illa mihi forensis esset
Pridem perfidia usque et usque nota;
Nec donis ego, nec pecuniarum
Peperci cumulo, ut mihi innocenti
Præsto iudicis ad Tribunal esses.
At tu muneribus meis receptis,
Me, nec id semel, Olle, prodidisti,
Sane es integer et bonus patronus,
Spem qui fallere non velis clientis.

88 EPIGRAMMATA.

DE JOANNE SECUNDO HAGIENSI,
POETA EXIMIO.

Excelsum seu condit opus, magnique Maronis
Luminibus officere studet:
Sive leves elegos, alternaque carmina, raptus
Nasonis impetu canit:
Sive lyram variis sic aptat cantibus, ut æ
Victum erubescat Pindarus:
Sive jocos blandosque sales epigrammate miscet,
Clara invidente Bibili:
Unus quatuor hæc sic præstitit ille Secundus,
Secundus ut sit nemini.

A D F A B U L L U M.

Si cœnare voles, Fabulle, mecum,
(Sed cœnare voles, Fabulle, mecum)
Audi quæ tibi cœna sit parata.
Perdices gemini duas edemus:
Turtur mox aderit, nec ille solus,
Sed quem casta præstans sequetur uxor.
Hæc nos frigidulo mero, Fabulle,
Et fame hæc quoque condicemus ipse.
Sed scis qualia vina comparavi?
Quæ si non vocites Optimiana,
At certe Optimiana jure dicas.

EPIGRAMMATA. 89

IN PHILÆNUM.

Erasmus ille, quæ fatentur plurimi
Nihil fuisse vel futurum doctius,
Tibi, Philæne, stupidus est et plumbeus:
Et quicquid uspiam ab omnibus fingi potest
Calumniarum, stulte in illum congeris.
Latra, Philæne, quandiu et quantum voles:
Hunc scire constat plura, quam tu nescias.

GENETHLIACON FRANCISCI
VALESII, HENRICI VALESII GALLIA-
RUM OLIM DELPHINI FILII, DECEM DE-
MUM ANNIS NATI POST CONJUGIUM CUM
CATHARINA MEDICEA INITUM.

Fertur in Alcmenes venturus Juppiter olim
Brachia ter noctis continuasse vices.
Nempe quod in magni divinos Herculis ortus
Nox, hyberna licet, non foret una satis.
Sic, princeps Henrice, tuo cum e semine vellent
Alcidem Gallis gignere fata suum,
Unius in prolis conceptum currere menses
Jusserunt, magna cum ratione, decem.
Scilicet haud aliter proptus quam pluribus annis
Formari tantus debuit iste puer.
Et (si fas homini res est aperire futuras,
Nec dici Vatum numen inane decet)

90 EPIGRAMMATA.

Quo deni plures ternis sunt noctibus anni;
Hoc tuus hic infans Hercule major erit.

GENETHLIACON ISABELLÆ
A FRANCIA, HENRICI VALESII, GAL-
LIARUM OLIM DELPHINI, ET ILLUSTRIS-
SIMÆ PRINCIPIS, CATHARINÆ MEDI-
CES, FILIÆ.

Ecce novos peperit Gallis Catharina triumphos,
Jam prole dives altera;
Natorumque loco felicem crescere turbam
Avus nepotum conspicit.
En vixdum nata in cunis Isabella videtur
Vagire quiddam regium;
Moxque jocos blandæ tenero cum fratre sororis
Spectabit Henricus pater.
At Gallus primis jam nunc miratur in annis
Suos futuros principes;
Et quamvis teneræ, magnū jam frontis honorem
Notasque regias colit:
Donec paulatim, illorum crescentibus annis,
Spes patriæ adolescat simul:
Francisco ut domitos forti, victosque pudico
Isbellæ amore blandulæ,
Gallica conspiciat venerari lilia procos
Orbis superbos principes.
Illi etenim nullus poterit par viribus esse:
Odisse nullus hanc volet.

EPIGRAMMATA: 91

DE FÆLICI INAUGURATIONE

HENRICI II. CHRISTIANISSIMI

FRANCORUM REGIS.

Francisco postquam sublato Gallia sensit

Cujus lene foret mox subitura jugum ,

Finiit, ut potuit, gemitus, animisque receptis ,

Istæc fassa fuit damna lucrosa sibi.

Ergo age, quamprimum fac hujus, Sequana, Regis

Ad gelidas Arctos nuncia fama volet.

Hæc, Liger, Hesperiiis, Rheni, Mosa, dicito ripæ;

Hæc, Rhodane, ambustos perfer ad Æthiopas ,

Gallorum Henricum fœlicia sceptrâ tenere ,

Ingentem ingenti de genitore satum :

Nec regem esse tamen ; dubium quia fecerit ipse ,

Rex Gallis dici debeat, anne pater.

D. QUELINO SENATORI PARISIENSI,

CUM UXOREM DUCTURUS EGROTARE

CŒPISSET.

Sen Dea, seu Deus est, qui te tam læta parantem

Conjugia, e tristi vix sinit ire thoro :

Illa Dea, iste Dei privari numine dignus ,

Dignus qui Superum cedat ab arcæ procul.

Nam tua vel virtus, vel castæ vota puellæ ,

Materies justi plena favoris erat.

Hij

92 EPIGRAMMATA:

Perge, Queline, tamē, nec tā bene cœpta morere
Finem etiam morbis Dī statuere suum.

Perge, puella, simul : namque, ægrotaute Quelino,
Vix alius toto sanior orbe vir est.

A D P O N T I C U M.

Nostras, Pontice, somnationes
Narro cum tibi, tunc moves cachinnos ;
Et hæc plena putas ineptiarum.
Atqui, Pontice, somniare nuper
Sic mi contigit, ut mihi viderer
Omnes divitias opes, talenta,
Pactolique, Tagique, possidere.
Esse hæc somnia vera tun' negabis?

DE VICTORIA PARTA ADVERSUS
MARCHIONEM VASTI, ANNO 1544.
APUD PEDEMONTEM.

Francorum victas acies Insubria vidit :
Vidit, sed Franci robore freta ducis.
Namque velut quondā Romā oppressere Quirites
Sic est pene sua Francia versa manu.
At nunc eversas Aquilas Insubria cernit,
Et colubris rursus lilia juncta suis.
Ergo seu vincat, seu cedat Francus, utrinque ;
Virtutis laudem quod mereatur, habet.

EPIGRAMMATA. 93

AD GERMANUM VALENTEM.

Ergo Germani vultus violabit amœnos
Barba, licet lenis flavaque, dura tamen?
Dura equidem, nobis quæ tam cito præripit illas,
Illas quas Phæbus vellet habere genas;
Et mediam nobis faciem quæ surripit illam,
Quam lepos incoluit, cumque lepore jocus:
Istos barba decet, quibus est sic acta juventus,
Ut cæcæ tuti sint sub honore comæ.
At quid non didicit primis Germanus ab annis,
Quem vixena videt bruma peracta senem?
Cede igitur, lanugo, procul: nisi cesseris, ecce,
Quod queat invitam cogere, tonsor habet.

DE PACE INTER FRANCISCUM I. GALLIARUM REGEM ET CAROLUM V. CÆSAREM INITA.

Vidimus, heu, fratres in mutua bella paratos:
Vidimus accensas Martis ubique faces.
Nunc tamen, ô Superi, placidis allabitur alis
Aurea perpetuos pax habitara dies.
Quis porro tanti tibi, Gallia, muneris author?
Gallia, quo tandem vindice facta tua es?
Scilicet hic Superùm favor est, hæc munera Divû:
Non sunt hæc cæli munera tota tamen.

EPIGRAMMATA.

Quippe etiam partem doni sibi vindicat hujus ;

Et Rex , et Regis natus uterque tui.

Roma igitur patriæ Patres numeraverit olim :

Nos patriæ Patres , et numeremus avum.

IN PAULINUM.

Paulino quoties condixi , Testile , cœnam ,

Nunquam , cum taceat cætera turba , tacet ;

Nec nisi depositis dapibusque meroque quiescit.

Ergo satur , dices , non abis : immo venit ,

IN CÆCILIMUM.

Quandocunque sibi parare amicos

Optat Cæcilius fideliores ,

Hos solo probat æstimatque censu ;

Nec quenquam colit ut suum libenter ,

Virtus unica quem facit beatum ;

Sed cujus titulos superbiores

Triplex linea vix notare possit ,

Hunc suum vocat , hunc colit libenter.

Sic servitur , avare , non amatur.

IN POSTHUMUM.

Sæpe quidem verbo solvis , re , Posthume , nunquã.

Quod toties solvis , jam , rogo , solve semel.

EPIGRAMMATA.

95

IN BERGEDUM.

Audes (ô facinus) censoris sumere normam,
 Et semper mœsti verba sonare senis.
 Audes, ô mores, ô tempora dicere, cum sis
 Socraticos inter gloria prima canes.
 Sic tamen, ô demens, sic, inquâ, Bergede, ploras,
 Quale rudis vector, pande Silene, tuus:
 Quale gemunt calami crasso tractante bubulco,
 Quale gemit viridi fulta quadriga rota.
 Denique sic ploras, ut qui tua carmina ridens
 Non legat, inventus sis, puto, nullus adhuc.

AD JANUM.

Aureolos Paulo vicanos, Jane, dedisti:
 Credita nam qui non repperit, ille dedit.
 Sed quamvis dederis, quamvis nil inde reposcas,
 Aureolos reddet bis tibi, Jane, decem.
 At quando ÷ dices; Græcorum nempe Calendis:
 Cum dederis nummos, credere verba potes.

IN DÆDALUM.

Seu te seria, seu joci morantur,
 Seu lites medio foro tueris,
 Seu vicos teris otiosus urbis.
 Seu potes, recitesve, rideasve,

96 EPIGRAMMATA.

Cuncta accepta tuo refers parenti :

Quid si, Dædale, posthumus fuisses ?

DE FRANCISCO VALESIO GALLIA-
RUM REGE E PICARDIA, SOLUTA LAN-
DRISII OBSIDIONE, REVERSO.

Quod, Francisce, tibi jamdudū spondet Olympus,
Id sors obtulerat nuper amica tibi.

Scilicet ut posset victorem agnoscere Francum:
Excusso alterius terra beata jugo.

Tu tamen hæc (quamvis et magna et certa) tuorū
Non es dilecto sanguine passus emi.

Ergo quod illæsos, ô Rex, servaveris hostes,
Nemo metum credat, sed pietatis opus.

Pugnabas etenim nolens pugnare, tuique,
Tunc cum hostem nolles vincere, victor eras.

IN ZOÏLUM.

Brevem, Zoïle, dicis hunc libellum :

❶ si possit idem omnibus videri !

AD AMICOS.

Hunc, quanquam illepidū et malum libellum,
Vos ô perlepidi mei Sodales,
Quæso, sumite blandiore vultu ;
Deinde perlegite usque ad umbilicum.

Nam

Nam vos id rogat ille Beza vester,
Cujus vos animamque, corculumque,
Idque me hercule jure, possideris.
Sed sic perlegite, ô boni Sodales,
Ut nec falsa aliqua eruditionis
Nostræ opinio, nec mei tuendi
Cura nominis ulla vos moretur.
Figatis potius vel hinc, vel illinc,
Stellulisque, obelisque, virgulisque,
Cultu splendidus ut decentiore
Testetur titulo tenuis parentem.
Id vero mala turba zôïlorum
Damnabit, fateor; nihilque dicer
Hic, præter titulum, meum videri:
Sed clamer licet usque, et usque, et usque,
Sit totus volo vester hic libellus,
Cum vester quoque sit Poëta totus.

IN PHILENEM.

Parvus ille deus minutulusque,
Cui vates tribuunt et arcum et alas,
Nuper Gallica permeabat arva;
Illam cùm subito aspicit Philenem:
Illam tam tetricam et malam Philenem,
Quæ nostras toties preces
Contempsit rigido superba vultu;
Quæ Cupidinis, et facès, et arcum,

Sprevit hactenus, et sibi negoti
 Cum Cupidine nil fore asserebat;
 Atque perfidiam suam invocabat
 Testem Castora, fratre cum gemello.
 Sed postquam ille deus, Cupido parvus;
 E gravi pharetra unicam sagittam
 Deprompsit, subito suam Philene
 Mutavit tetricam severitatem.
 O potens amor, & levis Philene!

IN POARDUM.

Illam Dorida, bellum illud ac amabile
 Scortillum, et totius lupanaris decus;
 Illam Dorida Poardus ille deperit,
 Senex, vietus, edentulus, calvus, putris.
 Hinc urbis omnes visit angulos miser,
 Uno Poardus nec potest stare in loco.
 Rem scilicet curat Poardus publicam.

AD CANDIDAM.

Es quoties vicina mihi, tunc æstuo totus,
 Ut cum sulphureis ignibus Æna fremit.
 A te discessi quoties, tunc frigeo totus,
 Ut cum Caucasus sub nive anhelat apex.
 Ergo fas alium te, Candida, dicere solem,
 Utpote quæ facias æstum, hyememque mihi.

EPIGRAMMATA.

99

DE EADEM.

Naper Candidulam meam salutans,
Salve, inquam, mea mens, mei et lepores,
Corculumque meum. Illa tunc, disertam
Cum sese cuperet mihi probare,
Salve, inquit, mea mentula. O disertam
Et docto bene feminam cerebro!
Nam si dicere corculum solemus,
Cur non dicere mentulam licebit?

DE EADEM.

Dicite cur arcum, vates, tribuistis Amori:
Exiguus non est aptus ad arma puer,
Nempe supercilii nobis sic forma notata est,
Sæpe quod hinc primus concilietur amor.
Ergo mirari nunc desino, Candida, cur te
Depeream: sensi tela supercilii.
Di facite, ut postquam læsit nil tale merentem,
Tandem etiam telum sentiat esse mihi.



AD CHLORIDEM, CUM FALSO

NUNCIATUM ESSET, MACUTUM POMPO-
NIUM IN ALPIBUS OCCUBUISSE.

Amabo, Chloris, ô Chloris Macuto
Sic dilecta meo, velut Catullo
Quondam Lesbia, sic Macuto amata,
Nasoni veluti fuit Corinna,
Si demas animum parum pudicum:
Amabo, Chloris, ô Chloris Macuti
Magnæ delitiæ, attamen pudicæ,
Jube ad te veniam ipse lachrymatum.
Adferam tibi quicquid undiquaque
Latet tristitiæ, atque tædiorum,
Mœrorisque, molestiæque, curæ
Ægritudinis, infæctiarum.
Nam noster periit Macutus ille,
Amatus pariter mihi, tibi que.
Fleatur pariter mihi, tibi que.
Fleamus, Chloris, ô Chloris, fleamus
Tam digne graviterque, ut et nepotum
Audire has lacrymas queant nepotes;
Tam largumque oculis pluamus imbrem,
Ut communibus obruamus undis
Alpes, Italiamque ter scelestam,
Quæ meum mihi sustulit Macutum,
Et suum tibi sustulit Macutum,

AD FIBULAM CANDIDÆ.

Quæso, fibulula illa, fibula illa,
 Quæ pectus dominæ meæ coërces,
 Quæ sinum niveum, measque flammæ,
 Illos quæ globulos duos rubentes
 Intra cæca jubes manere claustra:
 Quæso, fibula, ne mihi misello,
 Istis ne miseris meis ocellis
 Thesaurum hunc niveum invidere pergas.
 Nam quid commeruisse, quid patrâsse
 Pectus hoc niveum, sinusque candens,
 Dignum carcere, vinculisque possit?
 Non cernis, rogo, non vides ut illæ
 Mammæ, isti globuli duo laborent
 Luctantes avide, suoque pulsu
 Testentur, sibi non placere claustra?
 Non times, rogo, fibula, ista ne nix
 Liquatur, nimio calore cocta?
 Pergis, fibula? pergis innocentes
 Intra vincula continere mammas?
 Meas divitias, opes, talenta
 Non vis reddere, fibula? at jubebit
 Hoc tandem Venus ipsa: quippe et illam
 Ausa es, pessima, vulnerare nuper,
 Cum Martem cuperet suaviari.
 Hæc illa est Cytheræa, quæ jubebit

102 EPIGRAMMATA.

Thesaurum hunc oculis meis patere,
Thesaurum hunc manibus meis patere,
Quem nunc invidia premente celas.
Tunc tu, fibulula illa, fibula illa,
Quæ pectus Dominae meæ negabas,
Ipsis sordida sordibus tegeris.

A D C A N D I D A M.

Ergo desinitis micare, ocelli?
Ergo desinitis tumere, mammae?
Ista quis vetuit rubere labra?
Quis istas vetuit genas rubere?
Ubi illæ faculæ duæ micantes?
Ille ubi tumor est papillarum?
Ubi purpura, quæ genis sedebat?
Illa ubi rosa, quæ labris nitebat?
Febris pessima, sanguisuga febris
Tibi hæc, Candida, sustulit, mihi quæ:
Sic ut, candida quæ prius fuisti,
Jure pallida debeas vocari.

At vos, ô Medici, quibus tuendos
Nos dat Juppiter, otiosus ut ait,
Ferte pharmaca, quotquot undiquaque
Mos est transvehere ultimis ab oris:
Ferte pixidas omnium universas,
Ferte emplastica, ferte portiones,
Clysteresque, holosque, cum trochiscis;

Butyrumque, oleumque, mellæ, fungos,
 Gummi, lac, adipisque, cassiamque;
 Nec desit crocus, et fragrans amomum:
 Adsint thura, rosæque, cinnamomumque;
 Adsit denique quicquid aut colorem
 Amissum dabit, aut dabit cruorem.
 Quod si quæritis istius laboris
 Vobis præmia quæ futura? dicam.
 Primum hæc gloria, lætusque magna vobis
 Erit, pharmaca dum admovebis uni,
 Conservasse duos, medendo et uni,
 Vitam restituisset sic duobus.
 Mille præterea dabo phaleucos,
 Dabo mille elegosque, iambicosque,
 Ut vos, qui miseros duos amantes
 Mortis eripuistis ex barathro,
 Vivatis pariter labore amantum.
 Rubris basia Candidæ à labellis,
 Genis basia Candidæ à rubellis,
 Ferent singula singuli, ut ruboris
 Arte vestra operaque restituti
 Ipsi commoda prima sentiatis.
 Vos primi tumidis manus papillis
 Admovebitis, hujus ut tumoris
 Arte vestra operaque restituti
 Ipsi commoda prima sentiatis.
 Quod si forte oculis frui velitis,

104 EPIGRAMMATA:

Permitto id quoque. Sed cavete, quæso,
 Ne vos flammea lumina ista fallant :
 Namque in his habitant Vennusque, Amorque ;
 Et tela hinc jaciunt Venusque, Amorque :
 Nonne præmia digna, digna merces ?

Ergo, Candida, nunc relinque lactus,
 Et missas face lachrymationes.
 Namque hæc omnia, quæ perisse credis,
 Certe non periere, sed peregre
 Profecta, incipient brevi reverti.
 Certe restitui cito videbis
 Labellis, oculis, genis, papillis,
 Rosas, lumina, purpuram, tumorem.

IN LIGURINUM.

Ædilis ille, Ligurine, qui tua
 Repertus a te nudus est cum conjuge,
 Nil hercle fecit præter officium suum,
 Qui evincere a te rem voluerit publicam.

AD PEDEM CANDIDÆ

O pes, quem geminæ premunt columnæ,
 Illæ, inquam, geminæ premunt columnæ,
 Quarum ex arbitrio quiescit illa,
 Quarum ex arbitrio movetur illa,
 Illa Candida, cujus intra ocellos,

Ille Candida, cujus in papillis

Omnes deliciae latent Bezæi.

O pes candide Candide, ô tenelle

Mi pes, dic mihi, ô tenelle mi pes,

Qui meam mihi Candidam adferebas,

Cur meam mihi Candidam abstulisti?

At saltem deest profectionem

Nunciare mihi, ut vel experirer

An possem precibus fugam morari,

Vel tibi comes esset hic meus pes.

O fur pessime, quid tibi imprecabor?

An nodosa tibi ut podagra cunctos

Vexet articulos? an ut molestus

Sic scrupus premat, ut libido nunquam

Ulla te capiat profectionis?

At dolere nequis, scelestè, solus:

Nullos ergo tibi imprecor dolores.

Non peto quadruplum; (licet teneri,

Ut fur, hæc merito actione possis)

Hoc unum peto, quod mihi abstulisti.

Redde mihi, quæso, redde, mi pes:

Mi pes, redde mihi meos amores.

Emam mille tibi, hercle, margaritas,

Smaragdos totidem, ut superbus istis

Eas divitiis: dabo phaleucos

Qui te in astra ferant, ubi sublimis

Inter sidereos micabis ignes.

106 EPIGRAMMATA.

Sin minus, (nec enim genus relictum
Vindictæ est aliud) tibi nec tantum
Pedem, ô pes, dederint meæ Camœnæ.

A D Q U A N D A M.

Qualis pruna sinus contingit sæpe gemella,
Qualis Apellæa linea ducta manu :
Tale tibi quiddam lævem discriminat alvum ;
Tale tibi quiddam jungit utrumque femur.
Immo, fallor ego : nam nulla hîc linea prorsus,
Inque utero pars est nulla pudenda tuo.
Aurea quamquam igitur descendunt parte fluentia ?
Languidulus quamquam parte quiescit amor ?
Hæreo : si qua tamen tibi rimula, rimula si qua est,
Rimula (dispeream) ni monogramma tua est.

I N G E L L I A M.

Mœchos dicere quos solemus, illos
Mavult Gellia filios vocare :
Nec id iudicio meo imperite.
Nam si dicere filios euerunt
Matres, quos aliquot tulere menses :
Quos decem minimum tulit per annos,
Quidni Gellia filios vocabit ?

AD CANDIDAM.

Cum nos Candida mutuis favillis,
 Communique velut calore cœcti,
 Vitam una peragamus innocentem,
 Ut cum turture turturilla casto:
 Qui sit innocuos ut hos amores
 Tot doli exagitent calumniarum?
 Hæc est scilicet omnibus statuta
 Lex mortalibus, ut perenne nil sit
 Quod gratum; et vicibus suis recurrant
 Voluptasque, dolorque, pax, et ira.
 Ergo hæc, Candida, fortiter feramus,
 Nos, inquam, quibus hæc statuta lex est.
 Ille autem Deus, ille qui favillas
 Nostro in pectore primus excitavit,
 Nec perire potest, nec hos fovere
 Ullo tempore desinet calores.
 Premetur, scio, flamma nostra: quid tum?
 Tanto fervidior futurus ignis.

IN AULAM.

Quid sævum damnare Jovem, magnæque Dianæ
 Numina tot precibus sollicitare juvat?
 Scilicet incensas sterilis commercia lecti,
 Et tumidi velles cernere ventris onus.

108 EPIGRAMMATA.

Erras si sterilem te credis : quippe tulisse
Ut pueros nequeas , at potes , Aula , viros.

AD CANDIDAM EX ICTERO
CONVALESCENTEM.

Vidit te nuper Venus , ô mea Candida , vidit ;
Inviditque tibi mox inimica Venus :
Et se questa Deam mortali a corpore vinci ,
Binas vicisset quæ tamen una deas ,
Crudelis tandem nati crudelia poscis
Tela. Neget matri tela rogatus Amor ?
Arma parat , cornu stridens volat acta sagitta ,
Nec tamen hæc jussum missa cucurrit iter.
Nam simul ac frontis divinum aspexit honorem
Cuspis , in obliquum cœpit abire latus.
Ergo servata es ; sed non tamen unica , quippe
Est jaculatori sic quoque parva salus :
Quem simul ac vultu spectasses læsa minaci ,
Aut nimis , aut esses acriter ultra satis.

AD GILLIUM.

Hoc te nomine prædicas beatum ,
Gilli , quod facili fruarè amica ,
Et benigna adeo , ut rogata nondum
Mox supina cadat , pedesque tollat.
Sed erras nimium , miselle Gilli :

Nam quæ nil penitus negare pescit,
Opus, non homines, amat puella;
Et quæcunque nimis cadit libenter,
Surgit ista nimis quoque illibenter.

A D C A N D I D A M.

Formosas videam cum, Candida, sæpe puellas;
Sæpe mea est, fateor, sollicitata Venus.
Sed tua, vel peream, castum me reddidit imago;
Et quamvis cupiam, Candida, nolo tamen.

A D E A N D E M.

Cum te nunc dicat populosa Lutetia civem,
Inter me numeres, Hedua terra, tuos:
Cum nos tam longum disjunxerit intervallum;
(O Martis semper damna timenda feri!)
Quæris an absentem te, Candida, sæpe requiram;
Non ego te quæro, Candida, sed video.
Ipse licet terris involvat Juppiter astra,
Absit ut unquam absit, Candida, quisquis amat.



A D E A N D E M.

Attonitos inter populos cum Cæsaris esset
 Absentis præsens nuper ubique metus,
 Saturnique sequens propius vestigia Mavors,
 Iras in toto promeret orbe suas:
 Concordes soli, mea Candida, viximus ambo;
 Nec fuit hic ulla lite diremptus amor.
 Fallor, an idcirco Martis tibi sæva pepercit
 Ira, quod es Marti, Candida, visa Venus?

A D E A N D E M.

Esse quid hoc dicam, quoties sum, Candida, tecum;
 Cur faveat pigro nullus Apollo mihi?
 Discessi quoties, caleam tunc pectore toto,
 Et numeris currant singula verba suis?
 Nimirum totos exposcis, Phœbe, poëtas:
 Sed totum præsens me mea flamma tenet.

A D S E Q U A N A M, D E E A D E M
C A N D I D A.

Ecce iterum navem prægnans conscendit amica.
 Et dominam, et dominæ, Sequana, perfer onus.
 Perfer, ut incolumes ambo sua littora tangant,
 Sive utero lateat femina, sive puer.

EPIGRAMMATA. HI

Sic et Yona tibi, et concedat Matrona nomen;
Et victis Isaræ sic dominere vadis.
Fallor an in dominam video sævire procellas?
O res plena malæ suspicionis amor!
Mergas, si libeat, nostras, ô Sequana, flammæ;
Mersa tamen mediis flamma resurget aquis.

AD EANDEM CANDIDAM.

Ex quo disjuncti, meâ Candida, viximus ambo,
Nec tua luminibus sidera visa meis:
Hora diem, mensemque dies, annumque moratus
Mensis, jam canos pene dedere mihi.
At simulac nobis iterum reddemur uterque,
Teque mea potiar, meque frui tuo:
Hora die, Lunaque dies numerabitur una,
Quique aliis annus, vix mihi mensis erit.
Sic tempus prærepta mihi mea tempora reddat;
Hæc eadem ut reddam, Candida chara, tibi.

IN ANDRÆAM TIRAQUELLUM, SENATOREM PARISIUM, ALTERUM NOSTRI SECLÆ VARONEM.

Est tibi natorum quæ computat agmina conjux,
Est tibi quæ natos Bibliotheca parit.
Fortunate senex! te nulla obliuio mortis,
Te nunquam totum tollet avara dies.

422 EPIGRAMMATA.

Namque alia ex illis mox est ventura propago:

Ex his est pridem gloria nata tibi.

Ut vero pereant illi, illorumque nepotes,

Hæc tamen incolumis cum patre neptis erit.

IN SPURINNAM.

Tollendæ cupidus Spurinna prolis,

Altæ dum superat jugum Pyrenes,

Diyo porrigat ut preces Jacobo:

Inde Alpes quoque præterit nivosas,

Petri ut limina visat atque Pauli:

Et mox Hadriacum in sinum reflexus,

Divæ offert sua vota Lauretanzæ:

Inde per medii maris pericla.

Sacram perveniens ad usque Idumen,

Sacratum Domini petit sepulchrum:

Nec contentus adhuc, latrocinantium

Arenas Arabum siticulosas

Gibbo permeat insidens cameli,

Sublimem properans ad usque Sinam,

Et divæ juxta sacra Catharinæ:

Quid profecerit hoc labore queris?

Tres natos reperit domum reversus,



CALLARTIO

CALLARTIO JURISCONS.
AURELIENSI.

En senos tibi mitto pippiones,
 Ruris mureta rusticana nostri :
 Nostri non penitus tamen, sed olim
 Futuri, nisi forte me fefellit
 Patronus, mea jura qui tueretur ;
 Jura tanta quidem, ut nec his ferendis
 Terga sufficiant onusta mult.
 Hos ergo tibi mitto pippiones,
 Obtestorque simul deos deasque,
 Ut senis tibi messibus peractis,
 Fas sit ex lepida tua puella
 Tot nato numerare vagientes,
 Quot fœtus tibi mitto pippientes.

IN BASIUM CANDIDÆ.

Vos teneri rores, calathos quibus aurea gaudet
 Venus rosarum aspergere :
 Te cannis incluse liquor, qui dulcia condis
 Mensis secundis fercula :
 Et vos deliciae patrum, cœlestia mella,
 Testes apum solertiae :
 Vos ego, vel vobis quicquam si dulcius usquæ est,
 Et suxi, et hausi, et imbibî,

114 EPIGRAMMATA.

Hesternæ felix nuper cum nocte putarem

Me basiare Candidam.

Vos etenim pariter spretis cannisque, rosisque,

Et alvearium fâvis,

Intra verna meæ constat sedisse labella

Tenellulæ puellulæ.

Mei mihi ! quis nobis hos somnos interruptit ?

Quis gaudii tantum abstulit ?

Ah Venus, hæc postquâ prohibes me carpere verâ,

At somniare me sinast ?

THEODORUS BEZA, DE SUA

IN CANDIDAM ET AUDEBERTUM

BENEVOLENTIA.

Abest Candida : Beza, quid moraris ?

Audebertus abest : quid hîc moraris ?

Tenent Parisii tuos amores,

Habent Aurelii tuos lepores,

Et tu Vezeliis manere pergis,

Procul Candidulaque, amoribusque,

Et leporibus, Audebertuloque ?

Immo, Vezelii, procul valetе,

Et vale pater, et valetе fratres :

Namque Vezeliis carere possum,

Et carere parente, et his, et illis :

At non Candidula, Audebertuloque.

Sed utrum, rogo, præferam duorum ?

EPIGRAMMATA. 115

Utum invisere me decet priorem?
An quenquam tibi, Candida, antepnam?
An quenquam anteferam tibi, Audeberte?
Quid si me in geminas secem ipse partes,
Harum ut altera Candidam revisas,
Currat altera versus Audebertum?

At est Candida sic avara, novi,
Ut totum cupiat tenere Bezam:
Sic Bezæ est cupidus sui Audebertus,
Beza ut gestiat integro potiri:
Amplector quoque sit et hunc et illam,
Ut totus cupiam videre utrumque,
Integrisque frui integer duobus.
Præferre attamen alterum necesse est.
O duram nimium necessitatem!

Sed postquam tamen alterum necesse est,
Priores tibi defero, Audeberte.
Quod si Candida forte conqueratur:
Quid tum? basiolo tacebit imo.

PONTICUS CORNELIO, DE UXORE NON DUCENDA.

Cum velis uxorem, Corneli, dare: quæro
Conjugium placeat qua ratione tibi?
Scilicet ut deinceps vivas felicior: atque
Fallor ego, aut non hac lege beatus eris.

116 EPIGRAMMATA.

Uxor enim aut deformis erit, (tunc, obsecro, talis
 Si tibi sis conjunx juncea, beatus eris?)
 Aut forma mediocris erit : modus iste, fatemur,
 Optimus ; at subito deperit iste modus.
 Aut formosa, ideoque viris obnoxia mille,
 Et de qua nequeas dicere, tota mea est.
 Ut sit casta tamen, (nemo si forte rogaris)
 Mille feret natos, tædia mille feret.
 Aut sterilis tecum tardos sic exiget annos,
 Nullus ut e multis sit sine lite dies.
 His addas caput indomitum, mentemque tenacem,
 Cæteraque a multis quæ didicisse potes.
 Desine sic igitur vitam sperare beatam :
 Sit potius cælebs et sine lite thorus.
 Hic etenim si quæ est felicis semita vitæ,
 Fœmineas juxta non latet illa nates.

CORNELIUS PONTICO,
 DE UXORE DUCENDA.

Uxorem cupiam cum ducere, Pontice, quæris
 Conjugium placeat qua ratione mihi?
 Deformem nolo, formosam excepto : placebit,
 Si nequeo pulchram, quæ mediocris erit.
 Formosam, dices, alii mox mille rogabunt ;
 At nulli, quamvis sæpe rogata, dabit.
 Forma perit subito mediocris : id ille queratur,
 Qui præter formam nil muliebri probat.

EPIGRAMMATA. 117

Si dederit natos , natos spectare juvabit :

Si sterilis , quid tum ? sarcina nostra levis.

Cætera , quæ narras , certe sunt magna , fatemur ;

Est animusque tenax , indomitumque caput.

Sed sua sunt cunctis connata incommoda rebus :

Ipsa etiam damnis commoda plena vides.

Et me miraris vitam sperare beatam ,

Si mihi sit deinceps formina facta comes ?

Semita virtutis stricta est , si vera loquuntur.

Hæc quoque quæ quaero , Pontice , stricta via est.

DE PHILLIDE ET DAMONE.

Bis senas hyemes accensus Phillide Damon ;

Pertuleratque faces , pertuleratque gelu.

Quam tamen ut vidit crudeli funere raptam ,

Attonitus fertur conticuisse diu ;

Et tandem lingua singultibus interrupta ,

Dixisse hæc multis paucula cum lachrymi :

Felix Damon eras , hac si tibi fata dedissent

Vivere vel viva , vel moriente mori.

Dixit , semianimisque cadens perfecit , ut ambo

Corpora sint uno pene cremata rogo.

IN ITALIA M.

Cur Italas urbes Phœbus torrentior uras ,

Si quaeras fieri qua ratione putem ?

Nec, vicina magis quia Phœbi semita, dicam,
 Dicere nec mendax quæ solet Astrologus.
 Verum aliud dicam, quod si vis teste probari,
 Hoc tibi vel gemino teste probare licet.
 Nulla magis tellus pulchris fecunda puellis
 Italia, nulla est terra beata magis.
 Hi sunt nimirum, quos Phœbus dum videt, ignes,
 Credibile est ignes multiplicare suos.

DE COMA CANDIDÆ, AD
 ZEPHYRUM.

Aura nec nimio æstuans calore,
 Aura nec nimio rigore frigens,
 Sed verno comes ire sueta Phœbo:
 Aura frigidula, aura mollicella,
 Quæ sic lacteolæ meæ puellæ
 Crines aureolosque, crispulosque
 Audax exagitasque, ventilasque:
 Ecquid, obsecro, dum per universum
 Læta perstrepis et vagaris orbem,
 Cernis candidula mea puella
 Tenellum mage delicatulumque?
 Sed, quæso, mihi dic et istud, Aura,
 Dum tu sic temere hanc comam pererras,
 Cincinnique agis hinc et inde nodos,
 Non times, rogo, ne vel hinc vel illinc
 Veloci miser impliceris alæ?

EPIGRAMMATA.

219

Nam qui tam tenues tibi capilli ,
 Quæ molles adeo comæ videntur ,
 Non sunt , crede mihi , comæ aut capilli :
 Sunt plagæ potius , quibus scelestus
 Irretit miseros Cupido amantes ,
 Ut tela tenui sagax Arachne
 Incautas solet occupare muscas.
 Sic me , sic miseram Cupido cepit ;
 Sic tu , ni caveas , peribis , Aura :
 Sed quam suaviter , ó dii , peribis !

IN VIRUM MORE TURPISSIMO

γυναικονομίῃς , AD POSTHUMUM.

Cincinnatulus ille , cui undulati
 Propexique humeros gravant capilli ,
 Qui tersa cute , blæsulaque voce ,
 Qui pæris oculis , graduque molli ,
 Et pictis simulat labris puellam ,
 Meti , Posthume , nuptias parabat ;
 Cum nequissimus omnium sacerdos ,
 Urbanus tamen et facetus hercle ,
 Utra sponsus erat , rogare cœpit.



COMPARATIO AMANTIS CUM VENATORE.

Dum leporem nuper nemtorosa per avia sector;
 Antiquæ in mentem mi rediere faces.
 Nec mirum, studio cum delectentur eodem,
 Cui Dictynna placet, cui Cytheræa placet.
 Ille etenim leporem sectatur, et iste leporem
 Res fugitiva lepus, res fugitiva lepos.
 Venator casses, et casses tendit amator,
 Quos sæpe incassum tendit uterque tamen.
 Ex æquo pluvias et ventos spernit uterque:
 Damnosos nutrit stultus uterque canes.
 Attamen hoc distant, quod cum fera sternitur, alter
 Præmia solliciti justa laboris habet:
 Tum demum vero infelix superatur amator,
 Cum similis victæ præda supina jacet.

IN NUPTIAS JANI GARNERI, ET MARGARETÆ URANIÆ.

Redde tu mihi, Margareta, reddere,
 Redde, inquam, mihi, tu puella, Janum,
 Janum quem violenta surpuisti.
 At istis male sit genis rubellis,
 Et istis quoque blandulis ocellis,
 Et vobis quoque, vesiculæ papillæ,

Et

ÉPIGRAMMATA.

121

Et vobis quoque, crispuli capilli,
Meum qui mihi amiculum abstulistis.
Margaretala, tene, tene deinceps
Janus delicias suas vocabit,
Et hunc delicias tuas vocabis?
Totus ergo tibi, puella, Janus
Deinceps et vigilabit et quiescet?
Et si quando fores adibo Jani,
Non confestim aderit, velat solebat;
Sed prodibit anus scelestas tandem,
Herum quæ procul hinc abesse juret,
Intus cum foveat suos amores?
At Janam interea foris requiret
Frustra tota cohors amiculorum;
Cum Janus tamen aut labella bella
Miretur simul et suavietur;
Aut tractet lepidæ salax puellæ
Audaci teretes manu papillas;
Et quantum quoque distet hæc ab illa
Forsan discere curiosus optet.
At Jani interea ad fores sedebit
Frustra tota cohors amiculorum,
Cum fruire tuo, puella, Jano:
Et tanquam jocus hic sit insuavis,
Lucteris simul, et suavieris,
Mineris simul, atque blandiaris;
Donec deposito furore tandem

L

122. EPIGRAMMATA.

Janum suxeris , ô puella nequam,
Audacemque tamen tuum esse Janum
Voce deficiente conqueraris.
At saltem , improba Margareta , fœdus
Hac tecum liceat fœrire lege :
Janum fœs tibi sit , puella , toto
Possidere die ; frui in tenebris
Mi saltem liceat , puella , Janos
Fallor , an tibi plus placent tenebræ ?
Immo vis pariter diem atque noctem ;
Et dat ille tibi diem atque noctem .
Nocte sit tuus ergo , sitque luce ,
Dum , Jani unius in locum , quotannis
Des nobis alios , puella , Janos .

IN PETRI BEMBI PATRITII VENETI
HISTORIAM VENETAM.

Claræ urbi Venetum debes natalia , Bembe :
Urbs eadem clara est munere , Bembe , tuos .
Tu patria felix , felix te patriâ cive ,
Bembe : tamen debet patriâ plura tibi .
Nam mortale fuit patriæ quod munus habebas :
At , quam das patriæ , vita perennis erit .



EPIGRAMMATA. 125

IN EAM CUI MORTUÆ ET JAM:

TUMULANDÆ VIVUS FŒTUS NATUS EST.

EX VAERIO MAX.

Pregnante infelix amissa uxore maritus,

Unas dum geminis apparat exequias,

Extinctæ (dictu mirabile) matris ab alvo

Salvus et incolumis prodiit, ecce, puer.

Salve, infans, elate prius quam nate, sepulchrum:

Cui cunas, vitam mors properata dedit.

Mortua tu vero, superata morte, triumphas,

Post tua nimirum funera facta parens.

Denique tu cunctos inter celebrâre maritos,

Uni cui sobolem mors homicida dedit.

IN EBRIOS.

Belidas fingunt pertusa in dolia Vates.

Mox effundendas fundere semper aquas.

Nominæ mutato narratur fabula de te,

Ebrie, qui meas quæ sine fine bibis.

Quin etiam hoc in te quadrat, turba ebria, quod vixit,

Corpora quæ fuerant, dolia facta tibi.



CARINO ADMODUM NASUTO.

Quod quacunq̃ue venis, fuga est, Carine,
 Cediturque tibi velut Tribuno,
 Tandem desine, quæso, gloriari:
 Naso, non tibi, ceditur, Carine.

P. MELISSO SCHEDIO.

Mellitissime, quæso, mi Melisse,
 Quo mellita magis nec ipsa mella,
 Nec ipsi lepidi magis lepores,
 Nec est ipsa Venus magis venusta:
 Quisnam hoc nomine te beavit augur?
 Fallor, an tibi vel novem Camœnæ,
 Vel ipsæ Charites tibi hoc, Melisse,
 Præsagæ puero dedere nomen?
 Sed ô parcite vos mihi, Camœnæ,
 Et vos ô Charites. Melissus iste
 Quorsum? Nam potius vel est mel ipsum,
 Vel est ipsa opifex ~~mellis~~ mellis,
 Vel certe ipsius officina mellis.

FINIS.





MURETI EFFIGIES

Froquet sculp.

MARCI ANTONII


marc Antoine Muret
MURETI

JUVENILIA.



LUGDUNI BATAVORUM.

M D C C L V I I .
C. M. H.





MARCI ANTONII

MURETI

*In librum juveniliū ad clarissimū
virū Janū Brinonem in senatū
Parisiensi consiliarium Regiū*

P R Æ F A T I O.

SÆPENUMERO sum admiratus,
Jane Brino, vir illustrissime, quo
tandem fato contigerit, ut cum
e Gallia nostra pene innumerabiles exti-
terint in omni genere scientiæ præstantes
viri, poëtarum tamen magna semper a
nobis fuerit inopia laboratum: idque eo
admirabilius videri potest, quod quæ ad
poëtas efficiendos plurimum valere dicun-

A ij

tur, ingenii bonitas, linguarum peritia; et multarum magnarumque rerum comprehensa cognitio, ea in perplurimis nostrorum hominum, nihilo cæteris nationibus, ne quid arrogantius dicam, inferiora reperiri queunt. Neque vero illud dicere possumus, graviorum artium scientiæ addictos homines Gallos operam ponere in his levioris operæ studiis noluisse: eorum enim qui ad versus faciendos animum adjecerunt, quædam prope infinita vis facile non tam voluntatem eis, quam eventum defuisse declarat. Quod si id nobis Græco tantum, aut Latino sermone contigisset, forte causam illius paucitatis in earum linguarum peregrinitatem rejicere liceret: nunc vero cum idem in eo contigerit, quem a nutricibus, una cum ipso, ut dicitur, lacte combibimus, aliam omnino causam necessario cogimur suspicari. Scio, hoc quod dicturus sum, quantopere nonnullorum animos mordeat; sed tamen et verissimum est, et mehercule jam notius,

quam ut negari amplius possit. Qui se vernaculo nostro sermone poëtas perhiberi volebant, perditū ea scripsere, quæ delectare modo ociosas mulierculas, non etiam eruditorum hominum studia tenere possent. Primus, ut arbitror, Petrus Ronsardus cum se eruditissimo viro Joanni Aurato, in disciplinam dedisset, eoque duce, veterum utriusque linguæ poëtarum scripta, multa et diligenti lectione trivisset, transmarinis illis opibus sua scripta exornare aggressus est: cujus postea exemplum insecuti J. Antonius Baïfius, J. Bellaius, aliique permulti, brevi tempore tantos fecere progressus, ut res vel ad summum pervenisse jam, vel certe haud ita multo post perventura esse videatur. Idem in lingua Latina multum abest, ut dicere liceat: in qua cum ex veteribus ab Ausonio, ex recentioribus a Salmonio, et aliis duobus forte, aut summum tribus discesseris, ut Græci proverbio dicunt esse multos quidem qui boves stimulent, sed raros arato-

vi P. R. Æ F A T I O.

res : ita dicas , licebit , multos quidem esse qui versus faciant , sed raros , planeque ~~inopiosos~~ poëtas. De iis loquor , qui scripta sua in publicum edidere : scio enim et alios esse sat multos , et inprimis eum quem supra nominavi , Joannem Auratum , qui vel solus , vel præcipue , si quando sua emiserit , effecturus est , ne ulterius suos Jovianos , Actios , Molsas , Flaminios Italiae invideat Gallia. Cum igitur , ut ad institutum redeam , in tanta ingeniorum bonitate , in tanto doctissimorum virorum proventu , in tanta adolescentum poëtices studiosorum æmulatione , quasi que rivalitate , tantam poëtarum raritatem animadverto ; nihil fere aliud comminisci possum , nisi esse quandam , ut cæterarum rerum , ita studiorum quoque tempestivitatem : stasque quodammodo cœli conversionibus fieri , ut modo in hac , modo in illa facultate certi homines præstantes et egregii existant. Quod si est , bona spes me tenet fore , ut sub Henrico rege Christianis-

simo , tanquam olim sub Augusto , poëtarum ingenia excitentur. At de his quidem satis nunc : tempus est , ut de meipso tibi dicere aliquid incipiam qui cum etiam puerulus , et a teneris , ut Græci dicunt , unguiculis admirabili quodam poëtices amore flagrassem , multa etiam pene in omni genere carminis , veteres , quoad per vires licuerat , imitatus conscripseram : quorum , paulo grandior factus , nonnulla Tardipedi , ut ait Catullus , Deo dicaram , nonnulla projeceram , nonnulla etiam , ut fit , penes me retinueram. Ea igitur cum haud ita pridem amicis quibusdam meis , quibus ego plurimum in hoc genere tribuo , communicassem , non eis solum illi calculum suum adjecere , verum etiam auctores mihi fuerunt , ut edenda eorum saltem aliqua parte iudicia hominum experirer. Assensus sum , ut quod verum est , ingenue fatear non admodum gravate : tum quod res non magni periculi videretur ; tum quod facile considerem fore me , si non , ut ait Hora-


viii *P R Æ F A T I O.*

tius, extremum primorum, at certe extremis usque priorem. Subsecivis igitur horis, aliquod mihi tempusculum a philosophiæ, et juris civilis prælectionibus, quibus assidue occupatus distineor, ad hæc exscribenda, et in ordinem utcumque redigenda sumsi: nam perpolire et limare accuratius neque magnopere libebat, neque per eas, quas modo dixi, occupationes licebat. Feci autem, quod locupletes interdum ænopolæ solent, qui multa hospitibus vini genera gustanda proponunt, electuris quod ad palatum maxime fecerit: nam ita et nos multa poëmation genera proposuimus, ut si forte in aliquo lectoribus fecissemus satis, in eo plura porro emittere pergeremus. Hoc autem quicquid erat libelli, Juvenilia inscribere placuit, ut si quid forte interdum lascivius dictum esset, ipsa nos apud severiores excusaret inscriptio. Ac initio quidem decreveram eum nemini cuiquam dicare, ut qui tanti esse non ducerem: quod consilium cum

postea mutaverim , intelliges. Cum jam in eo excudendo librarii essent , forte die quodam accidit , ut ex studiorum laboribus pejuscule me haberem. Venere ad me , pro nostra familiaritate Comes Alsinous , J. Antonius Baïsius , Stephanus Jodellus , ut alloquio suo et partem meæ molestiæ allevarent , et paulatim eximerent diem. Ibi multis ultra citroque habitis verbis , tandem de his etiam nugis injectus est sermo : primusque Baïsius rogavit ex me , eccuinam librum meum dicare meditarer ; tum ego , id quod res erat , nemini. Ibi tum Comes valde hortari me cœpit , tibi ut eum inscriberem : pergratum id tibi , perque acceptum fore : simulque nactus dicendi campum , cum alia multa de te honorificentissime commemorare cœpit , tum ea quæ tu in Ludovicum Querculum hominem optimum , et doctissimum , institutorem olim tuum , benignissime et fecisti , et quotidie facis : quæ etsi omnes optime noveramus , nemo tamen erat , qui non in Comitibus de

tua laude dicentis oratione libenter acquiesceret. Quid quæris? Cum aliquandiu reluctatus fuisset, veritus ne parum decorum videretur ista tam pusilla in tuo tanti viri nomine apparere, ad extremum tamen me persuaderi passus sum: quod eò dico, ut si forte mea tibi parum probabitur audacia, Comes ipse mecum culpæ sustineat partem. Valde autem te oro, vir illustrissime, ut dum tibi alia graviora molimur, hoc, qualecunque tandem est, æqui bonique consulas. Tibi quidem integrum est, hujus veluti glebæ apprehensione totum agrum, uti optimus, maximusque est, si collibuerit, vindicare. Quod ut facias, vehementer te etiam atque etiam rogo. Vale. Lutetiæ, 8. calend. Decemb. 1552.





M. A. MURETI

ELEGIARUM

LIBELLUS.

ELEGIA PRIMA.

NON ego Cadmeos meditor cōmittere fratres,
Quorum inimicitias ipsa locuta pyra est:
Non veteris Trojæ lacrymosa reponere bella,
Bella canenda aliis, bella cavenda mihi.
Hoc aliis per me liceat decurrere campo,
Illa meis non est versibus apta seges.
Me Venus, et Veneris certo puer improbus arcu
Enervant, numeros attenuantque meos,
Nec, præter dominæ blandum ridentis ocellos
Carminē me quicquam concelebrare sinunt.

Forsitan ista senes culpabunt scripta severi ?
 Quid faciam ? res est imperiosa decor.
 Quē non ille hominū, quem non movet ille Deorū ?
 Sæpe etiam cœlo diripit ille Jovem.
 Me quoque Margaridos decor admirabilis urit,
 Et sibi devinctum magna sonare verat.
 Nec vero Aonides vestro me excludite cœtu,
 Si qua ego virginibus non satis apta canam.
 Nempe etiam e vobis juvenili capta decore
 Ægro tenerum subdidit una latus.
 Si nulla e vobis ullum sensisset amorem,
 Unde foret, quæso, dicite, natus Hymen ?
 Sanctus Hymen, qui seductas a matre puellas
 Abripit, inque viri collocat ipse sinu.
 At tu, quæ in me oculis nimium violentibus usa,
 Nunc spolia e nostro sanguine opima refers,
 Hos numeros hilari (quid enim verat?) accipe vultu,
 Et vide, ut in speculo, quid tua forma queat.



ELEGIA II.

P RIMA meæ quisquīs deliramenta juventæ,
 Et specimen tenuis respicis ingenii,
 Sic tibi, si quid amas, semper contingat amarj,
 Invidia vacuus, si legis ista, legas:
 Nec tibi sit duros acuisse in carmina dentes,

ELEGIARUM. 13

Carmina quæ propriis scripsit Amor manibus.
Seu sunt grata tibi, qua fronte placentia culpes?
Seu minus, ecquis te cogit ut illa legas?
Seria si quæris, non sunt hic seria, lector:
Scribere amatorem seria posse putas?
Nos ignes canimus, pueri nos tela volantis;
Omne non fausto cognita tela mihi,
Et dominam, cujus sub amœna fronte relucet
Lumina sidereis æmula luminibus,
Lumina materies ardoris maxima nostri;
Lumina, quæ mentem surripuere mihi.
Hæc ego sola canam, dum florida ver aget ætas;
Sit procul hinc tragico symmate Musa tumens.
Post, mea cum multi distinguunt tempora cani,
Venêrit et tremulo curva senecta gradu,
Tunc mihi sit curæ Solis perdiscere cursum;
An ne, et quæ noceant sidera, quæque juvent;
Quot cælum teneant zonæ, quot partibus orbis
Constet, et unde cadant fulmina, cur ve cadant;
Utamur, dum fata sinunt, melioribus annis,
Et tota nobis mente colatur Amor:
Dum decet et postes nocturna frangere rixa;
Nec pudor est vernis frons redimita rosis:
Dum decet et mentem leni vincere Lyæo,
Et dominæ clausas ante jacere fores.
Auferet hæc secum, velut aufert omnia, tempus:
Cernis, ut hora, dies, mensis, et annus eunt;

ELEGIARUM. 15

Vivere si possim , nil prius esse putem.
 Tecum ego per montes , tecum per devia tesqua,
 Et curram nullo per loca tacta pede :
 Post , ubi currendo fuerit lassatus uterque ,
 Fessa in graminea membra reponet humo ,
 Et rursum certamen erit linguisque , labrisque ;
 Quod vel Chaonias vincere possit aves :
 Forsitan et quiddam post basia multa sequetur ,
 Multo illis quod sit dulcius et melius.
 Non ego tunc loculi metuam gravioris amantes.
 Servandæ bona sunt rura pudicitiae :
 Balnea non illic , non sunt populosa theatra ;
 Non quicquid mentes sollicitare potest ,
 Sed nemora , et placido currentes murmure rivi ;
 Demulcensque rudi carmine pastor oves.
 Porro deterior nobis cum venerit ætas ,
 Sparserit et cana tempora nostra nive ,
 Tunc curare cutem , genioque litare decebit ;
 Dum fuerint vitæ stamina rupta meæ :
 Nam mea tu , sed non longum mansura superstes ,
 In tumulo condes ossa minuta brevi :
 Deinde ubi te pariter sæva mors impia falce
 Læserit , et juris jusserit esse sui ,
 Quo nos , te poni tumulo mandabis eodem :
 Inscriptum lapidi carmen et istud erit ;
 Cor fuerat binis unum , mens una , viator ;
 Quorum nunc unus contegit ossa lapis.



ELEGIA IV.

VIRGO oculis ipsis merito mihi carior, ac non
 Solum oculis ipsis, quin etiam ipsa anima,
 Quam niveus morum candor, mens nescia fraudis,
 Plus quam majorum stemmata nobilitant,
 Nobilitent licet ipsa, licetque a sanguine claro,
 Et non obscura sit tibi stirpe genus,
 Quanta, putas, nostram vexarunt tædia mentem,
 Ex quo diversis cœpimus esse locis?
 Mitius hostili ruerent cum Pergama dextra,
 Laomedontiadas indoluisse puto:
 Mitius Electran, falsas cum tristis ad aures
 Venit Orestæ nuncia fama necis.
 Scilicet haud alius campis errabat Aleis
 Excussus patrio munere Bellerophon.
 O! quoties ægro suspiria pectore duxi,
 Atque ignis, dixi, quam procul hinc mens est.
 O! quoties quavis libuit mihi morte pacisci,
 Possemus paucos ut simul esse dies.
 Occurrunt animo ridentia lumina nostro,
 Occurrit fusco blandus in ore lepos:
 Nunc molles subeunt risus, nunc gratia fandi,
 Nunc subeunt sciti, sed sine dente, sales,
 Verbaq; amarescunt mihi præ quibus omnia mella.
Ah?

ELEGIARUM. 17.

Ah ! me his tam longum posse carere bonis !
 Improba , Persephones educta ex carcere Pestis ,
 Vix tua plus illi , quam mihi , tela nocent :
 Falx tua non paucos letho multavit amaro ,
 Falx tua corde meo me jubet esse procul .
 Illis finis adest vitæ , finisque dolorum ,
 At mea perpetuus pectora languor habet .
 Hem ! nunquāne ego te posthac , mea cura , revisā !
 Nunquamne os istud suaviloquum aspiciam !
 Nunquam erit , ut veteri Sol nos de more jocantes
 Conspiciat surgens , conspiciatque cadens !
 Certe equidem eveniet . Viden' , ut jam fulgure lævo
 Firmarit nostras Jupiter ipse preces ?
 Spes fovet in medio jactatos æquore nautas ,
 Spes fovet armatos , spes fovet agricolas .
 Spes fovet inclusos tenebroso carcere sones ;
 Et nos in vita spes quoque sola tenet :
 Hæc modo ne quando temerè concepta putetur ,
 Fac , fiat scriptis certior usque tuis .





ELEGIA V.

NON ego Cumæi peragam si pulveris annon:
 Vivere Margaridos liber amore queam :
 Nec si se lecto Venus offerat aurea nostro ,
 Margaridem Veneri postposuisse velim :
 Tam mihi confixit jaculo præcordia certo
 Idalius cornu notus et igne puer.
 Hæc quoque nascenti cecinerunt fata sorores ,
 Quas Nox antiquo sustulit ex Erebo.
 At Paris Œnonem quamvis ardentem amaret ,
 Sustinuit visa linquere Tyndaride :
 Dixerat et Theseus , ego te Minoi relinquam ?
 Q ! ea sit letho tardior hora meo.
 Vix bene vectus erat spumosa ad litora Diæ ,
 In viduo confux sola relicta toro est.
 Submergi , dum per Neptunia prata vagatur ,
 Dignus et iste fuit , dignus et ille fuit ,
 Quî potuere suos alio transferre calores ,
 Et vitas vita deseruere prius.
 Tale ego si faciam facinus , mihi terra dehiscat ;
 Et rapiar Siculæ vivus in antra Deæ :
 Illic me Tragicæ vexetis Erinnyes , illic
 Omnia cunctorum solus acerba feram.
 Sed neq; tam dubius , neq; sum tam fictus amator :

ELEGIARUM.

19

Una dies vitam finiet, una fidem.

Quandocunque igitur fatalia tempora mensus

Ad vacuas lucis cogar adire domos,

Margaris ipsa mihi natitantes claudat ocellos,

Vitamque ore suo carpat ab ore meo:

Post, effusa comas, nostrum fleat ante sepulcrum;

Serta ferens lacrymis humida facta suis,

Et dicat, Vates nuper, Murete, fuisti

Non bonus, at certe fidus amator eras.

ELEGIA VI.

Margari, quis mihi te reddat Deus, aut tibi quis

Aspectu ut grato possit uterque frui? [nos,

Nec solum aspectu, sed et oscula ferre citato

Impere, quæ nullus dinumerare queat:

Ut colludentes jucundo murmure linguae

Committant avidas per patula ora animas.

Non ita læta fuit quondam Icarioris, Ulyssem

Cum vidit salvum post duo lustra suum:

Nec tam iterum accepta Lyrnesside lætus Achilles,

Qua quondam abducta fleverat ipse diu,

Quam te conspecta scis me, mea vita, futurum;

Quam me conspecto te scio, vita, fore.

O! quæ avide, o! quoties, o! quot, formosa, figuris.

Isti ori roseo basia pressa darem!

B ij.

Non hedera annosas complectitur arctius alnos,
Non ulmum vitis pressius ulla tenet.
Tunc mea turgidulas tractaret dextra papillas,
Tractarent avidæ lactea colla manus.
Longa vetant, cheu, spatio interjecta viarum,
Quanta Hypanin vix sunt inter et Eridanum:
Nam te Pictonicæ retinent felicia terræ
Oppida, qua Clanus pinguiâ culta secat.
Me vero invidiæ procul a te dentibus actum:
Fortia lanatæ mœnia Burdigalæ,
Pocula qua veteri non inferiora falerno
Ducit ab innumeris glarea trita rotis:
Et tamen, heu, sine te mihi jam nec dulcia vina,
Tristia nec quicquid corda levare solet:
Ipsa mihi est invisâ dies, Sol ipse videtur
Opposita vultus abdere nube suos.
Et merito, quid enim sine te non triste putandū est,
Qua sine vel vita est ipsa molesta mihi?
O t Di, si miseros vestrum fovet ullus amantes,
Vos tandem faciles in mea vota date:
Reddite me dominæ, vel si id per fata negatur,
Finiat angores nex inopina meos.





ELEGIA VII.

AD P. CRUSELIUM MEDICUM.

DUM tu conaris Parcarum extendere fila,
 Semineces luci restituisque viros,
 Conclamata novam mittens in corpora vitam,
 Atque Charonta levi currere nave jubens,
 Interea quo me, Cruseli docte, putares
 Ducendos sine te fallere more dies?
 Scilicet, ut semper, nostros agitamus amores,
 Quæ vitæ nobis sola terenda via est:
 Et modo damnamus, toties quem sensimus, arcum,
 Nunc de crudeli conquerimur domina;
 Nunc, qua placari possit ratione, rogamus:
 Omnia quæ quivis tactus amore solet.
 Hæc mea laus, hæc sint famæ præconia nostræ:
 Non alio ad manes nomine notus eam:
 Ut quondam juvenis telo percussus eodem,
 Quo nos, assidue carmina nostra legat,
 Agnoscatque suos nostris in versibus ignes,
 Reddaturque meis cautior ipse malis.
 Tu cui fatipotens artem concessit Apollo,
 Morborum pelli qua genus omne queat,
 Perge salutifera miseris succurrere dextra,

Regnaque Persephones fac populosa minus
Ut tibi læta viro gratetur sospite conjux,
Et pene amisso turba minuta patre :
Ut te fama ferat candentibus aurea pennis
Hippocrati Coe, Phylliridæque parem.
At sine me, qui sum sectando natus Amori,
Inter inexhaustas vivere nequitias :
Me disperdat Amor, semper me torqueat, in que
Corde meo accensas ventilet usque faces :
Qui si te pariter certo concusserit arcu,
Hei mihi, quot curas perpetiere miser !
Tunc tandem disces, quid sit servire puellis ;
Tunc tandem, excludi quid sit, amice, scies.
Nil tibi multiplices cognoscere proderit herbas,
Hunc etenim morbum pharmaca nulla juvant.
Quippe etiam Phœbum viro Peneia torsit,
Profuit auctori nec medicina suo.
O ! quam sæpe mihi, mallem, carissime, dices,
In gelidis Scythiæ montibus esse lapis.
Hæc te, et plura manent : sed quæ tua cunq; futura
Ingenio saltem digna sit illa tuo. [est,





ELEGIA VIII.

BASIOLUM blando retulit mihi Margaris ore,
 Ambrosia, et dulci nectare dulce magis,
 Quale thymo aut casia, verni sub primula Solis
 Lumina, cum blando murmure libat apes:
 Inde fugit propere pedibus lasciva protervis,
 Dum sese in tenebris posse latere putat.
 Sed nihil est: non sivit eam latuisse Cupido:
 Erranti faculas prætulit ille mihi.
 Jam te igitur rursus teneo, formosula, jam te
 (Quid trepidas?) teneo: jam, rosa, te teneo.
 Da mihi pro grata sumti mercede laboris
 Ter tria, terque tribus basia ducta modis.
 Dic age, num sentis animos concurrere nostros
 Dum sibi dimidium quærit uterque sui?
 Sic age, sic mea vita, animos jungamus utrinque,
 Nulla ut eos possit dissociare dies.
 Quin tandem ambigæ post jura precaria lucis
 Unicus e gemino spiritus ore fluat.





ELEGIA IX.

MARGARI, flâmeolis quæ me comburis ocellis,
Per quos in cineres, hei mihi, vivus eo,
Dic mihi, quî facias tam multa incendia, cum sis
Candidior prima frigidiorque nive:
Nâque ea quæ molles exest mihi flamma medullas,
A te, si qua fides, non aliunde venit:
Tu tamen, heu, tanquam glacie circumdata pectus,
Edure nostras respuis usque preces.
Esse quid hoc dicam? neq; enim potis est in eodem
Cum summo summus frigore inesse calor.
Scilicet et quæ nos fieri non posse putamus,
Cum libet, et quoties, perficit unus Amor.
Is tibi cor mixto circumdedit igne, geluque,
Quæ possent ferri singula, juncta necant.
O! igitur glacies quovis ardentior igni,
O! ignis quavis frigidior glacie,
Aut ne me perdant tua frigora, mitius ure:
Aut ne flamma, gelu projice, Diva, tuum.



ELEGIA



ELEGIA X.

AD F. VERUM LOMENIUM.

HEI mihi, cur genio vis me pugnare, Lomeni,
 Naturæque jubes vertere jura meæ?
 Cur-ye parum gratas impellis duras ad artes,
 Musica cui solùm sacra placere vides?
 Nam nec agris miles fieri, nec idoneus armis,
 Cui semel arsisit rustica vita, potest;
 Nec si quem placido nascentem lumine Clio
 Viderit, admota contigeritque manu,
 Aut bonus hostiles unquam sedare catervas;
 Aut ad sæva fori jurgia promptus erit.
 Omnia sed fugiens tranquille inimica quieti
 Exiget ætatis mollia fila quæ,
 Magnarum securus opum, securus honorum,
 Omnia despiciens, quæ leve vulgus amat:
 Ille etiam summos audax contemnere reges,
 Præque sua miseros conditione putans.
 Castra juvent alios, bellicque inamabile murmur,
 Missaque non sicca corpora multa neci,
 Quæis rapiat primæ teneros lanuginis annos,
 Acceleretque suum Parca severa diem.
 Gaudeat hic miseros inter clamare clientes;
 C


Et pavidos duro térreat ore reos.
Ille adeat terras alio sub sole calentes,
Littoraque instructa plurima classe legat,
Seu ferat Herculeas animus spectare columnas;
Seu ferat annosos ire ad Hyperboreos:
Durus, qui fragili vitam committere ligno
Audet, et ignotas æquoris ire vias,
Nec timet inverso decumanos marmore fluctus,
Securusque animi squamea monstra videt.
Non sic divini mitissima pectora vates,
Æthereo quorum flamine corda talent:
Otia sectantur sed enim, tacitosque recessus;
Et sua neglectis urbibus arva colunt,
Splendidaque et multo spectanda palatia luxu
Contemnunt, humiles anteferuntque casas,
Illic et siccant generoso plena Lyæo
Pocula Bistonia frigidiora nive,
Et si nescio quid seu vultu ancilla sereno,
Seu non informis villica pollicita est,
Protinus ut capta reduces ex urbe triumphant.
O! hominum felix terque quaterque genus.
Sic ego sim: liceatque mihi, mea Margari, tecum
Non alia vitam ducere sorte meam.
At tu, quantum in te est, aliò nos ducere tentas,
Astræque sequi namina, Vero, jubes:
Et, quid, ais, quæso, molli tibi carmine quondam
Proderit aut homines, aut cecinisse Deos?

ELEGIARUM.

27

Scilicet ut, toti fueris cum fabula vulgo,
 Cumque erit in vultu plurima ruga tuo,
 Fortiter esurias, ut te mala cogat egestas
 Multa pati, forti non patienda viro,
 Sectari mensas, blande appellare potentes,
 Tollere mentitis laudibus astra super.
 Quod nisi desiperes, poteras in luce forensi
 Versari, et laudem quærere, opesque tibi.
 Excute decepta blandum de mente furorem,
 Qui tibi, nî caveas, perniciosus erit.
 Advertit tardas qui recta monentibus aures,
 Exitium demens fabricat ipse sibi.
 Ergo ego ut hirsuti verbosa volumina Baldi
 Ut discam leges, Justiniane, tuas,
 Dediscam teneri modulamina blanda Propertî,
 Dediscam numeros, culte Tibulle, tuos!
 Ah! peream prius; et sævo me fulmine tactum
 Trudat in obscuras Jupiter ipse domos.
 Quam melius dulces dominæ in complexibus annos
 Ponere, et in caro sæpe jacere sinu!
 Dispeream, si quicquid opum, si quicquid honorum
 A genere hoc vitæ me revocare potest. [est,

ELEGIARUM FINIS.



M. A. MURETI

AD P. RUFUM DRUIDAM

CONSILIARIUM REGIUM

SATYRARUM LIBELLUS,

SATYRA PRIMA.

Jaududum tumido mihi bilis in hepate fervec,
Et rumpi metuo, nisi te, Auruncane, secutus,
Inficiam tenues mordaci carmine chartas.
Tunc ausis satyræ conscribere, tot tibi rerum
Consciis, ut satyræ possis satis esse vel unus?
Quidni autem? nunquid par est audacia Balbo,
Balbo, Stentorea Christum qui voce professus,
Deinde domi cever, tremulam crissante Lycinnæ?
Et tamen hunc torvis oculis, et fronte severa,
Flammatisque genis, atque horrifico ululatu,
Dum docet, et jactat fatuæ sua dogmata turbæ,
In mores clamare malos si videris olim,

LIBELL. SATYRARUM. 29

Esse putes supero demissum ex limine Paulum.
 O ! mihi si effossa liceat scrobe dicere, quod mox
 Efferat in vulgum foliis vocalibus arbor,
 Quenam ego, vel potius quæ non ego crimina dicā,
 Concitus ? optari sed enim quia talia possunt,
 Non etiam fieri ; dicam tibi, Rufe, sed uni
 (Σὺ γὰρ μὲν τὰ λέγειν, καὶ ὅμως ἀρρήτα licebit)
 Quæ mihi sive furor, sive hæc suggesserit ira.
 Nam quis enim est adeo patiens (nisi forte Torannus
 Deprensus solitus blandiri in conjugæ mœchis,
 Et piperis multo saturas offerre placentas,
 Dum refugit rixas, vitandaque jurgia censet)
 Quisnam inquam est usquam, qui si seculi semel hujus
 Vividius paulo faciem consideret, ira
 Abstineat ? cum jam oppresso virtutis honore,
 Regnet in humanis vitiorum infamia rebus.

Improba quos ludi fecit fortuna choragos,
 Visceribus reliquorum, et sanguine plebis aluntur:
 Præficiuntque suis sævi rationibus, haud quos
 Longa fides vitæ, vel constans fama probavit;
 Verum aquilas, et vulturios, qui rodere norint
 Ad vivum, atque unum ex membris augere lienem.

Ringitur interea populus miser, et prece multa,
 Nequicquam surdas Divorum verberat aures.

Audisne hæc inquæ magni pater Herculis ? audis ?
 Audisne, an dormis, an nectaris ebrius haustu,
 Exerces positis genialia tempora curis ?

Non aliter nostri. Similes fortasse tueris.

Hæc aliquis, sacro cernens qui sulphure quercus
 Nil meritas, non monstra illa exitiosa feriri,
 In rabiem versus, furiisque agitatus amaris,
 Insequitur veteris non sanum dogma Lucreti.
 Sic alia ex aliis incommoda. Quomodo enim plebs
 Ipsa colat Divos, cum vos, qui fulmine bruto
 Stringitis in vestras ausos mutire tiaras,
 Conspiciat Divis ipsique oppedere Christo?

Anne libet mecum rationum evolvere libros?
 Centum lenoni sestertia, mille Corinnæ.

Hui! mille infami scortillo? desine. pulchra est,
 Et bene sub Domino lambos vibrare perita:
 Quinetiam fessus si quando elanguit, ipsa
 Insilit, et blande super illum palpitat. id tu
 Quanti esse, aut potius quanti non esse putabis?

Perge age. In accipitres triginta expensa, canesque;
 (Hos domini potius pasci decuisset omaso)
 Eripuit fallax plus millibus alea binis:
 Unguenta, exoticique tulerunt cætera odores,
 Fartoresque, coquique, et rari opsonia luxûs.

Interea quantum in viduas, quantû in peregrinos?
 Quotnâ inopes pavit Domini quadra? quot studiosos?

Inscius est morum, quisquis nunc talia querit.
 Hæc fuerant sub rege Numa, sub consule Bruto.
 Nunc alia est ætas. Nugalibus hisce relictis,
 Curant magnanimi ventrem caudamque nepotes.

S A T Y R A R U M. 31

Nec gratus quisquam est, nisi cui perfricta pudorē
Frons omnem abstulerit, sic ut probet omnia, sitq;
Et bene ructanti post cœnam applaudere porco,
Et bene pedenti blandum arridere paratus.

Sed satis est. Si forte furor Phœbeus olim
Mentem, Rufe, meam simili concusserit æstro,
Bilem aliis, uni risum tibi, Rufe, movebo.

M. A. MURETI AD DANIELEM
SCHLEICHFRUM ULMENSEM ADOLESCEN-
TEM OMNIBUS ET FORTUNÆ, ET CORPO-
RIS, ET ANIMI BONIS CUMULATISSIMUM,

S A T Y R A I I.

RUMPE Lycambæa numeros de cæde madentes
Musa ferox, rabieque nova flammata malignos
Fige hominum mores, damnataque secula culpæ.

At tua quis poterit patienti volvere vultu
Scripta ? quotus tandem feret hæc convicia lector?

Men' curare putas, mea quis laudet-ve, legat-ve,
Rideat aut damnet ? quasi sint hæc justa laboris
Præmia, post centum vigilatas ordine noctes,
Et pene erosos repetitis morsibus ungues,
Insani et semper deterrima quæque probantia
Plus aliis populi suffragia cæca tulisse.

Civ

Tu modo quem nondum secli contagio vertit,
 Tu legito hæc, DANIEL, primæq; a flore juventutis
 Disce quot humana lateant sub imagine pestes.

Hunc cæcine tu cui læna humeros Hyacinthina velat
 Lucentem hinc illinc auro, gemmisque superbum,
 Vincta facie, vasti qui pondere ventris
 Sudantis mulæ cedentia terga fatigat,
 Aspicias? hic primo abjecta de stirpe creatus,
 Vilisque, ignotusque, ex terræ denique proles,
 Non aut virtute, ingenuis aut artibus (illas
 Ipse sua ex æquo cum mula novit) at astu
 Sensim subducens fatuis fundosque, laresque,
 Tandem huc pervenit: rabidi nunc more leonis
 Ventrem adipe insontū et miserorū sanguine farcit.

Aspice et hunc qui diducto, ceu simia, rictu
 Putris gingivæ viduata sēdilia pandit.

Quotidie hunc videas nitidi sub primula solis
 Lumina, cum trepidus postico limine furtim
 Emittere tota vexatam nocte puellam,
 Repere paulatim per delubra omnia, et illic
 Obstipito capite, et trepidantibus usque labellis
 Nunc has, nunc illas provolvi cernuum ad aras.
 Hinc rediens non ille inopes fraudare recuset,
 Non delatori perjuriam vendere Cordo,
 Non facere omnia, quæ vel dicere vix sit honestū.
 Vim putat hanc demens esse in lustralibus undis,
 Perque globos precibus distracta mente volutis

SATYRARUM. 33

Ut si vel cani jugulum patris ensē resolvat,
Dummodo mortales oculos effugerit, ipse
Conscia securus contemnere lumina possit.

O ! simulatores, tetrū pecus, ut mihi sæpe
Bile jecur vitrea diffinditur ista tuenti.

Creditis esse Deum cœlo qui talia curet?
Exprimate hoc factis. non creditis? abjicite ergo
Hunc fucum, et vultu ruite in scelus omne resecto.
Hoc ego larvarum genus exitialiter odi.

Sed quid ego enumerās nequicquā singula conor?
Res caret illa modo: genera ipsa evolvere longū est.
Stupra, doli, fraudes, perjuria, furta, rapinæ,
Crimina erant olim: nostro sunt tempore lusus,
Quos pueri teneris meditantur ab unguibus, et quos
Ipse docet natos genitor, materque puellas.
Venimus ad summum: ruptis et prorsus habenis
Oppressa rerum potitur virtute libido.

SATYRARUM FINIS.





M. A. MURETI

EPIGRAMMATA.

DIVO JULIO CÆSARI SCALIGERO

P A T R I M E O .

IN tenues numeros , primi monamenta furoris ,
Quo mea non simplex corda subegit Amor ,
Dirige siderei radiantia lumina vultûs
Cæsar , et hæc nati ludicra nosce tui.
Neu pigeat studiis aliquot gravioribus horas
Subtrahere : interdum deserere illa leve est.
Nempe ducû haud quisquâ , licet imperterrita gestes
Corda ferox , gladios semper et arma terit.
Qui populos jussisque regunt , nutuque coërcens
Et retinent forti regia sceptrâ manu;
Non renuunt animos rerum moderamine pressos
Interdum teneris exhilarare jocis.
Sæpe etiam vasti mens unica Jupiter orbis
Flectere se a magnis ad leviora solet.

EPIGRAMMATA. 35

Insequere exemplum regumque, ducumque, Deique,
Dux olim, et princeps; nunc mihi pene Deus.

ANTONIO GOVEANO.

Summe poëtarum, quos secula nostra tulerunt,
Cui sacra Castalii fluminis unda subest,
Accipe non tetrica juvenilia carmina fronte,
A domino limam jussa subire tuam,
Ut tibi si (quod vix ausim sperare) probentur,
Olim se lucem posse videre putent:
Sin minus, æterna damnentur, ut omnia, nocte;
Aspectu tanti facta beata viri.

AD NOCTEM, SIDERA ET AURORAM DE DOMINÆ PULCHRITUDINE.

Nox furva, atque alis horrenda nigrantibus, et vos
Fixa meæ vultu sæpius astra Deæ,
Audite hæc: tu primum Erebi centumplicis uxor;
Quæ veniens uno cuncta colore notas.
Non pudor est, ubi flammeolo te Margaritis ore
Pellit, et invitum cogit adesse diem?
Vos quoque lucentes Æthræ radiantis ocelli,
Quorum alta assiduo templa canore sonant,
Non pudor est, oculis ubi scintillantibus illa
Cedere tot vestras lampadas una jubet?

36 EPIGRAMMATA.

Et tu Dardanii conjux formosa mariti,
 Tangere sol cujus nil nisi terga potest;
 Nunquid ubi aspexti, quàm te procul illa relinquat,
 Nativus roseo crescit in ore rubor?
 Non, puto: quin illi ultro omnes conceditis, in qua
 Miratur vires Jupiter ipse suas.

VENTIS FURENTIBUS.

Æolidæ celeres, dominæ Junonis alumni,
 Cærule velivoli quos timet unda maris,
 Altifremi, alipedes, cæli, terræque tetrarchæ,
 Dirigite in pectus flamina vestra meum;
 Ut mea vel vestro pereant incendia flatu,
 Vel me etiam vestris viribus aucta necent.

AD ANIMUM SUUM.

Quonam abiit mî animus? num quò solet? auguror
 Pectore se dominæ condidit ille meæ. [illuc:
 Siccine me tandem miserum, fugitive, relinquis?
 Siccine, desertor, castra inimica petis?
 O! saltem flammata tuo vel ab igne calescat
 Frigore vel flammæ enecet ipsa tuas.



MARGARIDI.

Dicere dum cœnor nostros tibi, vita, dolores,
Ah! misero ex ipsis verba labris abeunt.
Dum tegere, et clauso meditor sub corde tenere,
Ingeminat vires abdita flamma suas.
Quid faciam? ex æquo magnum discrimen utrinque
Sive loqui conor, sive tacere velim. [est:
O! quæ sola meo jamdudum in pectore regnas,
Tute tibi casus, Diwa, referto meos.

SOMNIUM.

Euge, an te teneo, mea lux, an somnia demens
Fingo mihi? certe, lux mea, te teneo.
Somnia non hæc sunt. oculis nonne insuor hisce
Flammeolosque oculos, purpureasque genas,
Lacteolasque manus, et eburnæ frontis honorem.
Collaque non tacta candidiora nive?
Dulcia collaris ineamus prælia signis,
Dum tuta alternis lusibus hora datur.
Me miserum! nusquam es, fallax me lusit imago.
O! dolor. O! animi gaudia vana mei.
Quid queror? exacta si rem ratione putemus,
Umbra est in misero quicquid amore boni est.

MARGARIDI.

Dum te, Margari, basiare conor,

Labris protinus invident ocelli,

Aspectuque tui carere nolunt.

Quod si contuitu beare ocellos

Tentarim, labra protinus repugnant;

Quæ ad sese iste tuus vocat, trahitque

Candor purpureo natans in ore,

Ut ferrum Hercules trahit lapillus.

O vis eximie superba formæ,

Quæ me vel mihi dissidere cogit.

E I D E M.

Sic age, pugnando teneri pascuntur amores;

Invade insanis unguibus ora mihi:

Et turba nostros, audax, laceraque capillos,

Atque interjecta gaudia veste nega.

Illa etenim O! quanto magis est perfecta voluptas,

Quæ cupiente quidem, sed renuente venit!

E I D E M.

Ludamus, mea Margari, et jocemur:

Nos et cum roseum diem reducet,

Et cum se Hesperis recondet undis,

Deprendat radiatus ora Phœbus
Ludentes simul, et simul jocantes.
Appellabo ego te meam columbam;
Tu me, blanda, passerem vocabis,
Cum dicam tibi percitus furore,
Da mi basiolum unicum columba;
Tu collo injiciens meo lacertos,
Porges mi oscula delicata mille,
Et mille altera, et altera usque mille,
Vibrans improbulam subinde linguam, et
Os morsu tenero meum lacessens,
Dehinc dices mihi, mi tenelle passer,
An non ipsa tibi una sum columba?
Tua una ex animo columbulilla?
Tuum mel, tua suavitas, tuum cor?
En me (nam tua sum) suaviare,
En hæc ubera jam resecta corne,
Quæ per te mihi primulum tumescunt;
Objectam et sibi fasciam repellunt.
Quo tu, quo modo, delicate, pergis?
Quo trudis digitos nimis salaces?
Sic nos, sic age, dum viremus ambo,
Dum res ad Veneris valemus ambo,
Ne frustra melior toratur ætas,
Ludamus mea Margari, et jocemur.
Tergo debilis imminet senectus,
Quæ cum venerit, ah! dolor, columba;

40 EPIGRAMMATA.

Nos tussis mala, viriumque languor
Pro ludisque jocisque consequentur.

AD PAULAM.

Basia quod libas cupidis luctantia linguis;
Res satis ardori non facit ista meo.
Quod mea colla tenens blandis, resupina, lacertis;
Me dicis vitam, deliciasque tuas,
Hoc nihil est. Dulci Veneris de nectare, Paula.
Aut nulla, aut quinta da mihi parte frui.

AB AMICA PROCUL POSITUS,
OB IDQUE NOCTU QUIESCERE NON VALENS,
MORTEM PRECATUR.

Jam tacitis oculo volvuntur tractibus ignes;
Altaque rorantes Delia flectit equos.
Jam pecudumq; atq; alitum genus omne, ferarumq;
Et quotquot liquido marmore monstra silent,
Somnus habet, dubioque natans per inane volatu,
Membra papaveris illinit unguinibus.
Te solum, Murete, fugit: tibi cura recursans
Ire jubet lento tempora mœsta gradu.
O! cœlum. O! certis agitati legibus orbes,
Cuilibet ex ortu qui sua fata datis;
Extinctum toties sit fas occumbere. Jam sum
Non ego, sed tantum corporis umbra mei.

I N

EPIGRAMMATA. 41

IN VENEREM.

Si Venus, ut mendax docuerunt turba, Poëse,
 De mediis vere nata putatur aquis,
 Qui fieri potis est, mediis ut fluctibus orta
 Assiduo nostrum torreat igne jecur?
 O! dolor. O! quid jam miseri speretis amantes.
 E, media vobis nascitur ignis aqua.

AD MARGARIN.

Quem tu cumque semel blando aspecta ris oculo,
 Ni subita exiliat lætitiâ, lapis est.
 Cui vero hæc etiam dederis libanda labella,
 Hunc ego felicem terque quaterque voco.
 At si quem complexa tuo dignare cubili,
 Is non jam felix, Margari, sed Deus est.

LUSUS CUM AMICA.

Pande oculos, pande stellatæ frontis honorem,
 Queis doleat visis, invidetque Venus.
 Pande agedû lasciva. quid, O! quidnâ occulis illud,
 Quo mea versantur torda, supercilium?
 Saltem ebur hoc manuum interea spectare licebit:
 Ah! etiamne manus? sæva, etiamne manus?
 En, jam igitur posthac nihil amplius ipse videbo:
 Claudio etiam ipse meos, en tibi, claudio meos.

42 EPIGRAMMATA:

Jam formose dies, jam lux formosa valeto:

Nam vos, nec dominam cernere supplicium est;
Audiit, inque sinum jecit mea Diva meum se,
Reclisitque oculos, applicito ore, meos.

E I D E M.

Cum pluit, et radios Phœbus cum subtrahit orbi,
Tum sane mœstus quilibet esse solet.
Ne mirere igitur, si sim, mea Margari, tristis:
Ecce pluo lacrymas, tu mihi Phœbus abes.

A D G A L L A M.

Novi pro verbis ego sola rependere verba;
Et pro blanditiis reddere blanditias.
Oscula si qua dabit, sola auferet oscula de me;
Pro solis nutus nutibus eripiet.
Hæc aliquid præter tibi me si vis dare, fas est
Hæc aliquid præter, te mihi, Galla, dare.

JULIO CÆSARI SCALIGERO.

Scaliger Aoniæ decus immortale cohortis,
Qui, quæ alios ornant singula, solus habes;
Altera Veronæ, major sed fama priori,
Cui Clarii munus cessit utrumque Dei,

EPIGRAMMATA. 43

Cui tot se debent animarum millia, per quem
 Sæpius est Stygii cymba quæta senis,
 Quod tantum augusta de maiestate remisisti,
 Ut placido versus videris ore meos,
 Præmia quæ tandem tibi digna reponere possim?
 Devoveam si me, vix satis esse putem.
 Tunc meos versus voce ut laudaveris illa,
 Quam stupet, et qua nil grandius orbis habet!
 Præmia quænam igitur reddam tibi digna? sed erro:
 Præmia non debent reddier ulla Deis.
 Anne tuas igitur describam carmine laudes?
 (Laudari humana numina voce volunt)
 Deficient humeri tanto sub pondere, nec jam
 Tuta erit in tanto nostra carina mari.
 Quidnam igitur? taceo. satis hunc dixisse putandū
 Se quicumque satis dicere posse negat. [est,

IN EUNDEM.

Dic Dea, quod possim scripturus fingere nomen,
 Scaligeri quod par laudibus esse queat?
 Cur petis imprudens, quod habes? dic, Scaliger: illud
 Omnia virtutum nomina nomen habet.



IN EUNDEM.

Dicite mî Musæ , cultissima numina nobis ,
 Quonam Scaligeri pasciris ora cibo ?
 Sic ego , sic Musæ : quàm te sententia fallit ?
 Nectare quo potius nos alat ipse , roga.

AD PHYLLIDEM.

Cum ducenda mihi sine te sunt tempora , Phylli ,
 Longior est anno mensis , et hora die.
 At tecum si quando datur mihi vivere , rursus
 Esse diem credo , qui modo mensis erat.
 Te sine vel Tauri cum lustrat cornua Titan ,
 Semper adesse mihi mœsta videtur hyems.
 At tecum medio gelidæ sub tempore brumæ ,
 Ire tamen veris tempora læta puto.
 Te sine nox mihi fit , medio cum Phœbus in axe est :
 At tecum in media fit mihi nocte dies.
 Quantum in me miserum juris tibi fata dedêret
 Quæ mihi vel cœli vertere jura potes.

IN CAROLUM CALIANTHEUM.

Philosophum te dicis , et hoc te nomine jactas ;
 Præ te omnes reliquos ut nihil esse putes :

EPIGRAMMATA. 45

Nec tamen aut rerum causas et pondera nosti,
Aut aliud, nomen quo mereare sophi.
Una tuis titulis addenda est litera, Carle:
Nec mihi philosophus, sed philosomphus eris.

RODOLPHO CONDOMIO, A QUO AD CENAM INVITATUS FUERAT.

Ad cenam tibi me quoniam condicere cogis,
(Si modo quis cogi, quo cupit ipse, potest)
Accipier qua me cupiam ratione, Rodolphe,
Cognosce, et cenæ quid caput esse putem.
Non me præcipue vel avis Junonia ducit,
Vel quæ de Scythico flumine nomen habet.
Ista decent reges: nobis cenantibus unâ,
Sustineat parcas sobria mensa dapes.
Sit vini tibi cura prior: nisi nobile vinum est,
Et jocus a mensis, et lepor omnis abest.
Tunc cibus invito lentescens crescit in ore,
Et levius ferro est, quam recreare sitim.
Sin contra adfuerit generosi copia Bacchi,
Vix capit undantes vel domus ipsa jocos:
Tunc et convivæ per mutua pocula certant:
Hic annos dominæ condit, at ille suos:
Et veteres memorant flammæ, et carmina dicunt,
Et laudant cenæ concelebrantque patrem.
Quare agedû memori primû hoc sub mente teneto:
Si tibi cura mei, sit tibi cura meri.

Hæc demum est tua laus : hæc , Præsul , laus tua dei
Una hæc te superis inserit ordinibus. [mum est :

IN PONTICUM.

Sæpius hinc illinc video tibi , Pontice , mitti
Carmina iudicio subijcienda tuo ,
Idque a divitibus : neque enim tua , Pontice , quisquã
Emendaturus limina pauper adit.
Quid mirũ ? neque enim possit dare munera pauper :
Nec te , quæ veniunt carmina sola , juvant :
Mittit at hic gemmas , alius cum versibus aurum ,
Ut consent operæ præmia digna tuæ.
Tu , quia muneribus caperis , mala carmina laudans ,
Altera mentitâ retia laude paras.
Quid correctoris falso te nomine jactas ?
Id non corrigere est , Pontice , colligere est.

IN EUNDEM.

Aurea non vanâ jactas tua carmina voce :
Purgari solo nempe quod igne queunt.

FRANCISCO MONCAUDO
BURDIGALENSI.

Moncaude optime , cui novem sorores
Sertis tempora laureis coronant ,

Quem

Quem vatem geminus suum Cupido ,
Quem vatem genitrix suum Dione ,
Spretis omnibus , unicum salutat ,
Illos versiculos perelegantes ,
Illos versiculos perimpudicos ,
Nec castos nimis , et nimis venustos ;
Molles , improbulo , libidinosos ,
Effrontes , pathicos , Catullianos ,
Per ludum mihi quos heri dedisti ,
Jam , credo hercule , millies relegi .

Ut sunt molliculi ! ut fluunt decenter !
Ut spirant Venerem undequaque rotam !
Ut vincunt Sybariticos poëtas !
Ut , quod pruriat , incitare possunt ,
Non dico senibus modo his pilosis ,
Verum decrepitisque , mortuisque ,
Si quicquam pote mortuos movere est !

Atqui dicere te tamen solebas
Ludorum , et Cypriæ rudem palæstræ ,
Me que illa imbueras opinione ,
Nil te ut virgineum magis putarem :
Quin et versibus , impudens , in ipsis
Semper dissimulas , adhuc que sumis
Tyronis tibi nomen , Imperator .

Ohe desine : ten' ego ut pudicum
Posthac arbitrer , ampliusve fallar ?

56 EPIGRAMMATA.

Imo mehercule virginemque Cyprin,
Castratumque putem prius Priapum.

DIVINO INGENIO CÆS.
SCALIGERI.

Eminus ætherii collucens luminis aura,
Quæ radios toto disjicis orbe tuos,
Certaque cognati retinens commercia cœli,
Tunc etiam cum te deprimis, astra vides:
Hæc tibi pauca tui mirator maximus offert
Carmina, ab indocta non bene ducta manu;
Si liceat, tibi templa simul positurus, et aras:
Usque adeo numen suspicit ille tuum.
At tibi pro templo cœlum est: humus, ara: nec ipse
Jam renuit, quin sit victima sacra tibi.

PRO CAROLO MONTAUSERIO
AD MARGARITAM REGINAM
NAVARRÆ.

Mens, regni, sexus lumen, stupor orbis, in uno
Munera quæ divam corpore cuncta tenes,
Conspicere in qua una veteres licet heroïnas;
Et quicquid veteri laudis in orbe fuit:
Delicium cœli, terræ decus, accipe, quæ se
Advolvunt pedibus carmina pauca tuis.

EPIGRAMMATA. 51

Nam quamvis tibi nulla dari, nisi magna decebat,

Parva tamen lætâ sumere fronte soles.

Illa tibi est cum Dis communis, ut omnia, virtus,

Vili etiam placeant quos data thura manu.

Fors olim majora tibi, et meliora dicabo,

Si modo me solita, Diva, fovebis ope.

Te sine nil, sed multa tuo cum numine possum:

Nititur auxilio spes mihi tota tuo.

Ipsè quidem prorsus nihil hoc sum tempore: sed tu

Ex nihilo me aliquid reddere, Diva, potes.

CÆS. SCALIGERO.

Cum mea tantopere placeant tibi carmina, Cæsar,

Vel si non bona sint, jam bona facta puto.

F. GRATO LOMENIO.

Quisquis te Gratum primus, Francisce, vocavit,

Omen, non nomen tradidit ille tibi.

IN QUENDAM.

Mulciber incessu, capite Æolus, ore Lyæus,

Tres uno Divos corpore solus habes.



32 EPIGRAMMATA:

IN RUFINUM.

Inter Latinos forte sicubi assedit
 Pulchellus iste, fuscule ore, Rufinus.
 Qui sericatus gaudet ire per vicos,
 Trîa verba molli Græca voce τραυλίζας.

Græcè sed adsit eruditior quisquam:
 Silentur illa; proferuntur Hebræa,
 Quæ lividis præmansa dentibus latrans,
 Nil præ se apellas jurat esse Rabbinos,
 Suxque ita objicit imperitiæ velum.

At acis, apud nos astus iste quid prosit,
 Doctor trilinguis, architecte verborum?
 Scis, inquam, apud nos astus iste quid prosit,
 Qui vera fucis judicamus abstersis?

Dum vis videri habere tres simul linguas,
 Unaque tentas anteire serpentes,
 Quòd credimus te haud aliud esse, quam linguam.

IN NOALLIUM.

Nîl immundius est tuis libellis,
 Nîl obscænus, impudiciusque:
 Et vis te tamen ut putemus esse
 Numa, Fabritioque sanctiorem.
 Ac sententia nostra ea est, Noalli;

EPIGRAMMATA. 53

**Quisquis versibus exprimit Catullum,
Raro moribus exprimit Catonem.**

IN VIRGILIUM.

VIRGILIUS IPSE LOQUITUR.

**Cor Phœbi, Phœbus Latii, vatum pater, et rex;
Fons ex quo Aoniæ prosilit humor aquæ,
Par volui primùm, major sed factus Homero;
In Græcos Romæ jura secunda dedi:
Ad cœlos tandem raptus, Jove iudice, dicor
Nectarea illorum vincere voce sonos.**

IN LYGDUM.

**Quòd sis tam facilis, quòd sis tam, Lygde, benignus;
Quam nova nupta suo cum parat ire viro,
Hoc cave te credas nobisve, aliisve molestum
Nomine: quin etiam nos magis ista juvant.
Displicet hoc, quòd non tantùm modo, Lygde benignus,
Verum etiam, ut fama est, officiosus homo es.**

IN APOLLINEM.

**Cum timidâ cupidus Daphnem sequeretur Apollo;
Currentem celeri per juga summa pede,
Improbe, narratur tristis dixisse, Cupido,
Jaculuit pectus cujus ab igne meum,**

Aut concede tuas, quibus istam persequar, alas;
 Aut tua de nostro pectore tela move.

IN PONTICUM.

Sæpe, velut ridens, Epicuri dogmata laudas;
 Et, quasi per lusum, rejicienda negas:
 Sæpe velut ridens, dicis tibi vera videri:
 Quin etiam vultus signa probantis habet:
 Sic etiam vivis, quasi non alienus ab illo,
 Omnia quæ juras te simulare tamen.
 Tolle tuas artes: nihil hæc mendacia prosunt:
 Qui semper simulat, Pontice, non simulat.

NEQUE AVAROS.

NEQUE PRODIGOS PROBANDOS ESSE.

Improba quem partis cumulandi plura libido
 Detinet, et juris non sinit esse sui,
 Quem vexat damnosa modis insomnia miris,
 Dum sua sub tacita pondera nocte putat,
 Qui queritur tardas non sæpius ire Calendas,
 Quique nihil pensi, dummodo quærat, habet,
 Omnia præ lucro contemnere jura paratus,
 Nec mihi, nec cuiquam, credo, placere potest.
 Sed neque qui ternis decies centena diebus
 Fundit, et in sumptu nil putat esse nimis:

EPIGRAMMATA. 55

Quique etiam noctu, posita cum luserit arca,
Non alio ritu tempora lucis agit:
Quem Sol si primo locupletem viderit ortu,
Redditus ex Cræso protinus Irus erit:
Qualis apud Stygiam torquet rimosa paludem
Vano virgineas urna labore manus.
Quisnam igitur? qui se cauta sic temperat arte,
Ut medium servans, vitet utrumque latus.
Providus, at facilis: parcus sibi, largus amicis,
Atque etiam largus, cum petit hora, sibi:
Qui nec opes terra furtim componere, sed ne
Perdere discincti more nepotis amat.

IN GELLIAM.

Quod nimio faciem cultu tibi Gellia quæris,
Et suffis multo corpus odore tuum,
Hac ratione mihi credis te posse placere,
Conarisque illa me retinere via.
Quære alios, isto qui delectentur amore:
Personata mihi nulla puella placet.

CLAUDIO COLETÒ CAMPANO.

Cum det Rufa rosas, cum det tibi lilia, Claudî,
Cum detserta tibi crine ligata suo,
Cum te respiciens suspiret pectore ab imo,
Annuat argutis cum tibi luminibus,
E iv

Denique cum quòvis solum te sola sequatur,
Conjicere hinc quis non ulteriora queat?

IN ROMANUM.

Cum sòmnu*s* pigris vix dum est excussus ocellis,
Atque recèns orto pluma relicta die,
Inclamas multo puerum, Romane, boatu,
Ora lavaturas qui tibi porter aquas:
Tunc et gingivas multo sale sesquipedales
Proluis, et guttur terque quaterque tuum.
Esse quid hoc dicam, quod cum tam sæpe lavetur,
Nunquam non tamen est sordida lingua tibi,

F. LACCIO CAIRIECHIO.

Tu p*e* meo elabi possis de pectore, Lacci,
Aut ego, dum vivam, non meminisse tui?
Ante vel istius mundi compage soluta,
Tetras in antiquum sit reditura Chaos.
Quin mihi cum Lachesis summos pervenerit annos,
Nostra sonum referent nominis ossa tui.

IN GRANNIUM.

Iambicos sine lege Grannius facit:
Miraris? ipse lege Grannius caret.
Fraudem suis idem inserit poëmatis;
Miraris? ipse fraude sine facit nihil;

EPIGRAMMATA: 57

Adeoque si quid fraude vacuum unquam facit,
Ut fraudet expectatione alios, facit.

JOANNI COSTECAUDO.

Ni quantum pote quisquam amare quemquam,
Tantum te ipse amo, Costecaude, ni te
Totum non oculis fero jam in ipsis,
Verum in pectore et intimis medullis;
Contingant mihi cuncta, quæ timentur,
Et multo graviora, quam timentur:
Tanto ut sim ipse miserrimus malorum,
Quanto tu unus es optimus bonorum.

JOCOSUM.

Membra sacerdotes si nunc sua cedere moris
Esset, ut in prisca religione fuit,
Crebra minus ferret spuriorum examina tellus,
Fraudaret sociam femina rara fidem.
Vera quidem sunt hæc: sed si lex illa feratur,
Quære alium, quam me, qui tibi sacra canas.

IN MALOS PRINCIPES.

Jupiter in faciem, propter sua probra, lupinam
Mutavit regem, Menalis ora, tuum.
Ille quidem Regum solus, mihi credite, non est,
De se qui dici promereatur idem.

58 EPIGRAMMATA:

IN CORELLIUM.

Sutor es, et pistor, lanids, lenoque, coquusque;
Mercatorque bonus, causidicusque bonus:
Te tamen in tota non est mendicior urbe,
Nec quem paupertas arctius ægra premat.
Dic agedum, quid sit (nam res est mira, Corelli)
Cum tot res facias, rem facere ut nequeas?

IN LYGDUM.

Cur tibi cauta dedit corpus natura pusillum?
Viderat hoc ipso plus satis esse mali.

DE MONACHO QUODAM.

Cordigerum abjecto deprendit forte cucullo
Hospita non segnem, nec sine mente virum;
Cui tota interior (velut omnia plena dolorum)
Serica sub vili tegmine vestis erat:
Hospita quod mirata, quid, ô pater optime, nunquid
Vestis, ait, sorti convenit ista tuæ?
Ille nihil cunctatus, eho, quidnam vetat? inquit;
Quippe meo sunt hæc parta labore mihi:
Quoque magis credas (grandi mutone retetro)
Hoc mihi, ait, fusum talia nere solet.

EPIGRAMMATA. 59

IN CONVIVATOREM NIMIUM

PROLIXUM.

Quonam scriblitas, quonam ista sophismata plenis?
Vis bene convivas pascere? pone famem.

ANNÆ OGERIÆ NEAPOLITANÆ.

Aurea cæsariem, prædulci argentea voce,
Hei mihi, cur duro ferrea corde manes?

JOANNI DELIANO.

Si sacer ætherio furor excitat igne poëtas,
Eosdemque assidua lampade torret Amor;
Miraris, solidos cur nam exhaustire trientes;
Donaque Lenzi sumere patris ament?
Ante diem geminus miseros exstingueret ardor;
Nî daret assiduus frigora grata latex.

STEPHANO ALISIO BURDIGALENSI.

Si mea se faciles dederint in vota camœnæ,
Ut per plura meum secula carmen eat,
Tu pariter mecum memori celebraberis ævo,
Et tibi scripta vetus per mea nomen erit.
Sin (sed enim verbis et pondus et omen abesto)
Non seneant domino longius illa suo,

60 EPIGRAMMATA.

Non tamen idcirco tibi displicitura putabam
Hæc magni in te animi pignora parva mei.

MARIO CRUCIO.

Forma ætate perit : vires ætate fatiscunt :
Casibus innumeris eripiuntur opes :
Una , Mari, est virtus, quam non vis tēporis aufert ,
Non premit indigno sors inimica pede.
Una suos invicta perennibus inserit astris ,
Fortunæ imperio liberat una suos.
Hanc sequere. Insani est postponere firma caducis ,
Veraque, quæ bona sunt, spernere, falsa sequi.

IN PONTICUM.

Ponticus eximium dum sese ait esse poëtam ,
Hoc solo dici jure poëta potest.

IN LAIDEM.

Non toto est mulier, quam Laïs, justior orbe :
Cur ita ? nam rectum semper amare solet.



EPIGRAMMATA. 61

IN AVITUM.

Cum subigat sterilem, nihil illi donat Avitus:
Sic fit, ut ille oleum perdat, et illa operam.

IN PONTILIANUM.

Cur tua vix unquam sint salsa epigrammata queris?
Diluis hæc nimio, Pontiliane, mero.

DE VIRTUTE ET GLORIA:

Virtus, ut solidū quiddā est, et corpore constans:
-Æqua sed est umbræ gloria fluxa levi.
Hanc igitur quisquis neglecta amplectitur illa,
Huic magis quàm corpus, corporis umbra placet.

DE LUCII CUJUSDAM MEMORIA:

Esse aliquam si quis memorandi perneget artem,
Hanc qui confirmet, Lucius unus erit:
Ille etenim nuper curaque adjutus et arte,
Tres versus totidem noctibus edidicit.



IN PAULUM.

E Lecto surgens ad mensam accedere Paulus ;

E mensa ad lectum rursus abire solet :

Interea attingit libros , ut vina catelli ,

Et queritur sese discere posse nihil.

FATIS PARENDUM.

Obsequitor fatis : ducent te fata volentem ;

Sin minus , invitum te tamen illa trahent.

DE POMPILII NASO.

Pompilio est nasus cubitos tres longus , et unum

Latus , et hunc murus cingit utrinque triplex :

Adsunt et turres , Bacchus quas condidit ipse ,

Et minio tinctis usque rubere dedit.

Huic etiam naso vis admiranda tributa est :

Nam calices siccos illius umbra facit :

Imo etiam longè distans si senserit usquam ,

Ut magnes ferrum , sic trahit iste merum.

Nuper eram in mensa , sitiens potare paratus :

Pompilius clausas astitit ante fores :

(Mira canam , sed vera) merum mihi forte paratū

Attraxit naso protinus ille suo.

EPIGRAMMATA. 63
IN PAULI NASUM.

Exiguum si quis nasum vidisse laborat,
Paulum adeat, Paulo si modo nasus inest:
Non etenim est nasus, sed pars centesima nasi,
Et quo quis viso dicere possit, ubi est?
Talis inest nasus muscis, sed et his quoque major;
Et melius nasi nomine dignus inest.
Quam quæ per radios volitant corpuscula solis;
Majorem nasum vix, puto, Paulus habet.

IN GAURUM.

Effundas versus una cum luce ducentos,
Forte poetastris annumerandus eras:
Sed cum te eximium jactas tam sæpe poetam,
Id quoque quod paulum est, incipit esse nihil.

IN PAMPHAGUM.

Pamphagus in patulam tam multa ingesserat alvum;
Quam poterant denis plus satis esse viris;
Ecce venit caupo, pretiumque expostulat: ille
Ebria terribili lumina more rotans,
Evomit in patinam vinumque, cibosque receptos;
Atque ait, En, merces tu tibi habeto tuas.

EPIGRAMMATA: IN GALLONIUM.

Stergit ad octavam Gallonius : inde cubili
 Paulatim assurgens languida membra levat.
 Objicitur perdix, quam protinus ille calentem
 Devorat : hac nulli cesserit arte libens.
 Spumantis temerè cyathos octove, novemve
 Adjicit, et sacris sic operatus, ait,
 Dî, date mî constantem animû, mentemq; quietam,
 Quam multis vita est nostra referta malis!

S E S T I O.

Multa quidem, fateor, confers mihi munera, Sesti,
 Devinctum tibi me nec tamen esse reor.
 Cur ita? quod quæ das, tristi dare mente videris:
 Sic ego quæ data sunt, vendita dona voco.

DE VOLUPTATE, ET RATIONE.

Cum, velut excelsa residens in puppe, Voluptas
 Arbitrio mentem pellit, agitque suo,
 Horrida bacchantes ineunt certamina venti,
 Navemque in Syrtes, et vada cæca trahunt:
 Illinc Ambitio, Dolus hinc consurgit, et atrox
 Ira cruentatas sanguine tincta manus.
 At ratio regimen navis si sumpserit, ecce
 Compositis undis æquora tuta silent:

Ipsa

EPIGRAMMATA.

65

Ipsa ratis nullo ventorum exterrita flatu
In portum certo tramite flectit iter.

SANSONI CRUCIO.

Et bonus, et dives, Sanso, simul esse laboras :

Id fieri nulla sed ratione potest.

Sic utrumque petens, perdes utrumque : necesse est

Alterutrum tollas, alterutrumque petas.

TUMULUS OTTHONIS HOMINIS VORACISSIMI.

Cõditus hac sub humo est gurgis vastissimus Ottho

Cui nunc officium justa rependit humus :

Condidit in ventrem terræ tot jugera vivus :

Hunc sub ventre suo nunc quoque terra tenet.

IN VIRRONEM.

Quòd totam Virro, furiosi more per urbem

Discurrit noctu, quòd loca sola petit,

Nescio quid secum solus quòd mussitat : illo

Quòd nemo est tota sordidus urbe magis,

Hac ratione parat nomen famamque poëtæ,

Et reperit fatuos, sic quibus esse probet.

O ! valeant calami, pereat genus omne librorum,

Reddere si vates mens male sana potest.

F.

IN PAULUM

Quæ tu condideras ; impexi carmina nuper ;
 Lectaque sunt , fateor , terque quaterque mihi :
 Nec tamen evalui cognoscere quid tibi vellent :
 Usque adeo obscure scribere , Paule , soles :
 Nam tu verba , puto , ex libris accepta Sybillæ ,
 Quæque Catonis erant tempore prisca nimis ,
 Versibus infercis , gaudeoque obacurus haberi ,
 Et velut inducta singula nube tegis :
 Errasti hoc tantum , quod mittens carmina , Paule ,
 Debueras unâ mittere grammaticum .

AD AMORES.

Carnifices curæ , miseræque incendia mentis ;
 Et tu cum phœtra , sæve Cupido , tua :
 Tuque Erycina ferox , longū , æternūque valecte ,
 Ferte allò vestras , noxia tela , faces .
 Præteriti vobis nimium concessimus ævi :
 Jamque dies mores postulat ista novos :
 Nunc juvat et rerum causas tentare latentes ,
 Invia que ignavis per loca ferre pedem ,
 Induere et mores , contracta fronte , severos ,
 Atque puellares spernere blanditias .
 Hæc loquor : at si me placidis spectarit ocellis ;
 Quæ fugat aspectu nubila cuncta suo ,

EPIGRAMMATA. 67

Quàm vereor , ne mox mihi multa et magna locuto
Omnia cum fastu fortia verba cadant !

IN PONTILIANUM.

Cum rapidus medio desævit in æquore Titan ;
Fer puer huc cyathos , Pontilianus ait :
Cum pluit , en , inquit , Deus admonet esse bibendū ,
Qui nunc tam multo proluit imbre solum :
Sic vacua a potu non unquam tempora ducit ,
Curque bibat , semper Pontilianus habet.

PETRO QUINTIO.

Si Dea , quæ dubiis huc illuc passibus errat ,
Et regit humanas , lumine capta , vices ,
Quem Labirynthæis erroribus egit , Ulyssem
Ad patrios esset passa senere focos :
Membraque lausque viri tumulo caperentur eodem ,
Et tegeret nomen , qui regit ossa , lapis.
At quoniam fati variè crudelibus actus ,
Dura tulit terra plurima , plura mari :
Vivit , et evectus rutilis super æthera pennis ,
Mæonio clarum carmine nomen habet.
Macte animo , Quinti , dum te sors invida vexat ,
A patriisque produl finibus esse jubet ,
Virtutem illa tuam toto disseminat orbe ,
Dumque nocere cupit , sic quoque sæva juvat.

Fij

68 EPIGRAMMATA:
CLAUDIO BURGO.

Perpetuo mœres, nec frontem exporrigis unquam;
Hocce tu, quæso vivere, Burge, vocas?
Is demum vere vivit, qui mente serena,
Et nitido lætos exigit ore dies:
At qui perpetuis torquet se angoribus, hunc non
Vivere, sed lenta morte perire puto.

IN QUENDAM.

Quidam jejunum me clamat esse poëtam,
Et mihi, sicca nimis carmina condis, ait:
Ipse nota sedenim carpi ne possit eadem,
Egregia prudens calliditate cavet:
Nunquam jejunus, nunquam ut qui scribere siccus,
Sed satur, et vino semisepultus amet.

IN CRASSUM.

Quod ruri maneo studiis addictus honestis,
Rusticus, hoc videor nomine, Crasse, tibi.
Rusticus ille quidem non est, qui rura pererrans,
Ingenium rerum cognitione colit:
At tu, qui nullam nosti stultissimus artem,
Esse vel in media rusticus urbe potes.

EPIGRAMMATA. 69

IN GAURUM.

Fama est hoc anno morituros esse poëtas :
Quid metuis ? nil te , Gaure , timere decet.

IN RUFINUM.

Cum cœnet nemo tota te lautius urbe ,
Ad tua cur rarus prandia , quæris , eam ?
Accubui simul ac tecum , Rufine , monetque
Primus in appositas impetus ire dapes :
Mox onerare meas insulsis versibus aures
Incipis , et nugas ingeminare tuas.
Nec retices unquam , sed ab ovo ad mala , recenses
Vix , puto , per centum carmina facta dies ,
Quæ si quis sanus patienti combibat aure
Illum adamantini pectoris esse putem.
Miraris , cur te non possim ferre canentem ?
Mensa ipsa insipido carmine pressa gemit.

IN FORTUNAM.

Fortuna inconstans , et neutro certa paratu ,
Vel fautura premit , vel nocitura favet.



IN COMMENTARIOS JURIS CIVILIS,
FRANCISCI CONNANI VIRI CLARISSIMI.*Liber ipse lectorem alloquitur.*

Dum tua nil præter, curantis, commoda, Lector,
 Me patris assiduo cura labore polit,
 Dumque diebus amat totas ex ordine noctes,
 Noctibus et totos continuare dies,
 Ipse (fatebor enim infelix) dominoque patrique,
 Ipse necis properæ maxima causa fui.
 Verum etiam sine me, fatalia tempora mensus,
 Serius ut paulo, tandem obiturus erat.
 Faxo ego, ut æternùm per me nunc vivat: eroque
 Illi auctor vitæ, cui necis ante fui.

D E S E I P S O.

Dicebam Euterpæ, cœptis in versibus hærens;
 Auxilium fratri porrige, Diva, tuo.
 raterro mota est in risum nomine virgo;
 et nitido sudum reddidit ore diem:
 Tunc ego subridens, mirari desine, nam mi
 Si pater est Cæsar, tu soror esse potes.



IN IMPORTUNOS RECITATORES.

Hei mihi, quàm res invisâ est nimis esse poëtam !

Quantum odii morbus colligit ille suis !

Nil genere hoc hominū est usquā importunius : illos

Et cane, qui sapiunt, pejus et angue, cavent,

Nec locus est, nec tempus, ab his subducere quo te,

Non si mille modis aggrediare, queas.

In fora te, in thermas, et balnea in ipsa sequentur :

Quod si in templa gradum ferre parabis, et huc.

Si notos forte ægrotos invisis, et illuc :

Spectatum ludos forsitan ibis ? et huc.

Pergis eò, nullum quò ducere quæris ? et illuc :

Pergis eò, comitem quò tibi pœcis ? et huc.

Denique, ut exoneres alvum, discedis ? et illuc :

Ut somnum capias, fessus abibis ? et huc.

Interea insulsis onerabunt versibus aures,

Auribus ut te nunc ipse carere velis :

Versibus insulsis, quis cantio gratior illa est ;

Quam geminat putri condita rana lacu.

Ex genere hoc, miserum nuper me prenderat unus :

(O ! lux infelix quam fuit illa mihi.)

Fessus ego, insuavis mihi jam ut vita esset, apud me

Fundebam surdo talia vota Jovi :

Summe Deū, te si qua mei misratio tangit,

(Nam qua sim positus conditione vides)

Aut abige hūc tandem, aut mihi da surdescere, vel jã
 Alterutrum nostrū, vel ꝓca utrumque simul.
 Venerat ad primæ damnata crepuscula lucis:
 Vix abiit vates sole cadente meus.

PAULO.

Das mihi lactucas, centum sed mutua poscis;
 Desine: lactucas, Paule, minoris emo.

IN COLLINAM ANUM.

Dispercam, nisi te aspicio, Collina, libenter,
 Ni que etiam tecum sæpius esse velim:
 Tum quoniam anguicomæ sic exprimis ore sorores,
 Terriculi ut facilè munus obire queas,
 Tum quoniã imprimis potas lepidè, atque decentes:
 Crede mihi: hîc demum gratia magna tua est:
 Nam tu aliquot, qui sint reliquæ præludia pompæ,
 Suaviter immissis ructibus in cyathum,
 Sic bibis, ut dulcis labis pendentibus humor
 Assiduè alternis influat, et resquat.
 Expers interea ne sit pars ulla decoris,
 Labitur in pinguem spurca saliva sinum.
 Crede mihi: id pulchrum est, dentes cum allisus a
 Sic patulo geminus ludit in ore liquor. (atque
 Macte age, macte animo Furiarum sola voluptas,
 Delicium Stygii sola futura canis:

Perge,

EPIGRAMMATA.

73.

Perge, citosque bibens Mæandri redde reflexus:
Id, festiva, simul et bibere, et vomere est.

ANTONIO CALLÆO.

Unquamne, Antoni, locupletem te fore credis?
Et cœlo, et tota falleris hercle via.
Non es adulator, non fur, non denique leno,
Non bonus insontes voce onerare reos.
Innocuus vivis, fraudisque, et criminis expertus,
Semper in antiqua simplicitate manes.
Evades nunquam dives rationibus istis:
Esse bonum nostro tempore stultitia est.

PAULO.

Qui capit, inferior; major, qui donat, habetur:
Inferior sic te, Paule, libenter ero.

CUIDAM.

Hos tibi quid juras factos ex tempore versus?
Pagina, si taceas, id satis ipsa probat.



IN PHÆDRAM.

Cum Phædra Hippolyti disiectos cerneret artus,
 Membraque tam multis sanguinolenta locis,
 Postquam non potui vivum te inflectere, dixit,
 Persequar ad Stygios te tamen usque lacus.
 Dixit, et incumbens gladio, terram ore momordit,
 Sæpe amor insanus talia monstra parit.

DE MORTE M. BRUTI.

Brutus ut Augusto bellî succedere palmam,
 Et paulum a victis vidit abesse suos,
 Amplexus gladium multa jam cæde madentem;
 Ergone te, dixit, sospite, servus ero?
 Quin potius fatis id quod præclusa malignis
 Non potuit patriæ, dextra data mihi est.
 Hæc fatus, rutilum per costas exigit ensem,
 Magnanimoque cadens pectore pulsar humum,
 Sic quoque dum moritur, labris dum spiritus errat,
 Nunc, ait, invito Cæsare, liber ero.

IN QUENDAM.

Quidam Margaridem meam salutat,
 Morbosus, capularis, eviratus,
 Ficosus, recutitus, herniosus,
 Calyaster, podager, cadaverosus;

EPIGRAMMATA.

75

Orci victima, pabulum Charontis,
Cui jam oris, puto, fœdido in recessu
Dentes quinque, nec amplius, supersunt:
Cui centum scabies petita lustris
Artus depopulatur ulcerosus,
Idem, quod magis ac magis pudendum est,
Pauper, dirutus, expeculiat, .
Qui noctu omnia fana pervagatur,
Si quid, perditus, harpagare possit,
A se quo miæram famem repellat.
Atqui surripias, depat, quid ad me?
Quicquid fecerit, hanc morabor unquam,
Dam ne Margaridem meam salutes.

DE MORTE CICERONIS.

Cum festus aetaret stricto mucrone satelles,
Sumere supplicium de Cicerone parans,
Immoto vultu, atque oculis constantibus ille
Præbens infandâ colla secunda manu,
Publica libertas vitâ mihi carior, inquit,
Me quoque, me fas est, te moriente, mori,



CALENDIS JANUARIIS, JOGOSUM.

AD MICHAELEM LOCHIANUM.

Non tibi pro xeniis, salvi pretiosa metalli
 Pandera, non doctâ signa politâ manu,
 Non lana Assyrio tincta et saturata veneno,
 Non gravis argenti lamina munus erit.
 Talia non capiunt generosos munera mentes,
 Talia magnanimi spernere dona solent.
 Cum te igitur, quam eis expulso pectore, norim,
 Non amentam ista tibi dona: quid ergo? nihil.

AD JANUM VERMELIANUM.

Divitias hodie plenâ depromere ab arca,
 Thesaurusque meos jam reserare placet,
 Ut te muneribus donem, mi Jane, superbis,
 Jane, inquam, ex animo nunquam abolende meo.
 Dona paro tibi ferre, quibus, si dicere fas est,
 Attalicæ possunt nil dare majus opes:
 Munera, Persarum gazas quæ vincere possint:
 Munera, Pactoli est præ quibus unda nihil.
 Quidnam post tantos feret hic promissor hiatus,
 Qui sua tam elatâ munera voce canit?
 Sic tecum: et quæ sint ea tandem dona, requiris,
 Atqui jamdudum, quæ tibi poscis, habes.

EPIGRAMMATA. 77

Huius dicis, hoc tu breve chartæ et inutile frustum

Persarum gazis amplius esse putas?

Quid facias? nil possideo, nisi carmina, Jane:

Quare ea thesauros divitiasque voco.

Tu quoque, si natura mihi rita cognita recte est,

Carmina divitiis pluris habenda probas.

CURANDAM ESSE HILEMIS

TEMPORE CUTICULAM.

Ingere ligna foco: via frigoris aspera sævit.

Eia age quid dubitas? ingere ligna foco.

Non audis, quanto Boreas bacchetur hiatu?

Nonne vides, multa ut jam nive canet humus?

Aspicias, ut veteres videntur frondibus orni?

Cernis, ut amissas silva queratur opes?

Cernis, et ut pigro lentescant marmore rivi?

Me gelidus totis artibus horror habet.

Ferto age, fertis hinc vina, puer, cyathosque capaces;

Ante focum mensas explicuisse juvat.

Jam tristes cœsum est facie, jam nubilus aer

Omnia concutiens, nos vetat ire foras.

Ergo domi inclusos gremio indulgere necesse est,

Mos datus a patris ut teneatur avis.

78 EPIGRAMMATA.

LODOICO VALESIO ADOLESCENTI

HONESTISSIMO.

Miraris, tanto cum te complectar amore,

Cur tamen extremum hic te, Lodoice, locem?

Pectore nempe mihi penitus defixus in imo es:

Utiq; hinc factum est, pectore ut exieris.

VITA FUGIT DUM VIVERE

MEDITAMUR.

Gustanda vita, non fruenda, homini datur.

Nam, cum fruendi tempus est, tum deserit.

Felicius maritus, an calceus agat,

Privata vita sitne regno dulcior,

An vita regia solium attingat Jovis:

Peregre morari suavius sit, an domi:

Qui, quamque multi, et quo parandi more sint;

Quo habendi, amici: nullus hæc curat puer;

Rarus adolescens, nec senex, omnis videt.

Et hæc tamen vitam prope omnem continens.

Quæ si quis acri cura et usu pervigil

Longo notarit, idemque secum statuerit,

Quid fugere, quid contemnere, et quid persequi

Expediat homini; viamq; ingresso viam,

Quam maxime unam ex omnibus probaverit,

Obstat senectus invida, et cursum impedit.

EPIGRAMMATA. 79:

Mox avida tristes Lachesis injicit manus.
Sic vivere meditantibus visa evolat.

CUM SESE OFFERT RAPIENDA OCCASIO.

Si expectes, Pamphile, ipsa dum negotia
Te accersant ultro, et dormientem exsuscitent;
Vehementer erras: taciti discedunt dies;
Nec obliuiosus officii admonent sui.
Superba res est rei gerendæ occasio.
Semel contempta, nunquam postea redit.
Vigiles oportet, et tua accures memos.
Nam, si ipse rem curare negligas tuam,
Fugit illa, et facile, qui se curet, invenit.
Tu rem quam curas postea haud facile invenis.

NULLI FORTUNA SIMPLEX CONCEDITUR.

Memini magistrum puero mē olim hoc dicere,
Summum Jovem facere item, ut canones solent:
Qui vina ut vendant, turbant, miscent, diluant;

Nec cuiquam vini simplicis donant cadum.
Eidem illum aiebat in vita mortalium
Nunquam fortunam simplicem cuiquam dare;
Sed temperare fata latis tristia.

80 EPIGRAMMATA.

E GRÆCO CALLIMACHI.

Namque et ego nitido capiti, flavisque capillis
 Serta olim Assyrio sparsa liquore dedi:
 Et bona in ingratum congesti plurima ventrem:
 Cuncta, sed in ventos illa abiere levis.
 Servarunt solæ commissa fideliter aures.
 Corporis hac unâ est parte reperta fides.

RAPHAELIS URBINATIS PICTORIS

EXIMII TUMULUS.

Ipsæ loquitur.

Sic mea naturam manus est imitata, videri
 Posset ut ipsa meas esse imitata manus.
 Sæpe meis tabulis ipsa est delusa, suumque
 Cæcidit esse, mea quod fuit artis opus.
 Miraris, dubitasque? audito nomine credes.
 Sum Raphael, hei mi, quid loquor? imò fui.
 Et tamen, his dictis, quid opus fuit addere nomen?
 Alterutrum poterat cuilibet esse satis.
 Nam mea et audito est notissima nomine virtus:
 Et præstare vicem nominis ipsa potest.



DE LINGUA.

O ! Lingua lingua , ut magnâ eges custodia :
 Quæ es alijs sæpe , et sæpius Dominò nocēs.
 Multum assecutus , qui bene didicit loqui :
 Qui bene tacere , non minus assecutus est.

DE AMORE.

Nivibus hiems exsuperat , vër floribus ,
 Ætas aristis affluit , lacrimis amor.

AFFICTA TRABEÆ.

Here , si querelis , ejulatu , fletibus
 Medicina fieret miseris mortalium ,
 Auro parandæ lacrumæ contra forent :
 Nunc hæc ad minuenda mala non magis valent ,
 Quàm nenia præficæ ad excitandos mortuos .
 Res turbidæ consilium , non fletum , expetunt.

DE MENTE.

Ut imbre tellus , sic riganda mens mero ;
 Ut illa fruges , hæc bona consilia offerat.



81. EPIGRAMMATA.

DEDICATIO HORTORUM
TIBURTINORUM.

Nec labor Alciden fregit, nec blanda voluptas
Unquam animum casti molliit Hippolyti.
Ambarum hos hortos virtutum accensus amore,
Herculi, et Hippolyto dedicat Hippolytus.

I D E M.

Aurea sopito raptae quae mala dracone
Alcides, eadem nunc tenet Hippolytus.
Qui memor accepti, quos hic conseruat hortos,
Auctori voluit muneris esse sacros.

BACCHUS FONTI IMPOSITUS.

Nondum natus eram, cum me prope perdidit ignis.
Ex illo fontes tempore Bacchus amo.

IDEM EX ADVERSO RESPICIENS
FONTEM NYMPHARUM.

Qui colitis Bacchū, comites simul addite Nymphas;
Nam sine ope illarum munera nostra nocent.



EPIGRAMMATA. 85.

IN TABULAM TANTALI.

Si quando admittant sua te ad secreta potentes,
Quisquis es, exemplo diace tacere meo.

**IN TABULAM JASONIS NAVIGANTIS,
ET HERCULIS RAPTUM HYLAM
QUÆRENTIS.**

Viribus auferres, quod fraude parabis Iason:
Eripit Alciden, sed tibi raptus Hylas.

EPIGRAMMATUM FINIS.





M. A. MURETI

EPISTOLARUM LIBELLUS.

AD NICOLAUM VIENNENSEM

EPISTOLA.

INCLYTA nobilium soboles, Nicolae, parentum,
Qui jam nunc ipso ex ætatis limine signa
Virtutis præbes nobis manifesta futuræ,
Nimirum sapis, et rem recte intelligis unus,
Qui licet antiquis ortus natalibus, haud te
Ante tamen ponis reliquis, sed fronte modesta
Alloqueris cunctos, vultuque humanus amico,
Non ulli renuis dextram præbere fidelem.

At quidam contra nullis majoribus orti,
Ore tamen tumido voces efflare superbas,
Æqualesque suos audent contemnere, tanquam
Indignos quæis se se æquali fœdere jungant:
Quos tu deridens, inter nihil esse, parente
Quo sit quisque creatus, ais, dum sit modo veræ

Virtutis studiosus, ametque in rebus honestis
Ponere labentis fatalia tempora vite.

Cui non Sicanie notus dominator opime,
Qui de figlina est ad regni evectus habenas?

At contra Persei, qui claram rexerat olim
Pallena, natus, fortune ludibrium, amplos
Inflabat folles, et regis filius, unco
Impositam incendi versabat forcipe massam.

Quid? non et matris captivæ abjecta propago,
Cui regni flamma index circum tempora fulsit,
Regali sedit solio? Quid stemmata jactas?
Nam pueri regum parte enascuntur eadem,
Qua mendicorum. nunquid communis utrique
Materia est? nunquid morbis obnoxius æque est,
Quem lana Assyrio velat medicata veneno,
Principibus proavis, claroque ex sanguine natum,
Et sub Aquitanis sordet qui bardocucullis,
De peronato genitus patre? nonne sorores
Noctigenæ, vitas hominum quæ pollice versant;
Sunt æque immites generosis, vilibus æque?

Quidnam igitur præstat mendico hic nobilis isti?
Aut quid nobilitas tandem est, nisi fumus inanis?
Nam si vim verbi inspicias, et nobile scortum
Dicitur, et latro nonnunquam nobilis: imo
Nomine ita accepto, Pormus quoque nobilis ipse est.

Sed nempe insanit vulgus, multoque veratro
Indiget, indignos alienis laudibus ornans.

LIBELLUS

Qui se non ullo deturpat crimine , quique
Viribus ingenuas totis amplectitur artes ,
Is mihi , sit quamvis genitore creatus egeno ,
Nobilis est : at qui , vitiorum mole gravatus ,
Nil præter statuas , et avorum nomina jactat ,
Si verum excutias , longe abjectissimus ille est.

AD JANUM ANTONIUM BAIUM.

Jane mei cordis longe pars maxima , quocum
Dulce mihi est totos crebro componere soles ,
Dum tu aut Niliacæ meditaris funera Thisbes ,
Inficiens atro candentia poma colore ,
Aut opus eximium numeris sublimibus aptas ,
Syrmate conspicuus , picturatoque cothurno ;
Carminibus nos humili nostros includimus ignes ,
Aut brevibus scriptis dulces affamur amicos ,
Aut vitiis genuinum infigimus. Omnia nos hæc
Parvula inaudaces : tibi fas majora parare ,
Cui totus se Helicon , totusque recludit Apollo.
Ad vires ac quemque suas componere verum est.



AD STEPHANUM JODELLUM.

Semina sunt quædam nascentibus insita nobis,
 Queis, duce natura, ad varias impellimur artes:
 Ille fori rabiem, vesanaque jurgia laudat,
 Et pavidos grata defendit voce clientes,
 Impatiens om̃i: contra hic sulcare carinis
 Regna tridentiferi gaudet patris, et trabe vastæ
 Visere longinquo terras sub sole jacentes,
 Prodigus hic vitæ violentis ducitur armis,
 Gaudet et hostili stagnantes sanguine campos
 Aspicere, et litui sonitu recreatur acuto.
 Ille sui nunquam fines excedere agelli
 Ausus, amat tacitis deducere passibus ævum,
 Proscindens magnæ gremium genitricis, et altis
 Pingua Triptolemi committens munera sulcis.

Nos musæ, Jodelle, tenent, genitorque Lyæus,
 Quem rigidi ambiguo venerantur numine Thraces,
 Et Nymphæ celeres, et capripedes Satyrisci.
 Nos ex luce nova lustrat dum Delius orbem,
 Et jubar auricomum tremulis dum fluctibus abdit;
 Addictos studiis videt, intentosque labori.

Sed tua te virtus, animi te vividus ardor
 Equales longe ante alios unum abripit: unū
 Pupureis dictant Musæ tibi talia labris,
 Qualia pulchricornus, choreas ducentibus ipse

Cantat, et ad numerum simul ipse movetur Apollo.

Felix ingenii, viridi cui datur ab ævo
Longævus æquare senes, et carmine dio
Demulcere animos : jam te ipse tumescit alumno
Sequana, jam virides resonant tua nomina ripæ.

Perge agendum, neu te venienti subtrahe famæ;
Non te Parca feret totum : non totus obibis,
Parsque tui effugiet ferales optima flammæ.

Musa suos vetat ipsa mori : dat vivere Musa
Perpetuo, et famam memorem per sæcla propagat.
Cælo Musa beat : famam tibi Musa perennem
ro trahet, et cælo te olim, Jodelle, beabis.

CLAUDIO.

Quidquid agam, Claudii, seu quo me vertere tentem,

Seu nihil, ut soleo desidiosus, agam :

Ante oculos tua mihi assidue obversatur imago

Unaque tristitiam gignit, et una levat.

Angor enim infelix, quod te (quo sospite solum

Esse velim sospes, quo moriente, mori.)

Nunc, ubi sis, quid agas, veterē tibi cura medentū,

An nondum, morbum pectore depulerit ;

Nec scio, nec jam scire ulla ratione potis sum :

Quæ me res angore unica pene necat.

At rursus nihil est, quo me ipse hoc tempore soler,

Quodque oculos tristi tergeat imbre graves.

Te

EPISTOLARUM. 89

Te nisi cum vana sibi mens sub imagine fingit :
 Seu vigilem , dulci sive sopore premar.
 Hoc mihi Nepenthes curas dissolvere promptū est ?
 Luctibus hæc una est apta medela meis.
 Tecum ego nunc videos teneros pertcurrere versus,
 Sive Catulle tuos , sive Tibulle tuos :
 Nunc etiam rerum causas tentare latentes ;
 Discage , et unde fluant omnia , quoque fluant ,
 Nunc herba in viridi , late porrectus ad umbram
 Arboris , ex rivum molle strepentis aquæ ,
 Aurasque ex dulces avium captare susurros ,
 Perque vicos , totam multa jocosa loqui.
 Gratia Dis , qui mentem homini celeremq; dederunt,
 Et quævis habilem fingere spectra sibi.
 Illa et plumipedem superarier Persea curau,
 Et celerem invicti Bellerophonis equam.
 Nec mihi , se , cuius rerum natura creatrix,
 Expressam in sabulis cernit , ut in speculo ,
 Tam bene te docto Titianus pollice pingat,
 Quam mens te assidue pingere prompta mea est.
 Atque utinam tibi sis de nobis mutua cura ;
 Nec , quin sis , dubito : sed tamen esse precor.
 Non ego vulgari te , Claudi , amplector amore.
 Hæc face rara Deum tangere corda soler.
 Me me ipse ediscam nisi tu me gratus amares :
 Nec nisi me , quoniam sum tibi carus , amo.
 Denique cum fuero nulli credenda locutus ,
 H

Pars tamen illa mei parvula amoris erit.
 Di faciant, longos producere detur in annos.
 A pueris coepta foedus amicitiae.

TIBURIS DESCRIPTIO AD AMICUM.

Quicumque Herculei spectabile Tiburis arces,
 Quà pater Hippolytus sacri pars magna senatus;
 Cura Deum, loca perpetuo prius aspera saxo
 Mollit, et leni jussit mitescere clivo,
 Omnia deprendet longe superantia famam;
 Nec tam regifico constructa palatia sumtu,
 Auroque illusas sedes, radiataque tecta,
 Quam semper virides metum admirabitur hortos;
 Et gelidos fontes, et aquam in sublime volantem,
 Seque in multiplices vertentem, ut Protea, formas.

Præcipue tamen illi animum novitate movebit
 Excisus, res mira, silex, rupesque cavata,
 Et via facta manu longi per viscera montis:
 Quæ se Amib' pater insueto pervolveret alvo,
 Qui longum per iter tenebroso tramite lapsus,
 Exit, et arboribus gelida non invidet undæ:
 Stantia biles propter Nymphæ, lymphasque paratis
 Exceptis utris in vasa capacia fundunt.
 Parte alia ipse suis altricibus astat Iacchus,
 Maternique memor casus, flammæque paternæ

EPISTOLARUM. 91

Gaudet aquis, illisque libens sua munera miscet.

Dum stupeo, tam multa videns miracula rerum:

Ecce novus procul alituum concentus ad aures

Fertur, et insolita mentem dulcedine tangit.

Aspicio: res gestum propius fero, corpora cerno

Parva ex ære avium, æratisque nitentia ramis;

Dedala quis variam tribuit solertia vocem.

Quamcumque aspicias, delusus imagine, veram

Esse putes volucrum: nisi quod non evolat usquam;

Sed ramis affixa suis cantu æthera mulcet.

At verè mirantur aves: et, cedere dum se

Turpe putant, liquidis late omnia questibus implent.

Hic Lucæ egregius labor est, quem Sequana partu

Ediderat, Siculi renovantem inventa magistri.

Quid? quem non moveat cygnū mentitus adulter,

Iludens simili spirantem è marmore Lædam,

Deliciisque suis, et aquarum murmure lætus?

Multaque præterea veterum simulacra Deorum;

Artis opus priscae, cunctos verùm ardus inter

Eminet Alcides, qui spectans omnia circum,

Hesperidum veteres hortos præ Tibure tenet.

Sed quid ego hæc versu nequidquid includere tento?

Jam pridem exiguum præscripti carminis orbem

Excessi: et dictis semper majora supersunt.

IDE M.

Deliciae veterum Tibur, volventibus annis
 Conciderat, priscum perdideratque decus.
 Et nusquam rivi; nusquam pomaria, nusquam
 Ulla super tanti signa decoris erant.
 Illa loca antiquis toties celebrata poetis
 Horrebant turpi squallida facta sicut.
 Mœrebant erepta sibi sua gaudia Nymphæ,
 Languentes Anio mœstus agebat aquas.
 Omnia tempus edax ita deformarat, ut hospes
 Quæreret in medio Tibure, Tibur ubi est?
 Non tulit hanc speciem divini pectoris heros
 Hippolytus, sacri gloria magna chori.
 Ille loco senium abstersit, vultusque priores
 Reddidit, et solito jussit honore frui.
 Illius imperio jussæ revirescere silvæ
 Cœperunt sparsis luxuriare comis.
 Ille novos passim fontes emergere jussit.
 Nec mora fit: fontes prosiluisse novi.
 Quos circum statuit priscis egesta ruinis
 Plurima Phidiacæ signa polita manu.
 Ipse Anio frontem pallenti cinctus oliva
 Affuit, et proprias consociavit opes.
 Jure igitur fontesque sacri silvæque virentes
 Certatim Hippolyti nomen ad astra ferunt:

EPISTOLARUM. 23

Et, quoties molli inerepuit levis aura susurro,
Hippolytum alternis vocibus ingeminans.

AD PETRUM GERARDIUM.

O ! delicatè blanda ruris otia,
Curis et ambitu procul.
O ! dulce murmur limpidorum fontium.
O ! grata nemorum opacitas.
O ! sibilantes arborum ingentium comæ.
O ! prata, vere gemmea.
O ! solitudo amica cogitantibus.
O ! horror, O ! silentium,
Cui nunc canoro gutture obstrepunt aves,
Nunc canna pastoris vagi,
Seu mane oves in læta ducit pascua,
Seu vespere reducit domum.
O ! mensa nec luxu affluens, nec sordida,
Dapibus parata rusticis,
Quas non, heri languentem ut irriter gulam,
Doctus saporavit coquus :
Sed filiis juvenibus et seni viro
Severa coxit villica.
O ! bibliotheca nota paucis, O ! libri
Quos rara contrectat manus.
O ! cella tantum lectuli unius capax.
O ! somne liber, et levis.

LIBELLUS

O! ad beatam tuta vitam semita,

Ignota vulgi sensibus :

Ut vos requiro ! ut mente vos tota expetō,

Alia perosus omnia!

Ut latus ad vos tendit, et gazis libens

Vos anteponit Persicis,

Quicumque puro pectus Olmeo lavit,

Frondemque mordet Delphicam !

Quid tu, Gerardi, cui profanis invios

Adire fontes contigit?

Partesne easdem sequeris, an siti malis

Opum, aut perustus gloriæ,

Amœnitati ruris et dulci otio

Vitam anteponis aulicam?

O! per lycæi cognitis paucis specus,

Quos sæpe lustrasti puer,

Ne sperne amicus consilii quod dat senex.

Quodque sibi, sed sero capit.

A literato te otio avocantibus

Occludito aures, et fuge :

Canora monstra ut auribus cerâ oblitis

Laërtis effugit puer.

Beata vita non metallo aut Indioi

Spoliis paratur æquoris.

Animo appetenti pauca, quod sat est, sat est:

Avido, atque inexpleto, nihil.

Cum tibi sit, unde liber, et plane tuus

EPISTOLARUM. 99

Vitam quiete transigas :

Quis, heu ! furor te, quis, rogo, impellit furor,

Vincula ultro ut inguas tibi :

Et more pulchrum vivere alieno putes,

Natus timentem divitis ?

Age, rumpe nexus, et jugum collo excute ;

Vindexque et assertor tui,

Aude esse felix, et proci cuncta amovens,

Quæ mentem humo adfixam tenent,

Per liquida puri spatia decurre ætheris

Æterna tantum cogitans.

Et ista sortis lubricæ ludibria

Mirandâ vâlgo desere.

Utinam mihi olim, flore cum primo rudæ

Juventa opacaret genas,

Amicus aliquis ista monstrasset senex,

Quæ nunc tibi ipse cantito,

Non ego perisse lustra tot in aula mihi

Vanis dolerem quæstibus.





M. A. MURETI

O D E.

AD JOHANNEM AURATUM

VIRUM UTRAQUE LINGUA

ERUDITISSIMUM.

AURATE, gentis grande decus mee;
Qui tensa doctâ fila legens manu,
 Seclis inexpertum vetustis
 Ambrosio jacia ore nectar,

Quid esse causæ suspicer, invidæ
Suis quod ortos Gallia finibus,
 Aut odit, aut spernit poëtas,
 Usque favens peregrinitati?

Atqui vetustis temporibus equos
Et fovit Hellas, et Latium suos;
 Quæ pravitas nos mentis unos,
 Ne faciamus idem, coercet?

Nihil

Nihil daturum me auribus hinc tuis
Velim arbitreris, sim licet et fide
Pridem tibi, et communitate
Sanguinis et patriæ alligatus:

Nil ista sed me commoveant tamen;
Aurate, palpo percutere inscium,
Ut laudibus te ornare pergam,
Ni tua me prope singularis

Virtus moveret. Nil faciles tibi
Musæ negarunt; seu libeat fide
Sacrare Græcâ, seu Latinâ
Nobilium inclyta facta regum:

Hac arte quondam quas sibi copias
Dirces alumnus, quod peperit decus
Contrâ, tuos mercede justa
Quisnam hodie decorat labores?

Præjudicatæ quod nisi nos premat
Auctoritatis pondus, erit nihil,
Cur non, metu plane remoto,
Cedere te inficiemur illi.

Sed nempe virtus temporibus jacet
Depressa nostris: hinc fit, ut unici
Virtutis altores poëtæ
Clade etiam simili premantur.



IN DISCESSU DANIELIS
SCHLEICHERI FILII LONGE
DULCISSIMI.

Descende cœlo, et jam mihi lugubres
Regina dicta Calliope modos,
Quibus furentem, cheu! sub imis
Visceribus retegam dolorem.

Dic, diva, carmen, quale per herbidi
Ripas Caystri, candidulum caput
Trajectus immiti sagitta
Voce canis moriente cygnus:

Aut qualia olim conjuge Thracius
Rapta sacerdos dixerat, ad sonum
Quorum et feræ immanes quierunt,
Et rabidi posuere venti.

Ah! unde questus incipiam meos?
Quæ prima se vox pectore proferet,
Iterque laxabit querelis?
Nam meus hinc DANIEL recedit.

Nunquamne posthac, O! juvenum decus,
Quotquot jugales dum citat aureos,
Terramque collustrat jacentem,
Ignivomo videt ore Phœbus:

Nunquamne posthac conspiciam tuos;
SCHLEICHERE, vultus? cur igitur moror;
Nec tristis invisæque vitæ
Rila ferox inimica rumpo?

Jam jam valete o! gaudia, et o! joci;
Et quicquid antehac dulce fuit mihi;
Venite jam fletus perennes,
Perpetuique venite planctus.

Innixa ramis Daulias ut novis,
Cui cantus auceps, furtifica manu
Pullos tenellos involavit,
Mœsta sedet, geminatque questus;

Et se doloris vulnere conficit;
Sic ipse postquam desiero tui
Aspectu amato atque expetito
Posse animum exsatiare vultus,

Eheu! quibus tunc fluctibus opprimar!
Quantas dolorum perpetiar faces!
Quàm sæpe, te ut spectare possim;
Morte mea cupiam pacisci!

Lenito crebris hæc mala literis,
O! nate, saltem ne ve animo patrem
Depone, qui, dum vivet, unum
Pectore te retinebit arcto.



AD CLAUDIUM VOESIUM.

Claudi, integello pectore amabilis ,
Qui mente solus disjicis a mea
Acerba curarum , benignis
Vocibus , alloquioque dulci ;

Non sic timenda est , in Libyæ jugis
Quæ , matre rupta , vipera nascitur :
Non scorpii cauda minaces ,
Non genis sub aquis chelydri :

Non herba tetro noxia gramine ,
Quamcunque tellus Thessalis educat ;
Non illa , quam stillante rictu
Spuma canis genuit triformis ,

Dira ut latentis tela Calumniæ ,
Quam Dite Tellus sustulit ex patre ,
Nefariam ; insontesque fietis
Criminibus premere efficacem.

Hæc conglobatis suspicionibus
Beli nepotem perdidit : hæc malæ
Adegit ad potum cicuta
Innocuum sophiæ parentem.

Dum Phœbus Indos exorians novo
Afflabit igni, Beticolas cadens,
Non ulla Thesidæ modesti
Secula pudicitiam tacebunt.

Aggressa blandis hunc sua fraudibus
Noverca peltax, quid juvenum decus,
Labentis istud ver juvenile
Perdis, ait, tenerumque florem?

Cur editorum per juga montium,
Antris latentes persæqueris feras?
Tibi absque telis, retibusque
Præda domi melior parata est.

Accede, neu te pœniteat mei
Fructus pudoris carpere primulos:
Non me ore natura indecoro
Protulit, immeritam ve amari.

Quid vana legum vincula te movent?
Natura nullos concubitus vetat,
Sed compedes vanissima istas
Cura hominum sibi fabricata est.

Nil ille motus. desine vocibus
Tentare mentem spurcidicis meam,
O! spurca, et in tauros furenti
Progenies genitrice digna.

Hæc fatus in tesqua, et nemorum abditos
Abit recessus, gesa manu rotans:
Vadentem odora et vis sagacium
Anteit, et sequitur Laconum.

Quid innocenti sed juveni tamen
Servasse tanto a crimine profuit
Mentem, si apud patrem reversum
Impia plus potuit noverca?

Cujus querelis ille adeo integer
Per vota patris filius occidit,
Cautes et eliso marinas
Imbuît emoriens cerebro.

Nec me venenis non petiit suis
Illa ipsa mendax anguipedum soror,
Mendaciorum procreatrix,
Perpetua et scelerum architecta:

Sed dexter illi me eripuit Deus,
Umbone tanquam me triplici regens:
Cujus memor, nunquam cinoris
Versibus hunc celebrare mittam.



AD PETRUM RONSARDUM
 GALLICORUM POETARUM
 FACILE PRINCIPEM.

Ronsarde Aonli pectinis arbiter,
 Qui princeps résonum sollicitas ebur,
 Ventorumque minas, et celeres potens
 Lapsus sistere fluminum,

Quando te reducem Vindocino ex agro
 Cernemus, veterum turba sodalium?
 Quis te, quis niveo vellere conditus
 Nobis restituet dies?

Qui desiderio perpetue nunc tui,
 Heu quæ non facimus vota? quibus sacros
 Postes muneribus cingere parcimus?
 Quas non concipimus preces?

O! saltem interea, quicquid agis, memor
 Nostri vive; ita te curribus aureis
 Rumor per liquidum gemmeus aëra,
 Spectandum populis vehat.

T



AD NICOLAUM DENISOTUM
COMITEM ALSINOUM.

Bacchus pœtas et facit, et fovet,
Bacchus pœtarum ingenia excitat:
Bacchus novem præstat puellis,
Et melior, potiorque Phœbo est.

Ter terna quisquis pocula sumserit
Dulcis Falerni, sentiet hic sibi
Calere dīvino furore,
Carmina ad ejicienda, mentem:

Sic lætus olim vixit Anacreon
Cinctus virenti tempora pampino;
Sic Ennius semper madenti
Guttare carmina funditabat.

Algentis at quos potus aquæ juvat,
Frigent eorum carmina, nec ferunt
Ætatem. Ades, mecumque plenis
Hic cyathis, Nicolae, certa.

Miranda seris carmina posteris
Uterque loto guttore concinet.
O! dulce tormentum, o! gravatis
Certa quies animis Lyæ!

Quænam , imperiti , pocula quærimus
 Vocalis undæ ? quod bifidi duplex
 Montis cacumen somniamus ?
 Quam petimus , fatui , Hippocrenen ?

Hæc Hippocrène est : unicus hic liquor
 Vates stupendos efficere evaleat.
 En , par pari gratus repende :
 Hoc ego te cyatho saluto.



AD ANTONIUM MONTECATINUM.

Tandem querelis pone modum tuis ,
 Et fata mœstis invida vocibus
 Clamare , crudelesque divos
 Cum gemitu lacrymisque parce.

Numquid Lycæi juverit avios
 Lustrasse saltus , fontibus ac sitim
 Ex vulgo inaccessis levasse ,
 Ingenioque adiisse Divos ?

Si mentis istud præsidium tuæ
 Perrumpit , et sese intus agit dolor ,
 Imisque fervens in medullis ;
 Te quasi perdomito triumphat ?

Magnam doloris fata quidem tibi
Causam obtulerunt, quæ tibi cognitum,
 Longoque carum usu sodalem
 Hannibalem ante diem abstulerunt.

Qui quanquam avitis est titulus domi
Forisque clarus, non tamen id sibi
 Satis fore ornando putavit,
 Ni proprios etiam ipse honores,

Labore magno, quæreretur impiger,
Comamque lauro duplice necteret,
 Et qua ferox Gradivus, et qua
 Pulcher Apollo suos coronat.

Heu quis Deorum mentibus addidit
Famæ illam honestis immodicam stimi?
 Quàm sepe multis illa tristem
 Funeris acceleravit horam.

Sed, quorsum ananes jam quærimonia?
Ille ipse, quem urges quæstibus, Hannibal
 Felix, et insertus Deorum
 Concilio, mala nostra rides.

F I N I S.

JOANNIS SECUNDI
Joannis Secundus,
HAGIENSIS
JUVENILIA.



LUGDUNI BATAVORUM.

M D C C L V I I .

c. m. t.

THE UNIVERSITY OF CHICAGO

LIBRARY

1975.10

1975.10

1975.10

1975.10

1975.10



LECTORI BENEVOLO.

INTER ætatis suæ Poëtas , qui multi
ubique et docti fuerunt , tam celebre no-
men sibi comparavit Joannes Secundus ut
principem locum obtinuisse videatur. Hinc
in præstantissimorum sæculi XVI. Poëtar-
um numerum à viris literatis rélatus est.
Eam enim in carminibus Elegantiam , eam
argutiam , et facilitatem habet , ut cum quo-
vis veterum certare possit. Recentiores certe
omnes longo post se intervallo reliquit , in
Elegiis lenis et perspicuus , in amoribus festi-
vus et lepidus , in Epigrammatibus argutus et
facetus , in Lyricis sublimis et numerosus.
Quid ab eo non sperari poterat qui , qua ætate
vix latine etiam eruditiores loquuntur , ea
reliquit quæ tanto opere omnibus probantur ;

iv L E C T O R I , &c.

præsertim cum juris interim studio a patre operam dare coactus , magnam in eo temporis partem collocavit. Omitto quod variis peregrinationibus distractus , Belgium , Galliam , Italiam & Hispaniam peragravit. Natus Hagæ-comitis anno 1511. immatura morte ereptus est anno 1536. ætatis suæ 25.

Selecta ex Secundo carmina , Bezæ & Mureti Juvenilibus , adjungimus ; quæ cum eodem sale et lepore condita sint , eodem quoque nomine hîc inscribuntur. Liceat & hîc præfigere de Secundo , Theodori Bezæ Judicium.

Excelsum seu condit opus , magnique Maronis

Luminibus officere studet :

Sive leves elegos , alternaque carmina raptus

Nasonis impetu canit :

Sive lyram variis sic aptat cantibus , ut se

Victum erubescat Pindarus :

Sive jocos , blandosque sales Epigrammate miscet ;

Clara invidente Bilbili :

Unus quatuor hæc sic præstitit ille Secundus :

Secundus ut sis nemini ,



JOAN. SECUNDI JUVENILIA.

BASIORUM LIBELLUS.

BASIUM I.

Cum Venus Ascanium super alta Cythera tulisset,
Sopitum teneris imposuit violis;

Albarum nimbos circumfuditque rosarum,
Et totum liquido sparsit odore locum.

Mox veteres animo revocavit Adonidis ignes,
Notus et irrepsit ima per ossa calor.

O ! quoties voluit circumdare colla nepotis !

O ! quoties talis, dixit, Adonis erat !

Sed placidam pueri metuens turbare quietem,
Fixit vicinis basia mille rosis.

Ecce calent illæ, cupidæque per ora Dioneæ
Aura, susurranti flamine, lenta subit.

Quotque rosas tetigit, tot basia nata repente
Gaudia reddebant multiplicata deæ.

At Cytherea, natans niveis per nubila cyncis,
Ingentis terræ cœpit obire globum.

Triptolemique modo, fœcundis oscula glebis
Sparsit, et ignotos ter dedit ore sonos.

Inde seges felix nata est mortalibus agris:

Inde medela meis unica nata malis.

Salvete æternum, miseræ moderamina flammæ,
Humida de gelidis basia nata rosis.

En ego sum, vestri quo vate canentur honores,

Nota Medusæj dum juga montis erunt,

Et memor Æneadum stirpisque disertus amatæ,

Mollia Romulidum verba loquetur Amor.



BASIUM II.

Vicina quantum vitis lascivit in ulmo,

Et tortiles per ilicem

Brachia proceram stringunt immensa corymbi,

Tantum, Neæra, si queas

In mea nexilibus prosperere colla lacertis,

Tali Neæra si queam

Candida perpetuum nexu tua colla ligare;


Jungere perenne basium;

Tunc

B A S I A.

Tunc me nec Cereris, nec amici cura Lyæi,
Soporis aut amabilis,
Vita, tuo de purpureo divelleret ore;
Sed mutuis in osculis
Defectos, rapis una duos portaret amantes
Ad pallidam Ditis domum.
Mox per odoratos campos, et perpetuum ver
Produceremur in loca,
Semper ubi, antiquis in amoribus, Heroïnæ
Heroas inter nobiles
Aut ducunt choreas, alternave carmina lætæ
In valle cantant myrtea,
Quâ violisque, rosisque, et flavicomis narcissis
Umbraculis tremantibus,
Illudit lauri nemus, et crepitante susurro
Tepidi suavè sibilant
Æternùm Zephyri; nec vomere saucia tellus,
Pecunda solvit ubera.
Turba beatorum nobis assurgeret omnis:
Inque herbidis sedilibus,
Inter Mœonidas prima nos sede locarent:
Nec ulla amatricum Jovis
Prærepto cedens indignaretur honore,
Nec nata Tyndaris Jove.





BASIMUM III.

Da mihi suaviolum, dicebam, blanda puella;
 Libasti labris mox mea labra tuis.
 Inde, velut presso qui territus angue resultat,
 Ora repente meo vellis ab ore procul.
 Non hoc suaviolum dare, lux mea, sed dare tantum
 Est desiderium flebile suavioli.



BASIMUM IV.

Non dat basia, dat Næra nectar,
 Dat rores animæ suaveolentas,
 Dat nardumque, thymumque, cynamumque,
 Et mel, quale jugis legunt Hymetti,
 Aut in Cecropiis apes rosetis,
 Atque hinc virginis et inde ceris
 Septum vimineo tegunt quasillo:
 Quæ si multa mihi voranda denar,
 Immortalis in iis repente fiam,
 Magnorumque epulis fruar decorum.
 Sed tu munere parce, parce tasi,
 Aut mecum dea fac Næra fias:

B A S I A.

Non mensas sine te volo deorum,
Non, si me rutilis praeesse regnis
Excluso Jove, dii demque cogant.



BASIUM V.

Dum me mollibus hinc et hinc lacestis
Astricam promis, imminensque toto
Collo, pectore, labicoque vultu,
Dependes humeris, Nerva, nostris:
Componensque meis labella labris,
Et moru petis, et gemis remora,
Et linguam tremulam hinc et inde vibras,
Et linguam querulam hinc et inde sugis,
Aspirans animam suavis auram.
Mollens, dulcissemam, humidam, menque
Altricem miseræ Nerva vitæ:
Hauriens animam meam caducam,
Flagrantem, nimio vapore coctam,
Coctam pectoris impotentis metu,
Eludisque meae Nerva flammæ,
Flabro pectoris haurientis esum
Q: incundæ mei caloris aura:
Tunc dico, deus est Amor depositum,
Ec subit deus, atq: Ambre major:

Si quisquam tamen est Amore major;
 Tu tu sola mihi es, NEMRA, major.



BASIUM VI.

De meliore nota bis basia mille paciscens;
 Basia mille dedi, basia mille tuli.
 Explesti numerum, fateor, jucunda NEMRA,
 Expleri numero. aed nequit nullus amor.
 Quis laudet Cererem numeratis surgere aristis?
 Gramen in irrigua quis numeravit humo?
 Quis tibi Bacche tulit pro centum vota racemis?
 Agricola mve deum mille poposcit apes?
 Cum pius irrorat sitientes Jupiter agros,
 Decidus guttas non numeramus aquæ.
 Sic quoque cum ventis concussus inhorruit ær,
 Sumsit et irata Jupiter arma manu,
 Grandine confusa terras et cærule pulsac,
 Securus sternat quot sata, quotve locis.
 Seu bona, seu mala sunt, veniunt uberrima cælo.
 Majestas domui convenit illa Jovis.
 Tu quoque cum dea sis, diva formosior illa,
 Concha per æquoreum quam vaga ducis iter,
 Basia cur numero, cælestia dona, coërces?
 Nec numeras gemitus, dura puella, meos?

BASIA;

Nec lacrymas numeras, quæ per faciemq; sinumque

Duxerunt rivos semper euntis aquæ?

Si numeras lacrymas, numeres. licet oscula; sed si

Non numeras lacrymas, oscula ne numeres.

Et mihi da, miseri solatia vana doloris,

Innumera innumeris basia pro lacrymis.

BASIUM VII.

Centum basia centies,

Centum basia millies,

Mille basia millies,

Et tot millia millies,

Quot guttæ Siculo mari,

Quot sunt sidera cælo,

Istis purpureis genis,

Istis turgidulis labris,

Ocellisque loquaculis,

Ferrem continuo impetu,

O! formosa Næra:

Sed dum totus inhæreo

Conchatim roseis genis,

Conchatim rutilis labris,

Ocellisque loquaculis;

Non datur tua cernere

Labra, non roseas genas;

Ocellosque loquaculos,
 Molles nec mihi risus
 Qui, velat nigra discutit
 Coelo nubila Cynthia,
 Pacatumque per aethera
 Gemmatis in equis micat,
 Flavo lucidus orbe,
 Sic nutu eminus aureo
 Et meis lacrymas genis,
 Et curas animo meo,
 Et suspiria pellunt.
 Heu! quæ sunt oculis meis
 Nata prœlia cum labris?
 Ergo ego mihi vel Jovem
 Rivalem potero pati?
 Rivales oculi mei
 Non ferunt mea labra.



BASIMUM VIII.

Quis te furor, Neera,
 Inepta, quis jubebat
 Sic involare nostram,
 Sic vellicare linguam,
 Ferociente morsu?
 An, quas tot unus abs te

Pectus per omne gesto
Penetrabiles sagittas,
Parum videntur t̄ istis
Nil dentibus protervis,
Exerceas nefandum.

Membrum nefas in illud,
Quo sæpe sole primo,
Quo sæpe sole sero,
Quo per diesque longas,
Noctesque amarulentas,
Laudes tuas canebam.

Hæc est, iniqua, nescis?

Hæc illa lingua nostra est,

Quæ tortiles capillos,

Quæ pæculos ocellos,

Quæ lacteas papillas;

Quæ colla mollicella

Venustulæ Neutræ,

Molli per astra versu,

Ultra Jovis calores,

Cælo invidente, vexit:

Quæ te meam salutem,

Quæ te meamque vitam,


Animæ meæque florem,

Et te meos amores,

Et te meos lepores,

Et te meam Dionea;

Et te meam columbam,
 Albamque turturillam,
 Venere invidente, dixit.
 An vero, an est id ipsum
 Quod te juvat superba,
 Inferre vulnus illi,
 Quam læsione nulla,
 Formosa, posse nosti
 Ira tumere tanta?
 Quin semper hos ocellos,
 Quin semper hæc labella,
 Et, qui sibi salaces
 Malum dedere dentes,
 Inter suos cruores
 Balbutiens recantet?
 O ! vis superba formæ.



B A S I U M I X.

Non semper udum da mihi basium,
 Nec juncta blandis sibila risibus:
 Nec semper in meum recumbe
 Implicitum moribunda collam.

Mensura rebus est sua dulcibus:
 Ut quodque mentes suavius afficit,

Fastidium

Fastidium sic triste secum
Limite proximior ducit.

Cum te rogabo ter tria basia,
Tu deme septem, nec nisi da duo;
Utrumque nec longum nec udum;
Qualia teligero Diana

Dat casta fratri, qualia dat patri.
Experta nullos nata Cupidines:
Mox e meis lasciva ocellis
Curre procul natitante planta.

Et te remotis in penetralibus,
Et te latebris abditam in intimis
Sequar latebras usque in imas;
In penetrale sequar repostum:

Prædamque victor fervidus in meam
Utrinque heriles injiciens manus,
Raptabo, ut imbellem columbam
Unguibus accipiter recurvis.

Tu deprecantes victa dabis manus,
Hærensque totis pendula brachiis,
Placare me septem jocosis
Basiolis cupies inepta.

Errabis: illud crimen ut eluam,
Septena jungam basia septies,

Atque hoc catenatis lacertis
Impediam, fugitiva, collum;

Dum persolutis omnibus osculis,
Jurabis omnes per veneres tuas,
Te sæpius pœnas easdem
Crimine velle pari subire.



B A S I U M X.

Non sunt certa meam moveant quæ basia mentem,
Uda labris udis conseris, uda juvant:
Nec sua basiolis non est quoque gratia siccis,
Fluxit ab his tepidus sæpe sub ossa vapor.
Dulce quoque est oculis nutantibus oscula ferre,
Auctoresque sui demeruisse mali:
Sive genis totis, totive incumbere collo,
Seu niveis humeris, seu sinui niveo:
Et totas livore genas, collumque notare,
Candidulosque humeros, candidulumq; sinum:
Seu labris querulis titubantem sugere linguam,
Et miscere duas juncta per ora animas,
Inque peregrinum diffundere corpus utramque,
Languet in extremo eum moribundus amor.
Me breve, me longum capiet, laxumq; tenaxque,
Seu mihi das, seu do, lux, tibi basiolum.

B A S I A.

15


Qualia sed sumes , nunquam mihi talia redde :
 Diversis varium ludat uterque modis.
 At quem deficiet varianda figura priorem,
 Legem submissis audiat hanc oculis ,
 Ut , quot utrinque prius data sint , tot basia solus
 Dulcia victori det , totidemque modis.



B A S I U M X I.

Basia lauta nimis quidam me jungere dicunt ;
 Qualia rugosi non didicere patres.
 Ergo , ego cum cupidis stringo tua colla lacertis ,
 Lux mea , basiolis immoriorque tuis ,
 Anxius exquiram quid de me quisque loquatur ?
 Ipse quis , aut ubi sim , vix meminisse vacat.
 Audiit , & risit formosa Nera , meumque
 Hinc collum nivea cinxit et inde manu ,
 Basiolumque dedit , quo non lascivius unquam
 Inseruit Marti Cypria blanda suo.
 Et , quid , ait , metuis turbæ decreta severe
 Causa meo tantum competit ista foro.





BASIIUM XII.

Quid vultus removeris hinc pudicos,
 Matronæque, puellulæque castæ?
 Non hîc furta deûm jocosa canto,
 Monstrosasve libidinum figuras,
 Nulla hîc carmina mentulata, nulla
 Quæ non discipulos ad integellos,
 Hirsutus legat in schola magister.
 Inermes cano basiationes,
 Castus Aonii chori sacerdos:
 Sed vultus adhibent modo huc protervos
 Matronæque, puellulæque cunctæ,
 Ignaræ quia fortè mentulatum
 Verbum diximus, evokante voce,
 Ite hîc, ite procul, molesta turba,
 Matronæque, puellulæque turpes:
 Quanto castior est Næra nostra,
 Quæ certe sine mentula libellum
 Mavult, quam sine mentula ppëtam.





BAS I U M . X I I I .

Languidus e dulcè certamine , vita , jacebam
 Exanimis , fusa per tua colla manu.
 Omnis in arenti consumptus spiritus ore ,
 Flamine non poterat cor recreare novo.
 Jam Styx ante oculos , et regna carentia sole ,
 Luridaque annosi cymba Carontis erat :
 Cum tu suaviolum educens pulmonis ab imo ,
 Afflasti siccis irriguum labiis :
 Suaviolum Stygia quod me de valle reduxit ,
 Et jussit vacua currere nave senem.
 Erravi , vacua non remigat ille carina ,
 Flebilis ad Manes jam natat umbra mea.
 Pars animæ , mea vita , tuæ hoc in corpore vivit ,
 Et dilapsuros sustinet articulos :
 Quæ tamen , impatiens , in pristina jura reverti
 Sæpe per arcanas nititur ægra vias.
 Ac nisi dilecta per te foveatur ab aura ,
 Jam collabentes deserit articulos.
 Ergo , age , labra meis innecte tenacia labris ,
 Assidueque duos spiritus unus alat :
 Donec , inexpleti post tædia sera furoris ,
 Unica de gemino corpore vita fluat.



BASIUM XIV.

Quid profers mihi flammeum labellum?
 Non te, non volo basiare, dura
 Duro marmore durior Nera.
 Tanti istas ego ut osculationes
 Imbelles faciam, superba, vestras;
 Ut, nervo toties rigens supino,
 Pertundam tunicas meas, tuasque;
 Et desiderio furens inani,
 Tabescam miser, aestuante vena?
 Quo fugis? remane, nec hos ocellos;
 Nec nega mihi flammeum labellum.
 Te jam, te volo basiare, mollis,
 Molli mollior anseris medulla.



BASIUM XV.

Adducto puer Idalius post tempora nervo,
 Stabat in exitium, pulchra Nera, tuum:
 Cum frontem, sparsosque videns in fronte capillos,
 Luminaque argutis irrequieta notis,
 Flammeolasque genas, et dignas matre papillas,
 Jecit ab ambigua tela remissa manu:

Inque tuas cursu effusus pueriliter ulnas,
 Mille tibi fixit basia, mille modis,
 Quæ succos tibi myrteolos, Cypriosque liquores
 Pectoris afflarunt, usque sub ima tui,
 Jurravitque deos omnes, Veneremque parentem,
 Nil tibi post unquam velle movere mali.
 Et miremur adhuc cur tam tua basia fragrent?
 Duraque cur miti semper amore vaces?



BASIMUM XVI.

Latonæ niveo sidere blandior,
 Et stella Venensis pulchrior aurea,
 Da mi basia centum,
 Da tot basia, quot dedit
 Vari multivolo Lesbia, quod tulit:
 Quot blandæ Veneres, quotque Cupidineo
 Et labella pererrant,
 Et genas roseas tuas:
 Quot vitas oculis, quotque necesse geris,
 Quot spes, quotque metus, quotque perennibus
 Mista gaudia curis,
 Et suspiria amantium,
 Da, quam multa meo spicula pectori
 Insevit volucris dira manus dei:
 Et quam multa pharetra

Conservavit in aurea.

Adde et blanditias, verbaque publica,
Et cum suaviecrepis murmura sibilis,

Risu non sine grato,

Gratis non sine morsibus:

Quales Chaoniæ garrula motibus

Alternant tremulis rostra columbulæ,

Cum se dura remittit

Primis bruma Favoniis;

Incumbensque meis, mentis inops, genis,

Huc, illuc, oculos volve natatilis,

Exsanguemque lacertis

Dic te sustineam meis.

Stringam nexilibus te te ego brachiis,

Frigentem calido pectore comprimam,

Et vitam tibi longi

Reddam afflamine basii:

Donec succiduum me quoque spiritus

Istis roscidulis linquet in osculis,

Labentemque lacertis,

Dicam, collige me tuis.

Stringes nexilibus me, mea, brachiis,

Mulcebis tepido pectore frigidum,

Et vitam mihi longi af-

Flabis rore suavii.

Sic ævi, mea lux, tempora floridi

Carpamus simul: en jam miserabiles


Curas ægra senectus
Et morbos trahet, et necem.



BASIIUM XVII.

Qualem purpureo diffundit mane colorem
Quæ rosa nocturnis roribus immaduit:
Matutina rubent dominæ sic oscula nostræ,
Basiolis longa nocte rigata meis:
Quæ circum facies niveo candore coronas,
Virginis ut violam cum tenet alba manus.
Tale novum seris cerasum sub floribus ardet,
Aestatemque et ver cum simul arbor habet.
Me miserum, quare cum flagrantissima jungit
Oscula, de thalamo cogor abire tuo?
O! saltem, labris serva hunc formosa ruborem,
Dum tibi me referet noctis opaca quies.
Si tamen interea cujusquam basia carpent,
Illa meis fiant pallidiora genis.





BASIIUM XVIII.

Cum labra nostræ cerneret puellæ,
 Inclusa circo candidæ figuræ,
 Ut si quis ornet arte curiosa
 Corallinis eburna signa baccis,
 Flevisse fertur Cypris, et gemendo
 Lascivientes convocasse Amores,
 Et, quid juvat, dixisse, purpuratis
 Vicisse in Ida Palladem labellis,
 Et pronubam magni Jovis sororem,
 Sub arbitro pastore ? cum Neera
 Hæc antecellat arbitro poëta ?
 At vos furentes ite in hunc poëtam,
 Et dira plenis tela de pharetris
 In illius medullulas tenellas,
 Pectusque per, jecurque per jocosum,
 Distingite acres persærepente cornu.
 At illa nullo pertepescat igne,
 Sed tacta pectus plumbea sagitta,
 Torpescat imas congelata venas.
 Evenit : imis uror in medullis,
 Et torrido jecur liquescit igne :
 Tu fulta pectus asperis pruinis
 Et caute, quales aut maris Sicani

Aut Adriæ unda tundit æstnosa,
 Secura ludis impotentem amantem
 Ingrata : propter ista labra rubra
 Laudata plector. Hec, misella nescis
 Cur oderis : nec ira quid deorum
 Effrena possit? et furor Diones.
 Duros remitte, mollicella, fastus :
 Istoque dignos ore sume mores :
 Et quæ meorum causa sunt dolorum,
 Mellita labris nocte labra nostris :
 Haurire possis ut mei pusillum
 Præcordiis ex intimis veneni,
 Et mutuis languere victa flammis.
 At nec deos, nec tu time Dionen :
 Formosa divis imperat puella.



BASIUM XIX.

Mellilegæ volucres, quid adhuc thyma cana, rosasq;,
 Et rorem vernæ nectareum violæ
 Lingitis, aut florem late spirantis anethi ?
 Omnes ad dominæ labra venite meæ.
 Illa rosas spirant omnes, thymaque omnia sola,
 Et succum vernæ nectareum violæ :
 Inde procul dulces auræ funduntur anethi,
 Narcissi veris illa madent lacrymis,

Œbaliique madent juvenis fragrante cruore,
Qualis uterque liquor, cum cecidisset, erat,
Nectareque ætherio medicatus, et aëre puro,
Impleret fœtu versicolore solum.
Sed me, jure meo libantem mellea labra,
Ingratæ socium ne prohibete favis.
Non etiam totas avidæ distendite cellas,
Arescant dominæ ne semel ora meæ,
Basiaque impressans siccis sitientia labris,
Garrulus indicii triste feram precium.
Heu, non et stimulis compungite molle labellum:
Ex oculis stimulos vibrat et illa pares.
Credite, non ullum patietur vulnus inultum:
Leniter innocuæ mella legatis apes.





JOAN. SECUNDI
 JUVENILIA.
 ELEGIARUM LIBELLUS.

ELEGIA I.

Pierides alius dira inter bella cruentet,
 Vulneraque ingeminet sæva, necesque virum,
 Cujus his fuso madefiant sanguine versus :
 Hei mihi, plus sagis est quam cecidisse semel.
 Nos puerum sancta volucrem cum matre canamus,
 Spargentem tenera tela proterva manu :
 Sic ergo, sic fanxi radiantibus adstitit alis,
 Cum face, cum cornu, cum jaculisque puer.
 Fallor an ardentes acuebat cote sagittas ?
 Atrox in vultu jam mihi pallor erat.
 Parce tuum, dixi, ferro terrere poetam,
 Castra parat dudum qui tua sponte sequi,
 Imperiumque potens, et regna patèntia late,
 Quæ te spumigena cum Geniarice colunt,

Carmine vocali patrias resonare per urbes
 Aggreditur : tuus est, lædere parce tuum.
 Ille nihil motus, lunato fervidus arcu,
 Accipe quæ (dixit) multa diuque canas,
 Et non ignotæ celebra nunc robora dextræ,
 Forma que quid valeat discite decentis Heræ.
 Vix ea personuit, sonuit simul arcus, et na
 Cum jaculo in venas sensimus isse Deum.

E L E G I A II.

Cum nova nascenti nerent mihi fata sorores,
 Ducentes fuis stammina tortilibus,
 Aureolis puer allapsus Cythereius alis
 Dixit, in hoc puero sint mea jura mihi :
 Fata canam vates, sacris absistite cumis,
 Arbitrio vivat deficiatque meo.
 Nec mora, procumbens sinuosum curvus in arcum,
 Si parere negent, spicula dura parat.
 Parent, et puerum diæ venerantur, at ille
 Demulcens tenera stammina dira manu,
 Risit, et Alcides spectata hæc, fortissime, dixit,
 Et pudor antiquæ cedat ab ore notæ :
 Verba deinde levi recinebat blæsa susurro,
 Qualis in arboreis sibilat aura comis :
 Non equidem audiui, nutrix audisse putatur,


Et longum gelido diriguisse metu :
Parve , sub ignoti lumen spirabile cœli
 Edite , cura Deûm , nostraque cura , puer,
Parve puer , nostris mox sudature sub armis,
 Hæc præcepta meæ suscipe militiæ.
Cum tibi vernantes ætas exsurget in annos,
 Curre lubens dominæ mite sub imperium.
Hæc tibi continget , thalamis quæ digna Deorum,
 Divûm te nixidis anteferet thalamis :
Quæ tibi postponet quicquid legit India rubro
 Gurgite , felici gramine quicquid Arabs :
Quæque tibi gemmis , et regum carior auro ,
 Ingenio vivax surget in astra tuo,
Castalioque tibi promens argentea fonte
 Pocula , formosa porriget ipsa manu.
Illius e claris me sæpe stupebis ocellis ,
 Vibrantem occultas in tua corda faces,
Spicula stringentem tacito lethalia nervo ,
 Ut venit ignota fulminis ira via.
Parve quid , heu , lacrymis infantia lumina turgent ?
 Et concussa tremens horror in ora venit ?
Tempus in hæc aliud , puer , o ! dulcissime , differ ,
 Cum tibi tot causæ , cur lacrymeris , erunt ,
Quotve sub arboribus , primis aquilonibus anni ,
 Flavet deciduis tristis ager foliis :
Quotve per exultos hortos , in vere rubenti ,
 Decussis zephyro floribus albet humus.

Sed tam nil durum, quod non tolerantia vincat,
Et magnum afflictis mentibus ingenium.
Victa soporatum dabit in tua brachia collum,
Collaque languenti cinget amata manu,
Osculaque, et quicquid superest post oscula dulce
Noctibus in longis continuabit amans.
Ergo jucundo patiens insiste labori,
Nec malus in portu desere nauta ratem.
Vulnificisque emissum oculis haurire venenum;
Alternasque oculis disce movere faces.
Disce gradum mediis suspensum ferre tenebris,
Et per dilectas ire, redire vias;
Et rigidos cithara postes mollire per umbram,
Sertaque cantatis addere cardinibus,
Dum nocturna tibi demulserit aura calorem,
Et matutinæ collacrhymetur aves.
Disce levi varias nutu conferre loquelas,
Disce verecunda voce diserta loqui:
Qualia me docuit, per me tamen ante peritus
Naso, Tomitana non tumulandus humo:
Quem mihi rectorem lascivos mater ad annos
Legerat effrenæ conscia nequitiae.
Ille quidem famam Pelignis auxit amando,
Tu quoque cum Belgis non inhonorus eris;
Nec te longa premet caligo mortis opacæ,
Nec reget obscuro te vetus urna loco.
Quæ fax ante tuis stridebit inusta medullis,

Hæc

Hæc faciam cineres luceat ante tuos :
Tu modo semper ama, nec te tædebit amorum ,
Dulcius his nostri nil habet aula Jovis.
Sæpe quidem infensus nostris fuit ille sagittis ,
Et, memini, nuper dira minatus erat ,
Arcumque, et pharetram fregisset, at optima mater
Nostra sub arbustis condidit arma Paphi :
Mox tamen ille ferox ter mille per oscula supplex
Oravit de me vulnus habere novum.
Quid Tyrius sine amore torus ? quid mensa Falerno
Uda ? quid auratis nixa domus trabibus ?
Quid juvat Assyriis in odoribus elanguentem
Seu sopor ad citharas, seu leve murmur aquæ ?
Omnia nil sine amore juvant, sed amore secundo
Et sopor in dura blandus humo trahitur.
Omnis et Assyrium tellus aspirat amomum ,
Et vincunt humiles tecta superba casæ.
Nil tibi sît terræ tractus aut dicere cœli ;
Tethyos aut tumidas rauca sonantis aquas :
Quidve per occasum, quid signent astra per ortum ;
Quæque, tenent medium, summa velima, locum ;
Neu cantare tui victricia Cæsaris arma ,
Progenies matris sit licet ille meæ :
Sed faciles elegos lento deducere versu ,
Quî valeant nostram vincere mollietiem.
Tunc ego te croceis evectum ad sidera pennis
Parnassi sistam culmine conspicuum ,

Quem tibi si Pæan, simul et suaserta negabit,
 Monte Cythæriaco myrtea sarta geres.
 Hæc ter Amor cecinit, Parcæ assensere camenti.
 At Venus excelso risit ab Idaliô:
 Et natum miti venientem fovit in umbra,
 Quaque odor è nardo, quaque odor è casia;
 Eque rosa Zephyri vitales imbuunt auras
 Gramen, et irriguas palpitât inter aquas.



ELEGIA III.

Siquis erit juvenum, dominæ qui turpe putabit
 Vincula in ingenuo pectore serva pati,
 Ille quidem certe quid sit Venus ignea nescit,
 Et nondum veris incaluit facibus:
 Illius obrigit glaciali frigore pectus,
 Qui tam dulce pati servitium renuit.
 Non onerosa mihi, non est formosa pudori,
 Formosas dominas Jupiter ipse tulit.
 Eheu, quam mea me cæca face Julia torret!
 Non sic assiduâ ignibus Aetna calet:
 Nec tanto venas consumitur aridus æstu
 Mole sub Aetnæa conditus Enceladus:
 Sic agitur primo juvenis furibundus in igne;
 Cui jecur ignoto læsit Amor jaculo.
 Nos tamen hanc lentè, cum sit formosa, feramus,

ELEGIÆ.

31

Et demus victas vincla sub arcta manus.
 Scilicet est aliquid specioso carcere claudi ,
 Et juvat aurata compede posse premi.
 Illa mihi leges victrix præscribat , et in me
 Regia formosis sceptrâ gerat manibus.
 Illius imperio ventos patiemur et imbres ,
 Ibimus et solas nocte silente vias :
 Nec grave frigus erit , nec Solstitium , licet in me
 Fervidus ingeminet sidera sicca puer.
 Illa volet comitem sibi me quocunque , sequemur
 Qua via nulla rotæ pervia , nulla rati.
 Illas meas torret , et torreat usque medullas ,
 Prompta tibi sint hæc spicula , sancte puer.
 Nec mihi deficiat calor hic hiemantibus annis ,
 Nec me cum tenebris obruet atra dies.
 Tunc detur tremulis illam manibus complectar ,
 Er fugientem inter basia fundam animam ,
 Quæ tunc purpureis labris remorata resister
 Forsan , et incœptum læta redibit iter :
 Spernet et Elysias sedes , vallemque beatam ,
 Præ tam mellitæ basiolis dominæ.





ELEGIA IV.

Maius alit frondes , Maio sine fronde virenti
Ire nefas : mos hoc , lux mea , priscus habet.
Ergo , age , certemus : tibi , me sine fronde reperto ,
Munus quod niveum pectus adornet , erit.
Corporis o ! felix illa quod sede fruetur ,
Cujus ab aspectu gaudia mille fero.
At tibi lex hæc sit , folii viridantis ut orba ,
Oscula cogaris mox dare pauca mihi ;
Oscula quæ possint fugientem sistere vitam ,
Restet ubi nullis spes medicaminibus ,
Pallidulamque animam Stygiæ subducere lyntri ,
In non concessas et revocare vias.
Sic ego : depresso sic lux mea retulit ore
Pauca , sed argutis multa loquens oculis ;
Basiaque , et mea quo jurabis basia vinci ,
Accipies aliquid , si modo victor eris.
Dixit , et os avidum roseo mihi molliter ore
Pressit , et , hoc cape nunc , cetera victor , ait.
Victor ero certè , nec opem Cytheræa negabis ,
Si tua , si nati numina sancta colo.
Tunc ego lascivæ potero contendere viti ,
Quæ se vicinis implicat arboribus.

E L E G I Æ.

33

Nec me hederæ varius superabit in ilice nodus,
 Brachia, erunt collo sic mea nexa meæ.
 At vos purpurei reges ignoscite victi,
 Risus erunt vestræ tunc mihi divitiæ.



E L E G I A V.

Una meas igitur versabit femina curas?
 Unaque mî risus, unaque fletus erit?
 Una mihi dulces facies moderabitur annos
 Quos mihi Persephone non volet esse diu?
 Nam seu dura meos illa adversabitur ignes,
 Seu facilem sese dat mihi, morte premor.
 Nec mihi vita potest duci sub amore sinistro,
 Inter mortales nec locus esse Deo.
 Sed potius moriar te te, mea vita, tenendo,
 Inque tuos humeros funera nostra cadant.
 Funera de tereti melius pendentia collo,
 Quam si sublimi de trabe nexa forent:
 Qualis Anaxaretes fastum puer ultus amarum,
 Flebile compressa fauce pependit onus.
 Exitus aut sic est, aut sic sperandus amanti:
 O ! natum tristi sidere quisquis amat!
 Sed tamen in melius hæc nomina tristitia vertent
 Lumina, sidereis quæ mihi pro facibus,

Aspectus læto, torva seu luce, negantque,
Dantque frui vita, dantque, negantque mori.
Quæso, negate mori, vitam date lumina, quæso:
Non sum de cujus morte triumphus est.
Labra columbatim committe coralina labris,
Nec vacet officio linguave, densve suo.
Et mihi da centum, da mitia basia mille,
Da super hæc aliquid, lux mea, numen ero.
Nec super hæc aliquid, nec vis dare basia pauca,
Labra nec humidulis continuare labris.
Notaque nec dentis, nec sunt tibi prælia linguæ,
Exsuperas Latias et tamen ore nurus.
Quas superas facie, jam jam superabis et arte,
Dent modo Dî nostris versibus esse fidem.
Nos neque Chaonii vincet lascivia nidi,
Nec Jovis omnivoli deliciosus amor.
Nam tibi quid prosit faciem corrumpere rugis?
Hæc venient fronti, nec mora longa, tuæ.
Quidve superciliis oculos onerare nitentes?
Nec tota nigras spargere fronte comas?
Tempus erit, cariosa specu cum lumina condes,
Canus et in gelido vertice crinis erit.
Tunc frustra labris pallentibus oscula quæres,
Atque aliquem obrusis figere luminibus.
Nulla corona tuos ornabit florida postes,
Cantabit muto limine nullus amans.
Quin potius dum fata sinunt, et nigra sororum

Stamina, verque viret nobile, carpe rosas,
Quæ nisi carpentur, languebunt sponte, cadentque:
Et stabit lapsis spina inhonora rosas.
En tibi qui tecum redolentia munera carpet,
Tecum florentes et parat ire vias.
Sparsa Dionæo viridaria rore teremus,
Visemusque hortos, Flora decora, tuos.
Illic et violas, et purpureos Narcissos
Decerpes teneris molliter unguiculis.
Ipse tibi nectam vario de flore corollas,
Imponamque tuis, Julia, temporibus.
Jamque sub umbrosa recubabis languida myrto,
Et modo me celeri læta sequere pede.
Jamque colorata provolvat lentus in herba,
Et modo te celerem per loca læta sequar.
Interea has flammæ mihi si duplicarit eunti
Invidus aurata Cynthius e specula
Tu tu, sola meis jucunda caloribus aura,
Humida de roseis flamina funde labris,
Quæ suscepta mei fornacibus oris anheli
Usque sub ambusti pectoris ima meent;
Restringantq; rogam, quem nec vaga flumina terræ,
Tota nec exhausti frigeret unda maris.
Lumina cui servas aurum jaculantia purum?
Cui texetes digitos, artificemque pedem?
Fascia lacteolis cui stat distenta papillis?
Cui risus? et cui mollia verba paras?

Cujus dispositus nutritur crinis in usum ?

Oscula felicitis cujus erunt domini ?

Illicet ingrato servaveris omnia nautæ ,

Lethæam veteri qui rate verrit aquam.

Hujus ab amplexu venies ad basia Ditis ,

Maxima tergeminæ cura timorque deæ.

In te turba ruent ævi violenta prioris ,

Luminibusque cavis , pallidulisque genis ,

Et Paris , et Theseus , et non bene fidus Jason ;

Hæc veniet formæ maxima fama tuæ.

Quare ne tibi sit tanti regalibus umbris

Posse frui , ut vivus sim tibi vilis ego :

Te juvet in nostris positam languere lacertis ,

Me juvet in gremio , vita , cubare tuo :

Et cum suaviolis animam deponere nostris ,

Eque tuis animam sugere suaviolis :

Sive meam , lux , sive tuam , sed sit tua malim ,

Ipse tuo ut spirem pectore , tuque meo.

Tali vernantem satiemus amore juventam ,

Mors venit æterna cincta caput nebula.

At vos qui juvenes suspiria nostra notatis ,

Et fractos oculos , et sine mente gradum ,

Ebria ridentes nullo cum pondere verba ,

Et si quis subito venit in ora color :

Postmodo dicetis , non infeliciter arsit ,

Premia cum nostri nota laboris erunt.



ELEGIA VI.

Nunc mihi Praxitelis digiti, nunc Mentoris cœsente
 Nunc Lysippæ, Phidiæque manus!
 Julia namque meo sculpti cupit aurea cœlo,
 Nec tantùm in libris nomen habere meis.
 Non ego sum, fateor, cœlestem effingere formam
 Qui valeam, at Dominæ spèrnere jussa nefas.
 Non ego te, mea lux, faciam de marmore duro,
 Illa decet rigidum materies animum:
 Quin et cœla tuos formabunt aurea vultus
 Non facit ad molles ferrea lima genas.
 Jam jam fama meis major venit artibus, ipsam
 Sculptere anî videor cœlicodam Venerem.
 Sed dum te video, et propius tua lumina specto,
 Æmula Phœbeis lumina luminibus,
 Ferre negant oculi jaculantem spicula vultum,
 Cœlaque nota negat languida ferre manus.
 Deficit et torpet, nec jam sibi conscius artis
 Ullius est animus, nec memor ipse sui.
 Ah! nulli fas est mortali effingere divas:
 Mens cadit, obstupeo, heu! et mihi surripior,





ELEGIA VII.

Insidiose puer, maternis sævior undis,
 Hæcne tuos vases fraude petendus eram?
 Tu mihi jussisti, numeris levioribus irem,
 Assumpsi faciles ad tua jussa modos:
 Materiesque mihi curvato venit ab arcu
 Longa, sub undenos digna venire pedes.
 Vix opus incæpi, Dominam, puer improbe, tollis,
 Ducis et externas in mea regna manus.
 Et nunc ille venit diversa rusticus urbe,
 Prætendens sancti fœdera conjugii:
 Scilicet ut diris faciat sponsalia verbis,
 Impediant illi picus, et anguis iter,
 Et cornix inimica viis, et limine primo
 Sentiat offensi signa sinistra pedis.
 Quæ si non possunt illum terrere, quod opto,
 Accipiat, divi quod monere, malum.
 Sub que rota ponat odiosam in pulvere vitam,
 Multaque projecti viscera carpat avis.
 Aut mergatur aquis, et monstrantantia pascat:
 Quanta deo pelagi tunc ego dona feram!
 Sic nec in amplexus venit, nec in oscula nostræ
 Improbis, et sceleris gaudia nulla feret,
 Et juvenes alios violenta sorte monebit.

Vatum deliciis non temerare manus.
At tu, sive tuos ignes transmittis in illum
Julia, sive magis te tua fata trahunt,
Infelix nimis, et querulo mihi carmine flenda es,
Cogeris ignoto quæ comes ire viro,
Et te captivis hominum miscere catervis,
Eque brevi verbo ferre perenne malum.
Ah! poteras, lux, ah! poteras jus dicere nobis,
Oreque formoso regia verba loqui,
Inque meo versu sublimia regna tenere,
Prima fidis nostræ gloria, serus honos:
Inque puellarum, quas olim carmine vates
Laudavere pii, nomen habere choro:
Qualis quæ falso Nasoni dicta Corinna est,
Deliaque, et Nemesis, et bene culta comam
Cynthia formapotens, necnon tua, Galle, Lycoris,
Quarum immortalis forma perennè viret.
Digna quoq; hæc facies, quæ carmine longa videret
Secula, nec in cineres omnis abirèt, erat.
Ut sciret nostros ætas ventura furores,
Et tam formosam non violasse fidem:
Et culti juvenes, non incompertæque puellæ,
Expertæ dulcem miliziam Veneris,
Myrtea sarta tuo ferrent violasque sepulchro
Diceret atque aliquis, sit tibi terra levis.
Et poterant aliquid nostræ præstare Camenæ,
Fata nisi obstarent, et malè faustus Hymen,
N ij

Non quia Virgilio primos concessit honores
 Posteritas, Flacci sprevit iniqua lyram:
 Aut male rejecit, quem protulit Umbria, vatem,
 Sola cui longum Cynthia carmen erat,
 Peligni vivent opera ingeniosa poetæ,
 Rectorem nato quem Venus ipsa dedit.
 Nec te longa dies delebit culte Tibulle,
 Ignibus atque arcu dum potietur Amor,
 Nostra quoque adveniens si non his inseret ætas,
 (Quod sperare pudor sit mihi, sitque nefas.)
 Non tamen obscura damnabit nomina nocte:
 Fallor? an hoc olim mihi dea pollicita est,
 Fragrantem quæ nexa comam, myrroque decora
 Vadit inæquali conspicienda pede?
 Quam bene priscorum currebat vita parentum,
 Ingenue Veneris libera sacra colens!
 Nondum conjugii nomen servile parebat,
 Nec fuerat divis adnumeratus Hymen.
 Passim communes exercebantur amores
 Omnibus, et proprii nescius orbis erat,
 Ense maritali nemo confossus adulter
 Purpureo Stygias sanguine tinxit aquas;
 Anxia non tenuit custodis cura puellam,
 Nulla erat invisis clausa domus foribus:
 Nec sacer agricolis stabat lapis arbiter agro,
 Trabsque procellosum nulla secabat iter,
 At postquam domibusque fores, foribusque subivit

Clavis, et æquoreas navita sprevit aquas,
Non dubitans animam tenui concedere ligno,
Externas fragili puppè secutus opes:
Discretique novo jacuerunt limite campi;
Indixit leges et sibi quisque novas:
Scilicet ex illo sensit fera jura, jacetque
Clausæ pedem dura compede serva Venus.
Mortales sceleri leges præscribite vestro,
Innocuam vinclis nec cohibete deam.
An quia Lemniacis semel est elusa catenis,
Digna erit a vobis quæ graviora ferat?
Tempora, si fas est, iterum primæva redite;
Falciferoque iterum sub Senæ mundus eat.
Inscia tunc rastri, tunc vomeris inscia curvi,
Sponte sua segetem terra benigna feret,
Et repetent iterum desertas numina terras,
Et fruar, o! longum tutus amore meo.
Interea qui falce meas invadere menses
Ausus es, ut voto jam potiare tuo:
Assiduis versuta dolis te rideat illa,
Nec tibi componat se, faciemque suam.
Sed juvenum gregibus studeat formosa videri:
Sic miser, et nulli commiserandus eris:
Quippe nec indignum fecisse putabitur illi,
Si fugit amplexus bella puella tuos:
Si fugit hanc faciem qualem Medæa gerebat,
In natos gladio cum ruitura stetit.

Hanc tamen illa potest pacato cernere vultu ,
 Nec spuit ? obducta nec tegit ora manu ?
 Hanc spectare potes ? corpus potes illud amare
 Julia ? sed capitur , dicis , amore mei.
 Non ardentem amat , et amat non dignus amari ,
 Et sunt mille alii , quos tua forma rapit.
 Jamque diem video properantem , cum tuus illi
 Et gravis aspectus , et grave nomen erit.
 Julia tum lentas producens frigida noctes ,
 Optabis nostras in tua colla manus.
 Julia non veniam : veniet , querulumque subibit
 Ille , peregrino lassus amore , torum :
 Et tecum , mea lux , mēiori digna cubili ,
 Vallatus densa veste jacebit iners.
 Tunc potes æternis hoc unum poscere votis ,
 Ut properent longas fata tibi tenebras.
 Parcite fata tamen : formosas perdere crimen ;
 Gloria vos alia de nece magna manet.



E L E G I A VIII.

Ergo dies venit , qua se formosa mariti
 Dedit in æternum Julia servitium ?
 Qua nostras aliò cogar traducere flammās ,
 Qua delenda animo est illa adamata mihi ,
 Quantum nulla fuit , quantum nec amabitur ulla ,

ELEGIÆ.

43.

Sæu me vita brevis, seu diuturna manet?
 Jamque peregrinæ committit fœdera dextræ,
 Fœdera quæ divi jam violata volunt.
 Mox dapibus, levibusque dica peragenda choreis,
 Et sine me tota est, tota sit atra, precor.
 Phœbe, coloratum si te bene credimus olim
 Esse sacris patrem vatibus, abde caput.
 At tu tela manu jaculare corusca rubenti
 Jupiter: hac sola luce sit alba dies.
 Tuque Jovis conjux, quantum connubia cures
 Talia demissis amnibus ipsa doce,
 Fallimur? an certè condit sua Cynthus ora?
 Condit, et obscura nocte teguntur agri:
 Præcipitantur aquæ, mare pendet in aëre densum,
 Ignibus excussis dispiluerè poli.



ELEGIA IX.

Petre sodalitiî pars sincerissima nostri,
 Felix Maclinia cui licet urbe frui.
 Me tenet Augusti celebris Bruxella triumphis,
 Fontibus æternas quæ jaculatur aquas.
 Hîc mihi nec desunt, gratissima turba, poëtæ,
 Nec quibus a lingua divite venit honos,
 Quorum posteritas operoso grata labori
 Nomina sub longa luce videnda dabit.

N iv

Hic veterumque manus animato miror in ære,
Subque meum aspectum turba togata venit.
Multaque quæ gentis æquant miracula priscæ,
Quæ modo Romulidum dædala mittit humus.
Scilicet argutis urbs hæc me ponit Athenis,
Scilicet hic mediâ sistor in Ausonia.
Mille vel hic oculos possunt retinere, vel aures,
Nulla tenent aures, nulla tenent oculos.
Non queat hoc alius præter te credere quisquam,
Forte nec ipse queas credere, crede tamen.
Nimirum nostri jampridem conscius ignis,
Una geris mecum pectore tela tuo.
Unius ex oculis fax est accensa puellæ,
Qua jecur Idalius torret utrique puer.
Quæ tua si forsân leviter præcordia lambit,
Quam tibi duritiem pectoris esse putas?
Mi neque lux, neq; mi noctis levat umbra dolorem,
Uror, et in venis flebile vulnus alo.
Semper in absentes suspiro mœstus amores,
Inque cupidinæ mœnia Macclinæ:
Illa sed abscessit, peregrino juncta marito,
Quâ volvit virides in mare Scaldis aquas,
Abscessit: doleo quid tum? vestigia restant,
Et loca quæ nobis gaudia longa dabant:
Er si isthic fuero, fuero vicinior illi,
Esse putas hæc tu ludicra? magna loquor.
Tum quam multa foro nova sisseret esseda vesper,

Noxque rates tarda sera referret aqua ,
Ipse rates omnes audax speculator obirem ,
Cunctaque defixis esseda luminibus ,
Si quæ forte meam mihi redderet hora puellam ,
Seu vectam Veneris suave sonante rota ,
Seu raptam tæreti vada per crystallina concha ,
Seu lapsam roseo Cypridis è gremio :
Nam neque te retinet conjux tuus , aut tibi longis
Noctibus incumbit , Julia , pondus iners.
Te Venus Idalios inter fovet aurea lucos ,
Et Venerem geminam nunc locus ille colit.
Supposuit pro te scortillum turpe marito ,
Afflavit vultus cui decus omne tui :
Barbarus ingratis illam complexibus urget ,
Teliger intactam te mihi servat Amor.
His ego solarer curas , dum tempora nobis
Tarda fluunt , ægras inter amarities.
Hoc quoq; (nam poteris plures admittere causas)
Visere Macliniam cur properemus , habe.
Inter finitimas , experti credimus , urbes
Illa sibi formas vindicat , illa daret
Forte novas flammæ , veteres que pellere possint ,
Hei mihi , sed vereor , (dî prohibete malum ,)
Ne calor hic alia possit consistere sede ,
Hactenus hunc certe Julia sola tenet.
Candida quantumvis , et non deformior illa ,
Et versatilibus ebria luminibus ,

Sæpe meos oculos in se Domitilla moretur ,
 Oscula quæ facilis ad mea sponte venia.



ELEGIA X.

Ite procul mœstum lacrymæ genus , ite querelæ.
 Et comes aligeri cura vigil pueri :
 Cinge triumphantes victrici fronde capillos
 Laureæ Phœbæ grata corona comæ:
 Misit in amplexus illam Venus aurea nostros ,
 Prima mihi quæ fax , quæ mihi serus amor.
 Non fora , non portus , non jam populosa theatra ,
 Templaque sunt nostris conscia blanditiis.
 Mater abest , digitis legem quæ ponat et ori ,
 Et rogat tremulo murmure pauca loqui ,
 Osculaque aridulis non continuanda labellis
 Carpere , quæ juret barbara , quisquis amat ,
 Et celare faces , et amici obtexere nomen ,
 Multaque quæ solers fingere discit amor.
 Sola jacet mecum semoto Julia lecto ,
 Sola tamen solos non sinit esse Venus ,
 Et puer , unanimes comitatus in omnia vitas ,
 Certus et exanimis , certus et ossa sequi.
 Forte vident et nos , qui spectant omnia , Divi ,
 Delitiis nostris invidiosa cohors.
 Dî precor , o ! nostris ne lusibus invideatis ,

E L E G I Æ.

47

Non ego nunc vestris lusibus invideo.
 Julia te teneo , teneant sua gaudia Divi.
 Te teneo , mea lux , lux mea , te teneo :
 Julia te teneo , Superi teneatis Olympum .
 Quid loquor ? An vere Julia te teneo ?
 Dormio ne? an vigilo? vera hæc ? an somnia sunt hæc ?
 Sœmnia seu sunt , seu vera , fruamur , age.
 Somnia si sunt hæc , durent hæc somnia longum ,
 Nec vigilem faciat me , precor , ulla dies.
 Et quicumque meo pones vestigia tecto ,
 Parce pedum strepitu , comprime vocis iter :
 Sic tibi non unquam rumpant insomnia galli ,
 Tardaque productæ tempora noctis eant ,
 Plurima cum rubris tibi gemma legetur ab undis ,
 Pactolique domus tota liquore fluct.




E L E G I A X I.

Hos tibi , sancte puer , primos sacravimus ignes ,
 Hæc tibi primitias dedico , sancta Venus ,
 Dî , quorum nostri vivent sub nomine versus ,
 Sæpe colenda Venus , sæpe colende puer ,
 Hactenus optato dant indulgere furori
 Et mos , et leges purpureusque pudor ,
 Hactenus et , credo , vos me voluistis amare :
 Jamque mihi jaculi ferte medentis opem ,

Et quod inaurati terebratum cuspidē telū
Sollicitum toto pectore vulnus hiat,
Sentiat arcanas obtusa in arundine vires;
Mox dolor, et questus, et labor exul eat,
Halitibusque inereta meis suspiria, cumque
Languida spinoso cura satellitio.
Tunc ego vōs dicam mitissima numina divūm,
Ipse deum sine quēis rex quoque tristis erit.
Corque geram vestris semper penetrabile telis,
En patet in vulnus pectus inerme novum.
Non ego desertor fugio quæ castra sequebar,
Absecuit longas spes properatus Hymen:
Ah! Hymen, gentis Uraniæ, cur Tespia rupes
Non te detinuit, lympha nec Aonia?
Cum te nigra dies invisā ad sacra vocabat,
Et pactum infaustis conjugium alitibus.
Ipsa ubi Tisiphone tædas a funere raptas
Ferali tenuit, omnia dira, manu.
Nonne fuit satius cantus haurire sororum?
Cernere vel, sacræ quæ luit humor aquæ,
Veste deas posita teretes abscondere suras,
Quam miseram turpi dedere servitio?
Et me, cui Cypris tot basia mītis alebat,
Exturbare meæ brachiolis dominæ?
Quæ nunc in longa raucescens mœsta querela,
Discit amatoris omina vera sui?
Heu! quæ non longo meditabar gaudia ductus,

Unde nihil, præter somnia vana fero!
Sic segete ex viridi flavas præsumit aristas
Rusticus, atque animo jam sua vota metit:
Vota quibus miserum grando fraudabit et imber,
Seu validi flatus, fulmina sive Jovis.
Sed quid ego toties fatis contendere pergo,
Quæ non mutandis stant rata limitibus
Tu puer, o! puerique parens Jove nata Dione,
Solvite me ingratis sollicitudinibus.
Et mihi, si merui, nocituras demite flammæ
Ne sim famosis fabula porticibus;
Vinosasque meo producant nomine mensas,
Ignorentque malum compita nulla meum.
Et, si quando novo pallentem afflabitis igne,
Efficite ut miserum me juvet esse diu.
Et mihi felices extendant gaudia curas,
Dum veniant capiti candida fila meo;
At, quocunque mei tabescent lumine vultus,
O! saltem possim dicere, Talis erat
Nobile quæ parvo nomen sortita libello;
Prima meæ spoliū Julia mentis habet.
Interea hos elegos, primi monumenta caloris
Accipite, et risum jungite cum gemitu,
Dicentes, nostri pars hic quoque parva triumphi est,
Semper amet, dulci semper amore fruens,




ELEGIA XII.

Cui damus hos elegos? tibi qui legis ista libenter,
 Cui micat in læta fronte serena Venus.
 Seria qui curas, procul hinc age seria, ferri
 Nos sine quo pueri jura volantis agunt.
 Tempora quam longum jucundo florida vere
 Stant, neque nix attris crinibus ulla venit,
 Et Nymphæ, et Charites, et capripedes Silvani.
 Et silvæ, et virides sint mihi carmen aquæ,
 Et Venus, et Veneris lateri lascivus adhærens.
 Gaudia qui curis dulcia miscet Amor.
 Cum glacialis hiems calidos extrinxerit æstus,
 Naturæ libeat tunc mihi scire vias,
 Immensumque suis sectum regionibus orbem,
 Quæq; malum spondent sidera, quæq; bonum;
 Non ego Virgilii manes Acheronte ciebo,
 Florida sacrato sarta ferens tumulo.
 Per me Mæonides secura dormiet urna,
 Ascæno cineri victima nulla cadet.
 O! tantum faveas Umbri levis umbra poetæ,
 Cynthia si nostro semper in ore sonat.
 Tu caput hoc circum pennis allapsa sonoris,
 Ter strepe, procumbens ter bona verba canam,
 Deinde ubi Phæacæo fumaverit ara vapore,

Placatum Lethes et mihi numen erit.
Aspersam lactis niveo te rore remittam,
Cynthia ne charo vate sit orba diu.
Ignavæ tenebræ, longique oblivia secli,
Quæso soporiferas hinc cohibete manus:
Hunc etiam Veneris servat tutela libellum,
Hunc etiam sacra lustrat Amor facula.
Si tamen ista cadent venio defecta caduco,
Et fiet nomen litera trita meum:
Acquies occumbam, si post mea fata, superstes
Nicoleos frater vixerit, aut Marius.
Vatis amor vates, germani gaudia fratres,
Carminis fas vestro sit superesse mihi.
Ingeniose Mari ventura in secula totum
Me tua cymba vehat, non grave pondus ero.
Cymba, residentem qua mutet Cypria concham,
Quamque columbino præferat ipsa iugo.
At tu formosas Dryadesque et Naiadas inter
Rure tuo sedem da mihi Nicoleos.
Tu divina canis Serrati culmina montis,
Is tibi monstravit primus in astra viam,
Laurigeroque cava ferienti vertice nubes
Ad juga Parnassi jam leve fecit iter.
Barbarus ad ripas nuper te Cynga canentem
Audiit antiqui delicias Latii,
Narcissum vitrei morientem fontis ad undam,
Florem de rigulis purpureum lacrymis,

Omnes ut puerum suspiravere puellæ ,
 Omnes ut puerum deperiere deæ ,
 Ut puer instantes sprexit per rura puellas ,
 Ut puer errantes per nemora alta deas ,
 Quarum quæ flammis arsit gravioribus Echo
 Cantibus applausit diva canora tuis.
 Ipse tuos numeros tenebris audiuit ab imis ,
 Uxur et proprio jam magis igne puer.
 Nec speculum Stygiæ modo consulit amplius undæ ,
 Emicat in versu pulchrior ille tuo.
 His allecta modis pridem superasse putatur
 Lætæ Pyrenæas Calliopæa nives.
 At tibi pro merito, felix Hispania lauros
 Virgineas hortis seligat Hesperis ,
 Et tibi Cyngiades intexant ordine Nymphæ
 Narcissos lentæ puniceos hedera.



ELEGIA XIII.

Tempore cur dicere cessas, Venerilla, venire?
 Ecce tibi torus est, ecce parata Venus,
 Qualem Tyndaridi, spaciōsa per æquora raptæ,
 Tutus in Iliaca solvit adulter humo.
 Ipsa Venus violis, et punices Amaranthis,
 Et totum Cyprio sparsit odore torum,
 Ipse torum face lustravit flammante Cupido,
 Transiliens

Transiliens agili candida fulcra pede.
Quid cessas formosa ? tuum sic ludis amantem ?
An magis exiguo tempore discrucias ,
Obsequio ut meliore moram lasciva repenses ?
Dilatusque avida mente bibatur amor ?
Ah ! nimium mihi tarda , et tarda tardior hora ,
Quàm malè dinumeras tempora , quæ numero !
Sed cur dinumeres , cum malis fallere amantem :
Forsitan hæc aliis hora parata fuit.
Dumque ego blanditiasque tuas , et roscida mente
Oscula percipio , multiplicesque vices ,
Dum vacuum falsis complexibus æra capto :
Dum mea in absentes porriga colla manus ,
Et, quemcunq; movet strepitum levis aura per ædes,
Dilectos domine suspicor esse pedes :
Demulces alium tepido perjura cubili ,
Cum quo disperdas gaudia pacta mihi.
Forsitan et de me , teneros motura cachinnos ,
Miscetur vestris fabula nequitiiis.
Hei , quid in immeritam tam turpia crimina fingo ?
Credo equidem , faciles jam movet illa gradus :
Jamque pedem thalamis ponet cultissima nostris.
Fallor ? an in nostro limine lacrat Hylax.





ELEGIA XIV.

Flammeolis, mea lux, oculis cum cuncta peruras,
Frigidius Scythica cur nive pectus habes?
An malus ille puer, terror matrique, Jovique,
Quod tam formosa es, lædere te metuit?
Non metuit certè, tales amat ille triumphos;
Et formosarum vulnere semper ovat.
Lumina sed radiis tua non cedentia Phœbi
Idalias hebetant discutiantque faces.
Ille dolet, rubor ora calens puerilia signat,
Vix, o! vix lacrymas lumina torva tenent.
Lente puer, matrique pudor rediture dolenti,
Mitte facem, jaculis hæc tibi præda venit.
Aut si formosum non vis transfigere pectus,
Candida ne livor membra cruorve notet,
Exstinctas faculas dominæ sub lumina mitte,
Illa iterum flammæ quas rapuere dabunt.
Mox ubi languidulam carpet nocturna quietem,
Clauserit atque illi sidus utrumque sopor:
Ignaram totis furtim succende medullis,
Hauriat et longum corde repente malum.
At tibi si monitis venit victoria nostris,
Sancte puer, vatem mitius ure tuum.



ELEGIA XV.

Cara meum gelida ferit nive Lidia pectus,
 Dicebam flammis hæc, puto, tela carent:
 Nec caruere tamen, sub aqua latuere favillæ,
 Flammaque per venas stillat aquosa meas.
 Hei mihi, securi quæ declinabimus ignem,
 Frigore duratas si matremus aquas?
 Frigore fax natamur, tollitur frigore nullo,
 Sperandum simili de face frigus erit.
 Sume pares ignes, miseramque levabis amorem
 Lidia, frigorebus semper acerba nocet.



ELEGIA XVI.

Non tam mihi pectus natura dedisset,
 Colaret nostrum nulla puella caput:
 Nec paterer toties tumidi indibria vultus,
 Iratisque oculis oscula blanda darem,
 Rivaletque tuum domina laudante probarem,
 Adstrictus turpi sedulus obsequio:
 Dura puella, puella meis indigna Camenis.
 Alpina animam frigidior nivibus.
 Ementita tuæ facio præconia formæ,

Ut qualis non sis esse putere mihi.
Te laudo vates, laudatam amplectitur alter
Barbarus, et nostros arrigit ad numeros.
Aspicio fractosque oculos, et colla notata
Dentibus, et quasso non bona signa toro.
Diceris interea, fateor, castissima nobis,
Multaque narramus de probitate tua.
Tu quoque, mentitum ne me rear, ore pudico
Respuis usque meas dura Neera preces:
Cumque aliis toto pateat tua jamua poste,
Multus et è foribus lassus amator eat:
Uni casta mihi perstas, hæc præmia vates
Debita pro falso munere vanus habet.
Heu crudelis Amor, tuque, o! crudelior illo,
Sive hostis, seu non, pulchra Neera tamen.
Tempus erit certè, curis cum liber amaris,
Excutiam vestras despiciamque faces.
En mihi jam silices, en circum pectora ferrum
Nascitur, et vinco vos quoque duritie,
Infidum genus, ah! nuper mea cura, puella,
Mentis pernicies insidiosa bonæ.
Non ego vos posthac humili prece lentus adibo,
Aspera que obtutu verba feram tacito,
Læsus et a vobis, læsas vos esse fatebor,
Et placatrices ipse feram lacrymas,
Contemptusque superba pedes ad limina cogam
Invitos, pereat quem juvat ista pati.

ELEGIA.

57

Dura Neera, Neera meis indigna Camonis,
 Alpinis animum frigidior nivibus,
 Non ego, cum veniet pallæ melioris amator;
 Quælibet abscondam jussus in antra-caput,
 Scilicet ut possis, divis jurare vocatis,
 Per caput illius, perfida, perque tuum,
 Illi te viduas intactam ducere noctes,
 Et tritum nullis limen habere viris.
 Non ego, cum veniet loculi gravioris amator;
 In famulas vertam basia nostra tuas:
 Scilicet ut ridens dicas, ignosce protervo,
 Insanit famulæ captus amore meæ.
 Hæc quicumque potest nullo perferre dolore,
 Idem Caucasæ et tolerabit aves:
 Syssiphi gaudens provolvat pondera saxi,
 Tantaleæ sitiens non inhiabit aquæ.
 Ille premet gemitum conclusus in ære Perilli,
 Ne det mugitus machina fumificos.



ELEGIA XVII.

Saucius Aligeri languebat arundine quondam,
 Moxque necis gelidæ spicula sensit amans;
 Corpore in exsangu restabant tela duorum:
 Hæc vulsura suum venit, et ille suum.
 Vulsit Amor nigram scelerata cuspide ferrum:

Heu, quid agis, non sunt hæc tua tela, puer.
 Spicula mors sumpeit manibus radiantia furvis,
 Cessit in ærias et malè sana vias.
 Nec mora, digressi repetunt lacrymabile munus,
 Ille suos querit, querit et illa suos.
 Missa peregrinis sparguntur vulnera nervis,
 Et manus ignoto sævit utrinque malo
 Irrita mors arcus validi molimina damnat:
 . Plorat Amor teneras tam valuisse manus:
 Donec, fallaci repetito sapinis ictu,
 Erroris sensit crimen uterque sui.
 Fœdabant juvenes primas in pulvere malas,
 Oscula quas, heu, ad blanda vocabat Amor.
 Canities vernis florebat multa corollis,
 Persephone crinem vulserat unde aibi.
 Quid facerent? falsas procul abiecere sagittas:
 De pharetra jaculum prompsit uterque novum.
 Res bona: sed virus pueri penetravit in arcum:
 Ex illo miseros tot dedit ille neci.





ELEGIA XVIII.

Si qua venit summo positis in culmine rerum,
Illa ruina suo pondere magna venit.

Mitius infelix accusat fata colonus

Arida depositum si male solvit humus,
Quam si, maturis quæ jam flavebat aristis
Succumbat pluviis imbribus atra seges.

Cum rudis a primo religavit litore funem

Nauta, necaturas lenius haurit aquas:
Idem, permenso patriam si viderit orbe,
Canaque navifragis fluctibus ora tegat,

Heu, quæ non tumida jactat convicia lingua
Ceruleis nymphis, cæruleoque patri?

Expertus queror, ah! mendaci lusus amore,
Non minor est illis nostrâ querela malis.

Urebat formosa meas Justina medullas,

Digna Jovis thalamis, sed magis apta mihi.
Candor erat, qualem Veneris flos albus habebit,
Purpureo Bacchi si natet in latice.

Lumina fulgebant nitidis æquanda lapillis,

Quos niger Eoa colligit Indus aqua:

Illorum ex acie torsit nova tela Cupido,


Plusque, ait, hæc nostris arma furoris habent:
Vera Deus monuit, sed enim, quia dignior illa

Nulla fuit titulum cladis habere meæ ;
Sustinui indomitas objecto pectore flammæ ,
Sensus et ex tanto vulnere parvus erat.
Sic aliquis , Bacchoque animum furiatus et ira ,
Sumpsit ubi attonita fervidus arma manu ,
Irruit in gladios , et centum vulnera passus ,
Viribus infractis acer ab hoste redit :
Abstergens tepidos et pro sudore cruores ,
Quàm sentire queat conspicit ante malum ;
Donec succiduo tellurem poplite quassans
Corruit , et fuso sanguine vita fluit.
Repit amor sensim totos infusus in artus ,
Suscitât ut magnos parva favilla rogos.
Pallorem nostri jam mirabantur amici ,
Demissosque oculos , instabilemque gradum ,
Ridentes gemitusque meos , et inania verba ,
Rorantesque novo sæpe liquore genas ,
Nec mihi luce graves aberant neque nocte dolores:
Nec mihi grata Ceres , nec mihi Bacchus erat.
Irrita lucebant obscuro sidera mundo ,
Cynthius obducta nube premebat equos :
Et sine fronde frutex , et erat sine gramine campus,
Et sine lucenti fons inamœnus aqua.
Umbra levis tantum nostro de corpore mansit ,
Inter et extinctos annumerandus eram.
Sola suis Justina oculis pulcherrima vitam
Reddebat muto , lenè tuens , cineri.

Gaudia

Gaudia tunc lûcesque mihi noctesque ferebant ,
Grataque erant Cereris munera , grata meri ;
Aurea fulgebant rutilanti sidera mundo ,
Formosus croceos Phœbus agebat equos ,
Fronde frutex viridi , vernabat gramine campus ,
Et pellucidula fons saliebat aqua.
Hoc est infandum quodcunque vocatur amare ,
Sollîcita alternis gaudia cum lacrymis.
Nec fuit auxilio , quod mitigat omnia , tempus ,
Mutavit flammâs nec via longa meas.
Ad fines veni Latio , glebamque feracem ,
Vectus Tyrreni per freta Thusca maris ,
Pulsatus raucis ubi vocibus Appenninus
Sæpe tulit questus in freta surda meos.
Austriacos vidi populos , ubi maximus Ister
Cantatas gemino nomine volvit aquas.
Quin etiam Hungaricæ me conspexere ruinae
Plentem , non miseri tristia damna soli ,
Non furias hostis vicino Marte cruenti ,
Tædiâ difficilis nec sinuosa viæ :
Sed fastus Justina tuos , o ! durior illis
Cautibus , æterna quas nive cœdit hyems.
Hinc quoque Belgarum populosas vectus ad oras ,
Unica cum nato quæ Venus arva colit ,
Centum candidulas vidi per compita formas ,
Omneis innocuis , lux mea , luminibus.
Est aliquid servare fidem : miserata doloris
P

Reddidit Hesperia me Cytherea meæ.
 Tu quoque fidorum jam non ignara caloris,
 Cœpisti nostris victa dolere malis,
 Atque aliquid sentire meis adfines favillis:
 , Damnans longa tuæ tempora duritiæ:
 Nec mora, jam cingenda dabis formosa lacertis
 Colla, dabis blando murmure basiolum.
 Et quiddam haud tacitis permittens majus ocellis,
 Languebas fusa per mea colla manu.
 Hora brevis poterat conjungere molliter ambos,
 Et dare concordia gaudia plena toro.
 Basia nexilibus dum jungimus humida linguis,
 Dum volat huc illuc missa proterva manus,
 Et sine mente oculi volvuntur utrinque salaces,
 Dulciaque ad Veneris sacra paratur iter:
 Ecce, pedem thalami feralem in limine ponens
 Improba propositum Larvia rupit opus.
 Det tibi, tristis anus, inopem Cytherea senectam,
 Et sero lacerum torreat igne jecur.
 Nec tibi contingat turpes satiare furores,
 Semper at indomitæ more feraris equæ.
 Et, quæ tam sanctos violarunt lumina amores,
 Non unquam placida fessa tegantur humo:
 Illa sed ante rogam rabidi canis ira repellat,
 Spargat desertis et lacerata locis:
 Colligat illa furens, magicasque exusta per aras,
 Carmina sacrilego dira fatiget anus.




ELEGIA XIX.

Lectule , qui domini lentum sine compare dulci
Pondus habes , nullis conscie deliciis :
Heu , quæ torpentem somno me semper inertī
Imposuit fulcris sors inimica tuis ?
Dignus es , et certè mecum felicior esses ,
Afflaret si me lenis , ut ante , Deus :
Sive meo facilis penderet Julia collo ,
Julia fervoris prima favilla mei :
Altera seu mecum longas variaret in horas
Labra columbinis roscida basiolis ,
Difficilis nimiùm , nimiùmque infida Neæra ,
Nec meritò numeris nobilitata meis :
Seu quæcunque meis versaret in ossibus ignem ,
Digna toro facies , digna furore meo.
Non ego dedecori fierem tibi Lectule mollis ,
Sponda veterosum nec tua ferret onus :
Non Venerem malles nudo cum Marte jacentem
Dulcia nec varii furta fovere Jovis.
Nunc tristes unà toto tabescimus anno ,
Inque parem sortem te mea fata trahunt.
Mollis Amor , terræque , puer , cœlique voluptas ,
Quæque volas concha per freta summa levi ,
Languida qui blandis mordetis pectora curis ,
P ij

Unde patens aër , unda , solumque vigent ;
Cur nos tam miti cruciatis pectore vates ,
Aut nullo miseros , aut in amore malo ?
Optabam , memini , cùm nuper amore vacarem ,
Vester in hanc animam ne foret ignis iners :
Hæc mihi quàm multos peperit vox una dolores !
Traditus indignæ præda fui dominæ.
Illa tribus didicit ter eandem vendere noctem
Improba , et exclusis sola cubare tribus ,
Dicere , jam venias , venientem fallere , seque
Esse domi clausa dissimulare sera.
Scit bene qua invenis , scit qua moderatior ætas ,
Et qua delirus ducitur arte senex.
Quum voluit , peritura quatit singultibus ora ,
Et tepido lætas irrigat imbre genas.
Quamvis munera amat , non prosunt munera danti ,
Sed tantùm longi sunt mala vincla mali.
Qui dedit , hunc veteres inter fastidit amantes ,
Qualis in eversa stat vetus æde Deus.
Qui modò dat , nimium novus est , neq; dignus , ut illis
Præferat hunc , iunxit quos sibi prisca fides.
Semper habet causas cur munera poscat amantem ,
Semper habet , noctem cur dare lenta neget.
Nam modò formosus puer est venturus ad illam ,
Ignea cui niveo fulget in ore rosa ,
Levia cui nulla sordescunt inguina pube ,
Scilicet effecit quem modò prima virum ;

Et modò in alterius se jurat amore perire ,
Nec vacuum ad flammæ pectus habere novas ;
Et modò tam nota nullum de plebe salutat ,
Ut semel est nervum experta tribunitium.
Sæpe gravem capitis caussatur pallida morbum ,
Sæpe nova signat religione diem.
Sæpe dolet , fictamque ruens ignescit in iram ,
Baccha repentinis ut furit acta sacris.
Ilicet , exhaustis oculis discedit amator ,
Ilicet , egregius jam subit ille puer ,
Curva labascenti frangens vestigia nixu ,
Dixisset Pylius quem , puto , Nestor avum :
Uda sub hirsuta torpent cui lumina silva ;
Herniaque effectis pendet ab inguinibus.
Tolle tuas artes , nimum cognovimus ista :
Simpliciùs poteras dicere , vade foras ,
Et gravis es nobis , et sunt tua munera parva ,
Et nimum vera quæris amare fide.
Si tamen haud fallit Phœbi cortina poëtas ,
Et sacer ætheriis vatibus ardor inest :
Sera tibi veniet fastus vindicta superbi ,
Ætatis teneræ crimina flebis anus :
Cum tibi cœlatum laxis , pulcherrima , rugis
Luridus inficiet pallor anile caput :
Conductamque trahens tremebundo pollice lanam ,
Involves fuso stamina longa gravi.
Aspiciet lacrymas ridens Erycina seniles ,
P iij

Et levis excussa plaudet Amor pharetra :
 Et juvenes omnes , et me tua probra juvabunt ,
 Lux , precor , o ! fato sit prior illa meo.
 Tunc ego candentis , Venus o ! formosa , columbæ
 Ante tuas aras viscera pura feram.
 Interea flammis jecur hoc melioribus ure ,
 Dum res , et vitæ tempora verna sinunt.
 Me recreet placidi tranquilla Cupidinis aura ,
 Sit procul ex animo turbida cura meo.
 Me jocus , et risus juvet , incertique penates ,
 Me lyra , me calices , me rosa tincta mero ,
 Me sine nube dies , et me sine nocte tenebræ ,
 Et sine nox tenebris , et sine dote torus ,
 Rixa vacans odiis , et nullo vulnere bellum ,
 Et matutino victa sopore Venus.



ELEGIA XX.

Somne , tenebræ Necis ignavissime frater ,
 Et tantum vanis dulcis imaginibus ,
 Parce meæ dominæ natitantes claudere ocellos ,
 Noctis promissæ dum brevis ora fluit.
 Pacta mihi est , non Somne tibi : cur improbe pennis
 Subrepens tacitis in bona nostra volas ?
 Desine , si pudor est , onerare amplexibus atris ,
 Membra Pyrenæa candidiora nive.

Te sibi, deserto ducens suspiria lecto ,
Noctibus in viduis multa puella vocat.
Te vocat enervis conjux formosa mariti
Plurima, et instanti gaudia nulla negat.
Tunc obscura putas tua, lascivissime, furta ,
Immunis quorum nulla puella fuit ?
Parva licet matris caris indormiat ulnis ,
Et rudis, et nulli contemnerata viro ,
Te tamen experta est resolutis ægra medullis ,
Et frustra matris muta vocavit opem.
Cuncta patent tibi, Somne, cubilia formosarum :
Nocte brevi vigilet, scilicet, una mihi.
Ipsa negat tibi se, cubitoque innixa supino
Erigitur, nostrum labitur inque sinum.
Sed rursum nitidos oculos devicta remittit ,
Fractaque anhelantes vox cadit in gemitus.
Quid faciam mea lux ? quo te medicamine tangam ,
Ut sopor iste tuo defluat ex animo ?
Nam neque subducam lapsuro brachia collo ,
Nec tibi stridenti voce molestus ero :
Nec digitis vellam digitos tibi, nec pede duro
Urgebo suras, marmoreumque pedem :
Uda papavereo detergam lumina succo ,
Sive meis oculis, seu magis ore meo :
Inque tuum mœstus flectam suspiria nomen ,
Mussabo magicis carmina lecta sonis
Quæ mihi, Thessalici quondam doctissima ritus,
P iv

Nocte relucenti commemorabat anus ,
Cum me , custodes calcans secura jacentes ,
Virginis intactum detulit in thalamum.
Phryxæam vigilans servabat bellua lanam :
Servabat vigilans aurea mala Draco.
Tu quoque fac vigiles , juvenem complexa virentem ,
Delicias rapiat ne qua puella tuas.
Somnus abit , sensi : leviori pectus amatum
Jam gravat illa mihi pondere , somnus abit.
Jam fas est majore sono cantare , novumque
Mittere reclusas carmen in auriculas.
Nondum Luna teres tetigit fastigia cœli
Ardua , fraternis dissita luminibus :
Tu tamen ab pigro jamdudum immortua somno ,
Turpe toro pondus , me vigilante , jaces.
Nil agimus , jam se dedet secura quieti ,
Norit ubi roseum tam procul esse diem.
Hospitis Oceani spumosa cubilia linquit
Phœbus , et ardentes in juga cogit equos :
Sedit Athlantæas Phœbi germana sub undas ,
Obtundunt aqiem sidera victa suam ,
Terque dedit lucis signum cristata volucris ,
Tu tamen assiduo pressa sopore jaces.
Uxores jaceant sic , deformesque puellæ ,
Quæque parant lassis tædia fœda viris.
Tu mecum longa ludas , licet , o ! mea , nocte ,
Et mecum longa deliciosa die ,


Inclinata sopor nunquam mea lumina solvet ,
Qui dormit , secum non habet ille suam.
O ! nunc , o ! vigilés , illud ne protinus addam ,
Quæ dormit , secum non habet illa suum.
Hoc non admittes in te dulcissima crimen ,
Somnus jucundis jam fluet ex oculis.
In niveo lapsos formavit pollice crines ,
Lumina permulsit semireclusa manu :
Et mihi basiolum strinxit trepidante labello ,
Quale viro in somnis nulla puella tulit.
Jam dormisse decet , jam te formosior ipsa es ,
Mollior ex oculis jam tibi flamma venit.
Sic , ubi nocturnos rupit Tithonia somnos ,
Purpureum flavo fundit ab ore decus :
Sic nitet ambiguo Titan gratissimus ore ,
Cum se non totum nubibus exeruit :
Talia per densos myrti Latonia ramos
Dejicit in tremuli lumina fontis aquam.
Nunc licet intonsi veniat sub imagine Phœbi
Somnus , Athlantiadis vel gerat ora Dei ,
Exemple Jovis , liquido nitidissimus auro
Diffuat , aut niveo tectus olore gemat :
Spernet Apollineos præ me Venerilla capillos ,
Mercuriique genas , Mercuriique lyram :
Excludet gremio crocæ ludibria guttæ ,
Et frustra ad thalamos dulcè queretur olor.



ELEGIA XXI.

Æquora sulcabat picta Venus aurea concha ,
Cui comes ardenti cum facie natus erat
Aliger , aligera miscens fera bella sagitta.
Illius latè pontus ab igne calet.
Senserunt pisces infectas æquoris undas ,
Nereidesque imis delituère vadis.
Ad magni tandem venerunt ostia Scaldis ,
Divertit cursus quo Dea sancta suos.
Excipit , et matrem senior veneratur amorum ,
Naiades glaucæ concomitantur heram ,
Jamque suum divæ felix Antuerpia portum
Pandit , et alliciunt mœnia clara deam.
Quæ postquam viridi religavit ab arbore concham ,
Divinum magna ponit in urbe pedem :
Ponè subit puer arcitenens , acuitque sagittas ,
Inflexitque arcus , cui dea mater ait :
Nunc , age , tinge puer casto tua tela veneno ,
Formosa est vati danda puella meo.
Grudius , Hesperia nuper benè cognitus ora ,
Narcissi miseras dum caneret lacrymas ,
Cæsareasque aquilas per funera mille secutus ,
Scriberet arcanis dum sacra jussa notis :
Ad patrios rediit amissa conjuge Belgas ,

Impatiens vidui tædia ferre tori :
Jamque etiam tædas hac ambit in urbe jugales :
Digna meo res est , digna fâvore tuo.
Ille meas dulci decantat carmine laudes ,
Et nostrum latè prorogat imperium.
Urbs hæc formosas nutrit cultasque puellas ,
E quibus est vatis dignior una toro :
Quæ tantùm reliquas formæ præcellit honore ,
A forma quantùm vincitur ipsa mea.
Dixerat , at rutilis subitò secat aëra pennis ,
Virgineumque Deus labitur in thalamum ,
Lectaque Gnosiaca depromit tela pharetra ,
Figit et in tenerum spicula casta jecur.
Rursus et æthereas pennis sublatus in auras ,
Ad juvenem motis venit Amor facibus ,
Atque ait , o ! nostras toties experte sagittas ,
Hoc quoque supremum non grave vulnus habe.



ELEGIA XXII.

Carole jucundos potuisti linquere amores ,
Terribilesque tubas , et fera bella sequi ?
Crede mihi , non est armorum gloria tanti ,
Ut fleat ulla tuas mœsta puella vias.
Siccine sperasti vitare Cupidinis arcus ,
Martia sanguinea dum capis arma manu ?

Falleris, absentes major premit æstus amantes,
 Nullaque sollicito prælia amore vacant.
 Deseruit carum nunquam Venus ignea Martem,
 Nec timet in castris accubuisse Deo.
 Cæsareas acies in primis diva tueritur,
 Aeneæque genus, progeniemque suam.
 Tu licet extremos propères bellator ad Indos,
 Ad latus usque tuum callidus ibit Amor:
 Induet et galeam, surasque includet in ære,
 Et sparget tenera tela cruenta manu.
 Difficile est pugnare Deo: quo longiùs ibis,
 Erronem tanto duriùs uret Amor.
 Inque acie media, dum fulgurat ægide Mavors,
 Occurret dominæ tristis imago tibi:
 Tum pugne oblitus, Martemque exosus acerbum,
 Malles in molli bella movere toro.
 Ah! pereat duros primùm qui protulit enses,
 Ille fuit ferro durior ipse suo.
 Ille autem scelere ante alios immanior omnes,
 Tormenti invenit qui genus arte nova
 Infandum, horrendum, dirum: tremuère quod ipsæ
 Eumenides, et rex horruit ipse Erebi.
 Quâ ruit, occumbunt urbes, silvæque tremiscunt
 Turbatique sonat regia vasta maris,
 Non sic irata jaculatur fulmina dextra,
 Nec tonitru cælum Jupiter omne quatit.
 Excutit ingentes immani pondere moles,

Involvens fumo nigricolore diem.
 Quid falso innocuum tonitru Salmonea damnas
 Jupiter? iste tuo fulmine dignus erat.
 At tibi dent, fama clarum, spoliisque superbum,
 Ad patrios superi posse redire lares.
 Ut votiva Deum suspendas munera templis,
 Armaque, et ereptas hostibus exuvias.



ELEGIÆ SOLEMNES TRES,
 CONSEQUENTIBUS TRIBUS POST ADAMATAM
 JULIAM ANNIS, MENSE MAIO CUPIDINI
 DEDICATÆ.

ELEGIA SOLEMNIS I.

Tempus adest iterum, quo stat pulcherrima tellus,
 Effundens variis germina seminibus.
 Nigrescit viridi velata cacumine silva,
 Garrula flebilium carmine Dauidum:
 Illa sonans tremulum Zephyro spirante, viroris
 Tempora conqueritur non diuturna sui.
 Ipsa novo Cytheræ choros agit aurea mense
 Nuda coronatas inter Hamadryadas,
 Quas inter medias tenero pede gramina pulsat
 Candidus in crocea veste protervus Amor.
 Hæc sacris nostræ semper solemnia Musæ
 Tempora, Dî magni sic voluistis, erunt;

Sive peregrinum via me deducet in orbem ,
 Sive sub ignoto sidere pontus ager.
 Hic etenim nostros primùm pallescere vultus
 Mensis et evinctum vidit acerba pati ,
 Aligerique faces oculis gressuque fatentem
 Ire vacillanti per loca sola pede ,
 Et dominæ servare fores , pluviasque molestas ,
 Et sævas Boreæ non timuisse minas.
 Vidit et ille idem carpentem gaudia mille
 Lenibus ex oculis mollè tuentis heræ.
 Ergo , puer , venis hominum qui spicula tingis ,
 Inseris et mœstis gaudia lacrymulis ,
 Hæc affixa cape maternæ carmina myrto :
 Annua quæ semper , sis modò mitis , erunt.
 At vos , florenti , juvenum grex floride , Maio ,
 Gensque puellaris deliciosa chori ,
 Non intellectum dum ver fugit , et fugit ævum ,
 Ludite , jam glaciem bruma nivesque feret ,
 Canaque subrepet taciturnis passibus ætas ,
 Morsque tenebrosa nube revincta caput.



ELEGIA SOLEMNIS II.

Et cœli facies , et rerum mitis imago ,
 Pictaque , quæ vario flore renidet , humus ,
 Pendulaque obscuris distincta umbracula silyis ,

Blandaue sylvestres quæ movet aura comas,
Antraque cum Satyris fusæ per opaca Napæ,
Et puer arcitenens et Venus ipsa monet
Adventare meis iterum solemnia sacris.

I, puer, unguentum fer mihi, fer violas,
Vina coronatis spument nigrantia mensis,
Nec sine multiplici stet mihi flore caput.
Impositæ fronti mecum languete corollæ,

Ad latus accedat fusca puella meum,
Quæ nigris oculis et nigro crine decora,
Antiqua memorem me facis efficiat:

Nec pejora meis infigat basia labris,

Serpat in amplexus nec minùs apta meos;
Quàm quæ prima suis victum me cepit ocellis,
E. furtu referens prima trophæa meo.

Vos quoque Pîerides, ad tempora lata vocatæ,
Fundite concordēs ore faventē sonos.

Primus ego ingredior, nullo de more, sacerdos
Aethra nequitia ponere sacra meæ.

Transeat hic, positis immota per aëra ventis

Et sine nubē dies, et sine sole gravi:

Transeat hic totus sine sollicitudine mensis,

Hei mihi; de Maia qui malè nomen habet.

Vel Veneri dominæ, vel, si sibi legit Aprilem,

At puero Veneris debuit esse sacer.

Quamvis Maia Jovi jucundo cognita furto


Formosum peperit candida nympha deum,

Mulcentem tepido pectore dulce malum,
Nunquid ab hac poteram liber desistere cura?
Rejectus dulci tam procul a patria?
Tam procul antiquo infelix divisus ab igne,
Qui primùm nostris ossibus incaluit?
Quin etiam, te auctore, graves expertus amores
Cum fuerim, et dominæ regna superba novæ,
Quum mihi crudeli faceret ludibria vultu
Insultans capiti torva Neæra meo,
Certè ego si pacto juratus stare recusem,
Unde petam veniam vel tua mater erit.
Illa sua fixum conservat in arbore carmen,
Annua devovi quo tibi sacra puer,
Dum mihi mansuetas afflares leniter auras:
Durus ades, duro frigeat ara deo.
An, mea si Libycas navis ditaverit undas,
Aurea Lædeis dona feram pueris?
Aut, ego si moriar longinquis exul in oris,
Decernam reduci sacra opulenta Jovi?
Abnuat hoc hæres, et, si sub iudice ceter,
Turpiter a causa Jupiter ipse cadet.
Ultrices igitur tædas metuemus, et arcum;
Plurimam quàm fulminei fervida tela patris?
Jupi ignoscas, cedunt tua sceptrâ nepoti,
Et trifidum pueri sub face fulmen habet.
Illius æternis halabunt templa corollis,
Undabit pecudum sanguine pingue solum:

Macula sudabunt verbenæ thura perustæ ,
Et focus in vivo cespite semper erit.
Ipse ego , nude puer , signum tibi nobile ponam ,
Quale Cnidus matri servat aquosa tuæ.
Aureus in nivea ludet cervice capillus ,
Aurea cum fulva tela dabo pharetra.
Penna duplex humeris auro radiabit ; et arcus
Ille nocens : Parium cetera marmor erunt.
Proxima ponetur , nec erit tibi sancte pudori ,
Vatis amatoris Julia sculpta manu.
Interea roseo demus sua carmina Maio ,
Sæpiùs ut remeans floreat ille mihi.
Maius alit flores , Maio pulcherrimus annus
Vernat , Acidaliæ gaudia Maius alit :
Spem segetis , spem Maius alit florentis Iacchi ,
Spes , memini , quondam fovit et ille meas.
Et primos miseri gemitus audivit amantis ,
Et primas lacrymas vidit , et indoluit.
Tunc Zephyrum socias mecum miscere querelas ,
Quà tremit ignotis umbra sub arboribus ,
Et tepidum lacrymas jussit siccare cadentes
Solis ad afflatum , ros uti vernus abit.
Maie decus mensium , pastorum Maie voluptas ,
Dives opum , terræ luxuriantis amor ,
En tibi cum puero communia sacra volucrí ;
En tibi purpurea spargitur ara rosa ,
Et nova cantamus solemni carmina plausu ,

Quæ tibi parve puer, quæ tibi Maie damus.
Adsis et faveas florum dea versicolorum,
Te rosa, te violæ, te thyma cana vocant.
Narscissus tibi suave rubet, tibi lilia fulgent,
Candida virginica lilia carpta manu,
Omnia dotales olim quæcunque per hortos
Nutrit amatoris fertilis aura tui.
Ecce tibi nostri cedit pars tertia sacri,
Linque tuos hortos, diva jocosa veni,
Qualis eras Zephyro, cum te formosa secutus
Securam pennis mollibus implicuit,
Qualis ab æthereo spectabas culmine ludos,
Quos tibi solemnes Martia Roma dabat.
Romanis tibi pro ludis Romana Secundus
Carmina, diversa cantat in Hesperia,
Quâ rutilus Tagus assiliens ejectat arenas,
Sub matutinis cantibus alituum,
Carmina spectâclis longè potiora vetustis.
Sustulit hæc ætas, illa perennè manent.
O ! ita, cum blando blandissima mater Amore,
O ! ita Bacche velis, o ! ita Phœbe pater,
Semper ut illius maneant monumenta caloris,
Quem movit tremulis ignea luminibus,
Magnum quæ parvo nomen sortita libello,
Prima meæ spoliū Julia mentis habet.





JOAN. SECUNDI JUVENILIA.

EPIGRAMMATUM LIBELLUS.

AD CAROLUM CATSIUM.

Janus ancipiti vetustus ore
 Labentis tacitè novator anni
 Adest : Carole , quid moramur ? eia ,
 Vivamus , neque creduli futuris
 Carpamus spatium volantis anni :
 Sic , o ! sic tua cuncta , dii , deæque ,
 Non isthoc modo , pluribus sed annis
 Fortunent , seriesque tota cœli
 Sit patrona tuis amica votis .
 In primis dea , quæ creata ponto ,
 Undosos animis movet tumultus :
 Et , nunquam vacua gravis pharetra ,
 Et semper vigili timendus igne ,
 Lascivæ comes aliger parenti ,

EPIGRAMMATA.

81

Sint mites tibi , prosperentque molles
Quas dabunt tibi , vel dedere flammæ.
Multis basiolis fruaris , et te
Amantem sibi quæque quærat , et se
Substernat tibi , læta mollicellis
Formosissima quæque de puellis :
Nec poscat neque gratiam , nec æra ,
Nec rubri spoliū maris , nec aurum :
Sed carus magis ipse sis vel ære ,
Vel rubri spolio maris , vel auro.

IN IMAGINEM HERCULIS CUPIDINEM TERGO GESTANTIS , AC PROPE SUCCUMBENTIS ONERI.

Ante quibus cœlum fuerat leve pondus , iisdem
Nunc gravis est humeris sarcina , parvus Amor.

IN CHARINUM DEFORMIS UXORIS MARITUM.

Nuper Charine conjugem
Vidi tuam , tam candidam ,
Tam lacteam , tam floridam ,
Cultam , modestam , blandulam ,
Ut si mihi tales bonus
Concesserit tres Juppiter ,
Diti daturus sim duas ,
Auferret ut superstitem.

82 EPIGRAMMATA.
IN PASSEREM GLYCERES.

Hostili Passer felis raptatus ab ore ,
 Languit , exiguam deposuitque animam :
Quem postquā Glycere illacrymans fovitq; papillis
 Frigidulum , tepido rore rigavit amans :
Palpat , et teneros raptat nova vita per artus ,
 Moxque vagus rosea prosilit e latebra ,
Et fugit aërias non observatus in auras :
 Illa dolet , gemitus et ciet ore graves ,
Guttaque per nitidas distillat vitrea malas ,
 Distinctum gemmis quale renidet ebur.
Ingrate , heu , nimiùm passer , qui deseris illam
 Quicquid habes animæ munere cujus habes.
Dissimilem, o ! sortem, te lux mea, te sequor unam,
 Cùm toties dulci me spolies anima.

IN ALIUM PASSEREM
EJUSDEM GLYCERES.

Improba de dominæ gremio dum provolat ales ,
 Corripitur dominæ comprimiturque manu.
Illa quidem moritur , sed sic juvat ire sub umbras ,
 Sæpe mori simili non nece posse , dolet.
Hoc bene scit Glycere , formæ sibi conscia tantæ ,
 Inque sinu tepido callida condit avem :
Nec mora , visa movère suas , et moverat alas ,
 Atque iterum dominam pessima deseruit :

EPIGRAMMATA. 83

Illa manu celerem sequitur, cupit illa teneri,
Et manibus rursum virginis immoritur.
Invidi infelix, tam dulcia fata volucris
Optavique iisdem posse mori manibus.
Illa negat: sortem o! miseram, cur impia, cur nam,
Cui vitam renuis, renuis interitum?

IN MARULLUM ET VARIUM.

Marullus Variusque Septimillæ
Donavere toga nova maritum.
Nunc ille ambulat huc et huc togatus;
Et transit fora, porticus, tabernas,
Vicos, balnea, fornices, popinas:
Nec toto decies revisit anno
Relictam dominis domum novellis.
Securi modò sæpe luce prima,
Securi medio die fruuntur
Marullus Variusque Septimilla.

IN E A N D E M.

Mitte peregrinis opplere coloribus ora:
Nudus Amor nudæ munera frontis amat.

IN CYNTHIAM PROPERTII.

Cynthia te postquam mors abstulit atra, tuisque
Induxit furvæ luminibus tenebras:

84 EPIGRAMMATA.

Tum verò similes verita est Latonia casus,
 Occideret nebula ne labefacta pari :
 Et, quoties tellus fraternos impedit ignes,
 Exemplum fati diva tui metuit.

IN NÆRAM.

Lumina mî atque animum cœpit tua candida forma,
 Moribus offendor, torva Næra, tuis.
 Nec mihi nuda places, sed cùm vestita recumbis,
 Basia me capiunt, non amo concubitus.
 Quot dotes natura dedit, totidem tibi mendas
 Addidit, et tamen, heu! te te ego depereo.
 Nimirum cœcus non est cùm pulchra tuetur,
 Tunc Argum tunc et Lyncea vincit Amor.
 At mendas spectare, aversa fronte, recusat,
 Tunc et Tiresia cœcior, et Thamyra.

IN LIBELLUM SUUM BASIORUM.

Casta quod enervi cantamus basia libro,
 Versibus illudit fusca Lycinna meis:
 Et me languiduli vatem vocat Ælia penis,
 Quæ Venerem in triviis porticibusque locat.
 Scilicet, expectat nostrum quoque noscere penem?
 Parcite turpiculæ, mentula nulla mihi est.
 Nec vobis canto, nec vobis basia figo:
 Ista legat teneri sponsa rudis pueri:

Ista

EPIGRAMMATA. 85

Ista, tener sponsus nondum maturus ad arma
Exercet variis quæ Venus alma modis.

IN JOVIUM.

Tenduntur nervi, formosa quiescit in ulnis,
Cypridis ad blandum sollicitatur opus:
Nec persuadetur Jovius soletur ut illam.
O! nimium gelida religione vitum,

IN GELLIAM.

Cum mihi de variis traheretur sermo puellis
Tecum, deque bonis, Gellia, deque malis:
Sic mihi tum memini te respondisse, supremum
Et finem verbis imposuisse meis.
Illa sapit demum quæ se putat insipientem,
Desipit hæc nimium quæ sibi, Jane, sapit.
Hic ego, quid vero de te, mea Gellia, sentis?
An sapere, an contra stulta videre tibi?
Stulta refers sum stulta mihi, ridesque suave,
Scilicet officio quam bene functa tuo!
At cave, ne, dum te sic stultam dicis, ut isto
Te mihi prudentem testificare modo,
Gellia captata frauderis laude: nec esse
Prudens judicio comperiare tuo,

IN GELLIAM.

Si non est grave, si vacat,
Cur vendis Venerem, dic mihi Gellia,
Cur vendis, quod emas libens?
At tu, si memini, sæpe soles prius,
Cujus tantopere es modo
Parca et facta tenax, reddere sæpius
Quibuscunque rogantibus.
Aut sit nemo rogans, nemo volens erat,
Ipsam te memorant pias
Effudisse preces, et juvenum levis
Pellexisse animos, tuum
In votum faciles: quisnam etenim neget
Oranti tibi Gellia,
Quæso, tam pia, tam dulcia, tam bona?
At nunc, cum tibi languida
Vultum ruga secare incipit, et novas
Inspargit capiti nives
Ævi bruma rigens, nec modo dentibus
Os superbit eburneis,
Nec labris remanet qui fuerat decor,
Et fugit color ille qui
Tingebat nivæas purpureus genas:
Cur nunc, cur subito Venus,
Quam nunc te doceat vel dare maxime,

Emptam quam vel oportuit,
Cur nunc illa tibi, cur, rogo, venditur?
Non hoc, non tibi parcitas,
Quæ pigro senio sæpe comes venit,
Non, si te bene novimus,
Hoc suadet nova nunc Gellia castitas:
Sed, si conjiciam sinis,
Divinabo equidem, sim licet ipse nec
Vates, nec teneam sagax
Aut cantus volucrum fata canentium, aut
Pennæ præpetis omina:
Olim cum roseas prima juventula
Pinxissetque genas tibi,
Pinxissetque simul labra corallina,
Nata ad dulcia basia,
Atque instructa suis lumina spiculis
Ornasset ciliis nigris:
Tum tu, quas dederat pulchra Venus tibi
Dotes omnibus affluas
Gratis larga dabas, scilicet has tibi
Sperans perpetuas fore:
At postquam periit læta Juventula,
Et jam te in speculo videns,
Formam longe aliam cernere cogeris,
Et rugis faciem asperam,
Canosque ad speculum vellere limpidum
Invisos misera occipis:

88 EPIGRAMMATA.

Tum demum gemis, et te miseret tui,
 Et lapsos virides male
 Nulla fruge dies Gellia devoves,
 Et lucri in senium nihil
 Quæsiuisse dolet, pœnitet, et pudet.
 Ergo, dum licet, et brevi
 Comprendi numero canicies potest,
 Et rugæ numerabiles,
 Nec dum, læsa parum, forma virentibus
 Plane spernitur a viris:
 Jam mutas animum callida prodigum:
 Et, mirantibus omnibus,
 Aurum difficilis, muneraque expetis,
 Ut, postquam tremulo gradu
 Deforme adfuerit mox senium tibi,
 Et nemo fuerit, tuis
 Qui junxisse labris oscula pallidis,
 Mollem tangere qui sinum,
 Qui corpus cupiat cernere mortuum:
 Non desit tibi scilicet,
 Quo tum rursus emas, quod modo venditur.

IN EANDEM.

Gellia, miraris, cur auro vendat amorem?
 Scilicet ut sit, quo callida rursus emas.

T R I A M A L A.

Quæ mala sunt hominum rebus tria maxima, scire
 Quæris? habe paucis: fœmina, flamma, fretum.

AD ROMOLDUM STENEMOLAM,
 PRÆCEPTOREM SUUM CUM EI AMATORIAS
 ALIQUOT ELEGIAS MITTERET.

Cui mitto calidos, novos amores,
 Nec satis lepidos, nec expolitos?
 Nimirum tibi, namque tu putabis
 Meas esse aliquid, Romolde, nugas:
 Assuetus genium probare nostrum
 Jam tum cum imperio tuo sonabam
 Parvus carmina renuente lingua.
 Ergo, habe tibi quicquid hoc amorum est:
 Et quicquid venis a meis Camœnis,
 Totum crede tui laboris esse.
 Mox autem recitare plura certum est,
 Cum nos Haga brevi tenebit ambos:
 Et juncti pariter locum tenemus
 Sacratum Veneri, et novem deabus,
 Longo quâ tilia explicata tractu,
 Diffundens patulos opaca ramos.
 Frangit sideris impotentis æstum,

EX ANACREONTE.

Non est cura Gygis mihi, qui rex imperet agris
 Sardiniis, non me argentum, non gemma, nec aurum
 Detentat : non invideo sua regna tyrannis.
 Cura est unguento fluat ut mihi barba fragranti,
 Cura ut odoriferis cingam mea tempora sertis :
 Curæ sunt dubiæ tantum præsentia vitæ
 Tempora, curæ hodierna mihi : crastina namque
 Novit, quisve sibi promittere crastina possit?
 Heus ergo, heus agedû, calicē mihi cudito jam nunc
 Argento bene tornato, Vulcane : sed amplum,
 Atq; cavum, et Bacchi quantum potes, eia, capacem:
 Inque hoc non currus, non tristia sidera sculpe :
 Non hunc crudelis, non ambiat udus Orion :
 Sed vites mihi fac virides, ipsumque Lyæum,
 Et Charites, blandam et Venerē, Venerisq; puellum.





JOAN. SECUNDI JUVENILIA.

ODARUM LIBELLUS.

AD ADRIANUM GOESIUM
JURISCONS. UXOREM DUCTURUM.

Ergo, dulcis amicule

Nobis tam cito te subtrahis, et vagis
Finem ponis amoribus?

Et te sponte tua brachia mollibus
Subdens libera vinculis,

Captivis hominum cœtibus inseris?
Sortem servitii gravem, et

Passurus dominæ sceptrâ puellulæ.
Visurus tamen interim

Natos, legitimæ præmia Cypridis,
Natos, certa levamina

Curagum, et socii pignora lectuli:
Quos qui tollere negligit,

Dans infrugiferis semina vepribus,
Ignavus moritur senex :

Indignusque, cui contigerit parens.

Ergo, spernere si potes

Curas, mœstítias, vincula, carcerem,
Dum castus tibi sit torus,

Et gignas aliquid quod tibi succinat
Nomen dulce parentibus,

Aula quodque tua lusitet, et patris
Observantibus atria

Monstret ora sui certa clientibus :

I, quo te impetus impotens,

I, quo magnus Hymen te vocat, et potens
Dextra teligera puer.

At nos interea, quando relinquimur
Abs te, cum reliquis tamen,

Quos non ista tenent jura, sodalibus,
Doncè canities abest,

Carpamus Veneris gaudia liberæ.

DE AMORIBUS FRANCISCI CATSII.

Francisci teneris digna caloribus,

Issabella, meæ proxima Julæ,

Quocunque orbe moraris,

Fido in pectore stas tamen :

E quo nec rapiet te rota temporum,

Nec diversa tuis tot loca mœnibus.

Heu, quantum tamen hinc est

Inter Lovanium soli?

Hærent luminibus lumina mollia,

Arguta, et tantis subdola nutibus,

Hærent, atque revinctum

Quem cepere semel, tenent.

Hærent auriculis verba sonantia,

Quæ possunt superos flectere, quæ deum

Qui servat loca tetra,

Nulli pervia lumini:

Ad quæ cum, tenuem efflatus in aëra

Francisci gelidus spiritus ierit,

Una voce suavi

Dilectæ dominæ suæ,

Quam terræ tumulis obrutus audiet,

Quam tota excipiet regia nigricans,

Uno murmure dulci

In vitam revocabitur.

O! felix facibus forma potentibus:

Fas florere meis te quoque versibus

Dum fletus puer ales

Et suspiria nesciet.



AD PÉTRUM BAUSANUM.

Quisquis serena mente potest suos
Inter sodales vivere leniter,
Qui mente conjunguntur una,
Et studiis rapiuntur iisdem,
Illum beatis respicit ignibus
Distincta cœli regia mobilis:
Et sortis expertem malignæ,
Collocat in medio deorum.
Non livor illum pallidus occupat,
Non cura firmum versat et huc et huc,
Nec sperat usque lætiores
Sidere sub meliore vitam.
Seu vivat illic, quâ freta perpetim
Adstricta canis stant Aquilonibus,
Seu quâ nigros usti propinquo
Sole trahunt populi colores.
Sic, Petre, Musas inter amabiles,
Interque junctas brachia Gratias,
Risus, jocos, lusus, amores,
Exilium patriæ feramus.



A D A M O R E M,

Ergone, vitæ quod superest meæ,
Suspiriosis liber amoribus
Degam? nec in venis calebit
Ille meis deus ut solebat?
Jam, jam remissi pœnitet otii:
Jam, jam proterva spicula dextera
In pectus hoc, inerme pectus,
Sparge puer resonante nervo.
Vivamque rixas inter et oscula,
Interque risus et lacrymas graves,
Spemque et metum, vitam necemque,
Tempora floridulæ juventæ.

IN CHOREAS AB SE SPECTATAS,

Curru Diones vectus eburneo,
Vidi modo hic, jam nescio quo loco,
Calente cursitare mixtas
Cum juvenum serie puellas.
Una inter omnes florida virgines
Terram tenello sollicitans pede,
Versabat in gyrum sequaces
Secum oculos, animosque turbæ.
Ut rubra puro lacte natans rosa,
Serpebat albas purpura per genas:

Frons crine flavo fulgurabat ;
Fulvo ut ebur variatur auro :
Sic illa , membris læta volantibus ,
Producta cari nunc juvenis manu
Circum ibat , intactamque sensim
Nabat humum trepidante planta.
Nunc sola , gratis libera nexibus ,
Errabat , huc vibrans oculos et huc ,
Lusuque mobilis protervo ,
Huncque petebat et hunc , et illum.
Beata , dixi , terra ; vel hos pedes
Tu bruta senti , vel mihi fac locum :
Seque illa per pectusque nostrum ,
Per faciemque , oculosque volvat.





SYLVARUM LIBER UNUS.

DIALOGUS LUCIANICUS

DORIDIS ET GALATÆ,

Latino carmine redditus.

G A L A T Æ A,

Forte deæ pelagi, ludentes litore curvo,
 Captabant radios, auree Phœbe, tuos.
 Hic Thetis, hîc Melite, Spio, Panopeaque virgo,
 Cymodoce, Doris, et Galatæa fuit:
 Cum Doris ficto Galatæam mollior ore
 Risit, et arguto strinxit amara iocosa.

D O R I S,

Scilicet, egregiæ tandem formosus amator
 Contigit, o felix jam Galatæa, tibi?
 Nimirum hic Sículus pastor, pro numina, qualis?
 Dèperit, ut passim fertur, amore tui.

G A L A T Æ A,

Ne rîde: qualis qualis tibi, Dori, videtur,
 Neptuno tamen est de genitore satus,

Neptuno vitreis late qui præsidet undis,
Neptuno a summo qui Jove prima tenet.

D O R I S.

Egregium vero quod sit Neptunia proles:
Esto, sit altifremi filius ille Jovis,
Cum tam deformis sit, agrestis, et hispidus, et quod
Omnibus est unum turpius, unoculus.
An vero genus ad formam prodesse putabas?
Hoc tibi deformis nomine pulcher erit?

G A L A T E A.

Imo nec est deformis, et id quod dicis obesse,
Hoc queat hoc formam nobilitare viri. [sunt
Quippe quod agrestis, quod et hispidus (hæc tua nam
Crimina, sic libitum est hæc vocitare tibi)
Haud deformat eum, verum mage, Dori, virile est:
Crede decet fortes hispida barba viros.
Porro oculus media nitidus qui fronte relucet,
Et quem Phœbææ lampadis instar habet,
Ille etiam decet hunc: hoc cernit certius uno,
Quam si vel duo, vel lumina mille forent,

D O R I S.

Tu vero mihi jam, Galatea, videris habere hunc
Non tibi amatorem, verum adamare magis:
Usque adeo

Usqueadéo laudas, et quæ contraria formæ,
Jam formosa uti sint, atque decora, jubes.

G A L A T E A.

Haud equidē hunc adamo: tamen ista insignia vestra
Scommata, et insulsos haud queo ferre sales.
Et plane invidia huc mera vos stimulare videtur,
Quod vos non itidem ut me Polyphemus amat:
Quodq; gregem nuper celsa dum pascit in Aethna,
Inter lanigeras conspiciendus oves,
Nosque procul mixtim per litora sola vagantes
Cernit, ubi pedibus prominet Aethna suis,
Vestrum non ullam vel solum aspexit: at ipsa
Visa viro cunctis pulchrior una fui.
Meque proinde suo dignatus lumine solam est:
Lumine sidereas exuperante faces.
Hæc ea sunt, hæc sunt, quæ pectora vestra remordent
Hinc illi risus, illepidique joci:
Namq; hæc cuncta docent me vos præcellere forma,
Meque magis dignam quam Polyphemus amet.

D O R I S.

Scilicet, invidiam quod tu formosa videris
Lusco? et pastori quod Galatea places?
Quanquam aliud, quæso, potuit quidnā ille probare,
Præter candorem, lactea diva, tuum?

Ille placet , quod lac cibus est et caseus illi :

Quod simile his , pulchrum protinus iste putat.

Tu vero cupis ipsa tuam si noscere formam ,

Nec tibi iudicio stulta placere malo ,

Pendenti è scopulo , si quando silentibus Austriis

Pellucens placidis unda jacebit aquis ,

Temet contemplare , precor , dabit unda colorem

Consimilem lacti , consimilemque nivì.

Atqui nulla quidem facies candore probetur ,

Candida purpureis sit nisi tincta notis.

G A L A T E A.

Atqui ego nacta tamen , quantūvis candida qualem

Doris amatorem vellet habere sibi.

Nullaque de vobis quam vel miretur agaso est ,

Vel pastor , vel quam portitor ullus amet.

Atque alia ut taceat , cantat Polyphemus : in omni

Et calami , et citharæ , doctus et arte lyræ.

D O R I S.

Mitte hæc , diva precor , cantantem audivimus , in te

Pruriret nuper cum male sanus amans :

Verum , o ! sancta Venus , rursum in certamina Phœbum

Excire obstreperus Marsia visus erat.

Quin ter credideram sylvis audire rudentem

Vicinis asinum , ter Polyphemus erat.

Ipsiusque lyræ corpus jurare volebam

Cervinum, nudis ossibus, esse caput.

Cornua nam exstabant cubiti de more recurvi :

Quis putet hîc hominem ? quis putet esse lyram :

Tum vero inductis fidibus speciosus amator,

Nec jungens sinui-barbara monstra lyræ,

Nescio quid tandem durum & stridebat agreste,

Observant partes dum lyra voxque suas :

Sic uti non fuerit de cunctis ulla deabus,

Quæ posset risus aut cohibere jocos.

Quid, quod & ipsa quidem non est dignata boanti

Respondere Echo, garrula Nympha licet :

Credo, deam puduit si forte audita fuisset

Reddere stridentes ridiculosque sonos.

Quin ursis ursæ catulum formosus amator,

Gestabat, lusus, deliciasque suas.

Hirtus erat totus, quo, credo, gratior illi,

Quod similis setis, et feritate fuit.

Quæ tibi nunc istum talem, Galatea, maritum

Invideat ? quæve hunc nunc velit esse suum.



G A L A T E A.


Ergo tuum nobis , sit qui formosior , eia ,
Monstra , et qui melius voce lyraque canat?

D O R I S.

Nullum habeo , fateor , nec eo me nomine jacto ,
Ac si sim multis sollicitata viris.
At vero talem , qualis Polyphemus , amantem ,
Totus qui saniem , totus ut hircus , olet :
Quique infelices funesta ad litora pulsos
Devorat , hunc habeas , hunc adamesque tibi.

Talia sunt , Nymphas retulit quæ fama marinas
Multa per alternas dicta dedisse vices.
Quid jam , quid cæcum non posse putemus Amorem?
Te quoque formosum si , Polypheme , facit?





EPITHALAMIUM.

Hora suavicula, et voluptuosa,
Hora blanditiis, lepore, risu,
Hora delitiis, jocos, susurris,
Hora suaviolis, parique magnis
Cum diis et Jove transigenda sorte:
Hora, qua poterat beatiorum
Nec Gnydi dea sancta polliceri,
Nec qui cum pharetra pererrat orbem,
Curis gaudia delicata miscens,
Penna splendidus aurea Cupido,
Magni pronuba nec soror Tonantis,
Nec qui floridulas Hymen puellas
Raptas e gremio tenace matrum
Involvit cupidis viri lacertis,
Rupis incola floriger canoræ:
Advecta est, serie rotante cœli:
O! felix juvenis, puella felix.

Felix sponse, cui cupita flamma
Jam nunc in geminis quiescit ulnis,
Puella ætherea beata forma,
Qualem magna Venus, velitque Juno,
Et quæ casside Martia refulget

106 EPITHALAMIUM.

Sancto vertice procreata Pallas,
Si junctæ statuunt adire valles
Umbrosas iterum virentis Idæ :
Qua spectanda vel hæc , vel hæc , vel illa ,
Quovis judicio superba malum
Victrix aureolum reportet astris.
O ! felix juvenis , puella felix.

Felix sponsa , cui cupitus ardor
Affusus modo lectulo in beato ,
Stringet colla tenacibus lacertis ,
Insigni juvenis venustus ore :
Istis qui roseis tuis labellis ,
Istis qui niveis tuis papillis ,
Isto qui rutilante crine tactus ,
Isto lumine qui loquace victus ,
Jampridem tacito voratur igni :
Lentumque increpat usque et usque Solem ,
Tardamque invocat usque et usque Lunam.
O ! felix juvenis , puella felix.

Votis , fervide sponse , parce votis
Et suspiria mitte , mitte questus
Tempus accelerat suave : mitis
Exaudit gemitus Venus suorum :
Condit Cynthius ora , condit ora ,
Seque gurgite perluens Ibero
Cedit noctivagæ locum sorori.
Et quo gravior haud relucet ignis

Conjunctis animis amore dulci,
 Producit caput, emicatque cœlo
 Ductor Hesperus aureæ catervæ.
 O ! felix juvenis, puella felix.

Jam virgo thalamum subibit, unde
 Ne virgo redeat, marite, cura.
 Jam virgo niveis locata fulcris
 Adventum cupiet tuum, tremetque
 Perfusa ingenuo rubore malas :
 Forsan et lacrymis genæ madebunt,
 Et suspiria fundet, et querelas :
 At tu nil remoratus, et querelas,
 Et suspiria, lacrymasque tolles,
 Abstergens oculos tuo ore, dulce
 Murmur pro querimoniis reponens.
 O ! felix juvenis, puella felix.

Ergo membra ubi virginis decoræ
 Felix candida lectulus fovebit,
 Membra languidulo parata somno,
 Et molli quoque te toro locatum,
 Supra purpureos beata reges,
 Supra constituet Jovem Dione,
 Mox te blandidicis parare rixis,
 Mox te molliculæ parare pugnae,
 Motus occipies calore justo :
 Belli prospera signa non cruenti
 Figens mille protervus hîc et illic,

108 EPITHALAMIUM.

Collo basia multa, multa malis,
 Labris basia plura, plura ocellis.
 Repugnabit, & improbum vocabit,
 Et dicet, satis est, tremente voce,
 Acerbaque manu proterva labra,
 Propelletque manu manum protervam.
 O! noctem ter, & amplius beatam.

Pugnet strenua, pugnet illa, pasci
 Pugnando teneri volunt amores.
 Pugnando tibi duplicatus ardor
 Vires sufficiet novas in arma.
 Tunc per candida colla, tunc per illud
 Quod certat ebori nitore pectus,
 Tunc per crura tenella, perque ventrem,
 Et quæ proxima sunt et huic et illis,
 Saltu volve agili manum salacem:
 Et tot millia junge basiorum,
 Quot cælum rutilos tenebit ignes.
 O! noctem quater, et quater beatam.

Nec desint tibi blandulæque voces,
 Et quæcunque juvant perita verba;
 Nec cum murmure sibili suaves,
 Quales dant Zephyro sonante blandum
 Frondes, quale columba, quale cycnus
 Annosus moriente spirat ore:
 Donec victa potentibus sagittis,
 Et cæco pueri volantis igne,

Paulatim

Paulatim minus et minus severa,
 Ponet purpureum toro pudorem,
 Collum in brachia nexuosa dedens;
 Collo brachia nexuosa stringens.
 O ! noctem quater o ! quater beatam.

Tunc tunc oscula delicata sumes,
 Nullis contemnerata quæ rapinis
 Hærebunt vario morata nexu.
 Tunc lusus similes, paresque virgo
 Reddet delicias, et os hiulcum.
 Jampridem patulo licenter ori
 Committens, animæ libidinoso
 Fragrantis cupidum beabit haustu:
 Mox lusu quoque molliore ludens,
 Dicet blanditias suaviores,
 Emitteret digitos licentiores,
 Finget nequitiam salaciorum.
 O ! noctem nimis et nimis beatam.

Tunc arma expedienda, tunc ad arma
 Et Venus vocat, et vocat Cupido:
 Tunc in vulnera grata proruendum:
 Huc, illuc agilis feratur hasta,
 Quam crebro furibunda verset ictu
 Non Martis soror, ast amica Martis
 Semper læta novo cruore Cypris.
 Nec quies lateri laborioso
 Detur, mobilibus nec ulla coxis:

110 EPITHALAMIUM,

Donec deficiente voce anhela,
Donec deficientibus medullis,
Membris languidulis, madens uterque
Sudabit varii liquoris undas.

O ! noctem nimis, o ! nimis beatam.

Sudate ut libet, et diesque longas,
Noctesque exigite in potente lusu :
Et brevi date liberosque dulces
Et longo ordine blandulos nepotes ;
Quæ vobis senii minuta turba
Olim sollicitos levabit annos,
Arcebit querulos toro dolores,
Languentùm tremulos fovebit artus,
Componet tumulo pios parentes.
O ! felix juvenis, puella felix !





PANCHARIS
JOAN. BONEFONII *Compositus*
ARVERNI,

AD JACOBUM GUELLIUM,
Regis Procuratorem.

SE AB AMORE REVOCARI
NON POSSE SCRIBIT,

O ! Guelli juvenum eruditionum
 Vel ipsa invidia fatente princeps,
 Quid Bonefius hic tuus negoti
 Gerit, qui valet, anxior requiris?
 Ludo carmine quo tener Catullus
 Lusit, et teneri æmulus Catulli
 Ille Plinius atque Calvus ille,
 Quo tu in carmine si tui Bonefi
 Et salem minus et minus leporem
 Certè nequitiam satis probabas,

T ij

Et nunc molle mihi et suave quiddam est
 Ridentes oculos meæ puellæ
 Ad cælum lepidò vocare versu
 Eosdem quoque nunc ferocientes
 Juvat stringere sæviore iambo.
 Quid tu, inquis, Venerem jocosque cantas,
 Cui Phœbi sine more sævientis,
 Ille immane sonans minatur arcus?
 Canto. Nam quid ego illa pertimescam,
 Quibus me juvet interiisse, tela?
 Quem Cupidinæ nocentiores
 Premunt ossibus intimis sagittæ,
 Et nocentius omnibus venenum,
 Quo velut Tityi jecur renascens,
 Sic semper pereò ut perire possim.



AD ANTONIUM COTELLUM
Senatorem Parisiensem.

PANCHARILLÆ FORMÆ ELEGANTIAM
 DESCRIBIT, QUA SE CAPTUM AIT.

Nam quid dissimulem? Illa me, Cotelle,
 Nympharum domina, illa Pancharilla
 Prima militiæ hujus insolentem,
 Et Cupidinæ rudem palæstræ

JOANNIS BONEFONII. 113

Cepit flammeolis suis ocellis,
Vinxit aureolis suis capillis.
Ut vidi, furor et malignus error,
Me mi surpuit : Ille me genarum,
Fulgor lubricus, ille Pancharillæ
Pudor virgineo natans in ore :
Risus ille decens, et ille candor,
Fuci nescius, ille me vetusti
Splendor sanguinis, illa liberalis
Indoles animi, illa mens senilis
Ætate in tenera tenorque constans,
Ille corporis elegantioris,
Cultus simplicior et illa vultus,
Majestas placida et serenus ardor,
Ille frontis honos patentis, ille
Me supercilii nigellus arcus,
Dentiumque duplex eburnus ordo,
Et menti bifidi decor venustus,
Spira illa auriculæ rotundioris :
Illa blæsula, mollicella verba,
Illa me capitis nitens columna,
Emendatior omnibus columnis,
Castigatior omnibus figuris :
Illæ marmore purius nitentes
Papillæ feretes suas Diana,
Et quas esse suas velit Dione,
Obstrinxere sibi arctiore vinclo

Illo carcere pectoris repositi,
 Illis me pedicis profundi amoris,
 Æternum sibi Pancharilla vinxit,
 O ! custodia carceris benigni.
 O ! dulces pedicæ , o ! beata vincla.



BASIUM I.


*Quo petit , ut Pancharis ipsi basiis animam
 exsugat.*

Nympha , bellula , Nympha mollicella,
 Cujus in roseis latent labellis,
 Meæ deliciz , meæ salutes :
 Nympha , quæ veneres venusta tota ,
 Omnes omnibus una surpuisti ,
 Amabo mihi basium propina ,
 Quo tandem meus acquiescat ardor :
 Ah ! ne basiolum mihi propina ,
 Nam contra magis excitatur ardor :
 Sed mi suge animam halitu suavi ,
 Dum nil quicquam animæ mihi supersit ,
 Ah ! ne , ne mi animam puella suge :
 Namque exsors animæ quid ipse tandem
 Quid sim vana nisi futurus umbra ,
 Et errans stygiis imago ripiæ

Infaustis nimis ah ! nimisque ripis ,
 Quæ nullam venerem et suavitatem
 Nullas delicias jocosque norunt.

Imo tu mi animam puella suge :
 Suge , dum mi animæ nihil supersit ,
 Dumque molliculi comes Catulli ,
 Dumque molliculi comes Tibulli ,
 Eam pallidulas et ipse ad umbras
 Et errem stygiis imago ripis.

Tum vicissim ego , Pancharilla , sugam
 Tuæ florem animæ suaveolentis
 Dum nil quicquam animæ tibi supersit
 Dumque Lesbiorum Catullianæ ,
 Dum comes Nemesis Tibullianæ
 Eas pallidulas et ipsa ad umbras ,
 Et erres stygiis imago ripis.
 Namque illic etiam suos amores
 Exercere piz feruntur umbræ ,
 Et illic Nemesim suam Tibullus ,
 Et illic quoque Lesbiam Catullus
 Fertur pallidulo ore quaviari.
 Sic illic , mea Pancharilla , te te
 Pallens pallidulam quaviabor ,
 Illi ut primi etiam duces amoris
 Palma jam veteri superbientes ,
 Et se a me fateantur et stupeant
 Victos multivola osculatione.



BASIUM II.

*In Acum, a qua petit, ut pectus Amicæ potius
quàm digitos imposterum cuspide pungat.*

Dic Acus mihi, quid meæ puellæ

Illa candidula, illa delicata

Albis candidior manus ligustris:

Quid leves digiti tenellulique

Tantum commèruisse vel patrasse

Possunt, ut toties et hos erillam

Configas stimulo feroeciente?

Ah! ne molliculas manus inepta

Ne læves digitos et immerentes,

At pectus stimulo acriore punge,

Pectus durius omnibus lapillis,

Durius scopulisque rupibusque

Hic stylum altius altiusque fige,

Hic acuminis experire vires.

Quod si mollieris meam puellam,

Dii, quantam hinc referes superba laudem;

Hac te cuspide vulnerasse pectus,

Quod nullis potuit Cupido telis.



BASIUM III.

*Ad Catellum Pancharidis suæ, cui fortunam
invidet.*

Quis, barbatule; quis tuam, Catelle
Non tibi invideat beatitatem:
Quem mulcere manu solet nitenti,
Et solet tenero sinu fovere
Illa lux animi Diana nostri.
Cui tot blanditias, tot usque et usque
Lusus ingeniosa factitare:
Quem sic deperit impotente cura
Ut sive illa domi quieta degat,
Seu foris paret ambulationem,
Unum te socium domi forisque;
Unum te comitem viæ requirat:
Et cum sese epulis paravit illa,
Tu conviva Deæ advocaris usque:
Tum dapes tibi deliciores
Hinc et inde legit, tibi que lectas
Blanda porrigit et ministrat uni.
Mox ubi est epulis fames adempta
Novis deliciis beare certat.
Nunc te lacteolæ inserit papillæ,

Nunc humentibus admovet labellis,
Et tot prodiga basiationes,
Uni nectareo propinat ore,
Quot nec Lesbíolam suam poposcit,
Vates multivolus Catullus ille,
Catullus pater osculationum.

Quid beatius o ! tener Catelle,
Quid his amplius experisse possis ?
Avarus licet improbusque voti ?
At beatius ampliusque quiddam,
Dat Diana tibi, dat illa quiddam,
Quod sperare licet diis nec ipsis.
Adsciscit socium tori Diana,
Et te virgineo locat cubili.
Felix o ! nimis, et nimis Catelle,
Amate usque adeo meæ puellæ,
Quis, barbatule, quis, Catelle tanta
Non tibi invidet beatitates,
Queis sperare nefas beatiores.



BASIUM IV.

*Exeratur dentes, quibus inter osculandum
papillas Dominae lacerat.*

O ! Dens improbe, dire, ter sceleste,
Dens sacerrime, Dens inauspicate,
Tun' tantum scelus ausus ut papillas,
Illas Pancharidis meae papillas,
Quas Venus veneratur et Cupido,
Feris morsibus ipse vulnerares ?

Nec tecum reputas, miselle, quanti
In te numinis excitaris iras ?
Qui dum Pancharidem meam laceras,
Omnes et Veneres, Jocos, Amores,
Et quantum est Charitum simul laceras.

At tu hoc pro scelere impioque facto,
Ne mi irascere, blanda Pancharilla,
Namque testor ego tuos ocellos,
Amo quos ego plus meis ocellis,
Et testor Veneris tuumque numen,
Quo majus mihi sanctiusque nullum;
Non has lacerare mens fuit papillas,
Non has mens mihi, Diva, vulnerare.
Verum ut se exeruit mihi superbus,

Tuarum ille decor papillarum
 Et has impulit ardor osculari,
 Ipse ardentius æstuans furensque,
 Compressi has nimium atque vellicavi.

Hoc meum scelus impiumque factum est;
 Pro quo mille adeo subire pœnas,
 Pro quo mille velim subire cædes:
 Si tantum scelus impiumque factum,
 Ulla unquam queat expiare pœna,
 Ulla unquam queat expiare cædes.
 At ne hoc pro scelere impioque facto,
 Ne mi, irascere blanda Pancharilla,
 Ne mi irascere, cui superba forma
 Peccandi imposuit necessitatem.



BASIUM V.


*Præmonet Animum suum, ut cautè cum
 Pancharide agat.*

Quo mi sic Animus repente fugit?
 Fugit, quod reor, ad meam puellam,
 Ad illa aurea vincla convolavit.
 Ah! quo in exitium ruis miselle?
 Hi quos aureolos putas capillos,
 Quæ tibi aureolæ comæ videntur.

JOANNIS BONEFONII. 121

Non sunt aureolæ comæ aut capilli,
Sed sunt vincula, compedes, catenæ.
Sed sunt retia nexilesque casses,
Quibus si semel occupatus hæres,
Peribis, moneo, ah ! miser peribis,
Nec ad me poteris miser redire.

Usque ab unguiculis meam pererres
Totam denique Panchaïm retractes,
Illius licet ebrius lepore
Incubes oculis, labris, papillis,
Verum cautius invola capillis.
Nam prædicq̃ iterumque tertiumque
His si retibus occuperis unquam,
Peribis miser, ah ! miser peribis
Nec ad me poteris miser redire.



BASIUM VI.

AD MATTHIAM BRUERIIUM,
PROPRÆTOREM PARISIENSEM.

In amore jam incepto perseveraturum scribit,

Quid tu me indomitum, Brueri, compescere Amorē,
Ardoremque animi dissimulare jubes?
Hei mihi difficile est animum tractare furentem,
Difficile urentes oculuisse faces,

Ecquid ego intuear lentus formosa puellæ
Lumina, flammeolis irrequieta notis ?
Intuear niveo turgentes orbe papillas ,
Aureolasque comas , marmoreosque sinus :
Nec liceat libare sinus , teretesque papillas ,
Nec liceat cupido figere dente genas ?
Non oculis ausim , non oscula ferre capillis
Oscula vel regnis anteferenda mihi.
Ah ! pereat qui sic moderari pectoris æstus ;
Ah ! pereat qui sic lentus amare potest.
Excubet inde licet duræ custodia matris ,
Excubet inde viri suspiciosa fides.
Garriat hinc vulgus tacitoque immurmuret ore ,
Et toto fiam fabula nota foro.
Nec duras matrum excubias , vel torva mariti
Lumina , nec vulgi murmura vana moror.
Sint fora , templa , viæ , portus , populosa theatra ,
Et sint ardoris conscia rura mei.
Sic vixere patres , rexit quos aurea virgo ,
Et quos falciferi sceptrâ beata senis ,
Errabant mixti nudis per rura puellis ,
Et suus hærebat cuique perennis amans.
Longos alloquiis soliti producere soles ,
Mille et blanditiâs , mille ciere jocos ,
Gaudia ducebant nullo intercepta pavore ;
Gaudia quæ Cyprio tota liquore madent,
Dissimulent simulentq; alii , et pro tempore fingant ,

JOANNIS BONEFONII. 123

Hæc me libertas vitæque avita juvat.

Nam quid nos casto velum obtexamus Amori?

Pro Venus ! an scelus est numen amare tuum !

Nec Di ergo sceleris , sceleris nec Jupiter expers ,

Denique pars cæli crimine nulla vacat.

Quis Phœbi Chionem , quis Bacchi Gnosida nescit ?

Quis falsi raptus per freta longa bovis ?

Cui vel olorini non cognita furta Tonantis

Aut ducta Hercules mollia pensa manu ?

Vivamus , mea lux , Divûmque exempla sequamur :

Ire juvet quo nos æstus amoris agit.

Si scelus hæc , peccam Divis auctoribus ultro ,

Nec me pœniteat criminis esse reum.

XXXXXXXXXXXXXXXXXXXXXXXXXXXX

BASIUM VII.

Invitam osculabitur.

Amabo , mea lux , mei lepores ,

Meum melliculum , mei furores ,

Hos meique animi , meique cordis ,

Sine exosculer illites ocellos.

Sine exosculer aureos ex illos ,

Quos Apollinis aureisque Bacchi

Ausim crinibus anteferre crines.

Quid tu ingrata nimis , nimisque dura ,

Id tu præmioli tuo poëta,
Id solatioli negas amanti?
An mihi delicias facis jocosa?
Quodque plus cupis, hoc negas roganti.
Invita, ut videre mihi dedisse?
Invitam licet ergo teprehendam,
Et collo injiciam manus, et ora
Conseram oribus, et labella labris;
Et neges licet usque pernegesque,
Lucterisque mihi, et mihi minueris,
Usque ad basia mille basiabo,
Tum me morsibus hinc et inde figas,
Et os unguibus hinc et inde vellas,
Nec morsus metuum unguiumve sulcos,
Quin quanto altius unguibus notaris,
Quanto fixeris acriore morsu;
Tanto basia pressiora figam,
Tanto et ipse premam arctiore nexu.
O! mellitula prælia, o! suaves
Dentium mihi morsicationes,
Vis o! Panchari me beare! Semper
Mihi basia pernega roganti,
Semper ut rapiam fruarque rapta.





BASIUM VIII.

Amicæ salutem precatur.

Salve melque meum atque amaritudo,
Otiumque meum, negotiumque,
Meus Phosphorus Hesperusque salve:
Salve luxque mea et meæ tenebræ,
Salve errorque meus meusque portus.
Salve spesque mea et mei pavores.
Salve nilque meum, meumque totum;
Sed quid pluribus? O! ter ampliusque,
Tota Pancharis Acharisque salve.



BASIUM IX.

Vult ut Domina assidue ipsum exosculetur.

Da mi ocellule, da tenelle mi flos,
Da columba mea atque turturilla,
Tot incendia cordis æstuantis,
Compescam tepido imbre basiorum:
Da rore humiduli tui labelli,
Rigem pectoris igneum furorem.

O ! heu quid volui ? Heu puella parce ,
 Et hæc flammea submove labella ,
 Queis auges animæ furentis æstus ,
 Et torres magis , et magis peruris ,
 Ut plane misero nihil supersit
 Quam mox in tenues eam favillas.

Ah ! quid flammea submoves labella ?
 Osque ab ore meo repente vellis ?
 Profer flammea , profer hæc labella ,
 Et torre assiduo igne basiorum
 Istis me juvat ignibus perire ,
 Oethæo veluti rogo probatus
 Hinc cælum novus Hercules revisam.



BASIUM X.

*Miratur suavitatem et amaritudinem
 Pancharillæ.*

Cum sis mellea tota , tota suavis ,
 Ut mellita magis nec ipsa mella ,
 Nec sic suavior ipsa suavitudo :
 Qui tot spicula delibuta felle
 Evibras oculis , tuisque labris
 Tantam amaritiem mihi propinas ?
 Rursus tu quoque Pancharilla , tota .

JOANNIS BONEFONII, 127

Cum sis fellea, sis amara tota,
Magne ut fellea sint nec ipsa fella;
Non amarior ipsa amaritudo:
Quam tam dulcia mella basiorum
Tam dulcem ambrosiam mihi labella
Propinant tua? quam tuis ocellis
In me spicula tam benigna vibras?
An vis ista tui est, Puella, ocelli?
An vis ista tui est, Puella, labri?
Ut me felle beent suaviore,
Ut me melle necent amariore
O! amarities nimis suavis!
O! amara nimis suavitus!



BASIUM XI.

*Exoptat se Florem illum esse, quod uteretur
Amica.*

Ergo floscule, tu mea Puella
Hoc florente sine unquam conquiesces?
Ergo tu Domina mea papillis
Beatus nimis insidias usque?
O! si, floscule, mi tua dicasset
Ista sorte frui, et mea puelle
Incubare sinu, atque desiderare

Hos inter globulos papillarum
 Non sic lentus intersque conquiescam,
 Non sic insideam otiosus usque
 Sed toto spatio inquietus errem
 Et feram simul, feramque collo
 Mille basia, mille et huic et illi
 Impingam globulo osculationes.

Nec mihi satis hæc putes futura
 Namque et discere curiosus optem
 Quid discriminis inter hunc et illum
 Et quantus tumor huius illiusque
 Quantum albedine præstet hic vel ille
 Quantum duritie hic vel ille vincat
 Sinisterne globus, globusne dexter
 Figura placeat rotundiore
 An dexter globus, an globus sinister
 Papilla rubeat rubentiore
 Explorem quoque quo beata ducat
 Illa semita quæ globos gemellos
 Sic discriminat, et subesse clamat
 Mellitum magis elegansque quiddam
 Indagem quoque quicquid est latens
 Et labar tacitus ferarique sensim
 Usque Cypridis ad beata regna.

At mi Pancharidis mea papillæ
 Nec summo licet ore suaviari
 Nec levi licet attingere palma,

JOANNIS BONEFONII. 129

O ! sortem nimis asperam atque iniquam.

Tantillum illa negat mihi petenti

Tantillum illa negat mihi scienti

Quæ tantum huic tribuit nec id petenti

Quæ tantum huic tribuit nec id scienti.



BASIUM XII.

*Beatum se prædicat , si Domina sua illius
memor sit.*

I cor ocyus ad meam puellam ,

Dic ut me coquit ardor insuetus :

Dic ut mille premunt amaritates :

Dic ut imbre mihi perenniore ,

Madent lumina : Dic ut ipse vitam ,

Hic traho anxius inquiresque curis.

Sed inter tamen has amaritates ,

Has inter lacrymas et inter ignes ,

Si tantum meminit puella nostri ,

Dic me vivere vel nimis beatum.





BASIIUM XIII.

*Παραβολὴν instituit inter Cometam
& Pancharidem.*

Qualiter exoricens ferali crine Cometes,
In sese populorum acies convertit et ora
Undique, et insolito perculsas lumine mentes
Territat : horrescunt diræ formidine cladis,
Mortales, certique pavent incendia belli:

Sic se ubi Pancharidis puro jubar ore coruscans,
Exerit, et cœli major micat ignibus ignis:
Hærent obtutu populorum lumina, et alto
Corda pavent suspensa metu; bellique necisque,
Flammarumq; animis trepidantibus incubat horror.





BASIU M XIV.

Spernit Dominam propter fastum animi.

Sic me Neëra contumacior spernis ?
 Sic despicias et fero fugis corde ?
 Fugis superba , et vota supplicis rides ?
 Rîbebo et ipse tete , et in vicem durus ,
 Te despiciabor , perfida , et tuos fastus ,
 Fastu retundam : Jamque tu mihi longum
 Vale Neëra indigna cantibus nostris ,
 Indigna Musis. Marsias tibi semper ,
 Tuos habeto , teque Marsiæ semper ;
 Geas inficeta , plena rugis , insulsa ,
 Aversa Musis. Rursus o ! mihi rursus ,
 Vale Neëra dedecus puellarum ,
 Urbisque probum. Nam quid ipsa me spernis ,
 Quid despicias , quem Turilla formosa ,
 Turilla blanda , flos Turilla Nympharum ,
 Complexa sponte vindicatque jamdudum ,
 Sibique poscit : quæque jam meo cantu
 Superba tollit arduum caput cœlo :
 Et se Corynnis seque Lesbii confert.

At tu Neëra quam tuam vicem quondam
 Tacita dolebis , et tuum argues fastum ?
 Quam me requires et vocabis incassum ?



BASIUM XV.

Conqueritur fugam Pancharidis:

Quo sic Diva fugis ? quid sic deserta pererras
 Avia, nec nostri, nec memor ipsa tui ?
 Non metuis Fauni ne dum incomitara vagaris,
 Injiciant rapidas in tua colla manus ?
 Hos tu, diva, tuis longe complexibus arce,
 Nec patere ingenuis oscula ferre genis.
 Nec vero sic te oblitam nostrique tuique,
 Crediderim, licet est suspiciosus amor.
 Ut quibus effertos artus depasta senecta est,
 Queis vires penitus diriguere gelus
 Et denso vestita quibus præcordia villo;
 Et suffusa genis hispida barba riger:
 Anteferas, mea vita, mihi, cui corpore sanguis
 Integer, & pingit prima juvenia genas.
 Quanquam adversa mihi et nimium contraria votis,
 Non adeo adversam te tamen esse putem.
 At vos vel manibus Fauni violare puellam
 Parcite, delicias nec temerata meas.
 Furtiva nec falce meas invadite messes,
 Totus ut hujus ego, tota puella mea est.
 Sed quid te deserta juvat per lustra vagari

Totne

JOANNIS BONEFONII. 133

Tot ne per anfractus me mea vita fugis ?
I, fuge per nemora et saltus, per inhospita tesqua :
Per nemora et saltus, per quoque tesqua sequar.
Invia nulla mihi fuerit via, sive natatu
Plumina, seu cursu vis superare juga,
Nec me vel densus lapidosæ grandinis imber
Arceat, aut rapidi vis furiosa Noti.
Nec me flagranti revocarit Syrius astro,
Nec nivis æternæ terra adoptata gelu.
Nil me terruerit, quin quod Natura pavorque
Ingenitus refugit, sponte capesset Amor.
Fallor ego ? haud nostros sic aversaris amores.
At tentare lubet quam mihi certa fides.
Non igitur pulsata mihi tot planctibus astra,
Non mihi tot sylvis carmina dicta tuis :
Tot suscepta mihi discrimina cæca viarum,
Tot superati æstus, tot superatæ hiemes :
Tot mihi decursæ per opaca silentia noctes,
In te sunt animi pignora certa mei ?
His licuit tentasse satis. Jam parce labori
Ingrato, ingrati, lux mea, parce fugæ
Sed fugit ah ! ventisque preces ludibria mandat,
O ! nimium sortis aspera fata meæ.
Sic ego sum duræ natus servire puellæ ?
Sic erit immitis semper ut angat amor ?



BASIU M XVI.

*Exaggerat felicitatem & infelicitatem in
osculando.*

Donec pressius incubo labellis
Et diduco avidus tuæ, Puella,
Flosculos animæ suaveolentes,
Unus tum videor mihi Deorum
Seu quid altius est beatiusve.

Mox ut te eripis, ecce ego repente
Unus qui superum mihi videbar,
Seu quid altius est beatiusve,
Orci mi videor relatus umbris,
Seu quid inferiusve tristiusve.



BASIU M XVII.

Expetit modum in osculando,

Tunè Pancharidis mee labellis
Infelix animæ ausus incubare?
Ausus sugere mella basiorum?
Ausus nectare delicatiore
Tete proluere: heu miselle parce:
Nam dum sugere mella, dumque nectar

Credis ebibere, ebibis venena,
 Et incendia fugis et furores.
 Non sentis etenim ut tuos per artus
 Erret flamma furens, latensque virus
 Serpat in jecur intimasque venas:
 Dum tu incautior hinc et inde fugis;
 Et hauris Domine meæ labella,
 Maligna ah! Domine nimis labella,
 Quæ me tam miseris modis habetis,
 Ne sævite adeo labella bella.
 Sæviistis satis atque torruistis,
 Nunc restinguite flammeos calores;
 Nunc disperdite fluctuans venenum;
 Paulum basia vestra temperate.
 Volo basia, non venena et ignes.



BASTUM XVIII.

*Execratur Pancharidis pulchritudinem, quæ
 captus erat.*

Salvete aureolæ meæ puellæ
 Crines aureolique crispulique.
 Salvete et mihi vos puellæ ocellis;
 Ocelli improbuli protervulique,
 Salvete et veneris pares papillis
 Papillæ teretesque turgidæque,

Salvere æmula purpuræ labella,

Tota denique Pancharilla salve.

Quin vos aureoli perite crines,

Et vos improbuli perite ocelli,

Vos et turgidulæ perite mammæ,

Perite æmula purpuræ labella,

Tota denique tota tu perito

Qua visa perii repente totus.



BASIUM XIX.

Dicit lachrymas Pancharillæ non esse lachrymas, sed flammæ et incendia amoris.

At mi dicite lacrymæ tenellæ,

Vos quæ candidulæ meæ puellæ,

Os argenteolo rigatis imbre,

Qui fas nascier hîc puellæ ocellis,

Qui toti igneoli undequaque spargunt,

Tot incendia missilesque flammæ?

Verum fallor ego, et tuæ Puella

Quæ mihi lacrymæ et putantur imbræ,

Non sunt hæ lacrymæ aut aquosus imber,

Sunt incendia flammæque guttæ

Quæ me sic adeo inime perurunt,

Consumpta ut rapidi caloris æstu,

Jam mi pectora tota colliguescant,

JOANNIS BONEFONII. 137

Quid jam non igitur miselli amantes
Sperent aut metuant quibus creare,
Undam flamma potest et unda flammam.



B A S I U M X X.

*Scribit se nunquam posthac aditurum
Pancharillam.*

Quid o ! Cupidinis duces,
Ocelluli lascivuli,
Me prodidistis inæcium,
Ausu tueri fixius
Vultus puellæ lubricos?
Quorum nitore, ceu novi,
Perculsus ictu syderis,
Humi repente corruui.

Quid o ! pedes audaculi,
Me sic iistis perditum
Dum me vagantem sistitis
Ad illa divæ limina,
Ubi furore saucii,
Hanc penè vitam liquimus?

Quid o ! manus protèrvulæ
Sic irruistis in sinum
Et lacteas papillulas,
Ut hinc amoris diffluens

Serpensque sensim in intimos

Artus venenum cor mihi,

Pectusque totum absumeret?

At ipse vestram comprimam

Ferocientem insaniam,

Et turgidos licentia

Istos domabo spiritus.

Nam vos pedes audaculi

Premam deinceps compede;

Et vos manus protervulae

Arctabo duris vinculis;

Et vos ocelli fascia

Lascivientes obtegam,

Ut nec tueri ocelluli

Vultus puellae lubricos:

Nec involare vos manus

In lacteas papillulas:

Nec illa posthac vos pedes

Possitis unquam sistere

Ad Pancharillae limina.





BASIUM XXI.

Petit à Cupidine ut finem basiis imponat.

An non , sæve puer , satis superque est
Tot me pectore paturire flammæ ,
Tot ignes premere intimis medullis ,
Nî suspiria ventilentque flammæ
Accendantque animi æstuantis ignes ?

Jam suspiria , jam modum futuri
Tandem ponite : sat meos per artus
Furit flamma , furit malignus ignis.
At vos ô lacrymæ profusiores
Adeste , et miserum levate amantem :
Adeste atque animi æstuantis ignes
Contra immergite largiore rivo.
Heu ? qui me lacrymæ levare possint,
Quive extinguere tot caloris æstus ,
Quas incendia , quas mei voraces
Flammæ pectoris ebibere totas ?





BAS I U M XXII.

*Conqueritur cor suum a Pancharide esse furto
ablatum.*

Errabam in silvis, erranti retia mille
Mille puella plagas insidiosa parat.
Occupat incautum, corque in sua retia tandem
Trudit, et æterna compede dura premit.
Hei mihi! sic casses, sic vincula nectis amanti,
Hei mihi! sic misero cor violenta rapis?
Non queror esse tuū: sed erā quod sponte daturus,
Cor mihi te furto surripuisse queror.





BASIU M XXIII.

*Quæritur de Pancharide , quod illa sit sævior
maligniorque tonitru et fulmine.*

Veni ad Panchariden meridiatum ,
Cum mox insolito fragore cælum
Concussum tonat , igniumque lato
Trisulcis jaculis coruscat æther.
Illa fœmineo pavore languens
Ruit protinus in sinus amantis :
Et serva miseram , inquit illa , serva.

Ego sollicitam et nimis paventem
Sustentans gremio , quid o ! puella ,
Quid me poscis opem , jubesque te te
Ut servem , nimium meticulosa ,
Quæ sic fulgura vana pertimescis ,
Tonitrusque paves , inane murmur ?
Quin mème miserum , puella , serva
In quem letiferis tuis ocellis
Multo fulgura tu maligniora ,
Multo fulmina sæviora vibras.





BASIUM XXIV.

*Comparisonem facit inter semetipsum, &
Rosam rubentem et pallentem.*

En flores tibi mitto discolores,
Pallentemque rosam et rosam rubentem;
Illam cum aspicias, miselli amanda
Putas pallidulos videre vultus.
Cum tueberis hanc rubore tinctam,
Putes igne rubens cor intueri.



BASIUM XXV.

*Vult ut Pancharis eodem oculo pereat, quo
ille periit.*

Amabo, hunc mihi commodos ocellum,
Hunc tuum improbulum, puella, ocellum
Qui tot tela vibrat, vibratque flammæ.
Quid acturus eo, Puella, queris?
Ut hinc tela petam, petamque flammæ,
Quibus quot perii misellus olim,
Tot et tu pereas, misella, telis,
Tot et tu pereas, misellæ, flammis.

JOANNIS BONEFONII. 143



BASIUM XXVI.

AD D. FRANCISCUM MYRONEM,
SENATOREM PARISIENSEM.

Qualem velít Amicam.

Sit in deliciis puella, Myro,
Quæ claris radiat superba gemmis;
Quæ monilibus atque margaritis
Tota conspicua, atque onusta tota est.
Sit in deliciis amoribusque,
Quæ creta sibi, quæque purpurisso
Et beneficiis colorat ora.

Placet, Myro, mihi puella simplex,
Cui nativa genas rubedo pingit,
Nativusque pudor. Placet puella
Ore virgineo et decente cultu,
Artis nescia, negligensque fuci.
Placet denique quæ nihil monilis,
Nil gemmæ indiga, nilque margaritæ,
Pollet ipsa satis suapte forma.





BASIUM XXVII.

AD EUNDEM.

Conqueritur perfidiam et inconstantiam Pancharidis , et subjungit se illam tamen amaturum , quamvis alii viro , militi putà , nupserit.

Aspice quàm dubia , Myro , me verset arena,

Aspice quos ludos ludere suerit Amor.

Illà suis quæ plus oculis me nuper amabat ,

Alterius nunc est facta puella viri.

Ah ! genus instabile et malefidum femina nomen ,

Quam sibi constantem non videt una dies !

Hæc erat illa fides , qua tu jurare solebas

Te propriamque mihi perpetuamque fore ?

Sed non fallacis querimur perjuria linguæ :

Non querimur læsos sæpius ore Deos.

Quæ sit facta Diis , sit Dīs injuria curæ ,

Quos video ultores post caput esse tuum.

Te queror indigni te militis esse maritam :

Te queror ingenuam barbara vincla pati.

Ah ! mihi tu poteras victrix præfigere leges :

Jura mihi poteras imperiosa dare.

Nec leges mihi turpe tuas , et jura subire :

JOANNIS BONEFONII. 145.

Parere imperiis nec mihi turpe tuis.
Rusticus est nimium, verique ignarus amoris,
Quem pulchræ dominæ jussa subire pudet.
Nunc te etiam, licet ipsa aliò traduxeris ignes,
Et licet odisti, semper amabo tamen.
Nunc etiam legesque tuas, tua jussa capessam:
Nunc etiam nutus imperiumque sequar.
Tu si forte mihi priscum impertire favorem,
Si miserum rursus, perfida, amare negas;
Finxeris at certe, certè simularis amare:
Sat mihi fictus eris, sat simulatus amor.



BASIUM XXVIII.

*Execratur Musas, utpote Pancharidis amores
non augentes.*

Ite, quando nihil juvare amantem,
Quando conciliare nec potestis
Adversam nimium mihi puellam:
Ite in exitium malasque flammæ,
Musæ perniciës meæ juventæ.

Nam quid illa meo superba cantu
Famam in postera seclâ prorogabit,
Quæ meas toties preces
Sprevit aspera contumaxque flecti?

Quin vos quin potius subire flammæ,
 Quin vos quin potius valete in ignes
 Camœnæ mihi non bene auspicatæ.
 Verum pignus ego meique amoris,
 Et meæ fidei obsides camœnas
 Scelestus jubeam valere in ignes?
 Ego nomina clara Pancharillæ,
 Quibus vel Venus invidere possit,
 Diris devoveam ustulanda flammis?
 Quin vos vivite clara Pancharillæ
 Meæ nomina, vivite o ! Camœnæ,
 Nec incendia nec timeate flammæ.
 Unum me satis æstuarè flammis:
 Unum sic satis ignibus perire.



BASIUM XXIX.

*Comparat malum suum Venereum cum malo
 Promethei, Tityi, Sisyphi, &c.*

Nec cœlum assiduo madescit imbre,
 Nec mare assiduis tumet procellis:
 At mihi assiduo imbre lacrymarum
 Ora tota madent, mibique pectus
 Curarum assiduis tumet procellis.
 Non terras petit usque et usque fulmen.

JOANNIS BONEFONII. 147

At me fulminibus nocentiora
 Usque tela petunt , et usque flammæ.
 Non semper miserum vorat Prometheus ,
 Nec semper Tityum malignus ales :
 At malignior usque mihi Cupido ,
 Et fibras vorat , et vorat medullas.
 Non Ixiona Sisyphumve pondus
 Urget perpetuum : At mihi perenne
 Pondus incubat : at me et usque et usque
 Dolorum rapit orbis inquietus ,
 O ! me ter miserum , o ! nimis sinistro
 Natum sidere , Diisque inauspicaris !



BASIUM XXX.

*Conqueritur se justam moriendi causam non
 habere.*

Non ego, Diva, queror blandæ modulamine vocis,
 Quod me excantaria surpuerisque mihi.
 Non ego, Diva, queror , dulci quod nectare tincta
 E labris animam mihi tua labra trahunt.
 Non quod mihi peto furata es lumine pectus.
 Ast unum infelix hoc ego , Diva , queror :
 Dum sic occumbo , tam dulci occumbere leto ,
 Ut lesi non sit justa querela mei.



BASIMUM XXXI.

*Petit Basium a Pancharide, et optat ut inter
basiandum expiret.*

Panchari, virgineos inter flos unice flores,
Panchari, pars animæ dimidiata meæ:
Cujus labra rosas spirant, violasque capilli,
Spirant cinnameum candida colla nemus.
Da mihi da pressim luctantibus humida linguis
Basia per longas continuata moras.
Qualia dat casto turtur sociata marito,
Qualia amatori blanda columba suo.
Nec numera ut cupido numerabat Lesbia vati;
Illa dare ex animo, non numerare juvet.
At tu dum cupido miscebis basia amanti,
Junge oculos oculis, et labra junge labris.
Nec penitus clausa ore tene, nec aperta licenter,
Ut nec clausa juvant, sic neque hiulca decet.
Sit satis ad pulsum linguis fecisse duabus,
Innocuoque brevem dente dedisse viam.
Occurrat veniens venienti lingula linguæ,
Alteraque alterius mobilis ore natet.
Ne tota committe tamen mihi prælia linguæ:
At summa tantum cuspide bella gere.
Dumque

JOANNIS BONEFONII. 149

Dumque tuam exsugam, tu nostram exsuge vicissim.

Dum te dente petam, me quoque dente pete.
Sint voces querulæ, sint blæsula verba loquentium:

Nec desint tremulo murmura blanda sono.

Postremò in nostris animam depone labellis:

Hic morere, aut certe finge petulca mori.
Sic est, et cupidum tandem exorata beasti.

Estque anima in labris nostra relicta suis.
Omnibus e membris illuc stimulata cucurrit,
Tanquam perpetuas hic habitura moras.

Sic eat et redeat toties, erretque labellis;

Dum se animæ penitus misceat illa tuæ.
Nec tu animam ex anima possis divellere nostra,
Ut noster nunquam dissolvetur amor.





BASIU M XXXII.

*Rogat Venerem, ut si forte in praelia Basiorum
expiret, animæ illius hæres esse non
dedignetur.*

Cum certamina mox futura verso,
Tot mentem illecebras meam titillant,
Sola ut ebria cogitatione
Jam tum deficiat. Quid ergo sospes
Hæc certamina perferam cruenta:
Quem certaminis ipsa vel futuri
Cogitatio vulnerare possit?
O! Venus bona, quæ bonos amantes
Una numine prospero tueris,
Hoc si me miserum impotentiore
Contingit cadere, immorique bello,
Accipe hanc animam, et beatoris
Duc in florida me vireta Cypri.





PERVIGILIUM

VENERIS.

O nox suavicula ! o bonæ tenebræ !
Tenebræ mihi luce clariores ,
Quæ meam Venèrem et Suavitatem ,
Cor vitamque meam mihi attulistis.
Nunc te possideo , alma Pancharilla ,
Turturilla mea , et Columbulilla !
Nunc blandæ Veneri licet litare :
Longæ præmia nunc moræ referre ,
Amplexuque mihi frui cupito.
Ferox , improba , dura , quid moraris
Sic me languidulum ? quid illa linguae
Mella sugere , quid suavis auram
Oris colligere , et tenaciora
Vetas conserere invicem labella ?
Quod voto tacito unicè requiris ,
Cur id , dura , mihi negas roganti ?
At prior cupias licet , pudica .
Et frontis tetricæ cupis videri :
Spernens (credere si licebit unquam)
Molles nequitias libidinesque.

At te per faculas tuas micantes,
Et hæc æmula pupuræ labella
Oro , perque genas , et hunc capillum,
Qui formosa vagus flagellat ora ,
Oro perque sinus , et has papillas
Primulùm tibi jam sororiantes ,
Has gemmas geminas pari decore
Surgentes , geminīs pares pyropis ,
Ne Cupidine jamdiu æstuantem
Eneca. Ah ! perii miser. quid ? Imo
Jamdudum perii , nisi benigna
Faves ocius , ocinsque cordis
Tot incendia , Pancharilla , sedas.
Me Venus bona : , me Cupido serva !
Mi mens insolitum furit furorem ,
Neque hunc ferre potest furoris æstum.
Hæc suspiria et has preces trahebam
Imo a pectore , jam neci propinquus ,
Quum victæ subito ira detumescit ;
Et mox virgineo pudore leves
Interfusa genas , et ora casto
Spargens molliter imbre lacrymarum ,
Tota , inquit , tua Pancharilla : tota est
Mutuo tibi mancipata nexu.
Cum dicto simul osculum propinat ,
Ultro se admovet , et prudenter audax ,
Sese in brachia nexuosa dedit.

JOANNIS BONEFONII. 153

Ego compositam aureo cubili
Totum verto in eam furoris ignem :
Quæ mi incendia tanta suscitavit.
Toto corpore pronus in suaves
Amplexus ruo, cruribusque crura ;
Pes pedi, femori femur recumbit :
Hærent oribus ora, labra labris,
Firmo pectora glutino coherent.
Jamque Cypridis aurea vireta,
Jam Cupidinis hortulos pererro,
Vere perpetuo hortulos virentes ;
Hinc rosas teneras legens, et inde
Narcissum, violas, amaracumque,
Mellitis nimis atque delicatis
Usque ad invidiam osculis fruiscor.
Stricto corpora colligata nexu
Confundunt animas : duellum utrinque
Commiscent tremulæ per ora linguae.

O! quot lectulus et lucernaper nox
Molles delicias utrinque vidit!
Dum strictim appliciti arctiore vinclo
Hæremus calidi, Venusque venis
Diffusa interioribus, repente
Artus languidulos liquore rorat,
Alternantibus osculis, utrinque
Occursantibus hinc et inde linguis;
Conniventibus hinc et inde ocellis.

Tum dico : Superi tenete cœlum ,
Vestram numina possidete sortem ,
Dum te teneam , alma Pancharilla ,
Dum te possideam , nec ipse cœlum ,
Nec vestram Superi inuidebo sortem .
Et nunc roscida labra suaviari ,
Et nunc mollibus immori lacertis ,
Nunc patrantibus innatare ocellis ,
Nunc et brachia tortili capillo
Impedire juvat , modo osculari
Anhelas tremulo sinu papillas ,
Papillis Veneris pares papillas ,
Altrices animæ meæ papillas .
Nunc saltu volucris insilire collo ,
Nunc candente genas notare dente ,
Nunc errare manu licentior
Illa per femora , illa per polita ,
Illa marmoreo superba luxu ,
Quibus janitor excubat Cupido ,
Et sacram Veneris tætur arcem .
Mille ludimus oculis protervi ,
Ut colludere tarturique turtur ,
Columbæque suæ solet columbus :
Certatimque damus notas amoris ,
Certatimque damus notas furoris ,
Et transfudimus ore semihaleo
Errantes animas et hinc et inde .

JOANNIS BONEFONII. 135

Hæc nos prælia militamus inter
Sudores varios anhelitusque,
Dum fessa Venere artubusque tritis;
Et jam deficientibus medullis,
Et jam deficientè corde anhelò,
Cogor languidos inire somnos:
Mox et succiduum recondo collum
In meæ tenero sinu Puellæ.
Illa, interposita minus vel hora;
Pungit sæpicule, atque dormientis
Aurem vellicat, et subinde tractat,
Et me verberat osculis subinde,
Et parcente petit labella morsu.
Tum me blanda iterum vocans ad arma
Sic, ignave, jaces sopore victus,
Sic cessas ? ait. Hic repente lento
Sopore excutior, juvatque gnavum
Ad Cupidinis arma prosilire,
Juvat cominus, eminus ferire,
Et cæsim juvat, et ferire punctim.
Jamque vulnere dulce sævienti
Hostis transadigo intimas medullas.
Reddit multiplices vices uterque,
Et subsultibus hinc et inde crebris
Spissat officium : novas uterque
Serit delicias, serit lepores,
Uterque improbulo jocos, uterque

Fingit blanditias proterviores,
Facit nequitias salaciores,
Omnes Cypridis induit figuras,
Donec corpora miscuo furore
In unum coëunt amica corpus.

Millies mihi milliesque salve
Nox felicibus invidenda Divis,
Quâ nec Juno mihi beatiorem,
Nec possit Venus ipsa polliceri.
Salvete o ! mihi candidæ tenebræ,
Tot inter Veneres, salaciasque,
Et tot blanditias faventiasque,
Et tot illecebras lubentiasque,
Et suspiria, murmura, et susurros,
Et convitia mutuosque quæstus,
Lusus, oscula, tinnulos cachinnos,
Rixas, prælia, morsicationes,
Iras, vulnera, lingulationes,
Vitas atque neces reciprocantes,
Et tot nequitias mihi peractæ.

FINIS.

Em





